







ԱՍՏԱՆԱԿԱԿԻՑ ՄԱՏԵՆԱՇԱՐ ՅԻԻ 50  
ԻՄՍՆՈՒԱԾ 1909 ի Գ ԿԱՂԻՆԱԿ Ս. ԲԻՐԱՏ Է

ԳԱՂՏՆԻ ՈՍՏԻԿԱՆ ՎԻՊԷՆԻ  
ՅԻՇԱՏԱԿՆԵՐԸ

Կ. Ս. Ս

# ՄԻՐՈՅ ԶՈՂԵՐ

ՅՈՒԶՈՒՄՆԱԼԻՑ ԵՒ ԱՐԿԱԾԱԼԻՑ

Վ Է Պ



Հրատարակիչ՝ ԿԱՂԻՆԱԿ Ս. ԲԻՐԱՏ

1925

Կ. ՊՈԼԻՍ

II  
7826

84

Յ Ա Ռ Ա Ջ Ա Բ Ա Ն

ՏՊԱԴՐՈՒԹԻՒՆ Ե. ԱՍՏՏՈՒՐԵԱՆ ՈՐԴԻՔ

1848 Մարտի առջի օրերուն Բարիզի շքնուեցաւ դատ մը, որ մեր մէջէն իշեր կը յիշեն, հակառակ անոր ա՛յնքան աամաթիք և արտակարգ ըլլալուն. առամ որմէ աւելի հետաքրքրաշարժ և ծայրայեղօրէն յուզիչ ուրիշ դատ կարելի չէր զած գտնել Դատական Տարեգրութեանց էջ:

Մենք այդ տուամը պիտի պատմենք իր շրջոր մանրամասնութիւններով, ժամանակուան թերթերէն քաղելով, մեր յիշատակները քրքրելով և ձեռք ձգուած կարգ մասնաւոր վաւերաթուղթերու հետեւե-

ԱՅ



11-7826ահ

Ա.

1847 Հոկտեմբեր 20ին, առտուան ժամը 7ին, Մար- սիլիայի և Բարիզի միջև այդ ատենները բանող հան- րային կառք մը, Նոթթր-Տամ-տէ-Վիքթուար փողոցին Փոխադրութեանց Հաստատութեան բակը հանեց երկու վայելուչ և ուշագրաւ կիներ: Երկուքն ալ դեռատի և աչքառու կերպով գեղեցիկ էին: Իրենց քալուածքին և դէմքին վրայ հով մը կար ու առաջին ակնարկով իսկ կը մատնէր թէ օտար ծնունդ մը ունէին անոնք: Անոնցմէ մէկը մանաւանդ այլանշակ հակադրութիւնն էրով լեցուն տրպար մըն էր. հրեշտակային անկող- թեամբ փայլուն ճակատ մը, խոշոր կապոյտ անուշ աչքեր, բայց մտեղ շրթունքներ՝ ուր կիրքը ինքզինքը կը մատնէր. հաստ թարթիչներ ունէր որոնք գրեթէ իրարու կը դպչէին և որոնք անյաղթելի կորով մը ի վեր կը հանէին. թեթեւակի թուխցած գոյն մը, երի- տասարդական կարմիրներով և սեւ առատ մազերով, որոնք կը շրջապատէին ճուածեւ դէմք մը, որուն, Բերուճիայի կոյսերը պիտի նախանձէին: Յայտնի է թէ, հիւսիւօային Իտալիոյ տաք արեւը անցած էր այդ գլխուն վրայէն և ճառագայթած էր դէմքին ու հոգիին վրայ: Ճիւղիա, իրաւ ալ, ձենովացի էր իր ընկերուհիին պէս. ուր գեղանի թուխ մըն էր. պերճ հասակով և ամբաստանող ձեւերով:

Այդ կիները, զանազան փոքր ծրարներէ զատ, սեւ կերտին ունէին նաեւ նարնջենիի դեռ կտնանչ այն ճիւղերէն, որոնք իբր հազուադէպ բան կը բերուի հարաւային երկիրներէն, և արմաւենիի ճիւղ մը, որոնք Հւոմի մէջ, կարգ մը արարողութեանց ատեն կը գոր- ծածուին:

Երկու իտալուհիները միեւնոյն ատեն Բարիզցիներ ալ էին, կամ աւելի ճիշդը օտար չէին Բարիզի սովորութեանց: Փոխադրութեան Ընկերութեան հաստատութեան բակը մանաւանդ իրենց շատ ընտանի էր: Այն կինը զոր ձուլիա անուանեցինք նախ վարանեցաւ կառքէն իջնելու: կարծես կը սպասէր բարեկամի մը թեւին: Յետոյ վաղեց դէպ ի սրահը, ուր այդ ատենները օտարականները կը սպասէին ճամբորդներու գալուստի: Հաւանաբար իր փնտռած մարդը չգտաւ. որովհետեւ սրահին շուրջը արագ ակնարկէ մը ետք, վաղեց մօտակայ փողոցին մէջ, բայց հոն ալ պարապը ելաւ քննութիւնը, և ձիւլիա յուսաբեկ և սրտնեղ միացաւ իր ճամբու ընկերուհիին, որ կաթն քոյրը և միեւնոյն ատեն հետեւորդ կինն էր իրեն:

— Հոն չէ: Ի՞նչպէս կ'ըլլայ սա, գոչեց ձիւլիա, միւսին մօտենալով:

— Համբերէ, կուգայ հիմակ:

— Հահրերէ', համբերէ'. . . Երբ երկու ամբսէ ի վեր զայն չեմ տեսած. երբ հարիւր անգամէ աւելի գրկած ըլլալու էի արդէն. . . :

— Ի՞նչպէս, ամէնքի՞ն առջեւ:

— Ինչո՞ւ չէ, ամուսինս չէ՞ միթէ. . .

— Բայց, կառքի մը ձայն կ'առնեմ, անտարակոյս ա՛ն է:

Ձիւլիա շնորհալի թափով մը բակ մտնող կառքին առջեւ նետուեցաւ, բայց ամիջապէս դարձաւ.

— Ձէ, յարեց սրտնեղութեամբ, շատ տղեղ պարոն մըն է ան, անմուսինս չէ:

— Վստա՛հ ես որ նամակդ առած է, հարցուց Մարիէթթա.

— Ի՞նչպէս առած չըլլար. ես ինքս Մարսիլիոյ մէջ նամակատուն տարի մեր մեկնելէն երկու օր առաջ, և թղթատարը շա՛տ կանուխ կը հասնի մեր կառքէն:

— Այն ատեն վիտալ չէ արթնցած քունէն. իր վերջին նամակներէն մէկուն մէջ չէ՞ր ըսեր թէ ստիպուած էր ճամբել իր ծառան և միսմինակ կ'ապրէր:

— Անտարակոյս, բայց կրնա՞ս հաւատալ որ կրնայ քնանալ երբ ինծի կը սպասէ. . . Ձե՛ս գիտեր թէ որքան կը սիրէ ինծի, աւելցուց անուշ ժպիտով մը որ բացը ձգեց հիանալի ատամնաշար մը:

Այս բոլոր խօսքերը ելած էին արագ, փութկոտ, կէսը իտալերէն կէսը ֆրանսերէն, որովհետեւ ձիւլիա իր հարաւի եռանդոտութեան մէջ, քմահաճոյքին համաձայն այս երկու լեզուներէն մէկէն կ'առնէր այն բառը զոր միւսէն աւելի արագ չէր հասցնէր իրեն:

Փոխադրութեան Պաշտօնատունին մէկ պաշտօնեան զանոնք ընդմիջեց. պայուսակնին պիտի քննէր, քանի մը վայրկեանի գործ էր. յետոյ երկու կիները իրարու նայեցան:

— Հիմայ ի՞նչ պիտի ընենք, ըսաւ ձիւլիա:

— Կառք մը կը նստինք ու ամուսինիդ տունը կ'երթանք.

— Հապա եթէ ճամբան բոլոր. . .

— Ձայն կը տեսնենք, կամ հոս իրեն պիտի ըսեն թէ տուն գացած էինք. անիկա կուգայ մնայ կը միանայ:

— Երթանք, ըսաւ ձիւլիա Փոխադրութեան Հաստատութեան բակին մէջ վերջին ակնարկ մը նետելով:

Տղեղ պարոնը բերող կառքը մեկնելու վրայ էր. Մարիէթթա նշան բրաւ, և.

— Ինչ ունիս անոնց, որոնք խելով ձիւլիայի տունը մը արձակիցը:

— Ա՛յ ի, ինձի համար տօնի որ մը պիտի ըլլար անոր հետ միասին մտնել այդ տունը ուր այնքան երջանիկ եղայ կարգուելէս ի վեր:

— Բայց, սիրակա՛ն տիրուհիս, վայրկեանէ մը զայն պիտի գտնէք վերստին հո՛ն. . .

— Չեմ գիտեր... կը վախնամ...

— Ի՛նչ խեղճ, կը վախնաք որ հիւանդ է. երբէ՛ք, դեռ երկու օր առաջ, Լիօնի մէջ ստացած լուրերդ չե՞ս գիտեր:

— Ինչ որ ալ ըլլայ անհանդիստ եմ, կրկնեց ձիւլիւս. այս կառքը չի՛ քարեր, չպիտի հասնինք բնաւ. սա կառապանը ի՛նչ պէտք ունի Պուլվառին հետեւելու, Լա Բէ փողոցը երթալու համար. սա ճամբան շատ երկար է:

— Մեզի օտարականի շտեղ կը դնէ, պատասխանեց Մարիէթթա, և քօմբլիման մը ընել կը կարծէ, Բարիզը ցուցնելով իր ամենապերճ տեսարանին մէջ: Իրաւունք ունի, նայէ մէյ մը, Պուլվառները ես այսքան գեղեցիկ չէի տեսած. արեւէն շքեղացած են ու փայլուն. ինքք գինքնիս դեռ կրնանք Իտալիոյ մէջ կարծել:

Իրաւ ալ Բարիզ այդչ՛օրը կը վայելէր աշնանամուտին այն պայծառ օրերէն մին, որոնք ամրան տաքերէն ետք, դարնան եղանակին հմայքը կուտան:

Յանկարծ կառքը ձգեց պուլվառները. Լա Բէ փողոցը մտաւ և կեցաւ թիւ Յին առջեւ:

Ձիւլիայի առաջին շարժումն եղաւ միջնայարկի պատուհաններուն նայիլ:

— Բաց չեն տակաւին գոչեց. ծո՛յլը, կը քնանայ դեռ:

Եւ, առանց աւելի զբաղելու ընկերուհիովը, դայն ձգեց կառապանին հետ որ հաշիւը կարդադրէ, պայուսակները եւայն փոխադրէ, և ինք առաջ նետուեցաւ. դռնապանին առջեւէն անցաւ առանց խօսելու, յարկ մը ելաւ և դողդոջուն ձեռքով զանգակի մը թելը քաշեց:

— Քանի մը վայրկեան անցան. կոչը անպատասխանի մնաց:

Նորէն զարկաւ և ականչ դրաւ:

Ոչ մէկ աղմուկ կը լսուէր ներսէն.

— Աս ստանկ է, գիտէի արդէն, ըսաւ ինքնիրեն.

Ինչի դիմաւորելու գացած է:

Արագ վար իջաւ և դռնապանին հարցուց.

— Պարոնը դ՞ուրս ելաւ.

— Ա՛խ, տիկի՛նը. գոչեց դռնապանը, արդեօք լաւ ընորդութիւն մը ըրա՞ւ, տիկի՛նը:

— Այո՛, սքանչելի՛... Բայց ամուսինս.

— Ես պարոնը չտեսայ այս առտու.

— Դուրս ելած ատեն բան մը չըսա՞ւ:

— Բայց դուրս ելած ըլլալու չէ.

— Այն ատեն ինչո՞ւ չի բռնար դուռը:

— Տիկի՛նը պէտք եղածին պէս ուժով չի հնչեցուց.

Ի՞նչ կը փափաքի տիկի՛նը, կրնանք վեր ելլել.

— Այո, եկուր.

Ձիւլիւս դռնապանին հետ վեր ելաւ. բոլոր ու-

րովը հնչեցուց զանգակը. նոյն լուսթիւնը:

— Չարմանալի է այս, ըսաւ դռնապանը, պարոնը տիկի՛նին կը սպասէր սակայն...

— Ա՛խ, ուրեմն նամակս առա՛ծ էր.

— Երկու օրէ ի վեր.

— Ապահովաբար Փոխադրութեանց Հաստատու-

թեան մէջ է, ըսաւ Մարիէթթա. եթէ կ'ուզես հիմա

մտնել հոն.

— Հապա՛, հապա՛ յարեց ձիւլիւս.

կառք մը ե՛րանտներ. Մարիէթթա անոր մէջ նետուե-

ցաւ քիչքիչ արդուեցին.

արդեա՛ւ ձեռքերը եր, չէր ուզեր նստիլ դռնապա-

նի քով. Գոյնարին կը պարտէր փողոցը, աչքերովը

հարցաքննելով միշտ լուսայ պատուհանները: Նայելով

նայելով կարծեց նշմարել որ վարագոյրները իջած էին,

ամբողջ յարկարածին մէջ կատարեալ մութ ընելու

մտնով մը: Ամուսինը չէ՛ր արթնցած ուրեմն...



վրայ տեղեկութիւն հարցնելու համար: Շատ լաւ գիտէի  
թէ ներելի էր գործի վրայ ալ խօսիլ Օրբերայի պարահան-  
դէսին մէջ կամ դերասանուհիի մը զարդախուցին խորը.  
թէ, խելացի տղու մը համար դիւրին էր երկու գաւաթ  
չամբանիայի միջեւ սակարանական յանձնարարութիւն մը  
առնել. թէ, վերջապէս, յաճախորդը ձանձրացուցիչ մար-  
դոցմէ կը փախչի և կը մօտենայ անոնց՝ որոնք իր հա-  
ճոյքները կը բաժնեն, անոր ձգելով անուշ շահարաժիններ:

Մօրիս Վիտալ իր հարուստ յաճախորդներուն վստա-  
հութիւնը կը վայելէր. ինք սակարանի այն գործողնե-  
րէն էր՝ որոնց բնթացքը արտակարգ կ'երեւայ լուրջ մար-  
դոց և որոնց՝ գործի մէջ կատարելապէս օրինապահ կեանս-  
քէն դուրսի ապրելակերպը. իր մէջ տարօրինակութիւն  
մը ունի: Այսպէսով, ծանօթ և թաղմաթիւ բարեկամները  
շահած էր: Քանի մը անգամ առաջարկեցին իրեն սակա-  
րանի խորհուրդին անդամ ըլլալ, բայց միշտ մերժեց,  
ըսելով թէ դեռ իր երիտասարդութիւնն ու ազատու-  
թիւնը վայելել կ'ուզէր:

Այս սգաւորութիւնը սակայն՝ որուն այնքան կապուած  
կ'երեւար, յանկարծ խանդարուեցաւ:

Օր մը իմացուեցաւ թէ Մօրիս Վիտալ կարգուած էր  
ձեննովայի մէջ ձանչցած մէկ աղջկան հետ, 1846ին, եւ  
որովհետեւ զարմանալի բան մըն էր օտար երկրի մէջ իմ  
ամուսնանալը, այս առթիւ իրեն դիտողութիւն ընողնե-  
րուն կը դրուատէր ամուսնական երջանկութիւնը:

Վիտալ իր քանի մը մտերիմ բարեկամներուն ներ-  
կայացուց, ըսելով պարզապէս: «Ահաւասիկ... գայն կը  
պաշտեմ և ան գիտ կը սիրէ...»

Իրաւ ալ այդքան երջանիկ միութիւն մը շատ հազ-  
ւադէպ է: Մօրիս ձիւլիայի համար կը խենթենար և ան  
ալ կը սիրէր զայն այն խաղաղական ու մնութեամբ, որուն  
մասին մենք Բարիզի մէջ շատ քիչ գաղափար ունինք:

Քանի մը օր, Սակարանին մէջ խնդիր եղած էր այս  
ամուսնութիւնը, սէրը և Տիկ. Վիտալի հրաշափառ գե-  
ղեցկութիւնը: Բայց ետքը մոռցուեցաւ, միայն երբեմն  
Մօրիսի մէկ յաճախորդը, գործերէն ետքը կը հարցնէր:  
— Ինչպէս, մեղրալուսինը կը շարունակուի՞ դեռ:

Մօրիս կը պատասխանէր:

— Բարեկամս, աշխարհի ամենէն երջանիկ մարդն եմ:

Այս երջանկութիւնը տեւեց ամբողջ տարի մը, և  
դուցէ դեռ պիտի տեւէր, եթէ ձիւլիա ձեննովա չկան-  
չուէր, տեսնելու համար մայրը որ մահամերձ էր: Ձիւլիա  
մինակ մեկնեցաւ Մարիէթիայի հետ, սպասուհի մը,  
զրեթէ բարեկամ մը որ զայն մեծցուցած էր, և ձիւլիա  
ամուսնութենէն ետքն ալ մէկտեղ առնել փափայած էր:  
Ինչո՞ւ Մօրիս չէր ընկերացած կնիչը:

Մեկնումը արտակարգ կերպով փութկաւ անդր ունե-  
ցած էր: Այդ բացակայութիւնը որ մօտ երկու ամիս տե-  
ւեց, նախապէս չպիտի անցնէր շարաթը. վերջապէս  
ճակատագիրը ուզած էր դուցէ որ Մօրիս Վիտալ մինակ  
մնայ Բարիզի մէջ, մարդասպանի մը կատաղութեանը  
ենթակայ:

\* \* \*

Դատական պաշտօնեաները տեղեկանալով այս ման-  
րամասնութեանց, երկար ժամանակ չէին կրնար վարա-  
նիլ սա գաղափարին վրայ թէ ձիւլիայի ամուսինը վրէժ-  
խնդրութեան մը զոհն էր:

Ի՞նչ տեսակ թշնամիներ կրնար վատկած ըլլար այս  
երիտասարդը, որուն կեանքը ամբողջ 10 տարի մասնա-  
ւոր հաճոյքներու և պատուաւոր աշխատութեան նուիր-  
ւած էր:

Ոչ մէկը վիրաւորած էր և ոչ մէկուն շահը վտան-

գած. իր աղատ համարձակ ձեւերը համակրութիւն միայն շահեցուցած էին, և ամենէն խիստ մարդիկն անգամ անոր հետ կռիւ մը կամ նոյն իսկ վէճ մը չէին ունեցած:

Արդեօք իր ամուսնութիւնը նախանձի և ատելութեան զգացումներ յուզած էր...:

Արդարութիւնը որ ոչ մէկ մանրամասնութիւն գանց կ'ընէ, այս մասին տեղեկութիւններ քաղել ուղեց, Բայց Մօրիս իր բոլոր կեանքին մէջ ոչ մէկուն հետ լուրջ կապակցութիւն մը ունեցած էր: Բարեկամներուն ըսածին համաձայն, ան հաւատարմութեան ու սիրոյ երդում մը ըրած չըլլալէ զատ, զգուշացած և խուսափած ալ էր այդ բանէն:

Մինչեւ այն օրը երբ ձիւլիայի հանդիպած էր, սէրը անոր համար մտքի թարթափանք մը, ժամանց մը և լաւ վարմունքներու կարճ փոխանակութիւն մը եղած էր: Մէկ խօսքով, մէկն էր այն թափառայած սիրահարներէն, որոնք շատ անգամ իրենց վրանին մէկ անկիւնը վեր կ'առնեն զեղանի ճամբորդութիւններու տեղ տալու համար, և որոնք սակայն կը մերժեն անոնց առջեւ բանալ ամբողջովին իրենց բնակարանին բոլոր դուռները:

Դալով ձիւլիային, բացի մէկ երկու մտերիմներէ որոնց Մօրիս զայն ներկայացուցած էր, ոչ մէկը կը ճանչնար: Անոր հետ ամուսնանալու համար ոչ մէկ վէճ եղած էր և ոչ մէկ մրցակից: Ճենովայէն մեկնած էր, ցաւ պատճառելով մի' միայն իր ընտանիքին.

Արդ, ի՞նչ էր այս խուժողուժ սպաննութեան շարժառիթը:

Գ.

Ոստիկանութեան քովսէրին տեղեկագրին կցուած գաղտնի ծանուցագիրը

«Սյօր, 20 Հոկտ, 1847, Ժամը առտուան 9ին, տեղեկանալով որ ոճիր մը գործուած է Լա Բէ փողոցի 6 թիւին մէջ, փութացինք ձեռն, մեր քարտուղարին Պ. Վիպէտի և խաղաղութեան պաշտօնեայ Պ. Կօտէնի հետ:

Ճերբ ձեռն հասանք, տեսանք խուռն բաղմութիւն ուր հազարումէկ կարծիքներ կը յայտնէին:

«Ոմանք կ'ըսէին թէ մարդասպանը ձերբակալուած է, ուրիշներ կը հաւատէին թէ բացարձակապէս անյայտ է անոր հեղինակը:

«Սանդուխէն ելած ատեննիս հետեւեալ խօսակցութիւնը լսեցինք.

« — Նոյն իսկ գուցէ կ'ինն է. սա Իտալուհիները ամէն բանի կարող են:

« — Հապա եթէ ըսեն ձեզի թէ ան իր ամուսինը կը պաշտէր:

« — Օհ, կ'իններ կան որոնք իրենց ամուսինը սիրել կը ցուցնեն և շատ անգամ կ'ատեն գանոնք:

« — Ասկից զատ ան բացակայ էր. ժամ մը առաջ դարձաւ դեռ:

« — Աղէկ, բայց մեղսակից մը չի՞ կրնար ունենալ որ գործէ. ակնյայտնի կ'երեւայ ատիկայ:

«Միջնայարկը ելանք և մտանք ոճրին սենեակը. հրամայեցինք տան մէջի բաղմութիւնը դուրս հանել, շուռը գոցել, ձգելով միայն վարձակալները և ոստիկանութիւնը: Պէտք եղած տեղերը տեղեկութիւնը շրկեցինք:

« Դրան դիմացի սենեակը, սրահը և ճաշասենեակը անցնելէն ետք, ուր ամէն բան կարգին էր, մտանք աշխատութեան զարդարուն սենեակ մը:

«Մեծ վիշտէ մը գրաւուած երկու կիներ կային որոնք մեր մուտքը չէին նշմարեր կարծես: Մէկը միւսին սպասուհին կամ հետեւորդը բլլալու էր որ ծունկի եկած իր տիրուհին ոտքին առջեւ, ձեռքերը բռնած էր և սաքտօքերը կը մրմնջէր:

« — Քաջութիւն, քաջութիւն սիրական ձիւլիտա՛ վրէժխնդիր բլլալու համար քաջութիւն պէտք է:

«Յանկարծ ան որ ձիւլիա կոչուած էր, ոտքի ելաւ և պոռայ:

« — Այո՛, այո՛, վրէժխնդիր պիտի բլլամ. կ'երգնում:

«Եւ կանգնեցաւ, ձեռքը վեր վերցուց աչքերը փայլահերթու մէջ:

«Ես և Մ. Կոտէն հաւատացինք թէ կնոջը ցաւը ճշմարիտ էր և թէ դուրսի ըսածնին անհաւատալի բաներ էին: Միայն թէ քարտուղարս Մ. Վիպէտ, որ շատ անգամ ինծի մեծ լուսարանութիւններ տուած է, մեր կարծիքէն չէր: Այս վիշտը քիչ մը դատերական գտած էր, և փորձած էր դատապարտել ձիւլիան դեր մը խաղալուն համար: Հակառակ մեր փաստարանութիւններուն անիկա մեր կողմը չէր հակեր և ուշադիր ակնարկէ մը կ'անցընէր կիներ:

«Այս միջոցին մանրամասնօրէն կը քննէինք գըտնուած սենեակնիս: Մարիէթթա մեզի յայտնեց թէ, ինք և իր տիրուհին բան մը չէին խառնած: Ահաւասիկ մեր դիտողութեանց արդիւնքը:

«1. - Սալօնին և ննջասենեակի հաղորդակից սենեակին դուռները բաց էին: Բոլոր յարկաբաժնին մէջ միայն մուտքի դուռը գոց էր, բայց առանց ներսէն ու է կըզպանքի. ուրեմն կարելի է ենթադրել թէ ոճրագործը քաշուած է յարկաբաժնէն անցնելով և բաւականացած է միայն դուրսի դուռը դոցելով:

« 2. — Սենեակին մէջտեղը թիկնաթոռ մը և աթոռ մը տապալած էին, գրասեղանին վրայ զանազան առարկաներ տարտղնուած, ճրագարան մը գետինը ինկած էր. ասոնք ամենքը կը յայտնէին թէ սենեակը թատերաբեմ եղած է նախնական կռիւի մը: Բայց մարդասպանը արդեօք հոն զարկած է զո՞ր, որ քիչ ետքը քաշկռտուելով ննջասենեակին մէջ ինկած և մեռած է: Կամ թէ Մօրիս Վիտալ առաջ այդ սենեակին մէջ ինքզինքը պաշտպանելէ ետք իր սենեակը ապաստանած է, ուր հասած է ոճրագործը և զայն մահացուցած...»

«Այս վերջին ենթադրութեան պիտի գանք երբ ըսենք թէ հակառակ մանրազննին քննութեան, ու է արեան բիծ մը չի գտանք դուրսի սենեակին մէջ:

«Հանկնալու համար սա կարեւոր պարագան թէ՛ սպաննութենէն ետք գողութիւն մը գործուած է թէ՛ ոչ, գրասեղանին բոլոր դարակները նայեցանք և տեսանք թէ ամէնքն ալ կղպուած են և ոչ մէկ հետք կը կրեն խորտակուի: Միայն մէջտեղի դարակը կէս մը բաց և բանալին վրան էր, 25 ոսկիի գումար մը տեսանք հոն: Ուրիշ թուղթեր ցիրուցան էին: Բանալին հանեցինք և յանձնեցինք որու որ պէտք էր: Յարկաբաժնին ու է է մասին մէջ ուրիշ արկղիկ մը, կամ առարկայ մը չգտանք որ դրամ կամ արժեթուղթի պահպանման յատկացուած բլլար:

«Այն վայրկեանին ուր ննջասենեակէն դուրս կ'ելլէինք, Վիտալի կիներ ինքզինքը ազատեց Մարիէթթայի թեւերէն և ուղեց մեզի հետեւի: Իրեն իմացուցինք թէ այդպէսով մեզի պիտի խանդարէ: մեր խուզարկութեանց կրնայ արգելք բլլալ. հետեւաբար ինքզինքն որ ազատ ձգէ մեզի մեր գործին մէջ: Անյուսալի պաշարիւնութիւնով մը մտիկ ըրաւ, և առանց պատասխանելու, լուռ՝ գնաց նստաւ թիկնաթոռին վրայ: Այս

11-12-13-14



կինը մեծ կորուվով մը օժտուած կ'երեւէր: Առանց Արդարութեան արգելք ըլլալու կրնար անոր օգտակար օժանդակութիւն մը ընձեռել: Պ. Վիպեռ կը քննէր զայն, բայց այնպէս կ'երեւէր թէ իր կարծիքը փոխած է անոր մասին:

«Ահաւասիկ ճշգրիտ վիճակը ուր գտանք ննջասենեակը. — ներս մտած ատեննիս, ձախ կողմը վարդի փայտէ փոքր կահ մը, որ ուշագրաւ ոչինչ ունի իր վրայ: Անկից զատ երկու քայլ անդին մետաքսեայ թիկնաթու մը արեան բիծերով ծածկուած Անտարակոյս զոհը հոս հարուածուած է, բայց անմիջապէս չմեռնելով քանի մը վայրկեան ինքզինքը քաշկուտած է օգնութիւն կանչելու դիմելով:

«Արդարեւ որոշ կը տեսնուէր արեան բիծերը, այսինքն զոհին հետքերը: Վիտալ պատուհանին քով հասնելուն՝ մէկ ձեռքով փորձած է պատուհանը բանալ, բայց չէր յաջողած. այն ատեն փորձած է ապակի մը խորտակել, որուն վրայ կը տեսնուին իր բուռնցքի հետքերը, բայց կ'երեւի թէ ուժը պակասած է անոր: Հաւանաբար այդ վայրկեանին է որ Վիտալ կորսուած ըլլալ զգալով միայն մէկ մտածում մը ունեցած է, իր սպաննիչէն վրէժ լուծել:

«Բան մը փնտռած է գրելու համար և անկողնին մօտ սեղանի վրայ իր նօթատետրը նշմարելով՝ ինքզինք քաշքշած է մինչև հոն: Ձեռքը նախ սեղանին օտքերուն կրթնցուցած է, յետոյ կամաց կամաց բարձրացուցած է զայն, որ հանդիպած է ջուրի գաւաթի մը վրայ որուն վրայ արեան հետք մը ձգելէ ետք հասած է տետրակին: Այն ատեն մոմի լոյսին առջեւ դրած է, բայց իր աչքերը մթազնած էին և անտարակոյս իրեն այնպէս երեւցած էր թէ մատիտը չի գրեր, ուստի զայն իր վերքէն վազած արիւնին մէջ թաթխելէ ետք սա բառերը

գծած է. «Ճիւղիա, վրէժս լուծէ'... մարդասպանն է...»

«Ձէ կրցած շարունակել, արիւնը սիրտը խոնուած է և խեղդուած: Ձեռքէն խուսարած են մատիտն ու տետրակը, Գերագոյն ճիգ մը ըրած է մահուան դէմ մաքառելու —: Բայց ամէն բան վերջացած էր. իր կէս բարձրացած մտքինը փնկած է անկողինին վրայ: Այս շիրքին մէջ է որ մենք գտանք զինքը:

«Ահա ասոնք են, Տէր, իմ մասնաւոր դիտողութիւններս, զոր ձեզ զրկելու պատիւը ունիմ: Պաշտօնական տեղեկագիրս երէկ յանձնեցի դատական իշխանութեան:»

Զոհը քննելու համար ուստիկանութեան կողմը կրկուած օրէնսգէտ բժիշկին տեղեկագիրը հետեւեալ կերպով կ'եզրակացնէ.

« 1. — Մօրիս Վիտալ հատու գործիքով մը զարնուած է:

« 2. — Աշխատութեան սենեակին մէկ կահին տակէն գտնուած երկօայրի դաշոյն մը — զոր մարդասպանը հոն նետած է ոճիրէն ետք — կատարելապէս կը պատշաճի վէրքին:

« 3. — Հարուածը մահացու էր: Ուսին վրայէն խորունկ խոցումներ ի գործ դրուած են:

«Այսու հանդերձ, վէրքին նեղութեան պատճառով զոհը կրնար թէեւ քանի մը վայրկեան ևս ապրիլ, բայց մեռած է ներքին արիւնահոսութենէ մը:

« 4. — Ուրիշ վէրքեր չկայ Վիտալի մարմին վրայ: Մէկ հարուածը բաւած է, բայց այդ հարուածը տրուած է ուժեղ բազուկէ մը, կամ անանկ մէկէ մը որուն բարկութիւնը ահռելի ուժգնութիւն մը տուած է անոր. դաշոյնը գէշ զիրքով մը այնքան ուժգին միտուած է մարմին մէջ, որ կատաղի յօշոտում մը առաջ բերած է:

« 5. — Մահը որ առաջ կարծուած էր թէ ժամը

9 ին պատահած է, մարմինն կարծրութենէն դատելով պատահած է ժամը 11-12ին միջոցները:

« 6 . — Կարելի չէ լրջօրէն կարծել թէ Մօրիս Վիտալ անձնասպան եղած է, և թէ իր անձնասպանութիւնը ծածկելու համար դրած է նոյն տողերը. որովհետեւ հարուածը վերէն վար իջած է: զոհին հասակէն բարձր հասակով մէկու մը կոնմէ, կամ անանկ վարկեանի մը երբ զոհը վար ծռած էր:

« Եթէ ինքզինքը զարկած ըլլար Վիտալ, հորիզոնական կամ վարէն վեր հարուած մը պէտք էր տալ. ուղղահայեաց հարուած մը պիտի խոտորէ միտերուն մէջ կամ կղոսկրներուն երկայնքը»:



Դ.

Լա Բէ փողոցի ծանօթ արարթմանի դռնապանին հարցաքննութիւնը հարցաքննիչ դատաւորին

կողմէ . —

— Ե՞րբ տեղեկացաք ոճրին, Պ. դռնապան:

— Ժամէ մը ի վեր:

— Ուշադրութեան արժանի բան մը նշմարեցի՞ք առջի իրիկուընէ կամ գիշերուընէ:

— Ոչ, Պարոն:

— Մօրիս Վիտալի սենեակին դուռը բակին վրայ է. դուք անոր դիմացի կողմը կը նստիք. տարօրինակ բան է որ զոհին աղաղակները մինչեւ ձեզի չեն հասած:

— Ամբողջ գիշերը մարդ ունէի սենեակս. փետաս՝ որ ելմտական նախարարութեան պիւլանին մէջ սպասար-

կու է. Պուլվառ Քարուչինի 41 թիւին դռնապանը, և կնոջս մէկ զարմուհին: Սուրճ և սրճախառն օղի խմեցինք մինչեւ ժամը 11 և բան մը չի լսեցինք:

— Պ. Մօրիս երէկ քանի՞ն դուռն դարձաւ:

— Ժամը 7ին, ճաշէն անմիջապէս ետք:

— Հետը խօսեցա՞ք:

— Այո, պարոն, հարցուցի թէ ինձի պէտք ունէ՞ր:

Բայց մերժեց սպասարկութիւնս՝ ըսելով թէ, երկու երեք նամակ պիտի գրէք և կանուխ մը պիտի պառկէք առտուն ներկայ գտնուելու համար Թարսիկոյ հանրակառքին ժամանման: «Պարոնը արթնցնելու պէտք կայ» աւելցուցի. — «Անօգուտ է, ըսաւ. ինքսիրենս գաութնամ ամէն անգամ որ յաջողիմ քնանալ»:

— Պ. Վիտալի սենեակին սպասարկութիւնը քանի մը օրէ ի վեր դուռն կ'ընէիր:

— Այո՛. պարոն. առտուան ժամը 10ին վեր կ'ելլէի պարոնին հրամանները ստանալու. յետոյ զայն չէի տեսներ. դուռս կ'ելլէր և իրիկուան միայն կը դառնար:

— Առտունը մարդ կուգա՞ր իրեն:

— Երկու երեք բարեկամներ, որոնք միշտ նոյն անձերն էին. փութկոտ կ'երեւէին, պահ մը Սակարանի դործերուն վրայ կը խօսէին և կը մեկնէին անմիջապէս:

— Ուրեմն այս օրերս դուրսէն ու է մէկը չէ՞ր նշմարեր Պ. Վիտալի քով:

— Հա՛, ներեցէք պարոն. առջի օր ժամը 5ին ատենները բնաւ չտեսած մէկ մարդս եկաւ. խոշոր խարտեաչ երկտասարդ մըն էր, շատ քաղաքավար, շատ աղւոր մանչ մը, քիչ մը յօգնածի տեսք ունէր: Տեղեկանալով որ պարոնը դուրս էր ելած և թէ հաւանաբար ետ չպիտի դառնար, նեղսրտեցաւ և լինձի ըսաւ թէ միւս առտուն պիտի գտիր:

— Է, եկա՛ւ:

— Ո՛չ պարոն:

— Ապահով ես :

— Այո՛, պարոն, նոյն իսկ Պ. Վիտալի ըստ այդ պարագան և ան ալ ինծի պատասխանեց. «հօ, իր այցելութեան չեմ սպասեր» :

— Ուրեմն գիտէ՞ր իր անունը :

— Ոչ, Պ. դատաւոր, բայց իր դիմագիրը նկարագրեցի Պ. Վիտալին որ զայն ճանչցաւ անմիջապէս :

— Վստահ ես որ այդ մարդը երէկ իրիկուն նորէն չեկաւ :

— Ի՛նչ մեղքս պահեմ չի տեսայ :

— Երբ տեսնաս, դիւրաւ մը կը ճանչնաս :

— Ի՛իւրա՛ւ :

Տեսա՞ր այն երկուայրի դաշոյնը որով գործուած էր ոճիրը :

— Այո, պարոն, ես էի նոյն իսկ որ զայն նշմարեցի կահին տակ և անմիջապէս ոստիկանութեան քօմիսէրը կանչեցի :

— Այդ դաշոյնը Պ. Վիտալինը չէր, չէ՞ :

— Ընդհակառակը պարոն. միշտ իր աշխատութեան գրասեղանին վրայ էր. մերթ անոր կը ծառայէր իբր թերթատիչ :

— Աղէկ մտածեցէք ըսածնուդ վրայ. որովհետեւ այդ մանրամասնութիւնը մեծ կարեւորութիւն ունի :

— Ահ, վստահ եմ որ չեմ սխալիք Պ. դատաւոր. մնաց որ Տիկին Վիտալ, Օր. Մարիէթթա և պարոնին բոլոր բարեկամները կը ճանչնան այս դաշոյն-դանակը : Սակարանի ոստիկանութեան քօմիսէրին կողմէ յանձնուած գաղտնի ծանուցագիրը. —

«Մօրիս Վիտալ, մեռած ատեն կարեւոր արժեթուղթեր ունեցած չէր ըլլար իր քով : Առջի իրիկուն իսկ իր ինայութիւններէն աւելցած և Վերջին միջնորդչէքներէն առաջ եկած 30000 ֆրանքի գումար մը յանձնեց

փոխանակագործի միջնորդ Պ. Ռ. Ի, որպէս զի ռանդ գնէ իր կնոջը անունով :

«Գալով յաճախորդներուն կողմէ իրեն յանձնուած արժեթուղթերուն Պ. Վիտալ սովորութիւն ունէր դանոնք դրամատան և կամ Պ. Ռ. Ի յանձնել. յիշեալին քով այժմ կայ երկաթուղիի քանի մը արժեթուղթեր :

Պ. Վիտալ սակաւաթիւ յաճախորդներ ունէր զորս երկար ատենէ ի վեր կը ճանչնար, և շատ քիչ նոր յաճախորդ կ'ընդունէր. իր այս պահպանողականութիւնը կը վերագրուի 1845ին ենդարկուած մեծ վնասի մը, որուն պատճառ եղած է Պլօնտօ անուն անձ մը որ Ամերիկայ մեկնած է այն պահուն իսկ երբ կարեւոր պարտամուրհակներս պիտի վճարէր :

«Սակարանին մէջ Ալպէր Սաւարի տը Մօնպրիդէ անունով ճանչցուած ուրիշ անձ մըն ալ, երեք տարիէ ի վեր Պ. Վիտալի պարտք ունէր շուրջ 50000 ֆրանք : Այս պարտքը անցած տարի ցաւալի տեսարանի մը տեղի տուաւ :

«Պ. Վիտալ յանկարծ իր պարտականը փոխանակագործի միջնորդներու խմբակին մօտ նշմարելով, շիտակ դէպի անոր քալեց և ըսաւ :

« — Պարոն, երբ մէկը չի վճարեր իր պարտքերը և անյայտ կ'ըլլայ հաշիւները մաքրելու օրը, քիչ մը ամօթխածութիւն ունենալու է հօս գալու համար :

« — Պարոն, պատասխանեց Սաւարի լրբութեամբ, դաս առնելու պէտք չունիմ :

« Անանկ է նէ այսօր դաս մը կ'առնէք. Չեզի հիմայ դուրս հանել պիտի տամ, և պիտի արգիլել տամ ձեզի ասկից ետք Սակարան ոտք կոխելու :

«Խնդիրը պիտի ծանրանար եթէ շատ մը մարդիկ չի միջամտէին :

«Այս բանավէճին արդիւնքը սա եղաւ որ, Սաւարի

ստիպուեցաւ 50000 ֆունքի տոմս ստորագրել, հետեւեալ օրերը Սակարան մտնել կարենալու համար: Այդ տոմսերուն պայմանաժամը կը լրանար այս ամսուան մէջ: Այդ տոմսերը հրապարակ չեն հանուած և Պ. Վիտալ զանոնք կը պահէր իր քով:

« — Գիտեմ թէ պայմանաժամին չպիտի վճարէ, ըսած է Թէպու փողոցը ընակող իր բարեկամին՝ Պ. Րօսթէնի, — գիտեմ թէ ի՞նչ տեսակ մէկն է ան. անոր օձիքը չպիտի ձգեմ. անհամբեր պայմանաժամին լրանալուն կ'սպասեմ որ ներսիդիս եղածը երեւին տամ:


«Ասոնք են ահա, տէր հարցաքննիչ դատաւոր, ցարդ առած տեղեկութիւններնիս, նոր բան մը լսելուս պէս պիտի տեղեկագրեմ ձեզի: Սակարանին մէջ մեծ յուզում պատճառեց Պ. Վիտալի եղբունական մահը. խուճապ խուճապ մարդիկ կը խօսէին Լա Բէ փողոցին ոճրին վրայ):

Գատական այս նախնական գործողութեանց միջոցին ձիւլիա ահուելի վիշտի մը տակ ընկճուած էր: Վայրկեանի մը մէջ մխրճուած էր անգութ և անդարձան դժբաղ՝ դութեան մը մէջ: Երկար բացակայութենէ մը ետք, սիրային անուշ երազներով ակաղձուն, երջանկութենէն անձկալիբ, երբ կը վերադառնար իր ընտանի բոյնը առանց ո և է կանխապատրաստութեան Մահը գտած էր իր սենեակին լսօրը և ոճիրը՝ իր անկողնին վրայ: Այն բազուկները որոնք զինքը պիտի գրկէին անդգայ և ցուրտ կախուած էին. այն սիրտը որ իրեն կուրծքին պիտի միանար, չէր բաբախեր, և այն շրթունքները որ իրենները պիտի փնտռէին սիրատարի՝ տժգոյն և սառած էին արդէն:

Կենդանութիւնով, առուզութիւնով և սիրով մարդ մը ձգել և անոր տեղ դիակ մը գտնել. ահուելի է այս: Եւ հէգ կնոջ քով ոչ մէկ բարեկամ, ոչ մէկ ազգական կար. մինակ Մարիէթիան կար. որովհետեւ ձիւլիա

անծանօթ էր Բարիդի մէջ և իր սէրին բովնադակ լայնութեան և տարիանքին ու նախանձին յարաբերութիւններու պէտքը չէր տեսած:

Իրեն մինակ լալ ու ողբալ կը մնար այս դիակին քով որ այժմ իրեն մնացող միակ բանն էր. սակայն ոչ, այդ դիակն ալ իրը չէր, արդարութեանն էր:



Ե.

Գատական վաւերաթուղթերուն մէջ կային նաեւ երկու շատ կարեւոր նամակներ:

Առաջինը գրուած էր վարնոց թուղթի մը վրայ և փութկոտ, իսկ երկրորդը փալուռն թուղթի մը վրայ, հաճոյքով նամակ գրողի մը շնորհալի գիրովը:

Անորաժեշտ կը նկատենք այդ երկու նամակներուն շահագրգիռ պարունակութիւնը մէջ բերել. —

Ոստիկանութեան քովսէրին քարտուղար Պ. Վիպլէրի նամակը՝ ազնուատոնիմ մարքիզ տը Բ.ի.—

«Պ. Մարքիզ:

«Կեանքիս մէջ ամէն բան ձեզի կը պարտիմ. դու էիք որ, յիշելով ժամանակով հօրս կողմէ ձեր ընտանիքին մատուցած քանի մը ծառայութիւնները, խնամազարտութեամբ ստանձնեցիք և զիս զրիք ֆրէններու լաւագոյն վարժարաններէն մէկը: Իբր երախտագիտութիւն պարտական էի ձեր ցոյց տուած ճամբուն հետեւելու, և այսօր, շնորհիւ ձեր բարձր պաշտպանութեան, լաւ թաղ մը աւագերէցը կամ խաղաղ գիւղաքաղաքի մը ժողովըրդապետը պիտի ըլլայի, Բայց ն՛հաս կոչում մը զգացի

անրնկծնի կոչում մը, որուն զէմ ընդդիմացաք ձեր հայրական բարութիւնովը, և սակայն անօգուտ. այսկա ամօթով կը խոստովանիմ:

«Ի՞նչ բանէ ծագում առած էր այդ. ես ալ չեմ գիտեր. կը հասկնաք թէ ու է երիտասարդ իր մէջը նկարելու, գրելու, նուագելու պէտք մը կը զգայ, թէ՛ անուն շինելու և թէ՛ հարոտանալու համար. սակայն, աշխարհի մէջ մէկ բանի միայն բաղձալ, մէկ նպատակ միայն ունենալ - ինչպէս ևս - այսինքն ոստիկանութեան գործերու մէջ մտնել. գիտեմ թէ քիչ մը քիչ տարօրի նակութիւն չէր այս:

«Կեանքիս միակ երազն էր այդ, որուն հասայ վերջապէս, և զո՞ն եմ վիճակէս ու սիրով՝ իմ գործիս հանդէպ:

«Արդեօք այդ կոչումը հոգեկան տարօրինակութենէ աւելի ֆիզիքական տարօրինակութեմէ՞ մը ծագում կ'առնէր, և ես ոստիկան եղայ, որովհետեւ հասակս կարճ է, մարմինս սմանդուկ, ընութիւնս մաղձային է և աչքերս այնքան գէշ են որ կապոյտ ակնոց կը գործածեմ:

«Պ. Մարքիզ. մի կարծէք թէ այդ կոչումը ծագում կ'առնէ երկրին օգտակար ըլլալու գաղափարէս. ո՛չ. ձեզի, սիրելի Մարքիզ, որ — ինչպէս ըսիք ինձի՝ որ մը — բարոյական վատթարացումներուն հաւաքածոն կ'ընէք և բարեբաղդ էք անոնց վրայ խնդալով, չեմ վախնար ձեզի ճշմարիտը խոստովանելու: Երբ ոստիկանութիւն կ'ընեմ, ո՛չ մասնաւորներու և ոչ ալ կառավարութեան շահին համար է: Կ'աշխատիմ արուեստին և իմ անձնական գոհացումիս համար:

«Ախ. որքան մրցակիցներ կ'ունենամ արհեստիս մէջ, որքան հաճոյք կ'զգամ ուրիշներու կեանքին խառնուելէ:

«Խորհեցէք թէ ի՞նչ մեծ մխիթարութիւն կ'զգամ երբ

հանրութիւնը ինձի կը դիմէ միշտ: Երբ ոստիկանութեան քօթիսէրին թիկնաթուին վրայ տարածուած կը խորհիմ ընտանեկան հաճոյքներուն, ամուսնական սրբութեան և սիրոյ վրայ, որ ամսոս, ես չեմ կրնար վայելեր բնաւ, յանկարծ ամուսին մը կը մտնէ սենեակս և օգնութիւն կը խնդրէ իր անհաւատարիմ կինը գտնելու համար: Երբ կը հառաչեմ զաւակներ ունենալու երջանկութեան համար, հայր մը կուգայ յանկարծ և ինէ կը խնդրէ բանտարկել զաւակը որ զինքը մոխիրի վրայ կը նստեցնէ և դրամները կը գողնայ. կամ ձերբակալել աղջիկը՝ որ գերատանի մը հետ փախած է:

«Այն ատեն ձեռքերս կը շփեմ Պ. Մարքիզ, և կը գոչեմ. — Վիպէս, փառք տուր քու մարմնական փոքր տկարութիւններուդ. եթէ շատերու պէս առողջ և իրենց ամէն կիրքերը գոհացնելու կարող ստեղծուած ըլլայիր, այդ շատերուն պէս պիտի ապրէիր և այդպէսով պիտի բթանայիր:

«Ահա Պ. Մարքիզ, այն գլխաւոր պատճառները որոնք կառավարութեան ինձի պէս մէկ տարօրինակ պաշտօնեան պատրաստած են. պաշտօնեայ մը որ կը սիրէ իր պաշտօնը և զո՞ն է ճակատագրէն, առանց ուրիշներու պէս իր գրպանին և որկորին համար աշխատելու: Ասիկա հիմա չեն տեսներ. միայն կը յուսամ որ մահէս ետք մեր միւղէներէն մէկուն քով խուց մը պիտի յատկացուի սա վերտառութիւնով. գոհ պաշտօնեայ (տեսակը սպառած), բայց ի՞նչ են սա քարոզները, պիտի ըսէք հիմակ:

«Ահա ատար կը հասնիմ, Պ. Մարքիզ, այո, զո՞ն եմ ըտորովին, սիրելի պաշտպանս: Բանի մը կը փափաքիմ, որ ո՛չ պաշտօնի բարձրացում է, ո՛չ փոփոխութիւն և ո՛չ ալ շնորհ մը: Աստուած վկայ. Մինակ կ'ուզէի որ ժամանակ մը կայուն ոստիկանութենէ գործօն ոստիկանութեան անցնիլ, և փոխանակ տեղեկագիրները կարգալու, ե՛ս պատրաստէի այդ տեղեկագիրները:

«Այդ օրը բոլորովին ձեւափոխուած դուրս պիտի ելլեմ տունէն: Հագուստս պիտի փոխուի և բարձրակրօնն կօշիկներ պիտի հագնիմ, որոնք երկու մաստ պիտի բարբարձրացնեն հասակս: Չեռքս պիտի ըլլայ գաւազան մը, որուն մէջ շիշ մը կայ պահուած. գրպանիս մէջ ձերբակալման հրամանագիրներ և լամբակիս վրայ օտար պատուանշանի երիզ մը, կարմիր, կապոյտ, ձերմակ, ուղածի՛ս պէս, որովհետեւ գիտէք անշուշտ որ, գաղանթի ոստիկանները իրենց անհատականութիւնը ծածկելու համար այս տեսակ միջոցներու կը դիմեն: Այդպէս ձեւափոխուած կը սկսիմ շարագործներու հետապնդման:

«Ան ի՛նչ սքանչելի հաճոյք է մէկու մը ետեւէն իյնալ, կառքով հետապնդել, և կամ ժամերով կենալ, սպասել դրան մը դիմաց: Ասոնք դեռ սովորականներն են: Տեղեր կան ուր կեանքը վտանքի տակ կը մնայ, կը կռուիս, կը ճակատիս և յաղթակա՛ն կ'ելլես...»

«Ի՛նչ մեծ փառք է ըսել թէ իմ շնորհիւս է որ սա չարագործ մարդասպանը երեւան հանուած է. ես եմ որ գոհերուն վրէժը լուծած եմ, առանց ինծի անպատիժ պիտի մնար»: և ամբողջ երկար գործողութիւններ, դատավարութիւններ տեղի կ'ունենայ միայն իմ այդ ձեռնարկիս համար, ի՛մ ամբաստանագրիս վրայ:

«Հիմայ ձեռքս գործ մը ունիմ, գործ մը որ կը զբաղեցնէ ամբողջ Բարիզը, Ֆրանսոսն և համակ Եւրոպան. նշանակել կ'ուզեմ Լա Բէ Փողոցին Ոճիրը:

« — Կը ճանչնա՞ք ոճրագործը, կը գրէք ինծի: Ոչ, զայն չեմ ճանչնար. բայց այդ ոճիրը կը շահագորդուէ՛ կը կրքոտէ զիս, և պիտի հետապնդեմ, պիտի դռնե՛մ ոճրագործը:

«Ըսե՛մ նաեւ, սիրական պաշտպանս, թէ, ձեռնմուխ եղայ այդ գործին ոչ թէ մեծ յանցաւոր մը պատժելու, այլ կնոջ մը վրէժը լուծելու համար: Կին մը,

ա՛խ, որ կիներուն ամենէն գեղեցիկը, շնորհալին և ամենէն պատուաւորն է: Եւ ըսե՛մ, համարձակեցա՛յ կասկածիլ անկից, այդ հրեշտակէ՛ն: Ինքզինքիս չպիտի ներեմ բնաւ այդ տեսակ գաղափար մը ունենալուս համար մինչեւ որ չկրնամ գրել այդ կնոջ. — «Տիկին, ահաւասիկ ձեր ամուսնոյն սպանութիւնը: Զայն ձեզի կը յանձնեմ»:

«Ը՛նդունեցէ՛ք սիրելի Մարքեզ, ջերմագին յարգանքներս, հաճեցէ՛ք շարունակել ձեր հայրական հովանին»:

\* \* \*

Ազնուատոհմ Մարքիզ Բ. ի պատասխանը Պ. Վիպէւի  
 ԲԱՐԻԶ 22 Հոկտ. 1847

«Օ՛ն, մեծ պէպէք, նամակը նեղութիւն չի պատճառեց ինծի, ընդհակառակը: Դուք բարոյական քայքայման մէջէն էք, ինչպէս դուշակած էիս: Սա աստիկ պէտք էր ըլլար: Ժամանակին արդիւնքն է այդ: Չեր տարիքը ունեցող երիտասարդներուն պէս, որոնք ոչինչի կը կրթին, որոնք հաւատքէ զուրկ են, դո՛ւն ալ ապականած ես մինչեւ ոսկորներուդ ծուծը:

«Ա՛խ, ես քեզի մեծցնեմ, քեզի նօտարութեան կամ կղերութեան սահմանեմ, և օր մը, քու միակ փառասիրութիւնդ ըլլայ ոստիկան մը ըլլա՛լ...»

«Բայց, Տէր Աստուած ինչ գէշ խոտի վրայ կը քայլեմ. կեցեր բարոյականի դաս կուտամ ձեզի. արդեօք ձեզի ուղղելու պաշտօնը ունիմ. եթէ կրնայի իսկ չը պիտի ուղէի այդ բանը: Ինչ որ աղէկ կը վերջանայ, աղէկ է.

«Գայով անձնապէս ձեզի, իմ փոքրիկ Վիպէոս, գէշութիւն չե՛մ ուզեր քեզի համար: Դուն դարուն

մարդն ես, ահա ճշմարիտը: Ինչ որ խնդրեր էիր փութով կատարեցի: Ոստիկանութեան վերատուօնը տեսայ և յայտնեցի փափաքդ: Վաղը ձեզի կըսպասէ և ձեզի արտօնութիւն պիտի տայ կայուն ոստիկանութեան պաշտօնէն զործօն ոստիկանի փոխուելու, ինչպէս ուզեր իէք:

«Ասոր համար ինծի շնորհակալ մի՛ ըլլաք, չեմ սիրեր այդ բանը: Ես ո՛չ ժողովուրդին և ոչ ալ մասնաւորներու երախտագիտութեան վրայ հաւատք ունիմ: Բայց դուք ձեր մասին եթէ կ'ուզէք ինծի հաճելի ըլլալ, ինծի օրը օրին իմացուցէք այդ դաղտնիքոտ գործին լուրերը, և ջանացէք ամենէն առաջ հաղորդել բոլոր նորութիւնները»:

«Չըսի՞ք ինծի թէ սիրուն կին մը խառնուած է Լա Բէ փողօցի ոճրին: Մեծագոյն պատճառն է այդ ինծի համար, այդ մասին անցած դարձածին տեղեկանալու: Հակառակ 76 տարիներուս կը մտածեմ թէ մարդուն մէջ լաւագոյն բանը կինն է:

«Բարեւներ Պ. Ժէրուզալէմի, Քննութեան ձեռնարկեցէք և հետքերը երեւան հանեցէք, Տեղեկագրիդ կը սպասեմ անհամբեր»:

2.

Արդարութիւնը չփոթած էր այս կնճռոտ խնդրին առջեւ: Ասանկ խորհրդաւոր գործեր երկար տարիներէ ի վեր պատահած չէր: Մտաբուրդ գլխարկ մը, կորսուած զմելի մը կամ շապկի կոճակ մը կրնար խուզարկութեանց մեկնակէտ ըլլալ և երեւան հանել մահապարտ»

ները. սակայն Լա Բէ փողօցին ոճրին մէջ այդ տեսակ ոչի՛նչ կար. ոչի՛նչ:

Այս պատճառով բարոյական ենթադրութիւններու դիմուեցաւ. Ո՛վ շահ կրնար ունենալ Մօրիս Վիտալի սպաննութեան մէջ: Ահա սա էր ներկայ գործին մեկնակէտը: Միթէ իր կի՛նը. բայց ոչ մէկը կրնար կասկածիլ անկէ որ չարաչար վիշտէ՛մը կը տառապէր և վրէժինդրութեամբ լեցուած էր: Արդեօք գոբրիկ, արհեստով դո՞ղ մը: Բայց բան մը չէր վերցուած սենեակէն, ո՛չ արժէքաւոր առարկայ մը և ոչ ալ դարակին մէջի ոսկիները. ասկից զատ այդ պարագային Վիտալ ի՛նչպէս կրնար անձանօթի մը անունը գրել փորձել: Արդեօք տան վարձակալներէն մէկը, քանի որ դոնապանը կ'ըսէր թէ նոյն գիշերը ո և է օտարականի դուռ չէր բացած: Վարձակալներէն Ամերիկացի մը ձերբակալուեցաւ բայց ազատ արձակուեցաւ:

Արդեօք Վիտալի սովորաբար ընդունած կիներէն մէկը: Բայց անոնց վարձուքն ու անոնց մասին առնուած տեղեկութիւնները բոլորովին կը հերքեն այդ ենթադրութիւնն ալ:

Արդեօք, վերջապէս, հոկ. 18ի առտուն Վիտալի այցելող մարդը, որուն վրայ երկարօրէն կը խօսէր Սակարանի քօմիսէրին ծանուցագիրը, Այդ անձը Աւպէր Սավարի, անձանօթ չէր Սակարանի Ատենանին: Իրաւ էր որ դատապարտութիւն չէր կրած ան, բայց խառնուած էր կարգ մը գործերու, և իր կեանքին մէկ մասը մոթ կը մնար: Ասկից զատ անիկայ մեծկակ գումար մը պարտական էր Վիտալի և իրեն համար անկարելի էր ստորագրած տոմսերը ձեռք անցնել:

Այս պատճառով ձերբակալուեցաւ Սավարի:

Լա Բէ փողօցին գործը յանձնուած էր ամենէն կարող և խորամանկ հարցաքննիչ դատաւորներէն Մ. Գուր-

պէի: Ինք որքան խիտ էր պաշտօնին մէջ, նոյնքան ալ գութով լեցուած էր շատ պարագաներու ատեն: Բարիք ընել կ'ուզէր նոյնիսկ անոնց, որոնց համար իր խիղճը կը վկայէր թէ պէտք էր չարաչար հարուածել:

Իր քարտուղարներէն մէկը կ'ըսէր օր մը. — «Մ. Կուրպէի կեանքին կէսը կ'անցնի, մարդիկ բանտ զրկելու համար ապացոյցներ փնտռելով, և միւս կէսը կ'անցնի միջոցներ գտնելու, որպէս զի զանոնք բանտէն հանէ, կամ անոնց վիշտերը մեղմացնէ»:

Նոյեմբեր 2ի առտուն, Պ. Կուրպէ, ոտքի վրայ, արմուկները շրմինէին կրթնցուցած, կը տեսակցէր սուգերու մէջ պատուած գեռատի կնոջ մը հետ, որ թիկնաթոռի մը մէջ նստած էր:

Ճիւղիա Վիտալն էր ան, որուն հետ քանիցս տեսակցած էր հարցաքննիչ դատաւորը, որ զայն կանչած էր այդ օրը, դատական պաշտօնարանը:

— Այսպէս տիկի՛ն, ըսաւ հարցաքննիչ դատաւորը՝ երէկունէ ի վեր ձեր կողմէն նոր բան մը չկայ:

— Ոչի՛նչ, պարոն:

— Մի՛ քաշուիք ինձի յայտնել նոյն իսկ ամենէն աննշան երեւցած բաներն ալ, դատական գործերու մէջ շատ անգամ յանկարծակի լոյս կը ցայտէ անանկ պարագայէ մը, որուն ոչ մէկ կարեւորութիւն տուած էիք: Ինձի ըսին թէ, քաջութիւն ունեցեր էք մնալու Լա Բէ փողոցի արարթմանին մէջ և կը բնակիք նոյն իսկ ոճիբի՛ն գործուած սենեակը...

— Այո՛, պարոն. ընդմիջեց ձիւլիա, մինչեւ վերջը չպիտի դատուիմ այս տունէն, ուր այնքան իրար սիրեցինք...

Եւ խօսելով, երկար ատեն պահուած արցունքները սկսան հոսիլ, գեղանի սգաւորին անուշ աչքերն ի վար, Վիշաք փոխած էր այս գեռատի այրին, դէմքը կարծես

երկնցած էր, աչքերը ծիրով մը շրջանակուած է և իր այտերուն տաք գունագեղութիւնը տեսակ մը տժգոյնի փոխուած էր:

Սակայն իր բովանդակ վիշտին խորը միշտ գեղանի էր այս իտալուհին, մարմնի գիծերու այնքան կատարելութիւն ունէր, իր տժգունութեան մէջ ա՛յնքան առողջութիւն և կեանք կը տեսնուէր, որ իր նախկին պերճ գեղեցկութենէն բան մը պակասած չէր գրիթէ և ընդհակառակը աւելի շնորհ մը կը փայլէր այժմ:

Հարցաքննիչ դատաւորը ինքզինքը չկրցաւ բռնել վայրկեան մը ուշադրութեամբ անորնայլէ. յետոյ, երբ աւելի հանդարտ տեսաւ զայն, ըսաւ.

— Ներողութիւն կը խնդրեմ տեկին, որ այսպէս ձեր տառապանքները արթնցուցի. բայց դուք մեծ<sup>օ</sup> ժամագակ մը կրնաք ըլլալ ինձի յանձնուած գործին մէջ յաջողելու համար:

— Օ՛հ այո՛, գոչեց ձիւլիա, որ գլուխը վեր վերցուց աշխուժութեամբ, պիտի յաջողի՞ք այնպէս չէ՞: Դժբաղդ ամուսինիս վրէժը պիտի լուծէք, չէ՞. պիտի լուծենք, չէ՞. Տէր դատաւոր:

— Յուսացէ՛ք Տիկին, պատասխանեց Պ. Կուրպէ. միայն սա յայտնեմ թէ, իմ այսքան երկարատեւ պաշտօնավարութեանս մէջ շատ քիչ անգամ հանդիպած եմ այս տեսակ խորհրդաւոր գործի մը: Հազիւ թիւ մը ձեռք կը ձգեմ և ան ան կը խղութի, կ'ոչնչանայ իսկայն. հիմա շատ խոհեմութեամբ խարխաբելով առաջ կ'երթամ, որովհետեւ հարցաքննիչ դատաւորի մը խղճին համար ծանրութիւն մըն է իր գործելու բոլոր ազատութեան մէջ հրաժարիլ յանցաւոր մը գտնելէ և ցաւ կը զգայ երբ ձերբակալէ անմեղ մը, զոր պէտք է ազատ արձակէ իսկոյն:

— Այն ատեն յանցաւորը չպիտի գտնուի ուրեմն:

յարեց ձիւլիա, աչքերովը դատաւորը հարցաքննելով. ամուսինս կտակ ձգած է ինծի վրէժ լուծել անկէ. կ'ուզեմ հպատակիլ դժբաղդ մահամերձին այդ միակ բաղձանքին.

— Ես ալ կ'ուզեմ ձեզի օգնել, Տիկին. կը կրկնեմ այս բանը: Իրաւ է թէ, պարտաւոր ենք մարդասպանը գտնելու բայց դեռ իր հեռքէն բան մը չի նշմարեցինք:

— Բայց երէկ իրիկուն թերթի մը մէջ կարդացի որ ձերբակալուած էր...

— Թերթերը կը սխալին, «Տիկին, կամ աւելի ճիշդը կը սխալեցնեն իրենց ընթերցողները, թարմ լուր տարու մարմաջէն: Իրաւ է թէ իմ հրամանովս մարդ մը ձերբակալուեցաւ, որուն վրայ փոքր կասկածներ կան, սակայն ատոնք բացարձակ գաղափար մը չեն կրնար կազմել տալ ինձ: Ահաւասիկ ոստիկանութեան տեղեկագիրները: Ձերբակալութեան պաշտօնեան կը գրէ որ, այդ մարդը ձերբակալած ատեն, անոր վրայ ու է չփոթուած, յանցաւորի ու է պզտիկ վարմունք չէ տեսնուած:

— Սենեակին մէջ մանրագնի թնութիւնները ոչ մէկ բան երեւան հանեցին, ոչ մէկ փոքր առարկայ, որով ենթադրութեան մը գայինք: Հիմա այդ անձն է որ պիտի հարցաքննեմ, վերջացուց Պ. Կուրպէ պատին վրայի ժամացոյցին նայելով:

Ձիւլիա հասկցաւ թէ, մեկնելու ատենն էր, ոտքի և մեկնելէ առաջ խնդրեց ձերբակալուած անձին անուներ:

— Ալպէր Սավարի տը Մօնպրիզէ, պատասխանեց դատաւորը. անգամ մը ըսի ձեզի այդ անունը և ըսիք թէ չէիք ճանչնար: Անոր մասին եթէ տեղեկութիւն կարենայիք տալ, շատ կենսական պիտի ըլլար:

— Ո՛չ, երբէք չեմ լսած այդ անունը ամուսինիս

բերնէն. բայց զարմանալի բան միշտ նոյն նեղութիւնը կը զգամ այդ անունը լսելով. առաջին անգամ երբ ըսիք «Ալպէր Սավարի տը Մօնպրիզէ», այնպէս եկաւ որ կը տօգուենիմ, սիրտս աւելի արագ կը բաբախէ. ասիկայ տկարութիւն մը կարծեցի: և կրկնել տուի, այսօր նոյն զգայնութիւններն են որ կ'ունենամ դարձեալ:

— Արտակարգ բան մը չի կայ ատոր մէջ, դիտողութիւն ըրաւ Պ. Կուրպէ վայրկեան մը վարանելէ ետք, Սավարի միակ մարդն է որ լրջօրէն խառնուած է այս դործին. գիտէք այս բանը և անոր անունը ձեզի յուսուցում կը պատճառէ:

— Կարելի է. ըսիք թէ ըլլոր տպաւորութիւններս յայտնեմ ձեզի, ատո՛ր համար է որ յայտնեցի աս ալ:

— Շնորհակալ եմ, տիկին, յարեց դատաւորը զայն դէպի դուռ առաջնորդելով: Մոռցաք ըսելու թէ ամէն օր խուճք մը մարդիկ կուզան ձեզի և կ'առաջարկեն ծառայութիւն մատուցանել ձեզ:

— Աւա՛ղ, այո պարոն, և այդ մարդոց դիմագծութիւնը զիս կ'անհանգստէ: Շատեր ոստիկանի կը նմանին որոնք կարծես պաշտօն ունին տունս խուզարկելու:

— Ասկից ետք, տիկին, պիտի ընդունիք այն տեսակ մարդիկ միայն, որոնք իրենց ձեռքը իմ ձեռագիրովս գրուած բառ մը պիտի ունենան. այն ատեն ձեր վիշտը աւելի պիտի յարգուի և ենթակայ չպիտի ըլլաք ճետաքրքիրներուն և էնթրիք դարձնող մարդոց, որոնք ձեր սենեակը կը խուճեն:

• Հա՛, աս առտու ալ, աւելցուց ձիւլիա որ արդէն դրան ուռնակը բռնած էր, մէկը եկեր է և շատ պնդեր է որ ընդունիմ զինքը. սակայն Մարիէթի մտածելով որ հոս պիտի գամ, չէ ընդուներ: Մարդը իր անունը ձգելով ըսեր է թէ նորէն պիտի գայ:

— Անո՛ւնը

— Կարծեմ Վիպէն էր :

— Վիպէ՛ս, յարեց Պ. Կուրպէ մտածելով. հա՛, յիշեցի, տիկին, յարեց. եթէ ինձի կը նայիք ընդունեցէք զինքը, շա՛տ մտացի, գործունեայ և եռանդոտ մէկն է, մեզի կրնայ օգտակար ըլլալ. մանաւանդ որ ոստիկանութեան վերատեսուչը երէկ զօրաւոր կերպով յանձնարարած էր զայն ինձի :

— Շատ աղէկ, Պ. դատաւոր.

Երբ դուռը կը բանար մեկնելու համար, ներս մտաւ մանրակազմ, 50 տարեկանի մօտ մարդ մը : Քանի մը բառ ըսաւ Պ. Կուրպէի ականջէն և զնայց նստաւ դիւանադպրի սեղանին առջեւ :

— Սովարին եկեր է :

Ծիւլիա որ մեկնելու վրայ էր, յանկարծ կեցաւ և դատաւորին դառնալով շնչատ ձայնով մը ըսաւ.

— Զայն տեսնել կ'ուզեմ. .

Փոքր չոր մարդը որ սեղանին առջեւ գրիչը տաշելով զբաղած էր գլուխը վեր ցցեց, այսքան անօրի. նակ առաջարկի մը առջեւ :

Իսկ Պ. Կուրպէ, իր քարտուղարէն նուազ զարմացած, ուշադիր ակնարկէ մը անցուց ծիւլիան և գո՛հ անշուշտ իր քննութենէն.

— Ինչ որ կը խնդրէք կարելի է տիկին, ըսաւ :

Փոքր մարդը ա՛լ աւելի ապշած, զմեղիով անանկ յախուռն շարժում մը ըրաւ որ փոխանակ գրիչին մատը կարեց :

— Քաջութիւն կը զգաք ձեր ներսը, աւելցուց հարցաքննիչը ծիւլիայի : ամբողջ հարցաքննութեանս միջոցին բառ մը չարտասանելու, շարժո՛ւմ մը չընելու :

— Այո պարոն, պիտի ունենա՛մ այդ քաջութիւնը :

— Նայն իսկ այն պահո՛ւն ալ երբ խոստովանցնեմ Պ. Ալպէտի թէ ինքն է ձեր ամուսինին սպանիչը :

— Այո՛ պարոն. կատաղութենէ պիտի մեռնիմ զուցէ, բայց լուռ պիտի մեռնիմ, պօռաց ծիւլիա իրեն յատուկ իտալական խանդով մը :

Պ. Կուրպէ նշան ըրաւ չոր մարդուն որ սահեցաւ անոր քով : Սահեցաւ ճիշտ բառն է, որովհետեւ քալուածքի մասնաւոր ձեւ մը ունէր այդ մարդը, ոտքերը զեռնէն չէր պտեր, սրունքները վեր չէին բարձրանար և չէին ծալուեր. կարծես թէ մարմինը յօդաւոր մասեր չունէր, և մէկ կտորի պէս կ'առաջանար, ինչպէս շոգեկառքի վաղօն մը կ'առաջանայ երկաթ գիծերուն վրայ :

Պատուական մարդ մըն էր սակայն այդ քարտուղարը Պ. Քօրտիէն : Ամէն մարդ կը սիրէր զայն. քանի՞ քանի անգամներ հարցաքննութենէ վերջ դժբաղդնորու ծխախոտ կուտար զթալով անոնց վրայ :

Պ. Կուրպէի հրահանգին վրայ, ծառայ մը սենեակին մէկ անկիւնը տախտակորմ մը գրաւ. Պ. Քօրտիէ փափկութեամբ մը բռնեց ծիւլիայի ձեռքէն և սահեցաւ դէպի տախտակորմը. անոր ետին թիկնաթոռի մը մէջ նստեցուց դեռատի այրին, գոցեց տախտակորմը և եկաւ իր սովորական տեղը նստիլ :

է.

Լա Բէ փողոցի 6 թիւին դռնապանին նկարագրածին պէս, Ալպէր Սովարի խարտեայ, բարձրահասակ և ազնուական շարժուձեւերով մարդ մըն էր : Թէեւ 40 տարու կ'երևար, բայց հազիւ 34 35 կար. լուսցուած գիշերներ, ամեն տեսակ յոգնութիւններ ժամանակէն առաջ ձերացուցած էին իր դիմագիծերը :

— Սովարի, մինակը մտա՛ հարցաքննիչ դատաւորին սենեակը. հրաման տրուած էր որ ոստիկան. զինուորները դուրսը սպասէին փոխանակ ներս մտնելու : Բարեւեց Պ. Կուրպէն առանց ու է ակամայ ձեւի. նստաւ և խօսք առաւ դեռ դատաւորը գործի չսկսած :

— Կրնամ արդեօք հասկնալ թէ ի՞նչ պատճառով յանկարծ ձերբակալուեցայ երէկ, և ի՞նչու համար ձեր առջեւ կը գտնուիմ, հարցուց Սավարի բիրտ բայց ան վրդով ձայնով մը:

— Պարո՛ն, յարեց դատաւորը, հոս եկած էք որ իմ հարցումներու պատասխանէք և ոչ թէ եկած էք դուք զիս հարցաքննելու, ինչպէս մտադրութիւն ունիք կարծեմ Ատիկայ հոս տեղի սովորութեանց զէմ բան մըն է:

— Այդ սովորութիւնները չեմ գիտեր պարոն, վարժուած ալ չեմ այս տեսակ տեղերու:

— Լաւ, քանի որ այդպէս է կը շնորհաւորեմ ձեզի և կը մաղթեմ որ դարձեալ առիթ չունենաք ինծի ներկայանալու: Յանցանքի մը համար չէ որ ամբաստանոնա՞ծ էք շարունակեց Պ. Կուրպէ, ուշադիր նայելով դիմացինին, այլ ո՞ճիրի՛ մը համար պիտրաստանուած...

Ի՞նչ ոճիր...

— Մօրիս վիտալ անուն երիտասարդ մը սպաննած ըլլալու ոճիրով:

Այպէր աչքը անգամ չի քթթեց այս բացայայտ ամբաստանութեան զէմ և առանց ո և է յուզման պատասխանեց.

— Կը խոստովանիմ որ շատ հեռու եմ այդ գործին մէջ խոռոնուած ըլլալէ, թէեւ քանի օրէ ի վեր ատու վրայ կը խօսիք առջեւս: Արդեօք անխոհեմութիւն մը պիտի ըլլար հասկնալ թէ ի՞նչ կասկածներով ատանի ոճիրի մը հեղինակը կ'ամբաստանուիմ:

— Պիտի գիտնաք ատոնք, Բայց քանի որ հիմա ձեր առաջին հետաքրքրութիւնը գոհացաւ, կարգով առաջ երթանք: Ի՞նչ է ձեր անունն ու մականունը:

— Կրնաք գրել սկսիլ, Պ. Քոստիէ, աւելցուց, խօսքով քարտուղարին ուղղելով:

— Այպէր Սավարի կը կոչուիմ.

— Ուրիշ անուն մը գործածելու սովորութիւն չունի՞ք, դիտել տուաւ դատաւորը:

— Այո, երբեմն ինծի Մօնպրիզէ կը կոչէին:

— Առած տեղեկութիւններու նայելով այդ անունը կրելու իրաւունք չունիք եղեր, ո՞ւսկից առած էք զայն:

— Կալուածէ մը որ երբեմն իմ ընտանիքիս կը պատկանէր:

— Ատիկայ իրաւունք մը չիտար: Անցնինք: Քանի տարու էք և ի՞նչ գործ կ'ընէք:

— ՅՅ, Բանով մը չեմ զբաղիր:

— Ուրեմն ի՞նչպէս կ'ապրիք:

— Սքանչելի կ'ապրիմ, պարոն դատաւոր: Ներեցէ՛ք յարեց Պ. Կուրպէ խիստ շեշտով մը կատակի տեղ չէ հոս, եթէ լրջութիւնը ձեռք չառնէք չպիտի վարանիմ ձեզ բանտ առաջնորդել տալու և հարցաքննութիւնը ուրիշ օրուան ձգելու:

Սավարի ձայն չհանեց:

— Կը հարցնեմ ձեզի թէ ի՞նչ են ձեր ապրուստ միջոցները:

— Պարո՛ն, պատասխանեց հարցաքննողը լուրջ շեշտով մը, ո՛չ հասառու եմ և ոչ ալ տոկոսով ապրող: Այժմու շատ երիտասարդներուն պէս եմ, օրը օրին կ'ապրիմ. դիպուածով օր մը հարաւստ կ'ըլլամ, և ուրիշ օր մըն ալ աղքատ: Մերթ Մակարանին մէջ լաւ գործառութիւն մը կ'ունենամ. մերթ կը շահիմ խաղա՞մօլութեան մէջ: Եղած է որ մէկ ամսուն 10ին 50000 ֆրանք կար տրամադրութեանս տակ, մինչ 15ին վճարման օրը հասած պարտքերս չեմ կրցած վճարել: Այս ամենքը այլանդակ և անկանոն են, կը խոստովանիմ, բայց ի՞նչ ընեմ որ ճշմարտութիւն են:

— Տխո՛ւր ճշմարտութիւն պարոն՝, որ կրնայ ձեզի ոչնչացնել երգուեալներու առջեւ:

— Երգուեալները, յարեց Սավարի անփոթ, հարցաքննիչ դատաւորին դիտմամբ արտասանած այդ բառի

առջեւ . օ՛հ , կը յուսամ թէ չպիտի ելլեմ անոնց առջեւ :  
Պ . դատաւոր , այժմէն կրնաք հաւատալ անմեղու-  
թեանս :

— Հիմա շարունակենք մեր հարցաքննութիւնը :  
Երբ 25 տարեկան էիք անգամ մրն ալ դատարան չի  
կանչուեցա՞ք :

— Այո պարոն , մենամարտի ինչիւրով մը .

— Ուր ձեր հակառակորդը սպաննեցիք :

— Իրա՛ւ է . այդ դժբաղդութիւնը եկաւ զլիսուս .  
բայց ազատ արձակուեցայ :

— Այդ առթիւ տեղի ունեցած դատավարութեանց  
մէջ իբր շուայտ մէկը նշանակուած էք :

— Աւա՛ղ , պարոն , ես ոչ թուելի և ոչ ալ պակաս  
զեղիս կեանք մը կանցնէի այն երիտասարդներէն որոնց  
հետ կ'ապրէի . այդ երիտասարդները լուրջ և պատուա-  
ւոր մարդիկ եղած են . ոմանք բժիշկ են , ոմանք շոտար  
և ոմանք դատական պաշտօնեայ : Հարցուցէք անոնց թէ  
ի՛նչպէս ապրեցան 18էն մինչեւ 25 տարու : Ի՛նչ տեսակ  
տեղեր անցուցին իրենց գիշերները և ի՛նչ տեսակ մար-  
դոց մէջ մտան ելան , և եթէ անկեղծ մարդիկ են ու  
խոստովանին այն ամենքը , այն ատեն ինձի չափ ալ  
անո՛նց կը յարմարի այդ շոտայտ մակդիրը :

— Նաեւ կ'ըսեն թէ շատ բարկայոտ էք , դիտել  
տուաւ Պ . Կուրպէ :

— Հոս , չեն սխալիր այդ ըսողները . դժբաղդաբար  
միշտ կրքոտ եմ :

— Աղէկ մտքերնիդ պահեցէք բաժնիդ . այդ խոս-  
տովանութիւնը մեծ կարեւորութիւն ունի մեզ զբաղե-  
ցըող գործին մէջ :

— Չեմ գիտեր թէ ի՛նչ կարեւորութիւն կրնայ  
ունենալ ատիկայ , քանի որ ըսած գործերնուդ հետ ոչ  
մէկ առնչութիւն ունիմ :

Հարցաքննիչ դատաւորը կեցաւ : Այսքան պաղար-  
իւն , կը զարմացնէր զինքը : Այսու հանդերձ , իր պաշ-  
տօնավարութեան երկարատեւ շրջանին մէջ , Պ . Կուրպէ  
հանդիպած էր ճարտար ուրացողներու . կարգ մը յան-  
ձաւորներ պաշտպանած էին իրենց կեանքն ու ազատու-  
թիւնը . քայլ առ քայլ , համարձակելով նոյն իսկ օրե-  
րով կռուիլ իրեն դէմ վարպետութեամբ և հընա-  
րամտութեամբ : Բայց այս պարագային մէջ նոր  
ճարտարութեան մը դէմ կը գտնուէր : Հարցաքննողը  
իրեն օգնութեան կանչած կ'երեւար համարձակու-  
թիւնը զոր պաշտպան զէնքի մը պէս կը գործածէր  
միշտ . առանց իր մեղքերը , իր մոլութիւնները քողար-  
կելու կը խոստովանէր զանոնք առանց մեծամտութեան  
և առանց ալ տկարութեան :

«Այս մարդը անմեղ է , կամ օժտուած է մեծ կորո-  
վով մը և անսովոր խելացիութեամբ մը» կ'ըսէր ինք-  
նիրեն Պ . Կուրպէ , իր հարցաքննութիւնը չվերսկսած :

— Մինակ մենամարտի մը առթիւ չէ որ դատական  
գործերու խառնուած էք , շարունակեց . կը մոռնաք  
մէկ քանի գործեր . . .

— Կը սպասեմ որ խօսիք ատոնց վրայ պարոն .  
հոս եկայ ձեր հարցումներուն պատասխանելու , ինչպէս  
քիչ մը առաջ դիտել տուիք և ես չեմ մոռցած ձեր այդ  
պատուէրը . . .

— Ճիշտ ըսիք . այն ատեն հաճեցէք ըսել թէ խա-  
ղամուտական գործերու մասնակից չէ՞ք եղած :

— Այո վրայ տուաւ Սավարի , երիտասարդի մը  
խնդիրն էր , որ 60000 ֆրանքի չափ գումար մը կորսն-  
ցուց խաղի մէջ , և հետեւեալ օրը որովհետեւ դրամ չու-  
նէր պարտականներուն վճարելիք , ելաւ ըսաւ թէ  
անոնք նշան դրած էին խաղի թուղթերուն վրայ կամ  
մէկ խօսքով զինքը կողոպտած էին : Այս բանը ամէն

որ կը պատահի պարոն դատաւոր. թշուառ խաղացող-  
ներ, փոխանակ իրենց ձախողութիւնը իրենց վրայ վըն-  
տուելու դժգոյնը կը դատապարտեն ըսելով թէ խա-  
բէութեան մը զոհուած են: Ասով չեն վճարեր իրենց  
պարտքը. հետեւաբար շահ մը կայ ինքզինքը իբր զոհ  
նկատելուն մէջ, Ձեր յիշատակած գործին մէջ ալ զան-  
գատներ բարձրացան 12ի չափ անձերու դէմ, որոնց  
մէջ էի նաեւ ես: Մեզի դատարան կանչեցին, հարցա-  
քննեցին, խաղաթուղթերը բերել տուին, և բոլոր այս  
աղմուկէն միայն մէկ բան հետեւեցաւ, սա թէ, մեր  
զրպարտիչը փոխանակ յաջորդ օրուան, վեց ամիս ետքը  
վճարեց մեզի ունեցած պարտքը: Պէտք է աւելցնեմ թէ,  
այն ատեն մենք ինչորեցինք իրմէ որ այդ արտակարգ  
ամբաստանութիւնը կցէ նաեւ իր պանքտոմսներուն: Այդ  
բանը ըրաւ:

Այլէր Սավարի այս մանրամասնութիւնները տուաւ  
այնքան անփութութեամբ, անհոգութեամբ, իր ձայնը  
ա՛յնքան համակրալից էր, այնքան զուարդ էր իր  
նստած տեղը, որ քարտուղարն իսկ մոռցաւ դանուած  
տեղը, ինքզինքը կարծեց ընդունելութեան սրահի մը  
մէջ, հաճոյալի խօսակցի մը դէմ, և փոխանակ այդ  
խօսքերը արձանագրելու, ինչ որ պաշտօնն էր, սկսաւ  
մտիկ ընել:

Տախտակորմին ետեւէն ոչ մէկ բան կը մտնէր  
տիկին վիտալի ներկայութեանը: Մտեւանդ լուսթիւնով  
մը կը սպասէր ինչպէս որ խօստացած էր:

Վարկեան մը ետքը Պ. Կուրպէ այլ ևս նախնական  
հարցումներ չունենալուն, գործին խորը մղուեցաւ յան-  
կարծ, այդ արագութեամբ զոր յաճախ կը գործածեն  
դատաւորները, յանցաւորները յա՛կարծակիի բերելու և  
վրդովելու համար:

— Հոկ. 19ի գիշերը ինչպէս անցուցիք, հարցուց  
յանկարծ Սաւարիի:

— Եւ դ՞ուք, պարոն, պատասխանեց ամբաս-  
տանեալը:

Այս անսպասելի պատասխանը հարցաքննիչ դատա-  
ւորը բարկացնելու բնութիւնը ունէր, ինչ որ ալ ըլլար  
իր երկայնամտութիւնը: Պ. Կուրպէ կանգնեցաւ և խօսքը  
Սավարիի ուղղելով:

— Պարոն, ըսաւ, կը մոռնաք այն յարգանքը՝ զոր  
պարտիք արդարութեան, հիմա հրաման պիտի տամ որ...

— Պարոն դատաւոր, — պատասխանեց Սավարի  
ամուր շեշտով մը, բայց անա՛նկ քաղաքավարի ձեւով,  
որ դատաւորին բարկութիւնը իջեցնելու սահմանուած  
որ դատաւորին բարկութիւնը իջեցնելու սահմանուած  
էր, — սխալ կ'ըմբռնէք ըսածներուս իմաստը, հաւատա-  
ցէ՛ք, մտադրութիւն չունիմ վիրաւորելու դատաւոր մը  
որուն վարմունքն ու խօսուածքը, որքան ծանր՝ չեն  
դադրիր նոյնքան ազնիւ և քաղաքավար ըլլալէ: Այդ  
հարցումով ուզեցի ձեզի հասկցնել թէ դժուար էր պա-  
տասխանել այդ հարցումին: Մէկէն ի մէկ նեղը կը դնէք  
թէ՛ ինչպէս անցուցի հոկտեմբեր 19ի գիշերը, կը պա-  
տասխանեմ. ձեւ դ՞ուք: Արդարեւ ես այնպէս համոզ-  
ւած եմ որ մարդ եթէ աշխարհիս ամենէն մեծ կամք  
ալ ունենայ, դարձեալ չի կրնար իր գործերուն հաշիւը  
տալ այդ տեսակ յանկարծական հարցապնդումի մը առջեւ:

— Ասիկա կախում ունի պարոն, մարդու մը առա-  
ւել կամ նուազ փտանդուած կացութիւնէն: Ձեր հարցումը  
երբ ոմանց համար անձկալից է, ուրիշներուն համար  
այնպէս չէ: Բայց այս վիճաբանութիւնը ձեզի խորհելու  
ատեն տուաւ, Պիտի կրնա՞ք հիմա պատասխանել ինձի...

— Քիչ շատ կը յուսամ թէ պիտի կրնամ պատաս-  
խանել պարոն, եթէ չեմ սխալիր, Քաֆէ Անկլէի մէջ  
ճաշեցի:

— Հոն կը ճանչնան ձեզի:

— Կատարելապէս, շատ տարիէ ի վեր:

— Ժամը քանիին կը կարծէք որ դուրս ելաք .

— Սանկ, ութնին միջոցները ըլլալու էր :

— Խնդրեմ, ճշդեցէք այդ կէտը, ձեր պատասխանը մեծ կարեւորութիւն ունի, որովհետեւ խնդրոյ առարկայ ոճիրը ժամը 8-9 գործուած է, աւելցուց Պ. Կուրպէ, որուն ճարտարութիւնը այդ վայրկեանին սկսաւ երեւան գալ :

— Պարոն, եթէ ես գործած ըլլայի այդ ոճիրը՝ պիտի գիտնայի թէ ժամը քանիին գործեցի և այն ատեն ձեզի պիտի պատասխանէի թէ Քաֆէ Անկլէի մէջ մինչեւ ժամը 9 կեցայ, հաստատելու համար թէ այդ պահուն ուրիշ տեղ մըն էի :

— Բայց այն ատեն շատ դիւրաւ հերքում մը պիտի տրուէր :

— Շատ դժուարութեամբ պարոն, Քաֆէ Անկլէ յաճախողները շատ ուշ կը ճաշեն. մինչեւ ժամը 9 ժարդ կը գտնուի սեղաններուն շուրջը, 6 սպասարկուներուն գոնէ կէսը պիտի կրնան վկայել թէ ամենէն վերջին մեկնողներէն եմ. եթէ, կ'ըսեմ, կը լսեմ թէ ժամը 8ին մօտ մեկնեցայ, կ'ուզեմ աւելի ճշմարտութեան մօտենալ :

— Շատ լաւ, ժամը 8ին ելաք սրճարանէն, և՛ տըրը ինչ ըրիք :

— Սովորութեանս համեմատ ժամ մը պոտեցայ Պուլվառ տէ զ'իթալիէնի վրայ :

— Մէկու մը չի հանդիպեցա՞ք, բարեկամի մը հետ չի տեսնուեցաք :

Սավարի վարանեցաւ ինչպէս ամեն մարդ պիտի ըլլար և պատասխանեց :

— Ոչ, կարծեմ մէկու մըն ալ չհանդիպեցայ և միտակ պատեցայ :

— Ատիկա չհաստատուելիք բան է : Օդը այնքան գեղեցիկ էր որ այդ օրը, իրիկուան ժամը 9ին Պուլվառ

տէ զ'իթալիէնի վրայ շատ մը ծանօթներու հանդէպէր :

— Ատիկայ կարելի էր, պարոն, բայց դիպուածը այնպէս բերաւ որ ոչ մէկուն հանդիպիմ, ասկից զատ ժամը 9ին ամենէն խաղաղ ժամն է այդ Պուլվառին, արդէն մարդ կա՛մ թատրոն մտած է, կամ ակումբ մը և կամ հիւրասէր տու՞մը . . .

— Ժամուան մը պտոյտնէդ ետք ո՛ւր գացիք .

— Վայրկեան մը տուն գացի .

— Այդ ատեն ժամը ի՞նն էր :

— Անտեղուանքը .

— Բայց ձեր դռնապանը հարցաքննութեան մէջ ըսած է թէ ժամը 10ին մօտերը տեսած է ձեզի :

— Ժամը 9, և կամ 10, տարբերութիւն չունի անանկ դռնապանի մը համար որ իր ժամանակին կէսը օթոսին վրայ քնանալով կ'անցնէ :

— Է, ինչո՛ւ, հակառակ ձեր սովորութեան այդ միջոցին տուն դարձաք . . .

— Օհ, Ատուա՛՞՞՞ իմ : Շատ պարզ պատճառով մը պարոն, առտուընէ ի վեր ամբան բալթոյով մըն էի, օդը ցրտած ըլլալով՝ ձմրան բալթօ մը առնել գացեր էի :

— Բայց ձեր բալթօն հոն չի ձգեցիք, որովհետեւ անիկա բիծեր ունէր վրան որոնք կրնային մատնել, աւելցուց հարցաքննիչ դատաւորը :

— Բիծեր, ըսաւ Սավարի անխռով. ի՞նչ բիծեր . . .

— Արիւնի երկու կամ երեք բիծեր : Ի՞նչ բացատրութիւն պիտի տաք ասոր :

— Բայց ատոնք բացատրելու պէտք չկայ, քանի որ ատանկ բան մը գոյութիւն չունի, բացատրեց Սավարի անխախտ ձայնով մը :

Պ. Կուրպէ կը յուսար որ հարցաքննողը եթէ

յանց... ր էր, ինքզինքը պիտի մատնէր այս յարձակման առջեւ և պիտի փորձէր բացատրութիւն մը տալ ր մասին, ըսելով թէ քիթը արիւնած, մատը կտրած էր, եւ այլն, ինչպէս սովորութիւն ունէին ըսել մարդասպանները նմանօրինակ պարագաներու մէջ: Այս տեսակ բացատրութիւն մը պիտի ծառայէր Սավարի յանցանքը մատնելու, որովհետեւ ամենամանրամասն քննութեան մը հակառակ, յիշեալ բաճկոնին վրայ ոչ մէկ արեան հետք տեսնուեցաւ, ինչպէս դիտմամբ ըրած էր Պ. Կուրպէ: Այս նոր ճարտարութիւնն ալ շէր յաջողած, կամ անոր համար որ Սավարի անմեղ էր, կամ անոր համար որ օժտուած էր արտակարգ պաղարիւնութիւնով մը:

Սակայն Պ. Կուրպէ չուզելով այս շարքը լքել, յայտարարեց որ բաճկոնը պիտի ենթարկուի ամենաճարտար տարբարոյժներու քննութեան: Սավարի յօնքերն անգամ չպատեց և դէպ ի հարցաքննիչ պատուօրը դառնալով, հասկցնել ուզեց թէ հարցաքննութեան ելքին կը սպասէր:

— Չեր տունը քանի մը վայրկեան մնալէ ետք, շարունակեց Պ. Կուրպէ, գացեր էք Բէլաճի տ'էրմօն անուն երբեմնի աշխարհիկ կնկան մը քով որ ճամբէ ելած է երկար ժամանակէ ի վեր, և որուն հետ կ'ապրիք:

— Ներեցէք, պարոն, յարեց ժպտելով Սավարի. տիկին տ'էրմօն կը ճանչնամ, ասիկայ կը խոստովանիմ, բայց անոր հետ չեմ կենակցիր:

— Բառերուն վրայ չխախանք, անոր տարփաւորն էք:

— Այո, եղած եմ, բայց այդ բախը ինձի հետ բաժնած են նաեւ ուրիշ քանի մը անձեր:

— Ատիկա գիտենք, սակայն սա ալ գիտնալ կ'ու-

զենք ձենէ որ յիշեալ կինը մեծամեծ ծախքեր կ'ընէ անհաշիւ կը վճարէ տանը, արդու զարդին, կառքերու, և այլնի համար, և այս ամենքին դուք ալ կը մասնակցիք:

— Ասաուած իմ Պարոն, կարելի է անոր հետ ապրիլ առանց քիչ մը դրամ չի ծախսելու: Դուք ձեր դատաւորի դիրքով ինէ աւելի ազէկ կը ճանչնաք բարիգեան կեանքի բոլոր աղտոտութիւնները, բոլոր տարօրինակութիւնները, և չէք անգիտանար թէ կարելի չէ տիկին տ'էրմօնի պէս կնոջ մը մտերմանալ, առանց սակայն անոր համար բոլորովին մոխրի վրայ ըստելու:

Սավարի այս բացատրութիւնը բոլորովին ընտանեկան շեշտով մը տուաւ, բարեկամի մը հետ խօսելու պէս ժպտելով. Պ. Կուրպէ ինքն իսկ վայրկեանէ մը ի վեր ձգած էր իր առջի խստութիւնը: Ազնուութեամբ կը դիտէր ամբաստանեալը, նուազ խիստ աչքով կը յայնէր անոր:

Հիմա ոտք ելած էր ու վեր վար կը պարտէր:

Պ. Կուրպէ յանկարծ յիշելով սենեակին մէջ ծիւլիա վիտալի ներկայութիւնը, հետաքրքրուեցաւ գիտնալու թէ ինչ կ'ըլլար ան. և ուղղուեցաւ դէպ ի տախտակորմը:

Միակ ակնարկ մը, գոր ոչ ոք կրցաւ նշմարել, բաւեց իրեն զոհացնելու իր հետաքրքրութիւնը: Ծիւլիա միշտ անշարժ, լուռ կը սպասէր հարցաքննութեան ելքին: Կնոջ տժգունութիւնը ազդեց իր վրայ և վերջնապէս լրջութիւնը, որ պահ մը անհետացած էր, եկաւ գրասեղանին առջեւ նստաւ ու գաղափարներու նոր շարք մը ձեռք առնելով:

— Կը ճանչնամք Մօրիս վիտալը, հարցուց, և որքան տարիէ ի վեր:

— Այո՛, պարոն, և գրեթէ երեք տարիէ։  
 — Ի՞նչ պարագաներու մէջ ճանչցաք զայն։  
 — Մեր գիւղացի բարեկամներէն Պ. տը Մօսթուի միջոցաւ, որուն յայտնած էի Սակարանի գործառնութիւններ ընելու փափաքս, զիս ներկայացուց Պ. Վիտալի, որ հաւանեցաւ գործերուս օժանդակել։  
 — Առա՛նց երաշխաւորութեան։  
 — Բարոյական ապահովութիւնս բաւեց իրեն, պարո՛ն։ Ատկէ զատ, արդէն շատ պզտիկ գործառնութիւններու վրայ էր խնդիրը։  
 — Միշտ այդպէս չեղաւ սակայն, քիչ ատենէն բաւական կարեւոր գումար մը կորսնցուցիք։  
 — Այո՛, պարոն։ Նոր գործի մը օր մը ստիպեց զիս իմ պահեստէս վեր գործի մը ձեռնարկելու։ Այդպէս սով 50000 ֆրանք կորսնցուցի։  
 — Այդ դրամները վճարեց Պ. Վիտալ, անոր պատական եղաք, և վճարման մասին ալ ցաւալի միջադէպ մը ունեցաք Սակարանի մէջ Պ. Վիտալի հետ։  
 — Այո՛, պարոն։  
 — Պ. Քօրտիէ, յարեց դատաւորը քարտուղարին, կարդացեք այդ մասին Սակարանի քօմիտէրին տեղեկագիրը։  
 [Նիթերցումը երբ աւարտեցաւ, դատաւորը հարցուց թէ ճիշտ էր նկարագրուածը։  
 — Այո, կատարելապէս, պատասխանեց ամբաստանեալը։  
 — Պ. Վիտալի հետ ձեր հակաճառութեան հետեւանքով ստիպուիցաք 50000 ֆրանքի տոմս ստորագրել, չէ՞։ Ի՞նչ եղան այդ տոմսերը։  
 — Տունս է։  
 — Այո, ձեր տունէն գտնուած են, բայց ինչո՞ւ հոն էին անոնք։

— Օ՛հ, շատ պարզ պատճառով մը. զանոնք վճարած և ետ առած էի։  
 — Որո՞ւն տուիք դրամը։  
 — Նոյն ինքն Պ. Վիտալի։  
 — Ե՛րբ։  
 — Իր մահուան նախկին իրիկունը, քանի որ տոմսներու պայմանաժամը յաջորդ օրը կ'աւարտէր։  
 — Անկարելի է ատ։ Լա Բէ փողոց գացեր և մարդ չէք գտեր։  
 — Այո, տունը չէր, բայց ես զայն փնտռել գացի և գտայ Վիվիէն փողոցին մէջ, ուր սովորութիւն ունէր պտտելու Սակարակէն ելլելէն ետք։ Ժամը Յին ատեններն էր։  
 — Է՛, փողոցին մէջ վճարեցիք. ատիկայ ընդունելի չէ։  
 — Ինչո՞ւ չէ. այդ գումարը ծանր բան մը չէ։ Մնաց որ Սակարանի մարդոց համար դրամ վճարելու համար որոշ տեղ մը չկայ։  
 — Բայց խնդիր մըն ալ կայ։ Պ. Վիտալ յայտարարած էր իր բարեկամներուն թէ բնաւ յոյս չունէր որ պիտի վճարէիք և ինքը դատարանին պիտի յանձնէր։ Եթէ իրաւցնէ՛ վճարեցիք, ինչո՞ւ այդ բարի լուրը չի հաղորդեց բարեկամներուն։  
 — Ատոր համար անոնց այցելութիւն չպիտի տար, այնպէս չէ՞, դիպուածով երբ հանդիպէր պիտի ըսէր։  
 — Ահա հո՛ր է տարբերութիւնը. նոյն գիշիրը ճաշեց անոնցմէ մէկ քանիներու հետ։  
 — Լաւ, պարոն, չի՞ կրնար ըլլալ որ ուրիշ գործով զբաղած ըլլան։ Ատանկ առնելիքի տալիքի խնդիրները Խօսքին կարգը եկած ատեն կ'ըսուին։  
 — Պարոն միշտ պատրաստ պատասխան մը ունիք ձեր լեզուին տակ, աւելցուց Պ. Կուրպէ նեղսրտած։

աղէկ փաստաբանութիւն կ'ընէք: Ասոր պատասխանեցէք թէ, այդ 50000 ֆրանքը ուսկի'ց հայթայթեցիք:

Սավարի որ ցարդ առանց վարանման պատասխանած էր, լուռ կեցաւ:

— Չի լսեցի՞ք, պնդեց դատաւորը, պատասխան չի ներձու համար կ'սպասէք...

— Օ՛հ, պարոն, յարեց Սավարի ժպտելով, եթէ ատոր պատասխան չի ներձու պէտք ունենայի, մինչեւ հիմա չպիտի սպասէի, արդէն ժամէ մը շինած ըլլալու էի. ըրած հարցումնիդ մեծ կարեւորութիւն ունի, անո՛ր համար կը վարանիմ որ պատասխանս չի պիտի գոհացնէ կարծեմ ձեզի: Դուք գործնական և կանոնապահ մարդ մըն էք, և չէք կրնար ըմբռնել թէ, ի՛նչ տարօրինակ եղանակներով դրամ կը հայթայթուի:

— Տեսնենք ի՛նչ են այլ միջոցները:

Հարցաքննիչ դատաւորը այսպէս պատասխանելէ ետք Սավարի շարունակեց.

— Երկու ամիսէ ի վեր շատ մտազբազ էի պարտքիս պայմանաժամը լրանալը մօտենալուն: Կը վախնայի որ Պ. Վիտալ խիստ և յոռի ընթացք մը կը բռնէ ինձի դէմ: Ուստի Բարիզի երիտասարդներուն դիմած մէկ միջոցին դիմեցի: Հոկտեմբերի սկիզբը ունեցած գեղարւեստական իրեղէններս և գոհարեղէններս ծախեցի, 25 ոսկի փոխ առի բարեկամէ մը, 30 ոսկի ուրիշէ մը, այսպէսով 35000 ֆրանք ունեցայ և մեկնեցայ Սրա, ուր, ինչպէս յայտնի է թղթախաղի նշանաւոր հաստատութիւններ կան: Հոն 1500 ֆրանք դրի, և շնորհիւ խաղի նոր դրութեան մը որուն վրայ երկար ատենէ ի վեր խորհած էի, երկու օրուան մէջ յաջողեցայ 10000 ֆրանքի մօտ գումար մը շահիլ:

Դատաւորը իր կատարեալ թերահաւատութեան նշանները ի յայտ բերաւ. բայց Սավարի չտեսնելու վար-

կաւ այս դժգոհութեան ձեւերը և շարունակեց.

— Սրան Գերմանիա անցայ և Պատի, Համպուրկի և Վիսպատէնի մէջ նոյնպէս յաջող բազդ մը ունեցայ: Վերջապէս քանի մը օրուան բացակայութենէ ետք Բարիզ դարձայ 50000 ֆրանքով, որով պարագս վճարեցի: Ահա իմ պիղ պատմութիւնս:

— Ընդհակառակը շատ կնճռոտ պատմութիւն մը, որ աչքիս ու է արժէք մը չունի և ու է արդարացում չբերեր ձեր վրայ ծանրացող ամբաստանութեան:

— Ներեցէք պարոն, կրնաք քննութիւն մը կատարել գացած տեղերուս վրայ:

— Ատիկա աղէկ, բայց ի՛նչպէս պիտի հաստատուի թէ շահած էք 50000 ֆրանք:

— Դժուարը հող է, կ'ընդունիմ. այսու հանդերձ շատ մը մարդիկ տեսան շահիլս:

— Գերմաններ Պելճիգացիներ վերջապէս անձանթներ, ո՛ւր պիտի գտնէք գանոնք:

— Տէր Աստուած, յարեց Սավարի եռանդով, ես երբ Գերմանիոյ մէջ խաղի սեղանին առջեւ նստած էի, կրնայի՞ երեւակայել որ Ֆրանսա դարձիս ոճիրով մը պիտի ամբաստանուիմ, այդ պարագային պիտի ճշդէի խաղի ընկերներուս ո՛վ և ի՛նչ ըլլալը:

Առանց պատասխանելու այս տեսակ մը ամօթապարտ յայտարարութեան, ուր ամբաստանեալը իր անչփոթութիւնը կորսնցուցած չէր հարցաքննութեան սկիզբէն ի վեր, Պ. Կուրպէ ոտքի ելաւ և կարդացնել տուաւ արձանագրութիւնը:

Հարցաքննիչ դատաւորը կը զգար թէ հիմա ա՛լ տուելի միտքուած էր այն խաւարին մէջ որ կը շրջապատէր Լա Բէ փողոցին ոճիրը: Ահա ամենէն հաւանական հեղինակն ալ իր ձեռքէն կը խուսափէր կերպով մը, որովհետեւ ու է բացայայտ ամբաստանութիւն կամ կանկամ չկար տրուած պատասխաններուն մէջ: Եթէ անմեղութեան համար գոհացուցիչ բաստեր չկային, չկա-

յին նայել ամբաստանող ծանր պարագաներ:

Լինթերցանութիւնը աւարտեցաւ:

— Ոչինչ ունիմ ըսելիք այդ արձանագրութեան դէմ, երկո՛ւ ձեռքով կը ստորագրեմ զայն...

Յետոյ ելաւ, առաւ գլխարկը և Պ. Կուպէի դարձաւ. կարծես անոր հրամաններուն կը սպասէր:

— Պարոն, ըսաւ դատաւորը յայտնի կերպով նեղաբերած և քիչ մը վրդոված հարցաքննողին ձեւերէն. կը տեսնեմ թէ դարձեալ հարցաքննելու պէտք պիտի ունենամ ձեզի, և ատոր համար ստիպուած եմ ձեզի ձերբակալուած վիճակի մէջ պահել:

Սավարի չպատասխանեց, լուռ սպասեց:

Բայց, աւելցուց դատաւորը, կրնամ ձեր կացութիւնը քիչ մը մեղմացնել. չպիտի արգելափակեմ ձեզի:

— Օհ, յարեց Սավարի, բանտը զիս չի վախցնէր. իմ տարիքս ունեցող և իմ կեանքս վարող մը մենութենէն չի վախնար. Բարիզեան կեանքը մեզի վայրկեան մը հանգիստ չի թողուր, կամ գործ կայ, կամ հաճոյք, և խորհելու ժամանակ չկայ, այլ միայն գործելու: Սրբելափակումս պատճառ պիտի ըլլայ որ միտքս քիչ մը խաղաղի, և կը յուսամ որ բանտէն պիտի ելլեմ նուազ զիւրազրգիւ, նուազ ջղայնոտ և աւելի ուժեղ: Այսպէս, ըստ որով չնորհակալ ըլլալով ձեր բարեհաճութիւններէն՝ կը ինզրեմ որ այդ հետեւանքը չտաք գործին. մտերիմ բարեկամ մը չունիմ որ ինծի այցելէ, հաճոյքի ընկերներս ինքզինքնին չպիտի խանգարեն զիս տեսնելու համար, և եթէ գան ալ, պարզ հետաքրքրութենէ մը մղուած պիտի ըլլան և ոչ ուրիշ բանէ. գալով տարփուհիներուս, Օհ, պարոն, անոնք ալ շատ զբաղած պիտի ըլլան...

— Շատ լաւ, պարոն, պատասխանեց դատաւորը, ողջունելով Սավարին, հասկցնելու համար թէ վերջացած է հարցաքննութիւնը:

Եւ Սավարի մեկնեցաւ ինչպէս եկած էր, պարզ այցելուի մը պէս:

Դեռատի այրին որ ա՛յնքան ազնուականօրէն պահած էր խոստումը, ոչ մէկ բառ արտասանած, ոչ մէկ շարժում ըրած էր, իր ծածկուած տեղէն դուրս ելաւ, տագոյն և դանդաղ:

Երբ երկու քայլ առաջ գնաց, կեցաւ և թեւերը տարածելով դէպի դուռը, ուրկից մեկնած էր Սավարի, պուռաց կորովի շեշտով մը.

— Այն մարդը որ հիմա դուրս ելաւ, այն մարդը, որ հիմա հարցաքննեցիք, ամուսինիս սպաննի՛լն է այդ մարդը...



Ը.

Հարցաքննիչ դատաւորը ապշահար մնաց դեռատի այրիին այս ծանր արտասանութեան առջեւ, այն տեսակ մարդու մը դէմ, որուն անմեղութեան կամաց կամաց կը սկսէր հաւատալ. Պ. Կուբպէ Տիկին Վիտալի ըսաւ թէ իր վիշտը գուցէ անարդարութիւն գործել կուտար և ամուսինին վրէժը լուծելու բոց տեսչը ամէն կողմ յանցաւորներ կը ցուցնէր իրեն:

Բոլոր այս տրամաբանութիւններուն կիներ սապէս պատասխանեց.

— Ձեմ խարուիր, վստահ եմ որ չեմ խարուիր:

— Սրբեօք հարցաքննողին խօսքերուն, ձեւերուն, նայուածքին մէջ բա՛ն մը նշմարեցիք, որ իմ ուշադրութենէս վրիպած էր, հարցուց դատաւորը:

— Ոչ մէկ մասնաւոր բան:

— Այն ատեն ինչի՞ վրայ կը հիմնուիք...

— Ոչ մէկ բանի վրայ, Այն վայրկեանէն սկսեալ սեր այդ մարդը սենեակ մտաւ, զգացի թէ արտակարգ զգայնութենէ մը բռնուեցայ. երբ խօսեցաւ, սկսայ դողալ: Եթէ անմեղ էր ինչո՞ւ ատանկ յուզում մը պատճառեց ինծի. ասկէ առաջ արդէն կասկածելիներ ցոյց տուած էիք ինծի և կրցած էի պահել անդորրութիւնս: Աս Սավարին կարծես օտար չէ ինծի, իմ կեանքիս կապուած է սերտօրէն: Անկէց կը տառապիմ, դեռ պիտի տառապի՛մ ալ, վստահ եմ, կ'երդնո՛ւմ...

— Իտալացի էք, տիկին, հետեւաբար քիչ մը ճակատագրութեան հաւատացող:

— Կարելի է, պարոն, բայց այս վայրկեանիս տրամաբանութեամբ մը գործեմ: Ուսկից առաջ կուզայ այն վրդովանքը որ կ'զգամ դէմքի մը դէմ զոր երբէք չեմ տեսած, երբէք չեմ ճանչցած: Մեղապարտը ա՛ն է, պարոն, ձեզի կ'ըսեմ թէ ա՛ն է մեղապարտը...

Իր շարժուձեւերը, դիրքը, ձայնը և կայծակնափայլ աչքերը թեւ կուտային այս արտագարգ դատապարտութեան: Սյդ դիրքին մէջ հրաշալի էր, իտալացի դիցունիի մը կը նմանէր:

Մինչ Պ. Կուրպէ հիասքանչ կը նայէր անոր և ինքնիրեն կը մտածէր թէ ի՞նչ կերպով պիտի կրնար անդորրել զայն, բարապան մը մտաւ և թուղթ մը ներկայացուց:

— Դո՛ւրսն է, հարցուց դատաւորը ակնարկ մը պըտրտցնելով թուղթին վրայ:

— Այո պարոն,

— Առաջնորդեցէք:

Վայրկեան մը ետք դուռը բացուեցաւ և դաղտնի օստիկան Վիպէն ներս մտաւ:

— Փափա՞ք յայտներ էք հետս տեսնուելու, յարեց հարցաքննիչ դատաւորը, մինչ օստիկանը զայն կ'ողջունէր:

— Այո պարոն, Լա Բէ փողոցի ոճրին մասին ինքիդինքս ձեր հրամաններուն տակ կը դնեմ:

— Դո՛ւք էիք որ տիկինին տունը գացիք, ըսաւ դատաւորը ձիւլիան մատնանշելով:

— Այո, բայց չընդունուեցայ, վրայ բերաւ Վիպէն Կապոյտ ակնոցին տակէն նայելով տիկին Վիտալի:

— Դործին ամեն մանրամասնորթեան վերահասո՛ւ էք:

— Քիչ չատ, պարոն, արարթըմանը առաջին անգամ մտնողներէն մէկը եղայ, ոճրին երեւան ելլեկէն քանի մը վայրկեան ետք:

— Այո, կը յիշեմ. օստիկանութեան տեղեկագրին մէջ յիշուած էիք:

— Կարելի է:

— Մանրամասնութիւններ ալ կուտար կարծեմ. կը յիշեմ նաեւ ձեր քանի մը կասկածները:

— Այլանդակ կասկածներ, որոնց վրայ կը ցաւիմ, աւելցուց Վիպէն աշխուժիւ ընդմիջելով դատաւորը և զզջացող ակնարկ մը ուղղելով դեռատի սղաւորին. մնաց որ, ինքիդինքս արդարացնելու համար պէտք է ըսեմ թէ այդ կասկածները վայրկեան մը միայն ունեցայ. Հիմա այդ կասկածները ուրիշ կողմ դարձած են:

— Ախ, ո՞ր կողմը:

— Այն անձին վրայ զոր երէկ ձերբակալել տուիք:

— Այլէն Սավարին ըսել կ'ուզէք:

— Այո:

— Ահաւասիկ իր հարցաքննութիւնը, ուշադրութեամբ կարդացէք:

Վիպէն նստաւ քարաուղարին տեղը որ մեծկակ էր:

ակնոցը աչքին զետեղեց, արմուկները սեղանին վրայ դրաւ, գլուխը ձեռքերուն մէջ ընկղմեցաւ ընթերցումին խորը, մինչ Պ. Կուրպէ չըմինէին առջեւ նստած կը խօսակցէր ծիւլիայի հետ:

— Է, տեսնենք ի՞նչ կը խորհիք, հարցուց դատաւորը երբ քառորդ ժամ մը ետք վիպէռ ոտքի ելաւ:

— Պարոն դատաւորը կը ներէ՞ սր ամէն բան ազատ համարձակ պատասխանեմ:

— Անտարակոյս:

— Կը մտածեմ որ այս հարցաքննութենէն կարելի չէ դատաւարտող տարրեր հանել և գործը Եղեռնադատ Ատեանին առջեւ հանել:

— Չեր ըսելիքներուն կը սպասեմ, արձակման հրաման մը բացայայտ է:

— Եթէ երբէք նոր խնդիրներ երեւան չգան, աւելցուցուց վիպէռ:

— Ունի՞ք նոր բաներ:

— Ոչ, բայց պիտի փնտռեմ ու պիտի գտնեմ:

— Եթէ որոշ հետքի մը վրայ էք, և եթէ Պ. Սավարի յանցաւոր է:

— Յանցաւոր է, պօռաց յանկարծ տիկին վիտալ որ բնաւ բառ մը չէր փախցնէր այս խօսակցութենէն:

— Ահ, յարեց ոստիկանը, ծիւլիայի կողմը դառնալով արագ, տիկինը համողութեամբ է անոր յանցապարտութեան:

— Համողութեամբ, այո:

— Կեցցէ՛, գոչեց վիպէռ, որ մոռնալով հարցաքննիչ դատաւորին ներկայութիւնը, կեցցէ՛, կրկնեց, Սավարի կորսուած է, և հիմա վստահ եմ որ անոր դէմ ապացոյցներ պիտի գտնեմ:

— Պ Կուրպէ հրտաքրքրութեամբ կը նայէր այս արտակարգ ոստիկանին, որ խանդավառութիւն և անկեղծութիւն կը մտցնէր պաշտօնի մը կիրառութեան մէջ:

ուր ծածկամտութիւն և պաղարիւն կը տիրէ ընդհանրապէս:

Բայց անակնկալները վերջ գտած չէին, վիպէռ յանկարծ ձեռքը ձակտին զարկաւ, գիւտ մը ըրածի պէս և խօսք առնելով ըսաւ:

— Պ, հարցաքննիչ դատաւորը հաւանարար նշմարեց որ հարցաքննողը ինքզինքը պաշտպանելու մեծ ուժ ունի, չէ՞:

— Անտարակոյս, անմեղ կամ մեղաւոր, ճշմարիտը սա է որ Սավարի չափազանց ուշիմ մարդ մըն է:

— Այն ատեն, յարեց վիպէռ, սրբ զայն բանտ դնենք բան մը չպիտի կրնանք հասկնալ:

— Ինչո՞ւ:

— Որովհետեւ կորովի և գոց-բերան մարդ մը քանի մը օրուան բանտարկութիւնով ինքզինքը չի լքեր: Պէտք չէ մտածել նաև որ յայտնութիւններ կ'ընէ իր մէկ բանտիկերին: Այդ բաները պարզամիտ և ռամիկ մարդոց կը պատահի որոնք ոստիկանութեան ծածուկ պաշտօնները իրենց պէս դատապարտուածներ կարծելով կարեւոր յայտնութիւններ կ'ընեն: Բայց Սավարիի համար ատանկ բան մը չի պատահիր: Ոչ մէկուհի հետ պիտի տեսնուի ան, և պիտի մնայ բացարձակ լռութեան մէջ:

— Ի՞նչ կը հետեւցնէք հարցուց Պ. Կուրպէ:

— Եթէ հարցաքննիչ դատաւորը կ'ուզէ թոյլ տալ ինծի որ կարծիքս յայտնեմ, կը հետեւցնեմ թէ պէտք է անմիջապէս ազատ արձակել հարցաքննողը:

— Եւ յետոյ ի՞նչ կը յուսաք. աւելի՞ եւս ինքզինքը անհոգ պիտի ձգէ, քանի որ ազատ է այլեւս, Բայց եթէ այս ամեն փորձանքներէն դող ելած և վախնալով որ նորէն պիտի ձերբակալուի, փախչելու ձեռնարկէ...

— Հաւանական չէ ատիկա Պ. դատաւոր. եթէ պիտի փախչէր, այդ բանը կ'ընէր ո՞՞՞ր գործելէն անմիջապէս:

ետք, ենթադրելով որ ինքն է ոճրին հեղինակը. ձեր բոլոր ջանքերը ի դեպեւ հանելու համար իր պաղարիւնութեան և դիւրախօսութեան ապաւինած է. իր վրայ աւելի եւս հաւատք գոյացուցած է հիմա, որ արդարութեան ձեռքը անցնելէն ետք կրցած է ինքզինքը փրկել. մնաց որ, Սավարի այն բարիզցիներէն է, որոնց արեան հետ շաղուած է Բարիզի կեանքը, որոնք ուրիշ տեղ չեն կրնար ապրիլ և կը նախընտրեն շատ մը փորձանքներ կրել, քան իրենց երկրէն հեռանալ: Քանի՜ քանի չարագործներ, որոնք արտասահմանի, կամ նոյն իսկ մեր նահանգներուն մէջ կատարելապէս ապահով պիտի ըլլային, իրենց ազատութիւնը կը վտանգեն իրենք իրենց գլխովը: Բարիզ գալով, որպէս զի շնչեն այն օդը՝ որ իրենց թոքերուն համար այնքան կարեւոր է. չեմ դադարի հետեւնելէ թէ, Սավարի յանցաւոր է և կ'ենթադրեմ որ սպայէս կը տրամաբանէ ինք. — «Ոճիր մը գործեցի որ զիս կրնայ կառավարնատ առաջնորդել. ինչ ընթացք բռնեմ. փախչի՞մ, բայց այդ բանը խոստովանիլ պիտի ըլլար մեղքս. եթէ ճամբան բռնուիմ, ինչ որ հաւանական է, գործս յայտնի է. եթէ չբռնուիմ, արտասահմանի մէջ անօթի պիտի մնամ. լաւագոյնը հոս մնալ և ձերբակալման վտանգին դէմ դնելն է». ահա այս է ըրածը. ասկից զատ, — շարունակեց Վիպէս շունչ առնելով, քանի որ իր տարրին մէջ գտնուելով ողբերգուած կը խօսէր, — կ'առաջարկեմ զայն ենթարկել խիստ հսկողութեան մը. այդ պաշտօնը ես կ'ստաննանք»:

— Շատ աղէկ, ըսաւ դատաւորը, ամբաստանեալը ազատ է, վայրկեան մը ընդունինք այդ բանը, ինչպէս նաեւ ընդունինք ձեր ստաննած հսկողութեան պաշտօնը. ինչ են ուրեմն ձեր ծրագիրները, ի՞նչ է ձեր յատակագիծը:

— Յատակագիծս, օհ պարոն, պէտք է զայն խա-

ղաղ գլխով մը պատրաստել. բայց կ'ըզգամ որ, յարեց ձեռքը ճակտին դարնելով, պիտի յաջողի՞մ:

Պ. Կուրպէ նայեցաւ Վիպէսի. իր գոյնը սովորաբար սոճոյն, ողբերգուած էր, աչքերը կը ցուցլային ականջներովն տակէն. հասակը ցցուած էր, կարծես համոզուած էր իր ըսածին և ընելիքին:

Դատաւորը իր երկար և մեծ փորձառութիւնով հասկըցաւ իսկոյն թէ կը գտնուէր մէկուն դէմ այն ոստիկաններէն, որոնք ուժգնօրէն կապուած, սիրահարած են իրենց արհեստին, որոնք ընկերութեան կրնան մատուցանել թանկագին ծառայութիւններ, երբ աղէկ կերպով գործածուին. ասկից զատ, զինքը զբաղեցնող գործին համար զօրաւոր օժանդակ մը կ'աւելնար. իրաւ էր թէ հարցաքննիչ դատաւորներու սովորութենէն դուրս էր ուղղակի գործ ունենալ ոստիկաններու հետ և անոնց պաշտօններ տալ, սակայն այս պարագային Պ. Կուրպէ որոշեց սովորութենէն չեղիլ:

— Այսպէս, յաջողութեան վրայ վստահ էք, չէ՞, հարցուց դառնալով Ք. մարքիզին պաշտպանեալին:

— Եթէ Սավարի յանցաւոր է, ըսաւ Վիպէս անվարան, կը պատասխանեմ թէ իր մեղապարտութեան ապացոյցները պիտի բերեմ ձեզի. բայց քանի մը պայմաններ ունիմ:

— Ինչ են նայինք ատոնք. աւելցուց դատաւորը, որ այսպէս սկսաւ տակաւ ընտանենալ գաղտնի ոստիկանին ինքնայատուկ վարուելակերպին:

— Նախ, պէտք է ընդունիլ թէ զայն ազատ ձգելու է վաղը առտուընէ:

— Կարելի է որ այս ազատ արձակումը գործադրեմ, բայց պիտի խորհիմ:

Օգտակար պիտի ըլլայ նաեւ երբ հարցաքննութեանց մէկ մասը զրկուին դատական զանազան թերթերուն,

որպէս զի ծանուցանեն խնդրին նոր լուսաբանութիւնները: Այդ գրուածներուն մէջ ցաւ պիտի յայտնուի Սավարիի քաջաստանուած ըլլալուն համար և պիտի գրուի թէ ան կատարելապէս անմեղ դուրս ելած է նոյն իսկ առջի հարցաքննութենէն: Այս միջոցը ծուղակ մը չպիտի կարծէ ինք, որով ինքզինքը կատարելապէս անպարտ պիտի հաւատայ և քիչ ուշադրութիւն պիտի ընէ խօսքերուն և լնթացքին:

— Կը հաստատեմ ձեր գաղափարը, ըսաւ Պ. Կուրպէ որ կը հիանար ոստիկանին նախատեսութեան վրայ: Եւ յետո՛յ, հարցուց:

— Յետո՛յ, ա՛ն պարոն, ահաւասիկ ամենէն դժուար կէտը: Կ'ուզեմ որ այդ գործին, մէջ լիազօր գործելու ազատութիւն ունենամ, ժամանակի մը համար ունէ հսկողութեան չենթարկուիմ դատարանի կամ, չագրելուիմ դատական կամ ոստիկանութեան ու է մէկ հրամանով, և տրամադրելի ունենամ պէտք եղածին չափ գումար մը, որպէս զի ամբաստանեալին հետքը չձգելու համար շուայտ և մօրի կեանքի մը մէջ մղուիմ ի հարկին:

— Ձեր այդ պահանջներուն համար պիտի խօսիմ որոնց որ պէտք է, և կը յուսամ որ ատոնք պիտի տրուին ձեզի:

— Այն ատեն, ըսաւ Վիպէն, կարգը եկած է որ մեկնիմ պարոն, և ձեր որոշումին սպասեմ: Եթէ ան նպաստաւոր է ինձի, պիտի պատրաստեմ գործելու յատակաձեւս և անմիջապէս գործի պիտի սկսիմ:

Վիպէն ողջունեց և անհետացաւ դուռնէն դուրս, մինչ դեռատի այրին ու դատաւորը, վայրկեան մը իրարու երես նոյնիքն ետքը տեսակ մը ապշուածութեամբ և հիացումով, իրարու ձեռք սեղմեցին և բաժնուեցան:

Վիպէնի առաջարկած խնդրանքները գործուեմ

գտան անտարակալոյս, քանի որ յաջորդ օրը սա հատուածը գրուած էր Գասական Թերթին մէջ. —

«Պ. Ալպէր Ս... որուն համար երէկ գրած էինք թէ Լա Բէ փողոցին ոճիրին խառնուած էր և որ ձերբակալուած էր, գրեթէ անմիջապէս ազատ արձակուեցաւ, հարցաքննութենէ մը ետք ուր ոչ մէկ բառ կար իրեն դէմ: Ասկից զատ, մասնաւոր տեղեկութեանց նայելով, արդարութիւնը հաստատած է թէ այդ ոճրին ճշմարիտ հեղինակը որ արտասահման փախած է կը կարծուի, մօտ ատենէն պիտի գտնուի և պիտի յանձնուի մեզի. քանի որ գործը պարզ սպաննութեան մը չուրջը կը դառնայ:

«Մեր ընթերցողները վստահ կրնան ըլլալոր, պիտի գրենք մեզի եկած բոլոր այն նոր տեղեկութիւնները, որոնք արդարութեան ձեռնարկները խափանելու բնութիւնը չունին»:

Այս գրուածքին տեղեկութեան և ճշմարտութեան հաւատաց ամէն մարդ, և շատ մը թերթեր նոյն իսկ ատիկայ առիթ բռնելով ելան բարոյականի դասեր տուին. ցաւեցան Սավարիի բաղդին վրայ և զայն ներկայացուցին իրր տխուր մէկ զոհը դատական նոր սխալի մը:

Բարիզի մէջ, պղտիկ եղելութիւնները խոչոր համեմատութիւններ կ'առնեն. գիտնալով թէ վաղը չպիտի խօսուի այդ բանին վրայ, կը փութան զայն վիթխարիցընել. ամբողջ շաբաթ մը Սավարի օրուան մարդը եղաւ, մարտիրոս մը:

Նասիօնալ թերթը առիթէն օգտուելով ֆանթէզի ջօդուած մը գրեց, որ մեծ աղմուկ հանեց:

Այս բոլոր գրուածները Վիպէնի բաղդը կը շինէին.

— Սավարի, կը'սէր գաղտնի ոստիկանը, չկրնար երբէք երեւակայել որ դեռ կասկած կը ներշնչէ և հսկո-

դուրսեան տակ է. Իր գուշակած, զգոյշ կեանքէն դուրս պիտի ելլէ, քանի մը սխալներ պիտի գործէ և ես զայն ձեռք պիտի ձգեմ:

Ոստիկանութեան գաղտնի գործակալը կը ժպտէր այսպէս խորհելով, լեզուովը չըթնեքը կը գգուէր և ձեռքերը կը շփէր:



Թ.

— Սովորիի հարցաքննութեան երրորդ օրը, 30 տարու մարդ մը, ազատ համաձակ ձեւով, կապոյտ ակնոցով և օտար բազմաթիւ պատուանշաններով Տիկին, Վիտալի դուռը կը զարնէր:

Մարիէթթա բացաւ դուռը:

— Ձեր տիրուհին հետ տեսնուիլ կուզեմ, ըսաւ անձանօթը:

— Ժամը Ծը չէ դեռ, տիկինը մարդ չընդունիր. դիտել տուաւ Մարիէթթա:

— Բայց գործերը ստիպողական են:

— Ո՛վ էք դուք:

— Ձեր տիրուհին զէտք չէ որ անունս գիտնայ: Ըսէք իրեն թէ ես այն մարդն եմ որ հանդիպեցաւ հարցաքննիչ դատաւորին սենեակը:

Օհ, ատ ուրիշ խնդիր գոչեց Մարիէթթա, տիկինը խօսեցաւ ձեզի համար և ըսաւ թէ անմիջապէս ընդունիմ ձեզի:

Կէս մը գոց բռնած դուռը լայն մը բացաւ և մարդը առաջնորդեց յարկաբժնին մէջ:

— Բայց հիւրը սալօն մտցուցած պահուն կեցաւ և ըսաւ.

— Պարոնը մինակ տեսնուիլ կ'ուզէ տիկինին հետ:

— Որչափ որ կարելի է:

— Սենեակը սպասող ուրիշ մարդիկ կան. Պարոնին մեռնելէն ի վեր փաստաբաններն ու նօտարները հոսկից դուրս չեն ելլեր որ...

— Ուրեմն ես հոս, սա ճաշատենակին մէջ կը սպասեմ:

— Ոչ, դուրս ելած ատեն ամէն մարդ պիտի տեսնայ ձեզի: Հաճեցէք հետեւիլ ինձի:

Նրբանցքէ մը անցաւ, փոքր դուռ մը բացաւ և ըսաւ:

— Կ'երթամ տիկինին իմաց ալ ձեր գալուստը. անմիջապէս քովերնիդ պետի գայ երբ իմանայ:

Վիպէտ, (անշուշտ ամէն մարդ ճանչցաւ զայն) երբ մինակ մնաց, շուրջը նայեցաւ. արդուզարդի գեղեցիկ խուցի մը մէջ էր, հաղարումէկ անուշահոտութիւններով լեցուն. Բարիզիին այսպէս է, միշտ արդուզարդի ետեւէ. խնամքի ու մաքրութեան հոգածու է, ու և է գործէ առաջ զարդախուց կը մտնէ, իր տան բոլոր սենեակներուն մէջ իր ամենէն շատ կեցած տեղը հոն է:

Երկայն մեծ աթոռի մը վրայ նստած, գաւազանն ու գլխարկը ծունկերուն միջեւ, Վիպէտ տիկին Վիտալի սպասելով զարդատենեակին գրաւիչ յարգարանքը կը դիտէր. այս ժուժկալ, գրեթէ խտտակեաց մարդը, պարզ թէ՛ բնութիւնով և թէ՛ խնայասէր դատումներով երբէք չէր գտնուած այս տեսակ առիթի մը մէջ. Ոստիկանութեան քարտուղարի իր պաշտօնին մէջ յաճախ այցելած էր մեծափայլ բնակարաններ. ոսկեափայլ և շողչողուն դահլիճներու մէջ գտնուած էր, թանկարժէք գորգեր կոխած էր, սակայն երբէք չէր մտած սիրուն կամ

աշխարհիկ կնոջ մը ներքին կեանքին մէջ. ասիկա յայտնութեան մը պէս կուգար իրեն:

Կը զարմանար, անակնկալի կուգար խանդավառութեանը պէս տղու մը, որ յանկարծ նոր խաղալիքի մը առջեւ կը գտնուի, դպրոցականի մը պէս՝ որ առաջին ժամադրութիւնը ձեռք կը ձգէ, պարկեշտ կնոջ մը պէս՝ որ առաջին անգամ պարահանդէսի կ'երթայ, և գիւղացիի մը պէս՝ որ յանկարծ թատրոնի նրբանցքի մը մէջ կը հրուի:

Եւ մինչ իրեն համար այսքան նոր բաները մէկիկ մէկիկ քաղ ընելով զբաղած էր, զգալով հողարումէկ անուշահասութիւններու, քաղցրաբոյր փայտերու և գեղորներու արտածորումները, կամաց կամաց սկսաւ միտքը թմրիլ, մոռցաւ թէ ինչո՞ւ համար եկած էր տիկին Վիտայի քով, ինք իր կացութիւնը բոլորովին չյիշելով...

Զարդասենեակին դուռը երբ բացուեցաւ, Վիպէն ինքզինքին եկաւ:

Մարիէթիան էր եկողը, որպէս զի զայն առաջնորդէ տիկնոջը քով:

— Պարոն, ըսաւ ձիւլիա, ընդունելով ոտականութեան դաղտնի գործակալը, կը ցաւիմ որ ձեզի չատ սպասցուցի, բայց կ'ուզէի որ կատարելապէս ազատ ըլլամ ձեզ ընդունելու համար: Հիմա բոլորովին ձեր տրամադրութեան տակ եմ:

— Կարգացի՞ք երէկ իրիկուան թերթերը տիկին, աւելցուց Վիպէն առանց ուրիշ նախաբանի և նստելէ ետք:

— Այո՛, պատասխանեց կինը, և տեղեկացայ թէ Ալպէր Սավարի ազատ ձգուած էր:

— Իրաւ ալ Պ. հարցաքննիչ դատաւորը որոշեց մտիկ ընել զիս և հրամայեց ազատ արձակել զայն:

— Ի՞նչ կը յուսաք հիմա:

— Շատ բան, եթէ երբեք ինծի օգնէք:

— Ե՛ս:

— Այո, դուք տիկին:

— Լաւ պարոն, յարեց ձիւլիա ուժգին, իմ պարտականութիւնս, կեանքի իմ միակ նպատակս չե՛ն արդեօք սիրեցեալ ամուսինիս վերջին կամքը կատարել և անոր վրէժը լուծել. ըսին թէ վտանհիմ ձեզի, կը վըստահիմ ձեզի և մարմնով ալ, հոգիով ձեզի կը պատկանիմ:

— Այն ատեն տիկին, պիտի յաջողինք, գուցե Վիպէն ուրախ, պիտի յաջողինք. աւելցուց ձիւլիայի ձեռքերը իր ձեռքերուն մէջ առնելով և զանոնք թոթուելով:

Կինը բան մըն ալ չըսաւ, դարմանք չյայտնեց: Վիպէն իրեն համար ոչ մարդ մըն էր և ոչ ալ ոտական մը. մեղսակից մըն էր, վրիժառու մը:

Դէմ դիմաց նստան և Վիպէն յարեց.

— Երեք օրուան խորհրդածութենէ մը ետք կը պնդէ՞ք որ Սավարի սպաննիչն է ձեր ամուսինին:

— Կը պնդեմ, և դ՞ուք, հարցուց:

— Ես ալ, աւելին պիտի ըսեմ. իմ տարակոյնները նոյն իսկ հաստատութեան կը վազեն, բայց կատարելապէս բարոյական հաստատութեան. և դուք մի անգիտանաք թէ նիւթական ապացոյցներու պէտք ունինք:

— Այդ ապացոյցները ձեռք ձգելու համար միջոցներ գտա՞՞մ էք:

— Այո, բայց ձեր ձեռնտուութեան պէտք ունիմ:

— Հաճութեամբ.

— Մտածեցէք որ մեծ կորովի մը պէտք պիտի ունենաք:

— Պէտք եղածին չափ ունիմ.

— Մեծ համբերութիւն մը.

— Պիտի ունենամ.

— Եւ պարտիք յաղթել անհրաժեշտ խորշումներու :

— Եթէ պէտք ըլլայ պիտի յաղթեմ :

— Մէկ խօսքով իմ հետեւելիք ծրագիրս անուելի, դժպիհի և յիմարական պիտի երևի, բայց դուք նախ պէտք է սր վտարէք այդ զգացումները :

— Ի՞նչ արժէք ունին այդ զգացումները երբ վերջը պիտի դայ և եթէ պիտի յաջողի՞նք :

— Այն ատեն, մտիկ ըրէք :

— Պատրաստ եմ :

Եւ Վիպէտի ըսելիքներէն բառ մը չկորսնցնելու համար, տիկին Վիտալ եկաւ նստաւ անոր մօտ, անոր նստած քանարէին վրայ :

Այդ դիրքին մէջ երկու սիրահարներ պիտի կարծուէին, որոնք քաղցր խոստովանութիւններ կը փոխանակէին :

Վիպէտ վայրկեան մը չունչ առնելէ ետք ըսաւ.

— Տիկին, նախ պէտք է դիտնաք որ Սավարիի աչքիս տակէն չեմ կորսնցուցած բանտէն ելլելէն ի վեր : Իմ խնդրանքիս վրայ կանչուեցայ այն ժամուն, երբ Սավարի պիտի արձակուէր, և ես դատական պաշտօնատան դուռը սպասեցի : Հաղիւ դուրս ելած էր, կառք մը բռնեց. հետեւեցայ և երէք օրէ ի վեր ամէն իր շարժումները կը դիտեմ : Հիմա, երբ հոս եմ ես, յանձնակատարի զգեստ հագած մարդոցմէս մէկը անոր տան փողոցին անկիւնը կը սպասէ և կը հոկէ : Պիտի տեսնէք որ ձեռքերնէս չպիտի կրնայ խռճափիլ : Բայց մինչ ես այս խիստ հսկողութիւնը կը հաստատէի, զբաղած էի նաեւ ոչ նուազ կարեւոր հոգեբով, որոնք մեզի մեծ օգտակարութիւն պիտի ունենան : Սավարիի անցեալ կեանքը պիտի քննեմ, պիտի քաղեմ բոլոր մանրամասնութիւնները այն պարագաներուն մասին, որոնց վրայ

չառ թերի կերպով խօսեցաւ դատաւորին առջեւ : Հետեւցնել կ'ուզեմ թէ, և կը ներէք անշուշտ տիկին, Սավարի իր երիտասարդութեան բոլոր շրջանին ոչ մէկ լուրջ կապ ունեցած է, այսինքն ոչ մէկ կին սիրած է :

— Ատոնք մեզի ի՞նչ, դիտել տուաւ Շիւլիա :

— Ի՞նչ կ'ըսէք տիկին, ատոնք մեծ կարեւորութիւն ունին, պիտի համոզուիք ըսածիս եթէ հաճիք մտիկ ընել :

— Շարունակեցէք պարօն :

— Ըսի թէ Սավարի ոչ մէկ լուրջ կապ ունեցած է : Իր կեանքը վատնած է մեր շատ մը այդ կարգի երիտասարդներուն պէս, աջ, ձախ, հոս, հոն, Սրբեք աեղ մը չէ բնակած. այլ իջեւանած է. իր երեւակայութիւնը շատ գործած է, իր սիրտը բնաւ չէ բարասած : Չեմ դիտեր թէ կրնամ կոր ինքզինքս աղէկ հասկցնել ձեզի :

— Կատարելապէս պարօն, յարեց Շիւլիա, զարմացած այս նորօրինակ ոստիկանին ընտրեալ արտայայտութիւններէն, քանի որ ան Վիպէտի կեանքին մանրամասնութիւնները չէր գիտեր :

— Միակ կիներ, որուն վրայ խօսեցաւ հարցաքննութեան մէջ, շարունակեց Վիպէտ, ամուսնացած հին կնիկ մըն է, Բէլաժի տ'Էրմօն անուն, որ կատարելապէս ծանօթ է ոստիկանութեան : Այդ կնիկը, աշխարհիկ կեանքի մէջ մեծ անուն մը չի ունիլ ետք երկար ատեն է որ մօտայէ ինկած է, Բայց անիկա չէ ուզած հրատարիլ այն պերճ կեանքէն, որուն վարժեցուցած էին իր տարփաւորները. և որպէս զի պահէ այդ դիրքը, դիմած է արհեստի մը, ինչպէս իրեն դատակարարի կիները, այսինքն «թէյ կը մատակարարէ» (\*).

(\* Բարիզի մէջ «թէյ կը մատակարարէ» բացատրութիւնով կը յորձորը ին սիրոյ միջնորդութիւնները : (Մ.Պ.)

— Ասկէց ի՞նչ կ'ելլայ, յարեց ձիւլիա, ընդ միջե-  
լով ոստիկանը:

— Այս, ճիշդ էք տիկին, յարեց Վիպէա, դուք չէք  
կրնար ընտանենալ բարիզեան բարքերուն: Կին մը որ  
«թէյ կը մատակարարէ» (\*) շաբաթը մէկ երկու անգամ  
իր տունը կը խմբէ իր բարեկամուհիներուն ամենէն դե-  
ռատիներէն և ամենէն սիրուններէն մէկ քանին: Երբ  
այդ առաջին հրաւերները կատարուած են, ուրիշ հրա-  
ւերներ ալ կ'ուղղէ անձանօթ էրիկ մարդերուն. «Քօ-  
րային պիտի հանդիպիք, կ'ըսէ մէկուն. գեղանի Օլիմ-  
բիային հետ պիտի դտնուիք, կ'ըսէ ուրիշի մը. եկէք  
ուրեմն և ժամանակ պիտի անցնենք. ձեր բարեկամ-  
ներն ալ բերէք»: Այսպէս բարեկամները կուգան իրենց  
հետ բարեկամներով: Կը խօսին, կը խնդան, թէյ կը  
խմեն, յետոյ այդ կիներէն մէկ՝ քանին կ'առաջարկեն  
թուղթ խաղալ: Առաջին անգամ 5 ֆրանքը չանցնիր  
դրուած դրամը: «Եկուր քովս նստէ, կ'ըսէ Օլիմբ երի-  
տասարդի մը որուն վրայ տիրած էր արդէն. եկուր,  
կ'ըսէ, քեզի երջանկութիւն պիտի պարգեւեմ, բոլոր  
գիշերը պիտի շահիս»: Երիտասարդը կը նստի, բարե-  
կամները անոր կը հետեւին, գրպանէն ոսկի մը կը դը-  
նեն, կը կորսնցնեն և նոր մը կը հանեն: Առտուան ժամը  
երկուքին, նախապէս դրուած 5 ֆրանքը 50ի կը բառձ-  
րանայ, ոսկիներուն կը յաջորդեն պանքտոմաները: Ժա-  
մը 5ին սեղանին վրայ ոչ ոսկի կը մնայ, ոչ պանք-  
տոմա. ամէն մարդ կը պօռայ թէ կը կորսնցնէ և սա-  
կայն բոլոր դրամներն ալ անհետացած են: Մինչեւ ժամը  
11 կը շարունակուի խաղը, երբ յոգնած՝ կը դադրին,  
3, 5, 10 հազար ֆր.ի կորուստ մը կայ: Դալով տան-  
տիրուհիին, արդէն ժամը 5ին պառկելու գացած է:

(\*) Սիրոյ միջնորդութիւն կ'ընէ:

Ն մօռնալով իր լայն գրպաններուն մէջ թխել բոլոր ոս-  
կիներն ու տոմսերը, իբր փոխարինութիւն ա'յնքան  
առատածեռնօրէն մատակարարած «թէյ»ին...:

— Կը հասկնամ, ըտաւ ձիւլիա որ ուշադիր մտիկ  
կ'ընէր Վիպէաի:

— Բայց, շարունակեց այս վերջինը, իրենց օճիքը  
այդ կնիկին տուող մարդոց մէջ կան ալ որ տան մէջ  
չատ մտերիմ են: Ատոնք երկար ատենէ ընտելացած են  
տունին սովորութիւններուն և գիտեն թէ ի՞նչ ըսել է  
«առաջին անգամ դրուելիք դրամը 3 ֆր.ը անցնելու-  
չէ»: Անձանօթ չեն ֆօրայի և Օլիմբիայի ճարպիկու-  
թեանց, Գիտեն թէ կարգը իրենց եկած է «խեղդել»  
ոսկիներն ու պանքտոմաները: Պարզօրէն խօսելով, խար-  
դախութիւն գործելու ժամանակ չունենալով, մերթ կը  
կորսնցնեն, սակայն երեք չեն դադրիր պատասխանելէ  
տանտիրուհիին հրաւերներուն, սրովհետեւ անոք գի-  
տեն խաղացողները հաւաքել, զանոնք ողբերել և  
խաղը վերակաղմել: Այս վերջին մանրամասնութիւն-  
ները բաւական կրնան բացատրել ձեզի Սալարիի և  
տ'էրմօն կնկան միջեւ եղած կապին բնութիւնը: Հաս-  
տ'էրմօն անչուշա թէ անոնց մէջ պարզ շահու խնդիր մը  
կըցաք անչուշա թէ անոնց մէջ պարզ շահու խնդիր մը  
կայ, ընկերովի դրամ քաշելու մեղսակցութիւնը: Այս-  
պէս ուրեմն իրաւունք ունէի ըսելու թէ Սալարի ոչ  
մէկ լուրջ կապ ունեցած է, որովհետեւ այն միակ կա-  
պը որմէ կը կասկածուէր, գոյութենէ զուրկ է բոլորո-  
վին:

— Բայց ի՞նչ կը հետեւցնէք, հարցուց ձիւլիա ե-  
ռանջով, անհամբեր հասկնալու թէ ոստիկանը ո՛ւր  
պիտի հասցնէր ենթադրութիւնը:

— Կը հետեւցնեմ թէ Սալարի եթէ չէ սիրած,  
սիրելու ընդունակ պէտք է ըլլայ ուրիշներէ աւելի:

— Է, լաւ, զո՞վ կ'ուղղէք որ սիրէ ան:

— Ձեզի՛, տիկին...

— Ինձի՞...

— Այո, ձեզի:

— Ինձի՞, կրկնեց ձիւլիա որ կարծեց թէ սխալ կը լսէր:

— Այո. ատիկա միակ միջոցն է, որով պիտի կըրնանք ճշմարտութեան հասնիլ: Սովարի ձեզ չի ճանչնար, ձենէ չպիտի զգուշանայ: Իր կեանքին մէջ պիտի մտնէք, մասը պիտի կազմէք իր գոյութեան. անոր անցեալը պիտի փնտռէք և ուշ կամ կանուխ զիմակազերծ պիտի ընէք զայն...:

Ձիւլիա զարմանահար կը նայէր Վիպէոի երեսն ի վեր, որ շարունակեց.

— Մեր ունեցած հակառակորդին պէս հակառակորդ մը պարզ միջոցներով չի յաղթուիր: Անսպասելի, այլանդակ, տարօրինակ միջոց մը պէտք է զոր փնտռուցի և կարծեմ ալ գտայ:

— Բայց այդ ծրագիրը յիմարական է, գոչեց ձիւլիա:

— Կ'ընդունի՞մ:

— Անիրականալի՛ է:

— Օհ, ձեր ձեռնտուութեամբ պիտի կրնամ իրաւ կանայնեւ այդ բանը:

— Բայց ատոր համար զերմարդկային ոյժ մը պէտք է:

— Ունիք զայն:

— Հասկա եթէ ինքզինքս մասնեմ...

— Երբեք: Եթէ ընդունիք ծրագիրս, մէկ մտածում միայն կը մնայ, յաջողցնելը: Սովարին է որ ինքզինքը պիտի մասնէ և ամուսինիդ վրէժը պիտի լուծուի:

Եւ մինչ ձիւլիա տոգոյն, ջղային, յուզուած, չէր պատասխաներ, Վիպէո ոտքի ելաւ, առաւ զլիարկը և

անկիւն մը դրուած գաւազանը, և դէպի դուռը երթալով:

— Տիկին, ըսաւ, վաղը այս ժամուն պիտի գամ դարձեալ: Եթէ ինձի ծանուցանէք թէ, ինչպէս որ կը յուսամ, ծրագիրս կ'ընդունիք, զայն աւելի մանրամասնօրէն պիտի պարզեմ ձեզի:

— Բայց... գոչեց ձիւլիա, կարծեմ վար դնել ուզելով զաղտի ոտիկանը:

— Վաղը. ցտեսութիւն, յարեց այս վերջինը և քաշուեցաւ:

Ժ.

Հոկտեմբերի վերջին օրերը ք. մարքիզը, որուն մէկ շահեկան նամակը մէջ բերած էինք արդէն, նետեւալը կը գրէր իր պաշտպանեալ Վիպէոի.

«Մեծ տղայ, ի պատիւ ըսեմ թէ, վերջին նամակդ այնքան հետաքրքրութիւնս արթնցուց, որ իմ ձանձօրոյթի սոսկալի վայրկեաններս փարատցիր: Ատիկա քեզի՛ համար աղէկ եղաւ. ինձի քիչ մը զբօսցնելուդ համար քեզ պիտի պառկեցնեմ իմ կտակիս վրայ ի վնաս եղբորդիկիս, խոշոր մարդ մը, որ վերջերս ինքզինքին ներեց իր ազատական դադափարները փառաբանելու, իմ առջեւ:

«Այո, նոյն իսկ համարձակեցաւ երեսիս տալ թէ զարուն մարդը չեմ: Ծո՛ւնչանորդի: Ահա խօսք մը որ անոր երկու կամ երեք միլիոնի պիտի նստի: Իմ դառուս մարդը չեմ... Ինչո՞ւ, որովհետեւ ըսի Արթուս

փողոց, փոխանակ Լաֆիթ փողոցի: Ինձի՛ ինչ ատոնք:

«Իմ ժամանակիս մարդը չըլլա՛լ... Ե՛ս... բայց ես ոչ միայն ներկայ այլ եկող դարո՛ւն ալ մարդն եմ և անոր մասին սիրուն բաներ ալ կրնամ ըսել հիմակուց...»

«Բայց ահա իմ ընտանեկան գործերէս կը ճառեմ քեզի: Կը զառանցե՛մ, ի՛նչ կ'ընեմ, թէ ինքզինքս կը... ձերբակալեմ, քանի որ գաղտնիք մը կայ մէջերնիս, գոր դուն երեւան պիտի հանես, Պ. Վիպէա: Դուք այս բանին լաւ հետազոտիչն էք: Բայց մենք մեզի դատնանք:

«Բաւական մտածեցի քու ծրագիրիդ վրայ, որուն մասին գրած էիր ինձի: Խօսքը մէջերնիս, այլանդակ է ան, անկարելի է տխմար... բայց կը յաջողի ալ գուցէ:

«Ախ, եթէ Լա Բէ փողոցի քո գեղանի այրիդ բարիդունի մը ըլլար, պիտի ըսէի ձեզի. — Ի դո՛ւր, իմ աղւոր բարեկամս, այդ կինը անկարող է լաւ ելք մը տալ ատանկ ձեռնարկի մը. առաջին առիթով իսկ պիտի ձգէ փախի ձեզի, և պիտի մնաք առաջուան պէս: Բայց Խտալացի մըն է, հիւսիսցի՛ իտալուէի մը, ճենոս վացի մը: Այդ կիներով կրնայ պարծիլ մարդ. անոնք այլասերած չեն ինչպէս շատ մը հայրենակիցներ. ինչպէս բոլոր մերինները: Ատոնք սալօնի պուպրիկներ չեն, կինե՛ր են, ճշմարիտ կիներ: Ուստի առաջ զնա քու այդ կնոջդ հետ, ելքի մը պիտի հասնիք, ասիկա ե՛ս է որ կ'ընեմ: Անիկա ձեզի պիտի վերադարձնէ Սափաբին, զայն պիտի բզիկ բզիկ ընէ և կտորը չպիտի ձգէ:

«Բայց ըսէ ինձի թէ, ընդունե՛ց քու այդ ծրագիրդ: Վերջին տեղեկութիւններդ ամենէն հետաքրքրական տեղը կը մնային: Կարծես թէ թերթօն մը կը գրես, նոր ժամանակներու սիրուն նիւթի մը վրայ: Շո՛ւտ, շո՛ւտ, բառ մը ըսէ որ տեղեկանամ Տիկին Վիտալի տ ունեցած վերջին տեսակցութեանդ արդիւնքին: Իմ

տարիքիս մէջ, աւա՛ղ, միայն իրեն կողմը կը տաչէ մարդ, ինքն իր հաշւոյն միայն կ'ապրի: Ուրիշներու համար ապրելու մասին օգնեցէք ինձի. աղէկ գիտնալու էք որ, ինձի պէս մարդիկը չեն մոռնար իրենց մատուցուած ծառայութիւնները: Չփոխարինելը նոր ժամանակներու գործ է:

«Յ. Գ. — Ձրանսական կառավարութեան արդի վիճակը կարծեմ չպիտի ներէ քու մեծամեծ ծախքերուդ: Ասոր համար կրնաք վրաս չէք քաշել առանց հոգ ընէու. այլ ևս պէտք չունիմ խնայողութիւն ընելու իմ սա անչա՛ն եղբորորդիիս համար: Ես իմ ժամանակիս մարդը չըլլա՛մ, ե՛ս. անարժա՛նը. բայց պիտի տու՛ն է՛...»:

Վիպէա փութաց պատասխանել.  
«Պարոն Մարքիզ, առջի առտու գացի Տիկին Վիտալի տունը, ինչպէս որ ըսած էի: Այս անգամ չսպասեցի, կի՛նը անմիջապէս եկաւ միացաւ ինձի և աշխուժօրէն ըսաւ.

«—Սրկար ատեն խորհեցայ, և որովհետեւ ուրիշ ձար չկայ, կարծեմ պիտի ընդունիմ ձեր ծրագիրը:

«—Շատ աղէկ, տիկին, պատասխանեցի:

«Յետոյ առանց աւելի ժամանակ անցնելու, դէմ դիմայ նստանք և վիճարանեցանք խել մը ժանրամասնութիւններու վրայ:

«Երկու ժամ ետքը զատուեցայ անկէց և անմիջապէս գործի սկսայ:

«Պէտք էր միջոցներ պատրաստել և թշնամիին կացութիւնը ուսումնասիրել, որպէս զի կարելի եղածին չափ շուտ ելքի մը հասնի՛նք և առաւելութիւնով յարձակինք:

«Վերջին նամակիս մէջ խօսած էի Բէլաօի տ'Էրմօն անուն հաճոյասէր կնկան մը վրայ: Ըսած էի թէ ան

Սավարիի հետ կապուած է, և բացատրած էի անոնց յարաբերութեան բնութիւնը, Այդ տ'էրմօն կնիկնն է որ մտադրած եմ նախ սկսիլ. անոր տանը մէջ է որ, եթէ ծրագիրներս յաջողին, Տիկին վիտալ և Սավարի իրարու պիտի հանդիպին առաջին անգամ:

«Ահա. ասիկ թէ ինչպէս յաջողցուցի այդ հանդիպուածին գործը:

«Երէկ ժամը 2ին, Պրանչ փողոց, 10 թիւ, Բէլա-ժիի դուռը զարկի:

«Եթէ անոր սանդուխին վրայ ինծի հանդիպէիք, հաւատացէք, Պ. Մարքիզ, ձեր բոլոր նրբատեսութիւնով և դիտելու կարողութիւնով չպիտի կրնայիք ձանձնալ: Բոլորովին նոր մօրթի մը մէջ մտած էի: Օտարականի տարազ հագած էի, ապուշի տիպար մը, եթէ երբեք կը ներէք որ այս բացատրութիւնը գործածեմ: Այն ատեակ վիճակի մը մէջ էի որ, ամէն կին որ քիչ մը բանէ կը հասկնայ, զիս տեսնելուն պէս պիտի գոչէր. «Ինչ ազուոր փետտուելիք հաւ մըն է...»:

«Ահաւասիկ արդուզարդս, երկու բառով: Սեւ րըտէնկօթ, փողկապ և բաճկոնակ. գորշ տարատ մը, ձեռնոց, զլխարկիս վրայ քօղ մը, փայլուն կօշիկներ, ոսկիէ երկայն շղթայ մը բաճկոնակիս վրայ, փողկապ'ս վրայ աղամանդեայ ասեղ մը, աջ ձեռքիս մէկ մատին վրայ դարձեալ աղամանդէ մատնի մը, զոր բոցը կը ձգէի, և ոսկի զլուխով գաւազան մը:

«Կը տեսնէք որ, պարոն Մարքիզ, թէ' հարուստ և թէ մեր բարբերուն անձանօթ մարդու մը երեւոյթը առած էի: Անա'նկ արդուզարդ մը շինած էի, զոր «զգացումներ արթնցող» կը կոչեն, որովհետեւ շատ մը կիներուն երազել կուտայ ան: Անօգուտ է ըսել որ, կատարելապէս կեղծ էին իմ աղամանդներս:

« — Տիկինը կրնա՞յ տեսնուիլ, հարցուցի:

« — Չեմ գիտեր, պարոն: Պարոնը կ'ուզէ՛ իր անունը յայտնել, պատասխանեց ինծի վառվռուն դէմքով սպասունի մը:

«Նախ և առաջ ֆրանսերէն լեզուին մէջ շատ վարժ չըլլալ ձեւացնելով, չհասկնալու զարկի. յետոյ պատասխանեցի իտալական շեշտով մը, զոր փոխ առած էի, քանի մը օրէ ի վեր Տիկին վիտալի հետ ունեցած յարաբերութիւններուս առիթով:

« — Անունս թէպէտ ձեր տիրունիին անձանօթ է, և սակայն իր բարեկամներէն շատերուն կողմէ յանձնարարուած եմ արդէն: Նաչօրիէն կուգամ, և եթէ կ'ուզէք այցաքարտս ներկայացուցէք իրեն...»

«Ազնուականի քառթ մը տուի իրեն», զոր առջի օր իսկ պատրաստել թուած էի դեռ, և սպասունին չքեղ սրահ մը մտցնելէ ետք զիս, գնաց իր տիրունիին տեղեկացնելու:

«Սրահը կը սպասէի: Տիկին տ'էրմօն չուշացաւ. խարտեալ, գէր ու թոռմած դէմքով պղտիկ կին մըն է. ա'ն աստիկան ներկուած է որ, ճշգօրէն կարելի չէ ըսել թէ գեղեցիկ է. դիմագիծները բաւական նուրբ են սակայն. բաւական հաճելի բնաւորութիւն մը ունի. կապոյտ մետաքսէ երկայն սենեկազգեստ մը հագած էր, որ մարմինին կարկառուն մասերը երեւան կը հանէր:

« — Պարոն կոմս, ըսաւ ինծի՝ կարգալով իրեն շրկած այցաքարտս, զոր դեռ ձեռքը կը բռնէր, և հիանալով ինծի հետ ծանօթանալուն համար. նստելու ձանձրոյթը Գանձն առէք. ըսուեցաւ որ ինծի յանձնարարուած էք...»

« — Չեր բարեկամներէն շատերուն կողմէ, տիկին, ի մէջ այլոց Սանթա վիչչկնի մարքիզէն:

« — Ահ, այդ սիրական մարքիզը. հինգ վեց ասօրիէ ի վեր չեմ տեսած զայն, միշտ աղէկ է:

« — Մի՛շտ, տիկին, մի՛շտ...

« — Նարոյիէ՞ն կուգաք...

« — Ճիշտ հոնկէ, այո՛, տիկին.

« — Եւ խորհեցաք զալ զիս տեսնա՞լ. սքանչելի՛ գաղափար:

« — Ձեր վրայ շատ լաւ խօսեցան ինձի:

« — Կը շողոքորթէք. գուցէ հիմա աւրուինք իրարու հետ, ըսաւ կոտորուելով:

« — Ա՛հ, տիկին շատ պիտի ցաւիմ: Խորհեցէք անգամ մը որ Բարիզ ո՛չ մէկ ծանօթ, ո՛չ մէկ բարեկամ ունիմ:

« — Խեղճ երիտասարդ. բայց իմ տունս ձերինն է. Առանց գաղտնապահութեան ըսէք միայն թէ, ի՞նչ պիտի ընէք հոս:

« — Քիչ մը մխիթարեւելու եկայ, տիկին. մեծ վիշտեր կրեցի. քանի մը ամսուան մէջ ամէնէն մօտիկ ազգականներս կորսնցուցի: Դեռ սուգի մէջ կը տեսնէք արդէն զիս:

« — Իրա՛ւ այդպէս է. մեր քով հաստատուելու միտք ունիք, հարցուց հետաքրքրութեամբ:

« — Թերե՛ւս, եթէ ախորժիմ Բարիզէն:

« — Դիտէ՞ք անշուշտ թէ անկէ ախորժելու կամ հոն աղէկ ապրելու համար շատ դրամ պէտք է:

« — Օ՛հ, ատիկա հոգս չէ՛, հերիք է որ ախորժիմ:

« Կատարեալ պարզութիւնով մը ըրած այս յայտնութեանս վրայ տիկին տ'էրմօն աւելի մօտեցաւ ինձի:

« — Եւ ի՞նչ են ձեր ճաշակները, ըսաւ ինձ, պէտք է ջանամ գանոնք գոնացնելու, քանի որ դուք ինձի յանձնարարուած էք բարեկամներուս կողմէ:

« Աստուած իմ, տիկին, գրեթէ հաւասարապէս կը սիրեմ ըլլոր այն բաները՝ որոնք բարի և դեղեցիկ են:

« — Տեսէ՛ք, բաւական քացատրեցիք միտքերիդ՝ բայց անշուշտ նախասիրութիւններ ունիք.

« — Ունի՛մ.

« — Որո՞նք են անոնք.

« — Կ'ուղէք գիտնա՞լ անպատճառ.

« — Անտարակոյս.

« — Կը պաշտեմ կիներուն ընկերակցութիւնը.

« — Առաջին անգամ ձեզ անսնելով կասկածեցայ արդէն...

« — Ի՛նչպէս.

« — Բնական ըմբռն է որ, պատասխանեց Բէլաթի՛ փորձելով աչքերը խոնարհեցնել, մարդոց հաճելի կ'ըլլան այն կիները, որոնք արդէն հաճելի կը գտնեն զիրենք. անկեղծ եղիք, շատ մը անգութ կիներու չը հանդիպեցա՞ք:

« Պ. Մարքիզ, առաջին անգամն էր որ այսպիսի քօմբլիման մը կ'ընէին ինձի: Կ'երեւի թէ շատ աղէկ ծպտուած էի. այսուհանդերձ կը հաւատայի՞ք որ վայրկեան մը դերս իրաւ կարծելով պիտի կարմրայի. մի՛ ծաղրէք ինձի, որովհետեւ մարդ եթէ որս չի գտնէ, շուքովը կը գոնանայ:

« Քաղաքավարութեան մէջ չի թերանալու համար սեղմեցի այն ձեռքը՝ զոր տ'էրմօն դրաւ իմինիս մէջ, և ըսի.

— Իտալական անուշ բաղդերը հաշուի չեմ առներ, ըսել կ'ուզեմ որ Բարիզի մէջ յաղթական ելլեմ...

— Բարիզի մէջ. բայց ատկից դիւրին բան չկայ, աւելցուց չհասկնալ ձեւացնելով. մեր Բարիզուհիները ձեր հայրենակիցներէն աւելի խրտչող չեն, եթէ կը փափաքիք, առիթը կրնամ ներկայացնել որ շատ հմայիչ կիներու հանդիպիք. բարի՛ կնիկ մըն եմ ես...

Բէլաթի, որ իմ տխմար ձեւերէս քաջախերուած՝ անտարակոյս իր ծրագիրը կը շինէր մտովի, փութաց աւելցընել.

— Ճիշդ ալ այս գիշեր թէյի սեղան մը կուտամ քանի մը մտերիմներու, և եթէ յանձն առնէք մեր մէջ գտնուիլ...

— Աւա՛ղ տիկին, իմ ըլոր գիշերներս գրաւուած են. Բարիզի մէջ մինակ չեմ:

— Ամուսնացած էք, հարցուց թեթեւակի յուզուած ձայնով մը:

— Ոչ, փառք Տիրոջը. պատասխանեցի գորովալիք ակնարկ մը ուղղելով անոր:

Ինչ հեռացաւ գոչելով:

— Գուցէ տարափուհի՛ մը ունիք:

« — Ո՛հ, ոչ կ'երգնու՛մ:

«Այնքան անկեղծ շեշտով մը ըսեր էի այս խօսքը որ համոզուեցաւ. իրողութիւնը սյա է որ ժամէ մը ի վեր, առաջին անգամ ըլլալով, ճշմարտութեան մէջ էի, ինչպէս կ'ըսեն սովորաբար:

« — Այն ատեն, յարեց Բէլաժի, ո՛վ կ'արգելէ ձեզի իմ հրաւէրս չընդունիլ:

« — Նաբոլէէն մէկ ազգականուհիիս հետ եկայ. Բարիզի մէջ ան մարդ չճանչնար և ես զայն գիշերը մինակ չեմ կրնար պանդուկը ձգել: Բայց կը խորհիմ ասոր վրայ. գոչեցի յանկարծ ձայնիս շեշտը փոխելով. ինծի նկատմամբ այնքան բարեհաճ էք որ, գուցէ պիտի ներէք ինծի...

« — Ի՛նչ:

« — Ձեզի ներկայացնել իմ ազգականուհիս:

« — Բէլաժի լուռ մնաց:

«Արդարեւ, հարուածը յանդուգն էր. ինքզինքս աշխարհիկ մարդ ներկայացնել, և գաղափարը ունենալ ազգականուհիներէս մին տիկին տ'երթնի տունը տանելու. անխորհուրդ առաջարկ մըն էր այդ. բայց ես օտար էի, քիչ ընտանի Բարիզի սովորութեանց, և մեծ մըտա-

ցիութիւնով մը օժտուած չէի երեւէր. Բէլաժի դիւրութեամբ կրնար խորհիլ որ ընկերութեան մէջ իր ճշմարիտ կացութեան անզիտակ էի: Անձնասիրութիւնը սակայն օգնեց իրեն և վարկեան մը խորհելէ ետք շատ զարմացած չէր երեւար իր սխալին առջեւ, և հաւանաբար քիչ մը ետք պիտի փորձէր պարզել իր վիճակը:

«Պ. Մարքիզ գուցէ ըսէք որ Տիկին Վիտալը փոխառազգականուհիի ինչո՞ւ իբր հոմանի չներկայացնէի, որով տիկին Բէլաժիի տունին մէջ իր ներկայութիւնը չպիտի գէշ տեսուէր ու ամէն խոհնդոտ պիտի վերջանար մէջտեղէն:

«Անտարակոյս ատիկա աւելի պարզ էր, բայց ես կարգ մը արտակարգ փափկանկատութիւններ ունիմ և կարգ մը անդիմադրելի խոհեմութիւններ:

Այդ տեսակ զգացումներ ունենալուս համար մի զարմանաք, ի՛նչ ընեմ, Ինծի այնպէս կուգար ու իրաւունք չունէի ատանկ անուն մը տալու տիկին Վիտալի, տարփուհիի դեր մը տալ անոր ինչպէս ինծի, զայն ներկայացնել անանկ մէկը որ չէ. անոր համար որ չի կրնար ըլլալ:

« Միւս կողմէ, հաշիւներս ճիշտ ելան. Բէլաժի իր նախնական զարմանքը թոթուած, պատասխանեց.

« — Է, աղէկ, սիրական կոմս, ձեր ազգականուհին ներկայացուցէք ինծի, իր այցելութենէն շատ երախտապարտ պիտի մնամ. միայն իմացուցէք իրեն թէ մտերիմներու հաւաքոյթ մըն է. իմ տունիս մէջ չեն պարեր, գաշնակին անգամ ձեռք չեն դպցուներ, միայն կը խօսակցին. երբեմն ալ, երբ խօսակցութիւնները ծանրանան, քիչ մը թուղթ կը խաղան ոչինչ գումարներով: Խաղամո՛լ էք դուք Պ. Կոմս:

« — Այո՛ կը խոստովանիմ:

« — Պէտք պիտի ըլլայ որ հոս չփորձէք այդ մոլու-թիւնը. չեմ ուզեր որ ու է մէկը տունիս մէջ, մէկ գի-

չերը 3-4 ոսկիէն աւելի կորսնցնէ: Եւ յարմարն ալ այս է, անանկ չէ: Ուրեմն այս գիշեր, սիրական կոմս ստիպուած եմ հիմա բաժնուիլ ձեռնէ հագուելու համար, բարեկամուհի մը կը սպասէ, Պուլոնըրի անտառին մէջ պտոյտ մը կատարելու համար:

« Հրաժեշտ առի և կարելի եղածին չափ նուազ ձախաւերութեամբ գրկեցի ինձի երկարած ձեռքը:

« Ահա, պարոն Մարքիզ, ճշմարիտ պատմութիւնը իմ Բէլլաժիի հետ առաջին տեսակցութեանս: Կարծեմ շատ ազէկ խաղացի դերս և ձեր գովեստներուն պիտի արժանանամ, որոնցմէ ա՛յնքան կը զգածուիմ:

« Այս գիշեր տեղի պիտի ունենայ առաջին ընդհարումը Սովարիի և տիկին Վիտալի միջեւ: Եթէ տիկին Վիտալ ինքզինքը մասնէ՛... Եթէ կարծածէն աւելի քիչ ուժ ունենայ՝... Այս մտածումը կը դողացնէ զիս: »



ԺԱ.

Վիպէն այնքան ճարտարօրէն խաղացած էր օտարականի, իր դրամները ինչի՞ ծախսելը չզիտցող հարուստի, փեթտուելու պատրաստ հաւի դերը, որ Բէլլաժի տէրմօն կատարելապէս համոզուեցաւ:

Ասկից զատ, արտակարգ բան մը չկար գործին մէջ, Բէլլաժիի պէս կիները իրենց կեանքին մէջ հանդիպած են ա՛յնքան դեռատի երիտասարդներու, հասուկ մարդոց և տարօրինակ ծերերու, անոնց՝ իրենց համար գործած այնքան խենթութիւնները տեսած են որ վերջապէս սկսած են արհամարհել մարդկային սեռը, և բոլոր էրիկ

մարդիկը միեւնոյն աստիճանին վրայ կը դասեն: Իրենց ներկայացող կամ ներկայացուած ու է նոր անհատին մէջ բաւականաչափ չարհարանքներէ ետք զոնուելու կոչուած ոչխար մը միայն կը տեսնեն: Այսպէս, Բէլլաժի, Վիպէնէ բաժնուելուն պէս փութաց լուր տալ իր բարեկամներուն, և անոնց բարեկամներուն:

« Թէյ պիտի մատակարարուի այս գիշեր տանս մէջ » կը գրէր. այսինքն ըսել կ'ուզէր որ լաւագոյնէ մը կամ ոգեւորեալ պախաւա մը պիտի դարձնէին...:

Փամը Յին, Բէլլաժիի վեց կամ եօքը բարեկամները արդէն միացած էին իր սրահին մէջ:

Սիրուն կիներ և կարող խաղացողներ էին: Ասոնց ինչ տեսակ մարդ ըլլալը բացատրելու հարկ չկայ. ամէնքն ալ Բարիզի Ովկիանոսի արկածեալները, բազմախնդիրներ և պչրուհիներ:

Սպասելով լուրջ բաներու վրայ խորհելու, այսինքն խաղի սեղանը պատրաստուելուն, Բէլլաժիի բարեկամուհիները, որոնց մէջ օտարական մը չկար, իրենք իրենց կը խօսակցէին: Ամէն օրուան յաճախօրէններու վրայ թեթեւ քաղ մը ըրին և անոնց մասին իրենց կարծիքները յայտնեցին:

Իտալուհի մը, որ դեռ նոր Բարիզ ժամանած էր և արդէն մեծ անուն մը շինած էր իր զգլխիչ գեղեցկութիւնովը, խօսքը Բէլլաժիին ուղղելով ըսաւ.

— Բէլլաժի, ցարդ մեզի ծանօթ մարդոց վրայ խօսեցանք. արդեօք նոր մը, օտարական մը չկայ...:

— Վերջին պահեցի այդ բանը, բացատրեց Տիկին տէրմօն. խնդիրը քու հայրենակիցներէդ մէկուն վրայ է ճիշտ: Բիւպիսիի կոմսին:

— Չեմ ճանչնար, բայց հարկաւ պիտի ծանօթանանք: Է՛, հարձուտ է:

— Շատ հարուստ կ'երեւայ:

Սիրոյ Զօհիր

— Անիկայ իմ բաժինս է ուրեմն, ըսաւ միամտօրէն թխահեր կին մը որ Անթօնին կը կոչուէր. օտարականը ես կը պահանջեմ:

— Եւ Սավարի՞ն, հարցուց յանկարծ Արմանտ, այս գիշեր չպիտի տեսնենք զինքը:

— Կը սպասեմ կոր, յարեց Բէլաժի. ծանօթ միջադէպէն ի վեր տկար է և այսօր տունէն կ'ելլէ առաջին անգամ ըլլալով:

— Խեղճ տղայ. իրա՛ւ ալ հիւանդ ըլլալու տեղը կայ: Ինքզինքը իբր մարդասպան ամբաստանուած տեսնել...

— Եւ երեք օր բա՛նառ մնալ:

— Բարեբաղդաբար ազատ արձակուեցաւ. կարգացիք թերթերը, ի՞նչ աղմուկներ յարուցին դատաւորին, հարցաքննիչին և ուրիշներուն շուրջը:

— Ատոր փոխարէն, մեր բարեկամ Սավարին օրուան մարդը եղաւ վայրկեան մը:

— Եթէ կ'ուզէք, տիկիններ, ըսաւ Անթօնին, իրեն պատուոյ ցոյց մը ընենք երբ ներս մտնէ:

— Այո՛, շատ պատշաճ է, աւելցուց Ատէլ, նշանք ես պիտի տամ հի՛բ, հի՛բ, հուրա՛...:

Ժամը 11 էն 12 Բէլաժիի սրահը չափէն աւելի լեցւած էր արդէն:

Սավարի ամէնէն վերջը հասնողներէն մին եղաւ: Կիները, ինչպէս խօսք մէկ ըրած էին, զայն ընդունեցին խանդավառութեամբ, բայց մարդիկը աւելի պաղ ընթացք մը ունեցան, անոր համար որ Յրանսայի մէջ ընդհանրապէս կը խորշին դատական և ոստիկանական գործերու խառնուող անձերէն, հող չէ թէ անմեղ արձակուած ըլլան անոնք:

Գաղտնի ոստիկանին և Տիկին Վիտալի սրահ մուտքը նշանակելի չեղաւ: Արդէն ժամէ մը ի վեր խաղի

սեղանները յարդարուած էին, գումարները իրարու կը յաջորդէին, ամէն մարդ աչքը չորս բացած էր չկորսնցնելու կամ աճպարարութեան մը տեղի չտալու համար: Վիպէտի ուշ գալը մտադրութեամբ էր. կը կասկածէր ձիւլիայի կորովին վրայ և ուզած էր հարթել անոր առջեւ նախնական արգելքները: Կը Վախնար որ այս պատուաւոր կինը մէկէն ի մէկ քիչ թէ շատ ճամբէ ելած կիներու առջեւ գտնուելով, չկրնայ իր խորշանքը դսպել: Այդ կիներուն լեզուն և ձեւերը պիտի վիրաւորէին անոր դիւրագգածութիւնը: Գուցէ փախչէր ան այդ սրահէն, որով ջուրը իյնար իր բոլոր ծրագիրները:

Բայց միւս կողմէ, ինչպէս ըսինք, այն կիները որոնք կը խաղան, կիներ չեն այլ խաղամոյններ եղած են, և իրենց խօսակցութիւնով թուղթերէն և կամ խաղի խօսքերէն անդին չէին անցնել: Ասկէց զատ ձիւլիա իր հանգուցեալ ամուսինին կողմէ չէր առաջնորդուած աշխարհիկ կեանքի մէջ: Դեռատի այրին ոչ թէ միայն կնոջական շնորհներ ունէր, այլ ունէր նաեւ օտարական անդիտութիւններ, քանի որ երկրորդական քաղաքի մը մէջ ծնած էր և ընտանեկան շրջանակի մէջ մեծցած: Կրնար դարչանքներ ունենալ, բայց իր վրէժ-խնդրութիւնն ալ կը հետապնդէր, հարաւցիի իր ուժգին և խիստ եռանդովը: Ձիւլիայի համար քիչ արժէք ունէին անձնասիրական տառապանքները, վտանգները և դարչանքները: Ասոնք ամէնքը կը կատարուէին կարգով իր սպանեալ ամուսինին պատկերին առջեւ: Երբ նուազում կը զգար, աղի սրուակ մը չէր որ պիտի հէր, անայլ իր էրկանը օրագիրը, և պիտի կարդար սա բառերը գրուած իր կեանքին մէջ սիրած միակ մարդուն արիւնովը. «ձիւլիա վրէժս լուէ՛ժ»:

ԺԲ.

Ծանր և ուշադիր, ձիւլիա վիտալ նստած էր քանարէի մը վրայ, սալօնին մէկ անկիւնը և կը դիտէր Սավարին, որ խաղասեղանին քով ոտքի էր կեցած: Յիշեց հարցաքննիչ դատաւորին սինեակին տեսարանը՝ իր ճիգերը ընտանեկանաբար համար այդ մարդուն ձեւերուն, անոր դէմքը ուռումնասիրելու համար: Սակայն անիկայ նոյն մարդը չէր: Փոխուած էր ձեւերուն, խօսքերուն և բարեւին մէջ. Իէլաժիի տան մէջ Սավարի ինքզինքը աղատ կը կարծէր, կեղծելու պէտք չունէր՝ ամէն խաղացող իր ակնարկովը կը հետեւէր խաղաթուղթերուն և անոր վրայ խորհող չկար: այս պարագային Սավարիի դէմքը իր կատարեալ անդորութեանըն մէջ էր անշուշտ, և ձիւլիա, հետաքրքիր՝ ուռումնասիրելու իր հակառակորդին դիմագծութիւնը, միշտ կը դիտէր և կարեւոր դիտողութիւններ կ'ընէր:

Ինչ որ ամենէն աւելի նշանակելի էր, Սավարիի գէմքին խորունկ տիրութիւնն էր: Այս մարդը մեծ վիշտ կրած ըլլալու է, խոր վհոտութեան մը զոն դացած, կամ սոսկալի խղճիխայթի մը ենթակայ: Իր աչքերուն շուրջը որոնք երբեմն հարթ էին, հիմա խոռոչներ ձեւացած էին, ինչ որ իր նայուածքին մեծ խորունկութիւն մը կուտար և մերթ ընթ մերթ ալ արտակարգ ցուրբեր:

Այտերը նիհարցած էին, դէմքը տոգունած: Միայն չրթները կը պահէին իրենց առոյգ գունաւորումը, գործվայրագ խօնանքի մը տիրապետութեան կամ ջղային հակահեցութեան մը տակ արիւնտեղու աստիճան կը խածնէր մերթ:

Սավարի խաղին չէր մասնակցէր, մինակ կը դիտէր, իր ձեռքին մէջ ոսկիները բռնած էր և երբ սեղանին վրայ դնել կը պատրաստուէր, յանկարծ կը կենար: «Ի՛նչ պէտք, կ'ըսէր կարծես իր ուժատած նայուածքը, ինձի ի՛նչ պէտք՝ շահիլ կամ կորսնցնել. ի՛նչ առաւելութիւն պիտի ունենամ քանի մը ոսկի աւելի ունենալով:

— Ներեցէք պարոն, ըսաւ, դադարի ոտիկանը վիպէն, անոր մօտենալով և խօսելով ծանօթ շեշտովը. ամէնքն ալ խաղի զբաղած են. միայն դուք մէկուսի էք մնացեր, արդեօք բարութիւնը պիտի ունենա՞ք ինձի ծառայութիւն մը մատուցանելու.

— Ի՛նչ ծառայութիւն պարոն, պատասխանեց Սավարի ցրտօրէն, իր խօսակիցը չափելով վերէն վար:

— Ես օտարական, իտալացի եմ, ինչպէս դիւրութեամբ կը հասկցոյի շեշտերէս. այս խաղացուած խաղէն տեղեկութիւն չունիմ, այսուհանդերձ կ'ուզէի ես ալ անոր մասնակցիլ, նախ չնեղուելու և երկորդ, խօսքը մէջերնիս մնայ, քիչ մը շատ փափաք ունիմ, թղթախաղի: Պիտի հաճութիւնը ունենա՞ք վայրկեան մը նուիրելով, ինձի բացատրելու սա հռչակաւոր պագարան, որուն վրայ խօսելնին ա՛յնքան լրած եմ իտալիոյ մէջ:

Ո և է արգելք չեմ տեսներ, պարոն, եթէ ձեզի հաճոյ կը թուի այդ խաղը, պատասխանեց Սավարի, առնաց իր ցուրտ ձեւը փոխելու:

— Շա՛տ շնորհակալ եմ, ուրեմն կրնամ նստիլ սա կիներուն քով և քանի մը պանքտոմս վտանդել, առանց այլանդակ երեւելու:

— Օ՛հ, ատոր գալով, ներեցէք որ ըսեմ թէ, այդ կիներուն համար երբէք տարօրինակութիւն չկայ պանքտոմսեր վտանգելու մէջ:

— Ի՛րաւ, գուցէ իսկ կը սիրեն այնպիսիներ, չէ՞,

յարեց Վիպէն կարելի եղածին չափ անմիտ ժպիտ մը ձեւացնելով :

— Կը պաշտեն իսկ, յարեց Սավարի :

Երիտասարդը գնաց շքմիւնէին վրայ դրուած դէ՛՛վ մը խաղաթուղթերը առաւ և եկաւ Վիպէնի քով, որ ստքի վրայ կեցած էր, սեղանին մօտ :

— Եթէ կը փափաքիք սկսինք, յարեց :

— Աղէկ չպիտի՞ ըլլար թէ որ նստէինք աս գործ-նական դասովը պարապելու համար, հարցուց ոստիկանը :

— Ի՛նչպէս որ կ'ուզէք, ահա աթոռնե՛ր :

— Բան մը կայ սակայն. մինակս չեմ :

— Իրա՛ւ :

— Այո՛, հետս կին մը կայ, հայրենակից մը, ան ալ պիտի ուրախանայ այս փոքր դասէն օգտուելով, և եթէ կը հաճիք...

— Ը՛ր է այդ կինը :

— Անդին նստած է : Մարդ չի ձանձնար, աղուոր Քրանսերէն չի կրնար խօսիլ և շատ քաջուող է : Առաջին անգամն էր որ Սավարիին ակնարկը ձիւ-լիայինին կը հանդիպէր :

Մօրիս Վիտալի կինը քաջութեամբ դիմադրեց այս առաջին ընդհարումին. յուզումը չի մատնեց. ասկէ դատ, Վիպէն խոհեմութեան համար արագօրէն ձիւլիային մօտեցաւ և Սավարիին ներկայացուց զայն :

— Հոս օտարական ենք, աւելցուց ոստիկանը՝ խօսքը Սավարիին ուղղելով. եթէ տիկին տ'ելժօն հաճութիւնը չունենար մեզի հրաւիրելու այս սիրուն համախմբումին, չպիտի գիտնայինք թէ, ի՛նչպէս անցնէինք գիշերը : Ա՛հ, Բարիլը հրաշար է, բայց անպատճ տարբերութիւն չունենար, երբ մէկը մեզի պէս, մարդ չի ձանձնար հոն :

Յետոյ յանկարծ կեցաւ և ըսաւ :

— Անշուշտ կը ներէք, պարոն, իմ իտալական հնչումներուս. հաւանաբար զիս մտիկ ընելէ աւելի, ուրիշ գործեր ունիք հոս և եթէ հաճիք իմ պզտիկ դասս տալ, ա՛լ կրնաք վերջացուցած նկատել տուած ձանձրութիւնս : Սիրելի բարեկամուհիս, աւելցուց, ձիւլիային դառնալով, պարոնը շատ բարի է և պագարան պիտի սորվեցընէ մեզի : Գիտէք թէ ի՛նչ է պագարան, այն թղթախաղը, որ խնդրոյ առարկայ եղաւ անցած տարի Նաթօ-վի մէջ : Կ'երեւայ որ բաւական կարեւոր գումարներ կը կորսուին ատոր մէջ. աւելի՛ աղէկ, մենք ալ պիտի կորսնցնենք :

Սավարի Վիպէնին դէմը, ձիւլիային քով նստաւ քանաբէին վրայ և սիտաւ խոտացուած դասը :

Նօ՛ր աւարտած էր, երբ խաղի անդիի սեղանէն մէկը հրաւէր կարգաց տասը ոսկիի խաղ մը դարձնելու :

Ոստիկանը զատուեցաւ Սավարիէն ու տիկին Վիտալէն և մօտեցաւ սեղանին՝ ուր տեղ բացին իրեն, որովհետեւ զբպանէն կապոյտ կողքով թղթապանակ մը հանած էր, որուն մէջ դրամատոմսեր կը տեսնուէին : Այս տեսարանը, խաղացող մարդոց և աւելի՛ կիններուն վրայ մեծ ազդեցութիւն մը ըրաւ. Վիպէն անմիջապէս այդ միջոցէն օգտուեցաւ ու նստելով քանի մը ոսկի կորսընցուց : Խաղի սկսելու պատճառը այն էր որ՝ կ'ուզէր կասկած մը չի հրաւիրել իր վրայ, մանաւանդ որ ինքզինքը օտարական հարուստ մը ծախելու մէջ չպիտի թերանար :

Վիպէն, Սավարիէն աւելի աղէկ գիտէր պախտանք. թէեւ ինք այնպէս կը ցուցնէր : Այս պատճառով քաջ-ւելով էր որ ոսկի մը ներկայացուց և ըսաւ. « ասիկա իմ ծախքերուս վրայ պիտի աւելցնեմ » : Բայց փոխանակ կորսնցնելու՝ հետզհետէ մինչեւ 200 ոսկի չահեցաւ :

Յանկարծ, անանկ վայրկեանի մը ուր կարեւոր գումար մը պիտի շահէր, — որովհետեւ բաղդը չուզելով կամ զբօսանքի համար խաղացողներուն է որ կը ժպտի — զգաց որ աթոռին յենակին վրայ մէկը կը կրթնէր:

Դարձաւ նայեցաւ. Սավարին էր:

— Դասերէս օգուտ կը քաղէ՞ք, հարցուց:

— Օհ, քիչ շատ:

— Ի՞նչպէս քիչ շատ. առ նուազն 5-6000 ֆրանք ունիք առջեւնիդ:

— Նշանակութիւն չունի, յարեց Վիպէն, միլիոնատէրի շեշտով մը:

— Քանի որ այնպէս է, ուրեմն կրնամ հաղորդել թէ ձեզ կը կանչեն:

— Ո՞վ.

— Տիկինը կ'ուզէ մեկնիլ և ես եկայ ձեզի հաղորդելու:

Վիպէն ոտքի ելաւ. զարմանքի համանուագ ձի մը թռաւ:

— Ի՞նչ... կը մեկնի՞ք, նոր սկսաւ դեռ երեկոյթը. դեռ ժամը 8ն է:

— Օհ, շիտակ չէ, յարեց Սպանիացի մը, քանի որ այնքան դրամնիս շահեցաք:

— Պարոնը կ'թուելէ կը վախնայ, աւեցուց Անթոնին:

— Ես աւելի վստահութիւն ունիմ ձեր վրայ, սիրական կոմս, գոչեց Բէլաժի:

Վիպէն զգաց որ գէշ մեկնութիւններու տեղի պիտի տար, ուստի ըսաւ.

— Տիկիններ, ստիպուած եմ տուն տանիլ մէկ ազգականուհիս, զոր ջնջմարեցիք խաղի զբաղած ըլլալով. ճամբեմ զայն և անմիջապէս պիտի դառնամ:

Վիպէն մօտեցաւ ծիւղիայի և մէկտեղ վար իջան:

Կինը յայտնեց թէ տեսնուած էր Սավարիի հետ, բայց երկրորդ անգամ այդ տեղը տեսնուել չէր ուզեր:

— Բան մը կ'ընենք. վաղը ձեզի կուգամ, աւելցուց ուստիկանը, հառք մը կեցնելով. ճիւղիա ներս մտաւ, Վիպէն դուռը գոչեց և կառքը մեկնեցաւ:

Դաղանի ուստիկանը վայրկեան մը աչքերովը հետեւեցաւ կառքին, աչքերը արտակարգ փայլի մը մէջ:

Յանկարծ ձեռքը ճակատին զարկաւ, կարծես կարգ մը մտածումներ վանելու համար. հասակը շտկեց և դարձեալ ուղղուեցաւ ելած տունը:

— Առաջին քայլը առնուեցաւ, կ'ըսէր մտովի, սանդուխներէն ելլելով. բայց երկրորդը. եթէ այս գիշեր իսկ չի յաջողիմ սա Սավարին դարձուածքով մը ինծի կապել, ձեռքերնուս պիտի ելլէ. առանց կասկած արթնցնելու ի՞նչպէս կրնանք ժամադիր ըլլալ անոր հետ:

Յանկարծ կեցաւ, գոչելով.

— Էվրեխա՛, դտա յ. ու ներս մտաւ, խաղի սնդանին մասնակցեցաւ: Սավարի սկսաւ կ'թուել. կը կատարէր, որովհետեւ իր այնքան ճիգերով հաւաքած դրամներուն կորսնցնելը տխուր էր. ուստիկանը սիկարը շրթունքին՝ անտարբեր կը խաղար. Սավարի տակաւ կը բորբոքէր. վերջին անգամ մըն ալ բաղդը ժպտեցաւ ուստիկանին:

— Ա՛յ իրաւունք ունիք խաղը ձգելու, դիտել տուին Սավարիի, որ գոչեց.

— Ո՛հ, չպիտի ձգեմ...  
— Ձեր ուզածին պէս, շարունակեց Վիպէն, սեղանին վրայ նետելով իր թղթապանակը, ուր հիմա ճշմարիտ պանքոտմաներ եկած գրաւած էին կեղծերուն տեղ:

Առաջուան նման տեսարան մը պարզուեցաւ. խաղը անգամ մըն ալ դարձաւ և Սավարիի կողմը հաւաքուած դրամը Վիպէնի ձեռքը անցաւ: Ծափահարութիւններ բարձրացան. իտալացին կ'ինքրու աչքին մեծցած էր:

Սակայն յողնած չէին, խաղը շարունակելու խօսքով, քանի որ կանխիկ դրամները հատած էին:

Սուալին անգամ, բազը ժպտեցաւ Սավարիի, որ սկսաւ աւելի ոգեւորութեամբ շարունակել. սակայն դարձեալ կորուստները ծայր տուին և խաղա՛ց, խաղաց, առանց խոհեմութեան, առանց այլ և այլի. թղթախաղ մը չէր այլ մարտնջում մը, այնքան կատղած, գինով-ցած էր Սավարի: Խեղժ մարդը ա՛լ աւելի կը տոջորէր դէմինին սառնարիւնութիւնը տեսնելով. երբէք միտքէն անքամ չէր անցընէր թէ այդ մարդը ի՛նչ տեսակ մէկն էր, սակայն տարտամ զգայութիւն մը անոր կ'ըսէր կարծես. — « Թշնամիի մը դէմն ես, զգուշացի՛ր: »

Պարտաթուղթերը, ամէն ձեւով թուղթերու վրայ կը ստորագրուէին. մէկը իր մատնին մէջտեղը կը հանէր, ուրիշ մը իր ժամացոյցը գրաւ կը դնէր, բայց Վիպէո միշտ կը յաղթէր: Իր թղթապանակը և գրպանները լեցւեցան պարտամուրհակներով, որոնց մէջ մեծ տեղ մը կը գրաւէին Սավարիիները. նոյն իսկ անոր 25 ոսկինոն մէկ պարտաթուղթը իր գրամ յանձնեց Սպանիացիի մը, որ շահած էր: Սավարի 14000 ֆրանք պարտական եղած էր:

Կամաց կամաց սակայն խաղացողները քաշուեցան, և ժամը 12ին մօտ գրեթէ վերջ գտած էր խաղը:

Ամեն մարդ ուրիշ ելաւ, թեւերնին ու ոտքերնին ձգտեցին, և հազարամէկ յողնութիւններ սկսան ծանրանալ անոնց վրայ:

Վարագոյրները յանկարծ բացուեցան և արեւը յորդցողքերով խուժեց սենեակէն ներս. ամենքը իրարու նայեցան, զիրար սոսկալի կերպով տգեղ տեսան. կիները մանաւանդ պարտաքոտ տեսարան մը կը ցուցադրէին. անոնց անքոյրները և ներկերը, որոնք կանթեղի լոյսին տակ այնքան կը գեղեցկացնէին զիրենք, հիմա լրբձուկ բան մը եղեր էին:

Կառքեր կանչել տուին և ամէն մարդ իր տունը մեկնեցաւ:

Սավարի Վիպէոէն հրաժեշտ խնդրելէ առաջ ըսաւ անոր.

— Ո՛ւր կրնամ տալ, պարոն, պարտքերս:

— Եթէ կ'ուզէք Րիչլիօ փողոց, Օթէլ տէ Բրէնս, ուր կը բնակիմ առժամաբար, պատասխանեց ոստիկանը առանց վարանման:

Իրար բարեւեցին և ղատուեցան:

ԺԳ.

Վիպէո քալելով Պլանչ փողոց իջաւ. պարտելու, շնչելու պէտքը կը զգար. գլուխը ծանր էր, աչքերը կ'այրէին և ոսկորներուն մէջ ցաւեր կը զգար: Ասկից ուրիշ արդիւնք մը կրնա՞ր տալ անցուցած գիշերը, խաղի սեղանին առջեւ. կանթեղներու լոյսին տակ, անօթի, ծարաւ, տենդոտ:

Քուռն չունէր, ինչպէս ամէն խաղացողները, դրամները կը համրէր և հաշիւը կ'ընէր. իր ամենէն աւելի ուրախանալիք կէտը ան էր որ՝ առաջին քայլին մէջ իսկ յաջողած էր. Սավարին իրեն կապած էր:

— Զայն պիտի նեղեմ, պիտի ծածկեմ, պիտի ըստիպեմ որ խօսի. և Պ. Կուրպէէն աւելի խիստ հարցաքննիչ մը պիտի ըլլամ, կ'ըսէր ինքնիրեն. պիտի կրնամ հետեւիլ Սավարիի բոլոր կեանքին, քանի որ տրամադրելի չէրամ ունիմ քովս, և մանաւա՛նդ կին մը:

Վիպէն այսպէս խօսելով ինքնիրենը, Շօսէ-տ'Ան-  
թէնի պուրվառը հասաւ. գլուխը աւելի թեթեցած  
զգաց, սրունքները աւելի ճկուն և թարմ, օդը զովա-  
ցուցած էր իր աչքերը. ինքզինքը թեթեւ, վառվառուն  
և գործի սկսելու տրամադիր կը զգար:

Այս վիճակին մէջ նոր ծրագիր մը շինեց մտքին մէջ.  
գործել ուզեց. կառք մը կ'անցնէր, կեցնել տուաւ և  
գնաց Առպըր Սէք փողոցի իր համեստ տունը: Քիչ մը  
արդուզարդը կոկեց, Մարքիլին նամակ մը գրեց իրերը  
պատմելով և դարձեալ նսյն կառքով գնաց Լա Բէ  
փողոց:

Ճիւղիա իրեն կը սպասէր:

Ոստիկանը, Բէլաժիի տան մէջ անցած դարձածը  
պատմեց և յայտնեց իր ծրագիրը:

— Քանի որ հաւանեցաք կարելի եղածին չափ յա-  
ճախ հանդիպիլ Սավարիի, ալ այս տունը չէք կրնար  
նստիլ, աւելցուց Վիպէն. եթէ օր մը ձեզի հետեւելու  
փափաքը կամ փորձութիւնը ունենայ, պիտի ձանձնա  
ձեզի և ամէն բան կորսուած պիտի ըլլայ:

— Բնականաբար.

— Ուրեմն որոշած ենք տունը փոխել:

— Ոչ, այս յարկաբաժինը պիտի պահեմ, շատ մը  
յիշատակներ ունին ինծի համար: Բայց ուրիշ մըն ալ  
կրնամ վարձել երբ պէտք ըլլայ:

— Կ'արածնէ՞ք ինծի թողուլ ձեր բնակարանին  
ընտրութիւնը:

— Այո՛.

— Ո՞ր կը փափաքիք բնակել:

— Կարեւորութիւն չունի այդ ալ ինծի համար:

Մինակ կը բաւէ որ նոր տունիս հասցէն տաք

— Ա՛յո իրիկուն իսկ պիտի ստանաք հասցէն:

Վիպէն մեկնեցաւ: Գնաց երկու պայուսակ գնեց:

հարուստ օտարականի թիփը կատարեալ ընելու հա-  
մար: Անոնց մէջ լեցուց հոտեղէններ, ոսկի զաւազան-  
ներ, նուրբ շապիկներ ևն, այնպէս որ Օթէլ տէ Բրէն-  
սի սպասարկուները մեծամեծ վստահութիւններ կրնային  
ունենալ թէ միլիոնատէր մը կ'ընդունէին:

Օթէլ տէ Բրէնս, ժամանակին ամէնէն պատուաւոր  
պանդոկն էր, Վիպէնի վարձած մէկ յարկաբաժինը օ-  
րական 15 Փր.ի վարձք մը ունէր: Բայց մեր «Րիւպին-  
նիի կոմսը» ատանկ ծախքերու նայած չունէր: Տե-  
ղաւորուեցաւ, ինքզինքը դիտեց հայելիին մէջ, պէտք  
եղածին պէս ցուցուց և հրամաններ տալով դուրս  
ելաւ:

Տիկին Վիտալի համար բնակարան մը պիտի գտնէր:

Կր խորհէր որ պանդոկին մէջ եթէ իր մօտ յարկա-  
բաժին մը վարձէր կիներ, չպիտի մերժէր, քանի որ ան  
միայն մէկ մտազբաղում ունէր՝ վրէժ լուծել, ատոր  
մէջ յաջողելու համար ամէն բան աչք առնելով: Եւ  
Վիպէն անոր համար մարդ մը չէր ալ, միջոց մը:

Բայց, եթէ ինք այդ կնոջ համար էրիկ մարդ մը  
չէր, անիկա իրեն համար կիներ մըն էր...: Ոստիկանը  
անոր նկատմամբ արտակարգ փափկութիւններ կը զգար,  
չէր կրնար ուրիշ կերպով վարուիլ. հակառակ իրեն,  
մէկ կայուն մտածում միայն ունէր, այսինքն իր նպա-  
տակին հասնիլ՝ առանց իր կնոջական արժանապատու-  
ութեան մէջ վիրաւորելու ճիւղիան:

Երկար բարակ խուզարկումներ կատարեց, ամէն տուն  
յարմար չէր. մէկը հետու էր պանդոկին, ուրիշ մը բարձր  
կամ սուղ: Վերջապէս Կրամոն փողոցին դէմ շատ յար-  
մար բնակարան մը գտաւ: Յայտնեց թէ, հոն պիտի  
գար իր մէկ ազգակոտորակին ոչ Րուպինի մարքիզունի  
կը կոչուէր:

Այդ արարթըմանը շատ մը առաւելութիւններ ունէր.

կահաւորուած . կազմ ու պարատոտ էր : Վարձակալը ստիպուած ըլլալով անմիջապէս մեկնել Բարիզէն , ուղած եր իր բացակայութեան միջոցին օգտուել անկէց : Տունը ամէն կերպով անթերի էր ճիւղիայի պէս կնոջ մը համար :

Բայց ինչ որ Վիպէռը կապած էր այդ յարկարածոնին սա էր թէ , ան երկու դուռ ունէր որոնք զատ զատ երկու սանդուխներու վրայ կը բացուէին : Սալօնը , բացի իր մեծ դուռնէն և ճաշասրահին դուռնէն , ունէր նաեւ ապակեպատ դուռ մը որ սանդուխ առաջնորդող նրբանցքի մը վրայ կը բացուէր :

Վիպէռ միշտ կանխահոգ , վայրկեան մը յաջողեցաւ ինքզինքը մինակ ձգել տալ հոն : Այս մինակութենէն օգտուելով յաջողեցաւ գրպանը սահեցնել փոքր սանդուխին կողմի դրան բանալին և ապակեպատ դրան վրայ ծակ մը բանալ , որմէ կարելի պիտի ըլլար ներսը դիտել և լսել հոն խօսուածներն :

— Չգիտցուիր թէ ի՞նչ կրնայ պատահիլ , կը խորհէր , ամէն նախզգուշութիւն ձեռք առնել աղէկ բան է : Իրաւ է թէ այդ միջոցները մերթ անօգուտ են , սակայն յիշատակէն հասցնեմք ընաւ :

Ոստիկանը 36 ժամէն աւելի էր որ վայրկեան մը հանգիստ չէր վայելած . կանուխ մը պանդոկ դարձաւ և պառկեցաւ անմիջապէս : Այսու հանգերձ խոր քունով մը չքնացաւ , ինչպէս կը կարծէր : Վիպէռ որ իր Առպոբ Սէք փողոցի տան մէջ գէշ կը պառկէր , ինքզինքը գուցէ խանգարուած և անհանգիստ զգաց Օթէլ տէ Բրէնսի կակուղ բարձին , երեք վերմակներուն և փետուրէ անկողնին վրայ . . .

Բայց , արդեօք կարգ մը յիշատակներ զայն արթուն կը պահէին . . . :

ԺԳ.

Հետեւեալ օրը Վիպէռ Սավարիի կը սպասէր : Խաղի պարտքերը ըստ սովորութեան 24 ժամէն կը վճարուին : Անտարակոյս Սավարի ալ պիտի բերէր 14000 ֆրանքի պարտքը : Սակայն ան կ'ուշանար : Ոստիկանը կարգ մը մտածումներու կ'ուեննար : Ատիկա առիթ մէն էր որ Սավարիի հետ յարաբերութեան մասէր , սակայն եթէ նամակով մը պատասխանէր : հետզհետէ գրգռուած վիճակ մը կը ստանար :

Ժամը 3ին Վիպէռ խաղաղեցաւ . սպասարկու մը եկաւ և ըսել թէ մէկը տեսնուիլ կ'ուզէ .

— Առաջնորդեցէք , պատասխանեց :

— Երբ Սավարի տեսնուեցաւ , ոստիկանը դիմաւորեց զայն :

— Ախ , դժուր էիք , սիրելի պարոն , ըսաւ իր իտալական շեշտերը գործածելով . մտիկ ըրէք . խնդրեմ : Ձեզի տեսնել կը փափաքիմ : Երեկուընէ ի վեր ինչպէս էք . կ'երեւի թէ աղէկ մը քնացեր էք . ինձի պէս . Օ՛հ . որքան աղուոր է ձեր ռանքանեան , մարդ Ֆրանսա դալու է միայն խմելու համար : Մինչև ժամ մը առաջ քնացած էի :

— Ես ձեռնէ քիչ քնացած եմ ուրեմն , ըսաւ Սավարի վերջապէս :

— Ինչո՞ւ . բայց յոգնած էիք :

— Այո , բայց մտադրաւ էի :

— Մտադրա՞ւ . . . , Ա՛հ , կը հասկնամ տիկին տ'էր . մօնի տան սիրուն կիներէն մէկուն սիրահարուեցաք . . .

Պրա՛ւ ալ ի՛նչ անուշիկ կտվրներ կային: Ա՛խ Բարիզու-  
հինները: Իրաւո՛նք ունին որչափ որ գովեն: Մեր խոս-  
լուհիները անոնց քով բան մը չեն:

— Պարոն... ընդմիջեց Սավարի:

— Ո՛չ, ոչ. գիտեմ քաղաքավարութեան համար  
աղէկ պիտի խօսիք հայրենակիցներու մասին: Ի՛նչ որ  
ալ ըսէք չեմ փոխեր կարծիքս անոնց մասին: Կը  
կրկնեմ որ բան մը չեն անոնք ձերիններուն քով. նայե-  
ցէք ազգականուհիս, զոր երէկ ներկայացուցի ձեզ...

— Ձեր ազգականուհի՞ն... աւելցուց Սավարի դարձ-  
մացած:

— Այո՛, չէ՞ք յիշեր:

— Ընդհակառակը. բայց ես չէի կարծեր որ ձեզ  
ազգականուհի չէ:

— Ինչո՞ւ.

— Բայց... որովհետեւ "զայն տիկին տ'երմօնի"  
տունը առաջնորդեցիք...

— Ատոր մէջ զարմանալիք ի՛նչ կայ, աւելցուց վի-  
պէն միամտօրէն:

— Ուրեմն չէի՞ք գիտեր թէ ինչ տեսակ ընկերու-  
թիւն մըն էր յաճախածնիդ:

— Ընկերութիւն մը, ուր թուղթ կը խաղան: Ապա  
ինծի ըսին թէ Բարիզի ամէն սալօններուն մէջ կը խա-  
ղան... Մնաց որ արդեօք գէշ բան մը ըրի ազգակա-  
կանուհիս հոն տանելով:

— Քանի որ կ'ուզէք ուրեմն պտտոխանեմ:

— Այո՛, գէշ բան մը ըրիք ձեր ազգականուհի  
Բելաժի տունը տանելով, աւելցուց Սավարի:

— Ա՛խ, Տէր Աստուած, օտարական ըլլալը ի՛նչ  
գէշ բան է, և ես որ կը հաւատայի թէ...: Նաբօլիէ  
մեկնած ատենս սակայն, բարեկամ մը յանձնարարած էի  
ինծի այդ տունը, ուր հաճելի ժամանակ մը կարենա-  
անցնելս յայտնած էր ինծի:

— Իրա՛ւ ալ, աղէկ, հաճելի ընդունելութիւն մը  
կայ այդ տան մէջ, յարեց Սավարի ժպտելով:

— Եւ ես ալ փութացի այցելել և ազգականուհիս  
ներկայացնել...: Բարեբաղդաբար մէկու մը հետ չտես-  
նուեցաւ: Բայց դիտէ՞ք որ Բարիզ մեր Իտալիոյ քա-  
ղաքներուն չի նմանիր: Դաստիարակութիւն պէտք է:

— Կարդ մը յարաբերութեանց մասին միայն:

— Ահ, եթէ մէկը այդ գործը յանձն առնէ՞ր...  
Նոր ձախաւերութենէ մը կը վախնամ: Բայց որքան  
բարի և աղէկ երեւոյթ մը ունէր այդ տիկին տ'եր-  
մօնը:

— Իբր օտարական կրնայիք խարուիլ այս կնիկէն,  
որ ժամանակին ամուսնացած, աշխարհիկ կին մըն էր  
և ուզած ատեն կրնայ հին ձեւերը ստանալ:

— Ա՛խ, ի՛նչ սխալի մէջ ընկղմեր ենք. եթէ հաս-  
կնա՛ր ան, հէգ կինը սև սուգի մէջ է երկանը մահուան  
պատճառով. Ինք առողջական տեսակէտով էր որ Բա-  
րիզ եկաւ ինծի հետ. ես իջայ այս պանդոկը, իսկ ինք  
կրածօն փողոց կը բնակի:

— Բայց ես եկայ... ընդմիջեց Սավարի.

Եկաք կարգ մը փոքր հաշիւներ մաքրելու չէ՞.  
Իրաւունք ունիք չխօսինք ալ ասդիինին վրայ:

— Այսու հանդերձ...

— Նախ, խօսք տուէք որ ձեր արժէքաւոր բարե-  
կամութիւնը չպիտի զլանաք: Գալով այն փոքր գու-  
մարին զոր ձենէ կթելու դժբաղդութիւնը ունեցայ,  
հաճեցէք զայն դնել սա սեղանին վրայ և ուրիշ բա-  
ներու վրայ խօսինք:

— Ատ էր... յարեց Սավարի, շփոթած, դէմ առ  
դէմ գտնուելուն համար պարտատիրոջ հետ, որ նրբու-  
թեամբ կը պահանջէր դրամները:

— Ինչո՞... հարցուց ոստիկանը անփութօրէն:

— Ստիպուած եմ դեռ քանի մը որ ձեզ պարտա-  
կան մնալու: Կարգ մը կորուստներու համար այս  
միջոցիս շատ նեղն եմ...

— Ի՞նչ, իրա՞ւ...

— Եւ, Պ. կոմս, կուգամ խնդրել ձեռնէ որ մէկ  
կողմէն իմ այս նեղութիւնս դադանի պահէք և միւս  
կողմէն քիչ մը ժամանակ տաք, պարտքիս վճարման  
համար:

— Հաճոյքով կուտամ ձեր ուղածին չափ պայմա-  
նաժամ: Հարկաւ կարգադրելիք գործեր ունիք, Միայն  
թէ ես ալ խնդրանք մը ունէի ձեռնէ, արդևօք համար-  
ձակութիւն կուտա՞ք որ ըսեմ...

— Կ'աղաչե՛մ Պ, կոմս:

— Արդէն դուք ալ իրաւունք պիտի տաք կար-  
ծեմ. քիչ մը առաջ խօսքն ալ անցաւ Բարիզի  
կեանքին մասին փորձառութիւն բնաւ չունիմ և ամէն  
քայլի սխալներու հանդիպելու ի վիճակի եմ, եթէ մը  
տացի առաջնորդ մը չունենամ: Միւս կողմէ բազմ  
ինծի ծանօթացուց ձեզի պէս անձ մը, որմէ կը խնդրեմ  
օգնել ինծի իր խորհուրդներով:

— Ձեր արամադրութեան տակն եմ բոլորովին,  
պարոն պատասխանեց Սավարի եռանդով:

Սավարիի ուղածէն աւելի՛ն էր աս, Հիմակուց կը  
գուշակէր թէ զինքը ա՛յնքան մտահոգող պարտքերը  
պիտի ջնջուէին, քանի որ խաղի պարտքերը շատ  
դիւրաւ կ'աւրուին օտարականներու և մտերիմներու  
միջեւ:

— Շատ շնորհակարտ եմ ձեր բարեհաճութենէն:  
Միայն թէ գիտէք որ մինակս չեմ: Ես ի՛նչպէս ըլլալ  
կը յարմարիմ ձեր ճաշակին կամ նախընտրութեանց,  
բայց կին մը կայ, տխուր, ջղային և տարբեր բընու-  
թիւնով մէկը. անոր համար է որ մանաւանդ պէտք է  
աւելի գրադիք...

— Բայց ձեր ազգականուհին շատ սիրալիբ  
տիկին մըն է...

— Անտարակոյս Իտալացիներուն համար: Բայց  
դուք՝ Բարիզցիներդ ուրիշ ըմբռնումներ ունիք: Ամէն  
պարագայի մէջ ծառայութիւն մըն է որ կը կատարէք:  
Նախ խել մը հարցումներ ունիմ ընելիք ձեզի: Կարգ  
մը հասցէներու և խորհուրդներու պէտք ունիմ: Չմեռը  
ամբողջ Բարիզ մնալու մտադրութիւն ունինք և  
կ'ուզենք հաճոյապէս անցընել: Շատ մը պէտքերու կը  
կայօտինք և մեծ օգտակարութիւն պիտի ունենաք:  
Ե՛րբ պիտի կրնամ ձեզի իմ ակզգականուհիիս ներօ-  
կայացնել:

— Երբո՛ր ուզէք:

— Վա՛ղը ուրեմն:

Եւ գատուեցան իրար ողջունելով:



ԺԵ.

Երեք շաբաթներ անցան, որու միջոցին Սավարի  
չափէն աւելի մտերմացաւ Վիպէռի, գրեթէ անկէց  
չէր-բաժնուէր: Կ'ելլէր, կը հագուէր և շիտակ Օթէճ  
տէ Բրէնս կ'երթար, հոն կը ճաշէր և այդ մեծահա-  
րուստին անբաժան մէկ մասը կը կազմէր:

Իրաւ ալ Վիպէռ ինքզինքը այնքան կը նմանցնէր  
կոմսի մը, որ կը մոռնար թէ դեր մը կը խաղար,  
ա՛յնքան վարժուած էր «Պ. կոմս» տիտղոսին որ երբ  
պարզ «պարոն» մը ըսուէր կը վիրաւորուէր: Մինակ  
գտնուած առննը միայն, չհաւատլով կ'անդրադառ-  
նար նախկին կեանքին վրայ:

Օր մը կը գրէր իր հօր պաշտպան Ք. Մարքիզին.

«Երբ սա Լա Բէ փողոցին գործը ելքի մը յանգեցընեմ, անպատճառ պիտի սկսիմ փնտռել իմ ցեղաբանական ծառս, քննել անցեալս կամ ծնողքիս ու մեծ հօրս անցեալները: Անպատճառ իմ երակներու մէջ կայ քանի մը կաթիլ հին, սգնուապետական տրիւն»:

Իսկ Մարքիզը պատասխանեց. — «Է՛, լաւ, ընդունինք թէ ատանկ բան մը կայ, անմիտ: Ետքը...»:

Վիպէն ծախքերուն համար բնաւ հոգ չէր տանէր: Ինքզինքը մեծահարուստ ծախելու մէջ չէր թերանար: Եւ Սավարի ամէն օր աւելի կը մտերմանար:

Ճաշէն ետք էր որ յաճախ, Վիպէն, երկու սիկառի միջեւ կը խօսէր Սավարիի հետ օրուան ի՛նչ ընելիքին վրայ:

— Որչա՛փ սիրալիր, փութկոտ և նախահոգ էք աղգականուհիի նկատմամբ: Բոլոր արտօմ չնորհակալ եմ ձեզի, կ'ըսէր Վիպէն, երբ նստած կը խօսէին օրուան ընելիքներուն վրայ: Բայց մեր միաձայնութեամբ որոշած ծրագիրը պիտի կրնա՞ք զօրծաղրել: Վեց շաբաթ է որ հազիւ կրցանք հասկնալ Բարիզը: Կ'ուզէ՞ք որ քաղ մը ընենք մեր ըրածներուն վրայ:

— Ինչո՞ւ չէ:

— Նախ մեզի Բալէ Բուայալի հացկերոյթին հըրաւորեցիք, ուր, կը յիշէ՞ք, այնքան աղուոր գաղափար մը տուիք մեզի: Տիկին Ռուպինի կ'ուզէր ձեզ գինով ցնել, սիրուն կնկան քմահաճոյք, որուն ես ալ ուժ տուի: Մ'հ, սակայն, անկարելի բան մը եղաւ ատ: Ի՛նչ որ տուինք խմեցիք, սակայն միշտ ինքզինքնիդ կրցիք պահել:

— Բայց քաղերնիս շարունակենք...

— Այդ հացկերոյթէն ետք ի՛նչ ըրինք որ, ոչինչ. Բարիզի պատմական վայրերը պիտի պտտէինք և դեռ

մէկը անգամ չեմ անտած: Սակայն չեմ ալ ուզեր Նաբոլի դառնալ և ըսել «բան մը չտեսայ»: Մեր սուգին համար թատրոն չենք կրնար երթալ, դոնէ յիշատակարանները տեսնենք: Ե՛րբ պիտի այցելենք Նոթր Ծամը, Լուվրըն, Թիւլլըրին և դատական պաշտօնարանը: Կը տա՞րիմ այս հաստատութիւնը այցելելու համար:

— Օ՛հ, տեսնելիք բան մը չէ:

— Ախ, գիտեմ Բարիզցիները. այնքան շփացած են ոչ մէկ բանի վրայ կը հիանան: Վստահ եմ որ երբեք արտօնութիւն չէք խնդրած ձեր բանտերը այցելելու:

— Ես իմ մասին կը խոստովանիմ թէ ոչ, արդէն այցելած եմ ինն աւանց արտօնութեան:

— Իրա՞ւ. և ի՛նչպէս:

— Երկար պիտի ըլլար ատիկայ ձեզի պատմելը:

— Դեռ չա՛տ տեղեր կան: Նոյն իսկ ձեր գլխաւոր փողոցները չեմ գիտեր. Գիշեր մը Վիվիէն, Շաէ տ'Անթէն, Լաֆիթ փողոցները տարիք մեզի, բայց ակնարկ մը անգամ չկրցանք նետել Լա Բէ փողոցին վրայ, որ այնքան խնդրոյ առարկայ եղաւ: Շիտակ ըսէ, ինչո՞ւ Լա Բէ փողոց չգացինք պտտելու:

— Որովհետեւ հաւանաբար մեր ձամբուն վրայ չինկաւ, պատասխանեց պարզօրէն Սավարի, մինչ Վիպէն զայն կը դիտէր:

— Է՛, ե՛րբ պիտի երթանք հոն:

— Երբոր ուզէք:

— Այսօր.

— Ա՛յսօր, լա՛ւ.

Ամէն օր կը կրկնուէին այսօրինակ ծրագրերնր: Անգամ մը որ ոտտիկանը խաղացած էր իր կատակերգութիւնը, մէյ մըն ալ այդ մասին խօսք չէր բանար Սավարիին, քանի որ Տիկին Վիպարի հետ փողոցները պտտելը անօգուտ կը սեպէր:

Ճաշէն ետք մերթ կրանմօն փողոց, Տիբին Վիտալի տունը կ'երթային. կրակին դէմը նստած կը տեսակցէին. յետոյ, շատ քիչ անգամներ դոց կառքով մը պտոյտի կ'ելլէին.

Այսպէսով, Վիպէն, ամենախիստ հսկողութեան մը տակ առած էր Սավարին. ոչ միայն զայն իրեն կապած էր, այլ չէր վրիպեցներ անոր ո՛չ մէկ շարժումը. ձեւը. Այս միջոցով փոխանակ ինք հետեւելու ամբաստանեալին, անիկայ իր ոտքին կապած էր. հանգիստ մը կը վարէր իր գործը.

Ոստիկանին պաշտօնը նուրբ և կնճառտ էր. Սակայն իր մտադրած ծրագրին յաջողութեան կը դիմէր. Այդ յատկաձեւին գլխաւոր դերակատարը ձիւլիան էր պէտք էր որ Սավարի սիրէր զայն, ամէն բան յայտնի ըլլալու համար, կամ մահը կամ փրկութիւնը:

Այդ բանին համար գետինը արդէն հարթուած էր: Սավարի յաճախ կը տեսակցէր դեռատի այրիին հետ: Վիպէնի հաշիւները ճիշդ կ'ելլէին: Իր ծրագիրը չէ՞ր հիմնուած ձիւլիայի Սավարիին ներշնչած սէրին վրայ և այս սէրը կրնա՞ր ուշանալ ծնունդ առնելու:

Այս վերջին հարցման պատասխանելու համար կը բաւէ արագ ակնարկ մը նետել Սավարի կեանքին դեռ մութ մնացած քանի մը անկիւններուն վրայ:

\* \* \*

Սավարի հայրը 40 տարու մը կար և գաւառային քաղաքապետութեան մը մէջ համեստ պաշտօնեայ մըն էր երբ սխալը գործեց Քօրալի անունով հրաշալի կնկան մը սիրահարելու: Քօրալի նանսիի մէկ սրճարանին հաշուակալն էր:

Ամիսներով անյաջող սիրարարութիւն մը ընելէ

տեսնել. Վիպէնի ժամադիր եղաւ պանդոկին մէջ, բայց չի գնաց հոն և շիտակ ուղղութեցաւ կրամօն փվղոց:

Մարիէթթա լուր տուաւ տիրուհիին թէ Սավարի մինակը եկած էր: Դեռատի այրին վայրկեան մը վարա նեցաւ, յետոյ սիրտ առաւ և գնաց միացաւ Սավարիին: Ձիւլիա սեւ հագած էր և այս արդուզարդը զայն աւելի կը փայլեցնէր, կուրծքը կը բարդամցնէր, հասակը կը ցայտեցնէր և ընթացքին ծանրութիւնը գերազանց հմայք մը կուտար անոր:

Սավարի անոր կը նայէր հիասքանչ, առանց բառ մը ըսելու. այս մարդը որ այնքան կիներ վայլած, սէրեր չուայլած էր չորս դի. սկսաւ դողալ. սիրտը կը բազալէր և խօսք չէր գտնուեր արտասանելու:

Կինը հասկցաւ թէ, լուսթիւնը անձկութեան և շփոթութեան արդիւնք էր, ուստի ըսաւ.

- Կո՞մսը ինչ բրիք:
- Հոս գտնել կը կարծէի, բացատրեց Սավարի, արդե՞ք կը խոնգարե՞մ ձեզի:
- Երբէք, որովհետեւ ուրիշ մէկը չկայ արդէն.
- Երջանիկ եմ ուրեմն, տիկին, որ առիթը կը ներկայանայ ձեզի հետ մինակ գտնուելու...:
- Ըսելի՞ք մը ունիք արգեօք:
- Օհ այո շատ բաներ ունի՞մ ըսելիք, յարեց Սավարի եռանդով.
- Մտիկ կ'ընեմ, պարոն:
- Պարոն, պարոն, ուրեմն ինձի միշտ պարոն կը կոչէք, ըսաւ տխրութեամբ:
- Ամէնէն յարմար բացատրութիւնը այդ չէ՞, յարեց կինը չհասկնալ ձեւացնելով. այն ատեն աւելի ճիշդը ըսէք որ զայն գործածեմ. աղէկ Ֆրանսերէն չեմ գիտեր, ի՞նչ ընեմ:
- Բան մը ըսելիք չունիմ ձեզի. բառը յարմար է և ոչ մէկ բան կայ անոր մէջ անպատշաճ:

Յետոյ յանկարծ ոտքի ելլելով .

— Ախ, ներեցէք ինձի, տիկին, ըսաւ, ջղային եմ գրգռուած, անհանգիստ... ներեցէ՛ք ինձի...

— Կը ներեմ, յարեց ժպտելով, բայց պիտի ըսէ՞ք ինձի այս բաներուն պատճառը... :

Արագ՝ մտեցաւ ձիւլիայի, անոր քով նստաւ և ըստ...

— Զէ՞ք հասկնար ուրեմն...

— Ի՞նչը .

— Զէ՞ք հասկնար թէ, մարդ չկրնար անպատիժ ապրիլ ձեր մօտ. երկու ամիսէ աւելի ժամանակի մը մէջ. թէ՛ վտանգաւոր է մարդու մը համար անդադար ձեզ տեսնել, ձեզի լսել, ձեզի հետ նոյն օդը շնչել՝ վերջապէս...

Պիտի շարունակէր, բայց աչքերը բարձրացուց գէպի կինը և կեցաւ. ձիւլիայի վայտին մէջ արտակարգ արտայայտութիւն մը կար. ճակատը ծալուած էր, աչքերը տոգուած և նայածքը պաղ: Իր սովորական քաղցր թիւնով չէր վարանա՞ վտանքին առջեւ վազելու, իր բոլոր ուժը ժողոված:

Սավարիի առաջին յայտարարութեան առջեւ կինը վրդովեցաւ. իր պարկեշտ կնոջ բոլոր դիւրագգածութիւնը արթնցաւ:

Ի՞նչ, իրեն էին որ կ' համարձակէին սիրոյ յայտարարութիւն ընել. ինք՝ որուն ամուսինը դեռ նոր մեռած էր: Ախ, չէր կրցած նախատեսել թէ պիտ խառնապէ՛ր՝

Երկար ատեն լուռ նայցին մարդը զարմանահար, կինը վիրաւորուած, սպաննուած:

Այսուհանդերձ, կամաց կամաց ձիւլիայի դէմքը փայլեցաւ. ձեռքը ճակտին վրայէն անցուց, տաղտկալի գաղափար մը վանելու ձեւով: Կորովի որոշում մը ձեռք առածի երեւոյթ առաւ և դառնալով Սավարիի անոթ երեսը նայեցաւ:

— Ուրեմն կը սիրէ՞ք զիս, ըսաւ:

Սավարի չէր ուզուեր այս տեսակ յարձակումի մը: ձիւլիայի ցոյց տուած գրգռութենէն կարծած էր որ ան պիտի հրամայէր փոխել խօսակցութիւնը, լուել կամ քաշուիլ երթալ: Մինչ կինը ընդհակառակը իր խօսքը շարունակեց անխց ուր ձգած էր ինք:

Սավարի սակայն, իր առաջին զարմանքէն արթնցած՝ ուղեց առիթէն օգտուիլ իր սրտին բոցը թափելու: Արագ շարժումով մը ըռնեց կնոջ ձեռքը և գոչեց.

— Այո, ձեզի կը սիրեմ, ա՛յնպէս ինչպէս չեմ սիրած ցարդ, ինչպէս ինքզինքս կարող չէի զգար սիրելու: Դուք իմ առաջին և միակ սէրս էք: Եթէ դիտնայիք թէ ո՞րքան կը տառապիմ ձեռնէ հեռու, և ո՞րչափ երջանիկ եմ երբ ձեր մօտն եմ. երբ առաջին անգամ տեսայ ձեզի, ինձի այնպէս եկաւ որ ձեռնէ աղւոր կին մը չէի տեսած ընաւ: Ախ, ձեր գերմարդկային հրապոյրները փշրեցին իմ այնքան տարուան կորովս. երդուընցայ չտեսնել ձեզի, փախչի՛լ ձեռնէ. բայց չի կրցի՛...: Այդ խենթ սէրը ինձի հոս մղեց, ինձի հրամայեց ձեր քովը ապրիլ: Բայց գիտե՛մ թէ ձեր մօտը պիտի կորսնցնեմ հանգիստս, կամքս և յիմարի՛ պէս ձե՛զ պիտի սիրեմ միայն...

Կինը ոտքի ելած էր, ձեռքը ազատեց Սավարիին: ներէն, երկու քայլ անդին գնաց և շքմիւնէին մարմարին կրթնելով հարցուց.

— Է՛, ես ալ քաջալերեցի՞ ձեր սէրը:

— Ոչ, երբե՛ք, ո՛չ իսկ բառով մը, տկնարկով մը. և ա՛յս է որ կը մեռցնէ ինձի. Ախ եթէ կեանքս գիտնայիք, գիտնայիք թէ որքան կիներու հետ գործ ունեցած եմ, ի՞նչ դիւրին յաղթանակներ տարած եմ...: Մարդ ո՞րքան շուտ կը յոգնի այդ միօրինակ յարաբերութիւններէն: Ախ, ըսի թէ չքաջալերեցիք զիս. ո՛չ,

ո՛չ, ընդհակառակը. ոչ մէկ կին ինծի նկատմամբ այն-  
քան պշրալի եղած է քան դուք. ձեր յամառ լռութիւնը  
և ցրտութիւնը յայտնութիւններ չե՞ն արդեօք. կ'ուզէի  
կուռիլ, կ'ուզէի յաղթե՛լ... և կ'ուզեմ դեռ... :

Սավարի այն մարդը չէր հիմա զոր տեսած էր դա-  
տաւորին առջեւ, այնքան պաղարիւն և հանդարտ. այ-  
տերը կարմրած էին, կուրծքը կ'եղեւէջէր, կիրքը զայն  
փոխած էր, եռանդոտ, կորովի բան մը եղած էր :

Դեռ խօսքը պիտի շարունակէր, սիրտը պիտի բա-  
նար, երբ ծանուցուեցաւ Վիպէնի գալուստը :

Ակնարկ մը բաւեց ուտիկանին, հասկնալու տեսա-  
րանը և կացութիւնը. ճակատը կնճռոտեցաւ, դժգոհու-  
թիւն մը պատեց դէմքը բայց ժպիտով մը ըսաւ Սա-  
վարիի.

— Ես ալ ձեզի կ'ըսպասեմ մինչ դուք հոս է՞ք  
եղեր... :

— Ներեցէք Պ. կոմս, ժամադրութեան ուշ մնացել  
էի, կը կարծէի թէ, դուրս ելած և հոս եկած էք, ուստի  
ես ալ հոս եկայ :

Վիպէն գոհունակ երեւոյթ մ'առաւ. բայց երբ սկսաւ  
խօսիլ սովորական տափակ բաներու վրայ, երիտասարդը  
դեռ իր խօսածներուն ազդեցութեան տակ չկրցաւ համ-  
բերել, և զոր՝ մը պատրուակելով հրածեշտ խնդրեց :

— Մի՛ մոռնաք թէ, մեկտեղ պիտի ճաշենք Քաֆէ  
Անկլէի մէջ, ըսաւ Վիպէն :

Սավարի ետին դարձաւ. պատճառ մը կը փնտռէր  
հրաւէրը մերժելու, բայց այս միջոցին տեսաւ ձիւ-  
լիան, նոյն դիրքին մէջ, աւելի զեղեցիկ, աւելի  
հրաշալի. չկրցաւ մերժել ու խոստացաւ ժամադրութեան  
գտնուիլ :

ժէ.

ձիւլիա լուռ կը մնար : Վիպէն ալ նոյնպէս ուշա-  
դիր կը նայէր կնկան և տառապողի երեւոյթ մը ունէր,  
զոր սակայն վանեց և դառն շեշտով մը ըսաւ.

Տեսնենք արդիւնք մը կա՞նք :

— Ոչ, ոչ մէկ նոր քայլ. պատասխանեց ձիւլիա  
ինքզինքը ժողվելով. յետոյ աւելցուց յուզուած.

— Գիտէ՞ք որ ըրածնիս անգթութիւն է, որով-  
հետեւ ան կը սիրէ և կը տառապի :

— Ա՛հ, իրա՛ւ. գոչեց ուտիկանը ոչ նուազ յուզ-  
ւած, ձեզի կը սիրէ և ըսա՛ւ.

— Ըսաւ և կը հաւատամ իր սիրոյն : Իրաւունք  
չունի՞մ տառապեցնելու զայն :

— Իրա՛ւ կը հաւատաք թէ ատանկ բանի մը իրա-  
ւունք չունիք ձեր ամուսինը սպաննող մարդու մը դէմ :  
Բայց հիմա կը տարակուսի՞ք :

— Այո, կը տարակուսի՞մ, յարեց գլուխը ծռելով.  
Երբ մինակ մնամ կը հաւատամ իր յանցապարտութեան,  
բայց երբ ան քովս ըլլայ, ա՛լ ո և է կասկած չմնար :

— Եթէ ընդհակառակը Սավարի յանցաւոր է...  
ինչպէս կը հաւատամ ես, փորձ մը ընելու է, միանգամ  
ընդ միշտ հաստատելու համար անոր կացութիւնը : Եւ  
այսօր ես կը բերեմ այդ մո՞ծ փորձարկութեան առաք-  
կան :

Վիպէն այս ըսելով գրպանէն հանեց նեղ, երկայն,  
թուղթով փաթթուած առարկայ մը : Բացաւ, այն դա-  
նակն էր որով Վիտալը սպաննած էին :  
Կինը սո՞գունեցաւ և մըմնջեց.

— Ի՞նչ պիտի ընենք ասիկա :

— Սավարիի ձեռքին մէջ պիտի դնեմ, և գուցէ զայն տեսնելով ինքզինքը պիտի մատնէ : Անտարակոյս չէք ուզեր այս փորձին ներկայ գտնուիլ :

— Ընդհակառակը . ներկայ պիտի գտնուիմ, կ'ուզեմ որ գտնուիմ, յարեց կորովի շեշտով մը, ատիկա իմ պարտականութիւնս է :

— Այս իրիկուն իսկ պիտի փորձեմ : Ինչպէս ըստ այս վերջին փորձն է . եթէ յաղթական ելլայ, եթէ անմեղութիւնը ապացուցանէ պիտի շարունակէ՞ք ձեր ծանօթութիւնը և կը փափաքի՞ք զայն ձեզ բարեկամ ընտրել :

— Ոչ անտարակոյս :

— Եթէ ընդհակառակը այս փորձը յաջողի, ա՛յն որուն հոգ թէ մեզի ծանօթ է ան . ա՛հ կ'երդնում ո՞ր կորսուած է ան :

Ոտտիկանը այս խօսքը ըսաւ բարկութեան, ատելութեան և տառապանքի շեշտով մը, որմէ ճիշտ սարսափեցաւ :

— Չատուեցաւ և ժամադիր եզան Քաֆէ Անկլէ՛ համար, ուր պիտի կատարուէր մեծ փորձը :



ԺԸ .

Ժամը 6 ու կէսին Վիպէն Քաֆէ Անկլէ մտաւ և գնաց այն սենեակը զոր վարձած էր առջի օրուընէ : Իր հրաւիրեալներուն սպասելով մէկտեղ քանի մը կարեւոր պատրաստութիւններ տեսաւ : Իր հրամանովը սեղանին վրայ հոտաւէտ ծաղիկներ դրուեցան : Վիպէն դիտամամբ

դատեր էր այդ ծաղիկները, հաւատալով որ անոնք ջղային դրութեան վրայ կ'ազդեն : Նաեւ մեծ խնամք տարաւ փինիի ապսպրանքներուն համար, զլուխ զարնող գինի ապսպրեց, բայց ոչ գրգռող : Վերջապէս մոմերը կրկին վառել տուաւ և մեծ հոգ տարաւ Սավարիի նստած տեղը ա՛յլ աւելի լուսաւորելու :

Ժամը 7ին, Տիկին Վիտալ, Սավարի և Վիպէն պրդէն միացած էին : Խօսակցութիւնը սովորականին պէս գնաց ծանր ու տխուր : Վիպէն սկիզբները թեթեւ, փոփոխական և գրեթէ զուարթ էր . յետոյ աւելի տխուր երեւոյթ մը առաւ . բարոյականի և փիլիսոփայութեան դատեր կուտար կարծես . խօսեցաւ Իտալիոյ բանաւերուն և այլ դատական կազմակերպութեանց մասին . վերջը խօսքը յանգեցուց Քրանսացի կամ օտար հուշակաւոր ոճրագործներու վրայ : Փափաք յայտնեց եղեռնադատ ատենանին մէկ դատավարութեան ներկայ գտնուիլ և հարցուց թէ չանեկան գործ մը չկա՞ր ունկնդրուելիք :

— Չէք կրնար երեւակայել թէ ո՞րչափ կը հետաքրքրուիմ այդ ամէն բաներով, — ըսաւ իր երկու հրաւիրեալներուն, կատարեալ միամտութեամբ — գրեթէ կարգացած եմ ոտտիկանութեան վրայ հրատարակուած բոլոր գործերը և դատական պատմութիւնները :

Յետոյ ուղղակի Սավարիի ուղղելով ըսաւ .  
— Գիտէ՞ք թէ ինչո՞ւ ինձի համակրելի դարձաք շուտով . . . : Իրա՛ւ տարօրինակ է, այլանդակ է աս : Կը խոստովանիմ : Որովհետեւ, սիրելիս, անունդ ինձի ընտանի էր և արտասանելը հաճելի : Քու անունդ միշտակ ուղղագրութեան մէջ կը տարբերի մեր ամէնէն հուշակաւոր ոտտիկանական նախարարներէն մէկուն, Բովիճոյի դուքս Բընէ Սավարիէն, որուն չանեկան

Յիշատակները վերջերս լափեցի դեռ: Ես տարօրինակ մէկն եմ: Մարդիկը իրենց պզտիկ կողմերովը հաճելի կ'ըլլան ինձի:

— Այդ բանը բարեբաղդութիւն մըն է ինձի համար, որ մինակ փոքր յատկութիւններ ունիմ:

— Մեծեր ալ ունիք, զորս ճանչցայ յետոյ. բայց նախ ձեր չարածձի անունն էր որ զիս գրաւեց:

— Այդ անունը ասկէց աւելի մեծ ծառայութիւն մը չէ մատուցած ինձի, ըսաւ Սավարի շնորհալիօրէն:

Վիպէտ զլուխովը խոնարհութիւն մը ըրաւ և շարունակեց իր խօսքերը միշտ ոճիրներու, ոստիկաններու և մարդասպաններու շուրջ: Պատմեց թէ ի'նչպէս նոյն առտուն դացած էր ստիկանութեան պաշտօնատունը, դատական պաշտօնատունը, կեդրոնական բանտը, առաջնորդութեամբ թարգմանի մը: Սպէս շարունակեց:

— Դատական պաշտօնատան մէջ, ամէն բան հասկնալու մտադրութիւնով, հարցուցի թէ դատավարութիւնը լմնալէն ետք ի'նչ կ'ըլլան այն զէնքերն ու առարկաները որոնք խնդրոյ առարկայ եղած են քննուող ոճիրին կամ սպաննութեան մէջ:

— Մէկ մասը, դատարանին արտօնութեամբ կը վերադարձուն իրենց տէրերուն կամ անոնց ընտանիքին. մնացածներն ալ կը ծախուին: Կը հասկնաք անշուշտ թէ դատական պաշտօնատունը այնքան ընդարձակ չէ որ կարենայ իր մէջ պահել բոլոր այդ առարկաները որոնք անթիւ անհամար են:

— Է՛րբ տեղի կ'ունենան այդ վաճառումները հարցուցի:

— Որոշեալ ժամանակներու մէջ. արդէն հիմա իսկ քիչ մը անդին տեղի կ'ունենայ աասնկ վաճառում մը:

— Ա.իս, անպատճառ տեսնել կ'ուզեմ ատենք՝

գոչեցի. կ'ուզեմ որ մեծ եղեռնագործութեան մը ծառայող մէկ գործիքը գնեմ. . .

— Ատկէց դիւրին ի'նչ կայ. հաճեցէք հետեւիլ ինձի:

Հետեւեցայ առաջնորդիս, և քառորդ ժամ մը ետք. ըստ իս. հրաշալի իրեղէնի մը տէր եղայ:

— Գողցուած գոհարեղէն մը, հարցուց Սավարի ծուխի ամպ մը արձակելով սիկառին ծայրէն:

— Օհ, ատկէց աւելի բան մը:

— Հագո՞ւստ մը. . .

— Ո՛չ, ոչ: Հետաքրքրութիւնը կը պաշտեմ, բայց կ'ուզեմ որ միեւնոյն ժամանակ բան մը ելլայ տա'իէն: Անդլիացի մը պանքատմաներու ծրար մը կուտայ նշանաւոր անձի մը սիկառի ծայրին. բայց ես անդլիացի չեմ. օգտակարը հաճելիին խառնել զիտեմ: Նա՛, տեսէք:

Եւ յանկարծ, առանց ուրիշ պատրաստութեան, Սավարիի երկնցուց դաշոյնը, զոր վայրկեանէ մը ի վեր սեղանին տակ բռնած էր և խօսելով մէկտեղ, դաշն բացած էր աննշար կերպով:

Ճիւլիա տժգոյն և դողդոջուն, կէս մը ծռած սեղանին վրայ կը նայէր:

Վիպէտ դանակը տալով ոտքի ելած էր: Երկու ձեռքերովը կրթնած էր աթոռի մը յենակին և կապոյտ ակնոցին ետեւէն կը դիտէր. կը դիտէր պաղարիւնով, պատրաստ՝ չիխօսնելու դիմագծային ամենափոքր փոփոխութիւններն իսկ, վայրկեանէ մը ի վեր արգիլած էր սիրտը բարբախել և ան չէր բարբախեր ա՛լ:

Սպասարկուները լմնցուցած էին իրենց գործը և քաշուած. մինակ կառքերու խուլ աղմուկը կը լսուէր դուրսէն, պուլվառներու վրայէն:

Վե՛րջապէս. . . : Գուցէ հիմա ճշմարտութիւնը պիտի զխցուէր այլեւս. . .

Եթէ Սավարին էր մարդասպանը, այդչափ ճարտարօրէն պատրաստուած թակարդին մէջ անկարելի էր որ ինքզինքը չմտնէր, ճիշով մը, շարժուժով մը. կամ սարսուռով մը, տեսնելով այս զէնքը որ իրեն պիտի յիշեցնէր իր ոճիրը:

Սավարի նախ չուզեց առնել դանակը: Բայց յետոյ զայն լաւ մը դիտելոյ ետք սեղանին վրայ դրաւ ըսելով.

— Չեմ խրատեր ձեզի, որ եթէ յարձակում կրէ՞ք գործածէք այս զէնքը, շատ գէշ վիճակի մէջ է:

Վիպէն ապշած մնաց: Իր բոլոր հաշիւները օրէ ցնդած էին: Իրեն՝ Քաֆէ Անկլէի ծախքերը և քաջածյոզնութիւնները կը մնային հիմա. երեք ամիս է ուրեմն ի զուր կ'աշխատէր, կեղծ հետքի մը ետեւէ կը վազէր: Յուսահատելիք բան էր այս:

Այս խորհրդածութիւնները ընելով ուզեց նաև հասկընալ տիկին Վիտալի սպաւորութիւնը. անոր դարձաւ, մինչ Սավարի առանց անհանդիստ ըլլալու սեղանին վրայի դանակէն, ոտքի ելած էր և սիկառ մը կը վառէր գաշնակին վրայ դրուած մոմէն:

Ճիւղիա իր դիրքը չէր փոխած. միայն նուազ տոգոյն էր վայրկեանէ մը ի վեր և տեսակ մը տխուր ժպիտ կը պտտէր իր շրթներուն վրայ: Անտարակոյս կ'երեւէր այժմ զէն արդիւնքին դիմաց:

Ասիկայ ծանր էր Վիպէնի համար: Ի՞նչ, երբ ինք յուսահատած էր, իր ընկերուհին, մեղսակիցը, այն ո՞ր աւելի կապ ունէր գործին, իրեն պէս չէր յուսահատեր: Բարկացաւ, բայց բարկութիւնը փոխանակ զայն ընկճելու, յանկարծ փափաք ներշնչեց անոր իր փորձը ձեռք առնելու:

«Փորձը բոլորովին ձեռքէ ելած չէ, կ'ըսէր ոտախկանը ինքնիրեն. փորձս անկատար էր: Կարելի է որ դանակը չճանչցաւ: Փորձը ամբողջացնեմ ուրեմն»:

Մօտեցաւ Սավարի. անտարբեր խօսքերու վրայ խօսեցաւ, թեւը մտաւ սրահին մէջ պտոյտ մը կատարեց և բերաւ զայն սեղանին առջեւ իր նախկին տեղը:

— Ուրեմն, ըսաւ, անոր քովը նստելով և դանակը ցուցնելով. այնքան հաճոյքով գնած սա զէնքս օգտակարութիւն մը չունի, ըստ ձեզ, չէ՞:

— Ատոր վրայ չեմ խորհիր. ծայրը բթացած է նայեցէք:

— Իրաւ' է. պատասխանեց Վիպէն լուրջ կերպով դիտելով դանակը: Դիւրաւ կը հասկցուի թէ, զոհին մարմինն մէջ մխուած ատեն ծայրը ոսկորի մը հանդիպած է:

— Ի՞նչ, հարցուց Սավարի եռանդով, իրա՞ւ այս զէնքով մէ՞կը զարկած են:

— Եւ հարուածը մահացու եղած է:

— Ո՞վ ըսաւ ձեզի ատ:

— Բայց իմ առաջնորդս ըսաւ: Կը կարծէ՞ք որ սասնկ բանի մը դրամ տամ առանց անոր ուսկից գալը դիտնալու: Այս դանակը պատմական է և իր պատմութիւնը քիթիս տակն է: Ասիկայ կը պատկանէր երիտասարդի մը որ վերջին հոկտեմբերին սպաննուեցաւ ևա՞րէ փողոցին 6 թիւին մէջ...

Սավարի յեղակարծ շարժում մը ըրաւ:

Վիպէն շարունակեց:

— Այդ երիտասարդը կը կոչուէր... կեցէք նայի՛մ...

— Մօրիս Վիտալ, աւելցուց Սավարի:

Չարմանքի շարժում մը ընելու կարգը Վիպէնի եկած էր:

— Գիտէ՞ք այդ ոճիրը:

— Ի՞նչպէս չէ. և ուղղակի՛ խառնուած եմ այդ ոճիրին:

— Ի՞նչպէս:

— Ինձի ամբաստանեցին իբր Վիտալի սպաննիչը :

— Ձեզի՞ . . .

— Այո, ինձի: Երբ յանկարծ այդ ոճրին վրայ խօսեցաք ծայր աստիճան յուզուեցայ: Նայեցէք, դեռ մեռելի պէս ատգոյն եմ կարծեմ: Հաճեցէք սա շինք ինձի տալ . . .

Վիպէն հնազանդեցաւ :

— Եթէ գիտնայիք թէ ի՞նչ մտահոգութիւն, ի՞նչ տառապանք պատճառած է ինձի այդ գործը . . . կը հաւատայի՞ք որ ձերբակալուած, բանտ քաշկռտուած եմ:

— Կարելի՞ բան չէ, գոչեց ոստիկանը:

— Աւաղ որ ճշմարիտ է ատոյ հարցաքննուեցայ՝ բանտարկուեցայ, ձեռքերս կապեցին . . . Փրանսայի մէջ այսպէս է:

Եւ ձիւլիայի դառնալով շարունակեց.

— Ներողամիտ եղէք, տիկին, յուզմանս. կը հասկընամ թէ, ատանկ բանի մը տեղի չկար ճաշէ մը ետք՝ մանաւանդ կնոջ մը առջեւ. բայց երբ կը խորհիմ իմ բոլոր տառապանքներուս վրայ, ինքզինքիս տէրը չեմ ալ:

— Է՛, ի՞նչպէս ազատեցաք, հարցուց Վիպէն:

— Լոյսի պէս ապացուցանելով թէ, յանցաւորը ես չեմ կրնար ըլլալ:

— Բայց ի՞նչպէս կասկածուեցաւ ձեռնէ:

— Տէր Աստուած, շատ պարզ է. որովհետեւ Վիտալի մահէն 2 օր առաջ յարաբերութեան մէջ էի հետ:

— Բայց սոսկալի է ատ, գոչեց Վիպէն. եթէ պատահիր որ այս գիշեր ձեզի սպաննեն, ուրեմն ինձի՞ պիտի ձերբակալեն, որովհետեւ մէկտեղ ենք:

— Անտարակոյս. եթէ բուն մարդասպանը չը ձերբակալուի դուք բաղդը պիտի ունենաք օձիքնիդ ձեռք

տալու: Կը խրատեմ որ զգուշանաք, աւելցուց Սավարի վայրկեանէ մը ի վեր քիչ մը քիչ տոգոյն:

— Արդարութիւնը տարօրինակ է շեշտեց ոստիկանը:

Բայց ոչ կարծածնուդ չափ: Անոր պարտքն է ատ. և կը տեսնէք թէ չուշանար այդ անմեղները արձակելու: Բայց միեւնոյն բանն է, շատ տառապեցայ և այս գիշեր բացիք հազիւ սպիացած վէրք մը:

Սավարի վայրկեանէ մը ի վեր կը խօսէր չափաւոր կերպով, անդորր, առանց յուզման: Տեսակ մը մեղամաճոտութիւն տարածուած էր իր բոլոր անձին վրայ և արցունքներ՝ իր ձայնին մէջ: Յանկարծ ձեռքը երկնցուց առաւ դաշոյնը և լուռ քննելով դայն ըսաւ.

— Ուրեմն ասով է որ քեզի սպաննեցին, խեղճ Մօրիս Վիտալ. դուն իմ բարեկամս չէիր, քեզի հետ գործի համար տխուր վէճեր ունեցած ենք. այո, դուն օւղզամիտ, կորովի, պարկեշտ և աշխատութեամբ առաւելող մէկն էիր. չէիր ուզեր հասկնալ կեանքիս կարգ մ գոռարութիւնները, նիւթական և բարոյական անկարելիութիւնները: Ինձի նկատմամբ խիստ, լուրջ և անարդար էիր գուցէ: Ահ, Մօրի՛ս, բոլոր սրտովս կը կարողար էիր գուցէ: Երիտասարդութիւն, հարստութիւն, բեկցիմ քեզի: Երիտասարդութիւն, հարստութիւն, ուժ ունէիր և վայրկեանի մը մէջ ամէնքը կրցան ոչնչանալ, և հարուած մը միայն բաւեց սա՛ զէնքով որ զէնքի՛ չի նմանիր . . . :

Վայրկեան մը կեցաւ և առանց դէմիւններուն նայելու շարունակեց:

— Ա՛խ, եթէ քեզի սպաննողը գիտնար կեանքիդ մէկ քանի մանրամասնութիւնները . . . եթէ գիտնար թէ կը սիրէիր և կը սիրուէիր, թէ յաջորդ օրը քու սիրական ընկերուհիդ կը սպասէիր . . . հէգ տղայ . . . հէգ կին . . . Երկու արցունք իջաւ այտերէն վար:

ձիւլիա որ մինչեւ այդ վայրկեանը կրցած էր ինքս զինքը բռնել, վերջին խօսքերը լսելով փղձկեցաւ :

Վիպէռի առաջին շարժումը եղաւ վազել կնկան մօտ զգաց որ այս յուզման արտայայտութեան պէտք էր բացատրութիւն մը տալ . ուստի Սավարիի դառնալով ըսաւ :

— Մեր սխալն է, շատ թատերական եղանք : Ժամէ մը ի վեր սպաննութեան, ոճիրի վրայ կը խօսինք... և ան, ան իր ջիղերը ունի, աւա՛ղ...

Սավարի չպատասխանեց . կը դիտէր տիկին Վիտալի լալը առանց անոր մօտենալու :

— Է՛, է, յարեց Վիպէռ, ուզելով վերջ տալ այս տեսարանին, հիմա մեզի բաժնուիլ կը մնայ և հոգ տանիլ որ ասկից հտք զուարթ ըլլանք :

Չայնեց . կառք մը պահանջեց և տիկին Վիտալը տուն տարաւ, մինչ Սավարի իր կարգին կը հեռանար :

ձիւլիայի այդ վիճակին մէջ ոստիկանը յարմար չը տեսաւ բացատրութիւն մը պահանջելու . զայն յանձնեց Մարիէթթայի և զուրս ելաւ :

Ասկից զատ ի՞նչ բացատրութիւն պիտի կրնար առնել :

Սավարիի մեղապարտութեան մասին ի՞նչ նոր ապացոյց ձեռք ձգած էր : Յուսացած էր որ մեծ արդիւնքի մը պիտի տիրանար . արդիւնքը յուսացածէն աւելի էր : Սավարի տոգունած, զողացած չէր միայն, այլ լացած էր և աւելի իրական, կենդանի՝ յուզման մը արտայայտութիւնը տուած էր : Բայց այս յուզումը շատ պարզ էր, դիւրաւ կրնար բացատրուիլ և Վիպէռ իր իսկ լարած թախարհին մէջ բռնուած էր : Ամէն ինչ պատրաստած էր, ծայր աստիճանի հասցուցած էր իր հակառակորդին զգայնութիւնը և սիրտը կակուղցուցած : Ասկից աւելի բնական ի՞նչ կար . Սավարի այնքան ուղղակի

կերպով խառնուած իր այս գործը յիշելով յուզուած էր : Իր աժդուներութիւնը, արցունքները, յուզումները ապացոյց մը չէին տար իր ոճիրին մասին . ատոնք արդիւնքն էին իր տառապանքներուն, զոր կրած էր ձերբակալուելով և բանտարկուելով . որոնք իր սրտին վրայ արիւնելու պատրաստ վէրք մը բացած էին :

Վիպէռ որ այս մարդը ցարդ թեթեւ, տափակ, գուցէ լաւ զգացում մը ունենալու անկարող մէկը կը կարծէր, յանկարծ տեսակ մը լուրջ և զգայուն մէկն էր յուզուած էր Մօրիս Վիտալի մահը յիշելով, անոր զովեստը հիւսած էր և անոր վրայ լացա՛ծ էր :

Այս խորհրդածութիւնները ընելով, որոնք խորապէս կը տխրեցնէին Վիպէռը, քալելով կ'երթար իր Սրպրը Սէք փողոցին նախկին տունը ուրկէ չէր ելած : Վշտացած չէր վայրկեան մը վերստին երբեմնի մարդը ըլլալուն և Բիւպիսի կոմսին կեղեւը նետելուն համար որմէ այնքան քիչ կրցած էր օգուտ քաղել : Վերջապէս չէր նկղանար որ դարձեալ պիտի մխրճուէր աւելի զուարթ և նուազ միօրինակ և հաճելի կեանքի մը մէջ, զորս իրեն յիշեցնել կուտար այդ հինգերորդ յարկի սենեակը :

— Ներեցէք Պ. Վիպէռ ըսաւ դռնապանը զայն ճանչնալով, բաւական ատեն է որ չէք տեսնուիր...

— Դիւղ զացած էի, ըսաւ ոստիկանը . ի՞նչ, բացակայութեանս մէ՛կը եկաւ ինձի :

— Ոչ պարոն, մինակ սա նամակը բերին : Վիպէռ նամակը առաւ . ոստիկանութեան վերատեսչութեան անունը կար պահարանին ձեռնարկ : Նամակը հետեւեալն էր :

«Սիրելի Վիպէռ»

«Երբ դեր իմ քովս կը պաշտօնավարէիք, օր մը բացակայութեանս ատեն քննած էիք կանկլատ անուն

դատապարտեալ մը և մեծ շիկահեր աղջիկ մը Սօլէյլ-Քուշան (մարը մտնող արեւ) կեղծանունին տակ ծանօթ,

«Ոստիկանական պաշտօնարասին մէջ այս երկուքին մասին տեղեկութիւններու պէտք տեսնուեցաւ զորս դուք միայն կրնաք տալ. ուստի ձեզի պիտի ստիպեմ կարելի եղածին չափ շուտ իմ սենեակս դալ, որպէս զի ձեր օգնութեամբը պատրաստեմ ինչ պահանջուած տեղեկագիրը »

— Օթէլ տէ Բրէնս դառնալէ առաջ, վաղը առտու հոն պիտի երթամ, ըսաւ Վիպէն նամակը գրպանը դնելով և սանդուխներէն վեր ելլելով :

..

ԱՌԱՋԻՆ ՄԱՍԸ ՎԵՐՉԱՅԱԻ



Մ Ա Ս Ն Ե Ր Կ Ր Ո Ր Դ



Ա .

Վիպէն հետեւեալ առտու պէտք եղած տեղեկութիւնները տուաւ ոստիկանութեան քովսէրին Լանկլատի և Սօլէյլ-Քուշանի մասին : Յետոյ դարձաւ նորէն Օթէլ տէ Բրէնսի իր յարկաբաժինը :

Ինքնիրեն կ'ըսէր թէ արդեօք թողո՞ւր իր պաշտօնը, որոշապէս գրէ՞ր հարցաքննիչ դատաւորին թէ Սավարի անմեղ էր, երթար Տիկին Վիտալի իր վերջին այցելութիւնը տա՞ր ցաւ յայտնելով որ աւելի աղէկ չէր կրցած պաշտօնավարել, վերջապէս ջնջել իր ոստիկանի բացառիկ հանգամանքը :

Անձնասիրական կամ բոլորովին տարբեր զգացումէ մը գրաւուած իրականութեան մէկ եւք մը շտուաւ այս մտադրութիւններուն, և ժամանակի մը համար դարձեալ ձեռք առաւ իր այնքան հրաշալիօրէն կատարած կոմս Քիւպինիի դերը :

Միայն, նոյն կատարելութեամբ չը կրցաւ կատարել այդ դերը : Առաջուան չափ հոգածու չէր ձեւերուն և խօսուածքին Մերթ կը մոռնար իսկ իր իտալական շեշտերը և կը զարմանար պահ մը, սպասարկուներուն իրեն «պարօն կոմս» ըսելը իմանալով : Իր բնութիւնին ալ եղաւ դեզ, բարկացոտ, յախուռն և անկարգ : Սեւեռ-

եալ մտածումէ մը գրաւուած էր կարծես, որուն ազդեցութեան տակ անիմաստ բաներ, նախադասութեան կտորներ և կամ զանազան մենախօսութիւններ կ'արտասանէր վեր վար պտտելով, պանդուկէն իր սենեակին մէջ:

Օր մը, Վիպէն չկեցաւ Ճիւլիայի դրան առջեւ, արագ անցաւ դռնապանին առջեւէն, սանդուխէ մը վեր ելաւ և ժամ մը ետք միայն վար իջաւ:

Այսուհանդերձ Տիկին Վիտայի քով չբնաց: Մարիէթթա չյսեց անոր դուռը գարնելը. — ոչ մէկը կասկածեցաւ անոր տան մէջ գտնուելէն: Ի՛նչ եղած էր անամբողջ այդ ժամուան մը միջոցին:

Հաւանարար իր մտադրած գոհացումին համար ոչ մէկ բան գտեր էր: Այս գաղտնի ձեռնարկը անտարակոյս մեծ յուսահատութիւն մը տուած էր իրեն, կեանքն խոր զզուանք մը, որովհետեւ կրամօն փողոցի տան տուած իր այցելութեան հետեւեալ օրը գործեց մին այն սոսկալի անխոհեմութիւններէն սրոնց տակ զրեթէ միշտ անձնասպանութեան անխօստովանելի մտադրութիւն մը պահուած կ'ըլլայ:

Առտու մը ստախկանատուն կանչուեցաւ իրեն յանձնուած գործին վրայ տեղեկութիւն տալու համար: Ապահովութեան պետին սենեակը մտած ատեն հետեւեալ խօսակցութիւնը տեղի կ'ունենար պետին և իր մէկ պաշտօնեային միջեւ:

— Այսպէս, հաւատ կ'ընծայէք այդ կնոջ տուած տեղեկութիւններուն:

— Այո պարոն, ճշմարտութիւնը ըսելուն մէջ չահունի ան:

— Ատոր խօսքին նայելով կանկլատ այս գիշեր պիտի պառկի Քուա-տէ-Բըթի շան փողոցը, ուրեմն ոչ մէկ բան մեզի կ'արգելէ զայն վաղը առաւ իսկ ձերակալելէ:

— Ոչ պարոն, իրաւ է որ իմ ոչ մէկ պաշտօնեաս պիտի վարանի անոր հետեւելու, բայց պէտք է ընդունիլ թէ վտանգաւոր գործ մըն է այդ, կանկլատ սոսկալի մարդ մըն է: Երկու անգամ կրցած է ազատիլ Թուրօնի և Պրէսթի բանտերէն: Ըմբիշի պէս ուժով է և առանց երկու երեք հրազէն պարաստ ունենալու շի պառկիր: Իր սենեակը մտնող ստախկանը հարիւրէն հարիւր պիտի սպաննուի:

— Բա՛հ, եթէ երբէք ներս մտնելը չգիտէ, ըսաւ յանկարծ Վիպէն, որ դրան մօտ կեցած էր ցարդ:

Պետը և քննիչը զարմանքով ասդին դարձան:

— Ձեզի այդ գործին մէջ տեսնել կ'ուզէի:

— Դիւրին է այդ. վաղն իսկ կը ձերբակալեմ:

— Բայց չէք գիտեր թէ ի՛նչ տեսակ մարդու մը հետ գործ ունիք:

— Հող կը սխալիք, ըսաւ Վիպէն:

— Լանկլատ արդէն իմ ձեռքս անցած էր երբ ոստիկանութեան քով քարտուղար էի: Այդ մարդը չվախցաւ իր սիրուհիին հետ գալ և Անգլիոյ համար անցագիր մը ուզել: Կասկածեցայ և ձերբակալել տուի: Բայց անկէց ի վեր փախեր է բանտէն, ուր իմ շնորհիւս պիտի մտնէ կը յուսամ թէ:

— Եւ մարդ չէ՞ք ուզեր հետերնիդ, միս մրնակնի՞դ պիտի ձերբակալէք զայն:

— Հա՛րկաւ:

— Ուրեմն պիտի սպաննէ՞ք զայն, գոչեց քննիչը:

— Ատիկա ալ իմ գործս է: Երբ դժուար գործ մը կը յանձնուի մէկուն և ան կ'ընդունի զայն առանց փոխարինութիւն կը ակնկալելու ա՛լ կարծեմ թէ...

— Բայց այդ մտք չէ որ կ'ըսեմ: Երբ նոր գործի մը կը ձեռնարկէք, անդին միւսը կը մնայ:

— Պարոն, յարեց Վիպէն, երկու ժամ միայն պէտք

է ձեր այդ ստահակը ձերբակալելու համար: Քնացած տեղս կը բռնեմ զայն...

— Գիտենք, գիտենք, սւելցուց սպահավոր թեան պետը, եզական ոստիկան մըն էք դուք:

Վիպէն իբր պատասխան խոնարհութիւն մը ըրաւ միայն:



Բ.

Հետեւեալ առտուն Վիպէն վեր կ'ելլէր Լանկատի տան սանդուխներէն: Պարապ տեղը լար մը փնտռելէ ետք ձեռքովը զարկաւ սենեակին դուռը:

— Ո՞վ կայ հոս. պոռացին ներսէն:

— Գաղտնի ոստիկան մը որ քեզի ձերբակալել կուզայ:

— Ե՛, ծաղրածու. եթէ լրտես մը ըլլայիր չպիտի ըսէիր. ատոնք իմ վրաս զալու համար շատ զգուշութիւններու պէտք ունին: Դուն ես չէ՞ Գրամբէն:

— Այո՛, բաց տեսնենք:

— Կեցի՛ր, անկողինէ ելլելը դիւրին բան չէ, բայց բարեկամս մը համար կրնամ քիչ մը մտիլ...

Հազիւ թէ կղպտնքը դարձաւ ոստիկանը արագ ներս խոյացաւ, անկողինին մօտ ցատկեց, սեղանին վրայ դրուած հրազէնը առաւ և Լանկատի ուղղելով դուռը:

— Եթէ քայլ մը առնես, մեռած ես:

— Կայծակ, ոռնաց թիապարտը, լրտես մըն է եղեր:

— Չըսի՞ արդէն անմիտ: Օ՛ն, հնազանդէ:

Իրմէ չորս քայլ անդին Լանկատ, հրազէնին փողին դէմ զինաթափ, կիսամերկ և բերանը փրփրած կեցաւ: Վայրկեան մը իրարու նայեցան, մէկը յարձակելու և միւսը կրակ ընելու պատրաստ:

— Ի՞նչ կը փնտռես չորս կողմդ, աւելցուց Վիպէն թիապարտին ուշադիր բան մը փնտռելը տեսնելով, շատ մի՛ շարժիր որ չստիպես զիս քեզ կեցած տեղդ դամելու: Ի՞նչ է ուզածդ, բանքօններդ գուցէ, ոտքերդ կը մտին հա՛: Նա ա՛ն. ես բարի սատանայ մըն եմ և չեմ ուզեր որ յօդատապի ենդարկուիս:

Եւ առանց դիրքը փոխելու, հոն դանուող զոյգ մը կօշիկները նետեց դէմինին:

— Տարատդ, բաձկոնդ և ըրտէնկօթդ ալ կ'ուզե՞ս. դուն անհանգիստ մի՛ ըլլար. իմ ձեռքիս տակն է, կուտամ...

Հագուստները տուաւ նոյն զգուշութիւններով:

— Շիտակը ըսէ, երբ հագուիս ի՞նչ ընելու միտք ունիս:

— Աղէկը չեմ որոշած, կը կարծեմ որ վրադ պիտի յարձակիմ եթէ սա սատանան չըլլայ:

— Բայց եթէ զայն քեզի տամ...

— Անով քեզի կ'սպաննեմ. պարզ բան է, ըսաւ թիապարտը ուսերը թոթուելով:

— Իրա՛ւ:

— Այո՛:

— Մէ՛կ հարուածով:

— Այո՛, ճիշդ սիրտիդ նշան պիտի առնեմ:

— Է, քանի որ անանկ է, ահա՛, ա՛ն հրազէնը:

Վիպէն Լանկատի տուաւ հրազէնը. ետին դարձաւ և զնաց անվրդով մը նստաւ անկողին վրայ: Թեւեթը խաչաձեւ և ըսաւ.

— Կ'սպասեմ.

— Բայց դուն լրտես մը չե'ս...

— Անխոհե'մ. քեզի նկատմամբ ազնուօրէն վարուեցայ. զաւկի մը պէս նայեցայ և դուն ինձի իմ պատուանունս տալու կը քաշուի'ս:

Յետոյ յանկարծ կռնակը Լանկլատի դարձնելով և ձայնին շեշտը փոզելով.

— Բաւական ցուրտ է հոս. կրակ վառելու մոռցեր ես: Աղէկ կ'ըլլայ որ մեկնինք, մեզի կ'սպասեն...

— Ո՛ւր:

— Ոստիկանատուն. այս հաստատութեան մէջ է որ կը յուսամ թէ աղէկ պիտի ըլլաս: Նախ, վաղը պիտի հարցաքննուիս...

— Հէ' ի'նչ կ'ըսէք, պօռաց Լանկլատ:

— Ատանկ մի պօռար "դրացիները կ'արթնցնեն հիմա. զեռ կանուխ է:

— Կուրծքիդ պարպելիք հրազէնիս ձայնը աւելի աղէ'կ պիտի արթնցնէ գանոնք:

— Հանդիստ ձգէ ինձի. միշտ կ'ըսէս և բան մը չես ըներ. ձանձրացուցիչ բան է այս, յարեց ոստիկաններկար մը պառկելով թիապարտին անկողինին վրայ:

Լանկլատ ոստում մը ըբաւ դէպի անկողին և հրազէնն վիպէտի կուրծքին ուղղեց:

Ոստիկանը անուն մը մրմնջեց, ուշադիր նայեցաւ անոր և սպասեց:

Վայրկեան մը անցաւ, թիապարտը աչքերը խոնարհեցուց, հրազէնը ձգեց և ընկրկեցաւ գոչելով.

— Կայծա'կ, չեմ համարձակիր զայն սպաննելու:

— Օն, յարեց վիպէտ կանգնելով, ալ կենալով պէտք չկայ, մեկնինք:

— Մեկնէ եթէ կ'ուզես, քեզի չը պիտի սպաննեմ. Եես հոս պիտի կենամ:

— Կարելի' չէ սիրելի Լանկլատս, ատանկ ձեւեր մի ըներ. դուն աղէկ տղայ մըն ես, ես ալ, իրար հասկընանք: Դուն սիրուհի մը ունիս չէ': Սթէֆան Քարնիւն որ Սօլէյլ-Քուշան մականունը կը կրէ:

— Ինչպէս գիտես ասիկայ:

— Հասցա ինչ գիտցար: Մեր պշտօնն է ամէն բան տեղեկանալ: Ասկէց զատ ըսե'մ նաեւ թէ այսօր ըուհոս ըլլալը անկէց իմացանք...

— Սո՛ւտ է. ոռնաց թիապարտը:

— Ճշմարիտ է, եթէ շիտակ չըլլար, պարպ տեղը քեզի վիշտ պատճառել չպիտի ուզէի: Սիրտի գործերը կը յարգեմ ես և վատութիւն կը համարեմ մարդու ըսել թէ սիրուհին զինքը կը մատնէ: Դաշոյնի հարուած մը տալ աւելի լաւ պիտի ըլլար անոր քան այդ բանը ըսել:

— Ախ, իրաւունք ունիք, ըսաւ հսկան, որուն դէմքի արտայայտութիւնը փոխուեցաւ: Դաշոյնի հարուած մը կը նախընտրեմ քան մատնութեան այդ լուրը...

Յանկարծ Լանկլատ ոստիկանին առջեւ տնկուեցաւ և հրազէնը անոր կուրծքին կրթնցնելով հարցուց:

— Երգում կ'ընե'ս որ Սօլէյլ-Քուշանն էր զիս մատնողը:

— Կ'երզնու'մ:

Թիապարտը անոր նայեցաւ և ըսաւ.

— Սուտ չես կրնար խօսիլ դուն, քաջարի մարդ ըն ես:

Աթոռի մը վրայ ինկաւ, թեւերը վար կախեց թոյլ և մրմնջեց

— Ասոր համար է որ երկու օրէ չէի տեսներ ան թշուառականը. այսուհանդերձ շատ կը սիրեմ զայն, ասկէց աւելի չ'մ կրնար սիրել:

Եւ վիպէտի կողմը դարձնելով իր արտասուաթոր անոթը, ըսաւ.

Սիրոյ Չօտեր

— Հիմա անձնատուր եմ, կրնաք ձեռքիս կապերը անցնել :

— Երբէք քու տկարութենէդ չպիտի օգտուիմ, երբ քիչ մը հանդարտիս այն ատեն կը տեսնուինք :

Հսկայ թիապարտը անկիւն մը սեղմուած տղու մը պէս կուլար :

Վիպէն վեր վար կը պտտէր և կը մրմնջէր .

— Կարենալ լալն ալ երջանկութիւն է : Ես չեմ կրնար, արցունքներս զիս կը խեղդեն :

Վայրկեան մը ետք Լանկլատի ուսին զարնելով ըսաւ .

— Օ՛ն, հետս եկուր, Սօլէյլ-Քուշանդ ցուցնեմ քեզի :

Թիապարտը ոտքի կայնեցաւ .

— Ուրեմն գիտե՞ս ուր գտնուիր .

— Աւա՛ղ : Երէկուրն է ի վեր բանտն է : Ինքզինքը կորսուած կարծած է, հաւատացած է թէ ցմահ պիտի բանտարկուի և քեզի բերան տուած է ոստիկանութեան համակրութիւնը շահելու համար :

— Չա՛րը : Եւ զիս իր քովը պիտի տանիս :

— Անմիջապէս :

— Բայց պիտի սպաննեմ զայն . . .

— Ատիկա դուն մտածէ : Ես մինակ քեզի ձերբակալելու պաշտօնեայ եմ : Եթէ սիրուհիդ սպաննել կ'ուզես չեմ ընդդիմանար քեզի, և արդէն մեծ բան մը չէ ատիկայ, աւելցուց Վիպէն կրգիծօրէն :

— Պատրաստ եմ, մեկնի՛նք գոչեց թիապարտը :

Գ .

Ճամբան, կառքին մէջ Լանկլատ կը խորհէր :

— Սիրելի Լանկլատս, հարցուց յանկարծ ոստիկանը, ինչդրեմ ըսէ եթէ բան մը չըրիր անոր ինչո՞ւ մատնեց քեզի. երեսէ ձգեցիր ի՞նչ ըրիր . . .

Թիապարտը որ իր մտածումներուն անձնատուր եղած էր բան մը չհասկցաւ և ինքնիրենը շարունակեց խօսիլ :

— Բանէ մը ետ ձգեցի՞ զինքը. երբե՛ք, ինչ որ ուզեց առի. իր քմահաճոյքին գերին էի. ինծի կ'ըսէր. «Սա գոհարավաճառի խանութը կ'ուզեմ ամբողջ» . և ես նոյն գիշերն իսկ կը թալլէի զայն : Յորեկ մը պտրտած ատեննիս «սա շրջազգեստը որչափ պիտի վայլէ ինձի» գոչեց և իրիկունը զայն իր սենեակին մէջ գտաւ :

— Գնեցի՞ր ինչ ըրիր, աւելցուց Վիպէն ծաղրական չեչտով մը :

— Ոչ, պատասխանեց միւսը խրոխտ, գողցայ . . .

— Ահա սքանչելի միջոց մը տարփուհի գոհացնելու, առանց մոխրի վրայ նստելու, մտածեց ոստիկանը :

— Գոնէ ինծի համար դրամի պէտք ունենայի՞. դաւաթ մը դիսի, կտոր մը հաց, յարդի դէզ մը. աւելին չեմ ուզեր. գիւղացի եմ և պարզ ճաշակներ ունիմ. անոր ոսկի ճարելու համար էր որ ամէն բան աչքս կ'առնէի. իր ծախքերը գոցելու համար էր որ առաջ գող եղայ, ետքը ոճրագործ . . . Վերջապէս անոր համար էր որ դործեցի իմ բոլոր ոճիրներս, անոնք որոնք ծանօթ են և անոնք որոնք անծանօթ . . .

Հոս ոստիկանը յեղակարծ շարժում մը ըրաւ . « ան-  
ծանօթ ոճիրնե՛ր » . Վիպէն ա՛լ յուսահատած էր և կեր-  
պով մը թմրած , վերջին փորձին պարապ ելլելուն հա-  
մար . իրեն ի՛նչ ալ իր պաշտօնը . Լանկլատի ոճիրները .  
իրեն համար աշխարհը Տիկիս Վիտալի տան մէջ էր  
միայն : Եթէ Լանկլատը ձերբակալելու գացած էր , եռանդ-  
ցոյց տալ չէր նպատակը , այլ ատանկ վտանգալի գործե-  
րու մէջ կը նետուէր , իր վշտին դարձան մը , յուսահա-  
տութեան ելք մը գտնելու համար , գուցէ անակնկալ  
մահով մը . սակայն թիապարտին այդ խօսքը արթնցուց  
զայն : « Անծանօթ ոճիրներ » . ուրեմն կարեւոր էր դա-  
նոնք գտնելը :

— Ինձի նայէ Լանկլատ , ըսաւ Վիպէն , դեռ շատ  
կանուխ է , բանտին վերատեսուչը չէ եկած , որ արտօ-  
նութիւն առնենք սիրականդ տեսնելու . երկու-երեք  
ժամ ունինք . ի՛նչ կ'ըսես : քիչ մը ճաշե՛նք :

— Անօթի չեմ , պատասխանեց Լանկլատ :

— Եսասէ՛ր , անօթի չես , հա՞յ կարելի է . բայց ես  
որ առտուն մութուն ելայ քեզի գալու համար , ատանկ  
բան մը չեմ կրնար ըսել . ասկից զատ , ինձի շատ յու-  
զեցիր . օպաննել ուզեցիր , յետոյ չուզեցիր , աչքերս դո-  
ցեցի , յետոյ բացի , ինքնիրենս ա՛լ լմնցաւ ըսի , բայց  
դարձեալ ապրեցայ . հաւատա՛ , քիչ մը բան դնենք բե-  
րանիս , ետքը քեզի ժամերով ատեն պիտի տամ Սօլէյլ  
Քուչանը ուզածդ ընելու . . .

— Օ՛հ , ըսիքս երկար չէ գոչեց թիապարտը :

— Այո կը հասկնամ . արագ և ազուօր հարուած  
մը :

— Կառապա՛ն , գոչեց Վիպէն խօսքը դարձնելով .  
մեզի Հալ , Պարաթի սրճարանը տար :

— Ո՛չ , հոն չըլլար , գոչեց թիապարտը :

— Ինչո՞ւ : Կերակուրները ազէկ չե՞ն : Պարտք ու-  
նիս , ի՛նչ :

— Ոչ աս , ոչ ան , երեք օր առաջ անոր հետ հոն  
ճաշեցի , պատասխանեց թիապարտը հառաչելով :

Վիպէն քիչ մը խորհեցաւ . իր գործին աւելի կու-  
գար յիշուած տեղը . ուստի ըսաւ .

— Ատ ի՛նչ պարապ խօսք է : Ի՛նչ կ'ըլլայ ատանկ  
ըլլալով : Պարաթի երթանք . ահաւասիկ եկանք ա՛լ :  
Կանքէն իջան , մտան ներս և առանձնացան սեն-  
եակ մը :

— Ճիշդ աս սենեակն էր , ըսաւ Լանկլատ :

— Դիպուածը ուրիշ բան չընէր , պատասխանեց  
ոստիկանը պատուական ճաշ մը ապսպրելով :



Գ .

Սկսան ուտել և խմել : Վիպէն միշտ խօսքը կը  
դարձնէր թիապարտին սիրուհիին վրայ , անոր բերնէն  
խօսք մը առնելու մտքով :

— Ինչո՞ւ չես ուտեր , ըսաւ վիպէն . մտածէ որ ,  
գուցէ երկար ժամանակ ատանկ ճաշ մը չպիտի կրնաս  
ընել :

— Ինչո՞ւ :

— Որովհետեւ տէրութիւնը իր բանտարկեալները  
ասանկ փափկօրէն չպահեր . . .

— Գիտեմ . բայց եթէ ես չուզեմ պետութեան  
« պաշտպանեալ » ներէն ըլլալու . ըսաւ խորտաթիապարտը :  
Այո , ինձի ձերբակալեցիր այս առտու բայց ո՞վ կրնայ  
արգիլել զիս ճաշէն ետքը չմեկնելու :

— Ես :

— Դ՞ո՞ւն . յարեց հսկան խնդարով . ուրեմն ինձի  
չհայեցա՞ր բնաւ :

Ոտքի կայնեցաւ . գլուխը առաստաղին կը դպչէր :

— Հիմա չե՞մ կրնար վրադ յարձակիլ , բերանդ  
թխմել սա անձեռոցը , սեղանին տակ նետել քեզի և  
մեկնիլ . . .

— Կը սխալիս . նախ որ չես կրնար մօտենալ ինձի .  
նայէ՛ կատակ չեմ ըներ ես :

Եւ սեղանին վրայ , առջեւը դրաւ երկփողեայ հրա-  
զէնը :

— Ատիկա իմն է գոչեց թիապարտը :

— Իրաւ է . յուսահատութեանդ մէջ մոռցար դուն  
զայն և ես առի : Կ'ո՞ւզես որ գործածե՞մ զայն . . . : Միւս  
կողմէն երկրորդ պատճառ մըն ալ ունիս անդէդ չչար-  
ժելու : Խօսք չէի՞ տուած որ Սօլէյլ-Քուշանը պիտի տես  
նաս . . . քու բոլոր բարկութիւնդ՝ երեսին պիտի տաս :

— Այո՛ , այո՛ . աւելցուց Լանկլատ որ սկսած էր  
օղիի գաւաթները լեցուն լիցուն կուլ տալ . երբ ամէն  
բան ըսեմ , ետքը պիտի խեղդեմ զայն ձեռքերովս :

— Սխալ է այդ , դիտել տուաւ ոստիկանը . որով-  
հետեւ սպաննութիւնը անմտութիւն է իբր վրէժ լուս-  
ծելու և աղէ՛կ լուծելու միջոցները կան :

— Ի՞նչ միջոց :

— Սօլէյլ-Քուշանի համար մէկ օրուան բանտարկու-  
թիւնը բաւեց սարսափելու , յուսահատելու և քեզի բե-  
րան տալու . դուն ալ զայն բերան տուր . գուցէ կարգ մը  
ոճիրներու մէջ մեղսակից էր քեզի . և թո՛ղ երթայ տա-  
րիներով տառապի . . .

Լանկլատ վարանեցաւ և ըսաւ .

— Ոչ , չեմ ուզեր զայն մեռցնել զայն տառապե-  
ցընել . . . կը սիրեմ աւա՛ղ . . . ա՛հ , սպաննել զայն՝ որմէ  
նախանձելուս համար մարդ մը սպաննեցի . . .

— Մի՛ պատճեր ինձի այդ բանը , ստիպուած պիտի  
ըլլամ կառավարութեան հաղորդելու . . .

Բայց գինովութիւնը սկսեք էր միանալ սիրոյ արթ-  
շուութեան . թիապարտը « լուր տո՛ւր » գոչեց և օղիի  
շիշը բերանը տնկեց , երկար բարակ խմեց և աւելի մօ-  
տենալով ոստիկանին , ցած ձայնով շարունակեց .

Այո՛ , կը կրկնեմ , անոր պատճառով մարդ մը  
սպաննեցի . օ՛հ , շատ չընէր , վերջին Հոկտեմբերին կամ  
Նոյեմբերին էր : Ան ատեն սիրականս Սէնթ-Յիլիւսթէն  
փողոցը կը նստէր , Գիշեր մը տունը գացի , զարկի դուռը ,  
ձայն չեղաւ . կարծեցի թէ դուրս ելած է . մեկնելու վրայ  
էի՛ երբ ներսէն խօսակցութեան ձայներ լսեցի . այն ատեն  
յարկ մը վար իջայ և սպասեցի : Ժամ մը անցաւ . դուռը  
քացուեցաւ և մարդ մը ելաւ . Սօլէյլ-Քուշան անոր ըն-  
կերացաւ մինչեւ սանդուխին գլուխը , ուր իրար գրկելով  
և « կրկին տեսութիւն » մաղթելով բաժնուեցան : Ինչպէ՞ս  
վեր չխոյացայ և երկուքն ալ չսպաննեցի . չեմ գիտեր .  
մարդը իջաւ և ես իրեն հետեւեցայ . Սէնթ-Յիլիւսթէն  
փողոցէն Լա Բէ փողոց դարձաւ . յանկարծ կեցաւ կառքի  
դրան մը առջեւ . ներս մտաւ . . . ես ալ ետեւէն . . .  
Յետոյ , չեմ գիտեր ի՞նչ եղաւ . . . ա՛լ բան մը չեմ յիշեր ,  
բայց միայն ճիշ մը , սոսկալի ճիշ մը գոհիս կողմէ . . .  
Հինգ վայրկեան ետք գացի սիրականիո տունը և ըսի .  
« Տարփաւորդ մեռցուցի » :

Ա՛լ կարողութիւն չէր մնացած թիապարտին քով ,  
որուն գլուխը ինկաւ սեղանին վրայ ու սկսաւ քնանալ ,  
հակառակ վիպէտի նոր մանրամասնութիւններ առնելու  
փորձերուն և հարցումներուն :

Ոստիկանին միտքը կրաման փողոց գացեր էր . ինք-  
նիրեն կ'ըսէր . —

« Ուրեմն մարդիկ չեն փոխուիր բնաւ . իրենց կինը  
կը բացակայի երկու ամիս և իրենք ուժը չեն ունենար

հաւատարիմ մնալու անոնց . ամէն բան աղէկ է իրենց համար . աղւոր մը կը ժպտի իրենց և ահա՛ կը մոռնան խոստումնին . պարտականութիւննին , սէրերնին . . . Սէ՛ր , հաւտամ՞ առանկ բանի մը . կնոջ մը կը տեսջան , ահա՛ ամենէն ճշմարիտը . . . բայց խարել անոր պէս կին մը . . . խենչչութի՛ւն է պարզապէս . . . »

ժամ մը ետք , երբ թիապարտը սթափեցաւ , վիպէս ուղեց շարունակել տալ , բայց Լանկլատ մերժեց աւելի՛ն ըսել : Ոստիկանը հասկցաւ թէ Սօլէյլ-Քուչանը տեսնել կ'ուզէր ժամ առաջ . ուստի զէնքը ձեռք առաւ , պարտքերը վճարեց և կառք մը կեցնելով ճամբայ ելան զէպի Ոստիկանատուն :

Ե .

Սթէֆանի Քօրնիւ , այսինքն Սօլէյլ-Քուչան շիկահեր մըն էր և ունէր շիկահերներու բոլոր հրապօրն ու գեղեցկութիւնը : Մեծդի և աղւոր աղջիկ մըն էր նուրբ հասակով , լայն ուսերով . կուրծքը պերճօրէն դուրս կը ժայթքէր և սրունքները գրգռիչ հանգամանք մը ունէին : Ձեռքերն ու ոտքերը թէեւ մեծ էին բայց ձեւաւոր էին : Դեմքը արտակարգ հով մը , գորովալից , պաղ կը քոտ և անզութ երեւոյթներ ունէր : Նուրբ և քիչ մը տժգոյն շրթները կը ծածկէին փոքր , սուր և իրարմէ գատուած ազուաներ : Թուշը կակուղ , պզտիկ , աչքերը չինացիք աչքերու պէս երկայն , օրօնք առանց որոշ գոյնի կը փոփոկէին կանանչի , կապոյտի , դեղինի օրուան ժամե-

րուն և լոյսին համեմատ : Թաւ և նկարչային յօնքեր՝ որոնք հազուադիւտ են շիկահերներու քով : Դալով մազե-րուն՝ կ'արդարացնէ այդ կնոջ տրուած մարը մտնող արեւ (Սօլէյլ-Քուչան) մականունը : Թանձրախիտ , ծածանուտ և մինչեւ ծունկերը հասնող վարսերը աշնանային իրիկուան մը մարը մտնող արեւին նրբութիւնները և ցոլացումները ունէին :

Հագուստը կապուստը կարեւորութիւն չունի անոր համար : Քիմահաճօյքին կը հետեւէր միայն և իրեն հաճելի երեւցած մէկ էրիկ մարդը ընդունելու բնաւ չէր մերժեր , հոգ չէ թէ ան խոշոր կօշիկներ հապած ըլլար , Սրմա բանուած պնդավարտիք մը և կամ միմօսի մը դէմքը ունենար : Կը պատմուէր թէ գիշեր մը երբ թատրոնին մէջ նստած էր ազնուականի մը տղուն և դեսպանական երկու կցորդներու հետ , յանկարծ զարնուեցաւ երկրորդական հապիտի մը , և ժամ առաջ անոր մօտ երթալու համար բաժնուեցաւ քովիններէն :

Այս ձեւով սիրահարուած էր նաեւ Լայկլատի . այդ արի հասակը , լայն ուսերը և ծանրաչուք երեւոյթը զայն յուզեցին առաջին տեսնելուն , և հետաքրքիր ուղեց հասկնալ շուտով թէ հսկաները ի՞նչ ձեւով կը խօսէին սիրոյ վրայ , գորովալից էին , կը քոտ թէ պերճախօս :

Միւս կողմէ Լանկլատ ալ իր հսկայի կուրծքին տակ , արժանաւոր սէր մը կը զգար , կը դժօտ , եսասէր և բուռն սէր մը , որ ուրիշները վանել կուտար զեղանի Քօրնիւին քովէն : Այսպէսով Սօլէյլ-Քուչանի մինչեւ այն ատեն վարած կեանքը յեղաշրջեցաւ , իր ամէնէն հին մտերիմ բարեկամները ստիպուեցան մեկնիլ որովհետեւ Լանկլատ ինքը միայն տիրել կ'ուզէր և այնպէս կը պահանջէր :

Իրարու հետ իրենց ունեցած կապը անբակտելի զարձած էր :

Սակայն ապրիլ պէտք էր: Լանկլատի վասակած օրական Յ-4 ֆուսնքը հովի պէս բան մըն էր Բարիդի կեանքին մէջ: Այս պատճառով մարդուկը ստիպուեցաւ գողութեան դիմել, դիմանալու համար սիրուհիին ծախս քերուէ: Օր մը գողութեան միջոցին ձերբակալուեցաւ և բանտարկուեցաւ: Սօլէյլ-Քուչան կարծես ինքզինքը շղթա՝ երէ ազատած զգաց և աւելի դիւրաւ քակուելիք յարաբերութեանց վրայ երբ կը խորհէր, ահա քանի մը օրէն իր սիրահարը եկաւ գտաւ զինքը: Բանտին պատուհանին երկաթները խորտակած էր, գալ միանալու համար իր բուռն կերպով սիրած այդ պչրուհիին:

Բաւական ժամանակ գաղտնի կերպով կենակցեցան դարձեալ և սակայն օր մը ոստիկանութիւնը յաջողեցաւ ձեռք ձգել փախստականը, որ այս անգամ 20 տարի թիապարտութեան դատապարտուեցաւ. իսկ Սօլէյլ-Քուչան ալ իբր մեղսակից, տարի մը բանտարկութիւն պիտի կրէր: Տարի մը ետք երբ կինը ազատեցաւ բանտէն, դրան առջեւ զարմանքով տեսաւ կառապա՝ ի հագուստով Լանկլատը՝ որ շաքաթ մը առաջ կրցեր էր դարձեալ փախչիլ Պրէսթէն, գալ միանալու համար իր սիրական տարփոհիին:

Սակայն, ինչպէս տեսնուեցաւ, արդարութիւնը յաջողեցաւ երրորդ անգամ ալ ձեռք ձգել այդ տարօրինակ զոյգը:



9.

Վիպէն երբ ներս մտաւ Սօլէյլ-քուչան ծունկի եկած էր կաշիէ անկողինի մը վրայ, և տղու մը պէս կը խաղար իր մազերուն հետ որոնք տարտղնած էին կուրծքին վրայ: Արեւի ճառագայթ մը կը լուսաւորէր յորդ վարսակոյտը, անոր տալով ակնախտիղ ցոլք մը:

Վիպէնի տեղ եթէ ուրիշ մը ըլլար պիտի կեն սր հիանալու համար այդ տեսարանին. սակայն ոստիկանը ռ-րիշ բաներու պահած էր իր հիաց լը: Դուռը գոցեց ետեւէն և սկսաւ մօտը երթալ կնոջ, որ յանարձակի եկած այդ օտարին ներկայութենէն, մազերը ետեւ նե տեց փորձելով զայն անիտիել:

— Այսպէս, աղջիկս, բաւ Վիպէն հայրական շեշտով մը, դարձեալ օձիքը ձեռք տուիր: Քեզի կեդրօնական բանտը պիտի զրկեն կարծեմ...

— Ո՛ւր էր, Աստուած տայ:

— Ինչպէ՞ս, տարի մը բանտը փնացիր և դեռ չե՞ս վախնար բանտարկութենէ...

— Բանտը ինձի համար դրա՛խտ է, իսկ ազատութիւնը դժոխք, գոչեց Սօլէյլ-Քուչան ճոռով շեշտով մը:

- Ի՞նչ կ'ըսես, Ի՞նչ, երջանիկ չե՞ս միթէ դու բոք:
- Երջանիկ. ե՞ս...
- Տունդ տեղդ աղէկ չէ՞...
- Տունս տեղս... Օ՛հ...

Անանկ արտայայտութիւնով մը ըսաւ այս բառերը, անանկ անկեղծութիւնով մը զօր երկար նախադասութիւններ և ամբողջ ճառեր չպիտի կրնային բացատրել

բնաւ, վիպէո հասկցաւ թէ ի՞նչ սոսկալի կեանք մը վարած է այդ կինը, ինչ չարչարանքներ քաշած էր որ ատանկ ատելութիւն մը բոյն դրած էր ներսը:

— Ուրեմն, յարեց վիպէո վայրկեան մը լռութենէ ետք, հսկայ մը ըլլալ չբա՛ւեր եղեր կին մը երջանիկ ընելու համար:

Կինը կայնեցաւ ոստիկանին առջեւ և ըսաւ.

— Կը ճանչնա՞ք զինքը...

— Ոչ քեզի չափ. բայց այո.

— Կ'ատե՛մ զինքը:

— Յայտնի է, յարեց ոստիկանը:

Քորնիւ. բռնեց ոստիկանին ձեռքը, իրեն մօտ քաշեց զայն, որպէս զի ըսածներէն բան մը չկորսնցէ, և բարձր կռթնէ գրգռուած դիմագիծով շարունակեց, մինչ մա՞զերը կը ցոլցլային զլխուն շուրջ և մերկ ուսերուն վրայ:

— Օ՛հ, կ'ատեմ զայն. կ'ուզեմ խօսիլ, կ'ուզեմ պօռալ և կ'ուզեմ որ լսեն զիս: Վերջապէս կրնա՛մ խօսիլ ուրիշի մը. իմ շղթաներս խորտակեցի. իմ բռնակալ սիրահարս ա՛յ, չսարսափեցնէր զիս. անոր առջեւ չեմ գողար ալ: Ա՛հ, թշուառականը, որքան տառապեցուց զիս. գերիի, առարկայի, շան մը պէս վարուեցաւ հետս: Հինգ տարի է այս, որուն երեք տարին ստիպուեցայ քով քովի ապրիլ անոր հետ. ի՞նչ չարչարանք: Օ՛հ, սա հսկաները: Բանտին մէջ միայն երջանիկ եղայ, հանգիստ շնչեցի, ազա՛տ էի. ի՞նչ վայրագութիւն. ես որ այնքան զուարթ և ուրախ էի երբեմն, ես որ միայն իմ քմահաճօյքներուս կը հետեւէի... Գմահաճօյքներս, որոնց վերջինը շատ ծանր նստաւ ինձի. ի՞նչու որովհետեւ մէկ էրիկ մարդը մէկ օրուան համար կ'առնուի պէ՛տք է որ զայն կցես ամբողջ կեանքիդ. ան ոտքերուդ շղթայ մը անցնէ: «Կը սիրեմ քեզ, կ'ըսէր ան ինձի. կը սիրեմ և չեմ ուզեր բաժնուիլ քեանէ», է՛հ,

ինձի ինչ թէ կը սիրես զիս, ես քեզի բնա՛ւ չեմ սիրեր: Մարդ մը որ չսիրուիր, պէտք է քաշուի. միթէ երիտասարդութիւնս և աղւորութիւնս ինձի չի՞ պատկանիր... կը հաւանիմ փոխ տալու, բայց բնաւ չեմ նուիրեր մէկու մը. վարձու տալէ անդին չեմ անցնիր և յաւիտեանական մենաշնորհ մը չեմ կրնար արտօնել... Ի՞նչ տկար, թոյլ մէկն եմ եղեր Աստուած իմ, ես որ այնքան եռանդուն և քաջ էի. ամէնքը ոտքս կուգային, էրիմ-մարդուն և քաջ էի. ամէնքը ոտքս կուլային, կ'աղաղիկ, գորս ճամբու կը դնէի. անոնք կուլային, կ'աղաղէին և ես «Գացէ՛ք, կը ձանձրացնէք զիս», կ'ըսէի: Իսկ ան, ա՛ն զիս ընկճեց, ճնշեց և ոչնչացուց: Իր բիրտ ձայնը կը գողացնէր, իր փոքր մէկ շարժումը սարսուռ կուտար ինձի. եթէ ուզէր, իր ոտքերուն տակ կը քաշկռտուէի և կ'ուզէր, վա՛տը, ուրախ կ'ըլլար իր ուժը գործածելով. ինձի ինչո՞ւ «մարը մտնող արեւ» ըսեր են. աւելի աղէկ էր պառկող օուն (չիէն-քուշան) կոչելու. կաս. կը ծեծէր և ծեծելէ ետք կ'ըսէր. «Ներէ ինձի», և ես ներելու երեւոյթ կ'առնէի, նոր ծեծ մը ուտել չսկսելու համար: Կ'աւելցնէր. «Աղւոր ես, չէ՞. կը սիրես ինձի, հէ՛» . - «Այո՛, աղւոր եմ, կը պաշտեմ սիրե՛ս ինձի, հէ՛» . - «Այո՛, աղւոր եմ, կը պաշտեմ մէջ ամէն բա՛րի կարող է ան. ինձի կրնար սպաննել... Եւ ես ապրիլ կ'ուզեմ, ի՞նչ պատճառով. չեմ գիտեր, միայն թէ մահը կը սարսափեցնէ զիս. կ'ուզեմ ապրիլ. հինգ տարի է որ չեմ ապրիր ազատութեան, արեւի և լայն մթնոլորտին կը բաղձա՛մ:

Կեցաւ, շունչ առնելու համար շարունակեց.

— Պարոն, ձեզի չեմ ճանչնար, բայց ոստիկան էք անշուշտ լանկրատ հետեւաբար ձեր թշնամին է: Բայց դուք իմ բարեկամներս էք. ձեանէ մէկ բան կը պահանջեմ. կ'որելի եղածին չափ շատ պահեցէք զիս ձեր մօտ.

բանտը ինծի չվախցնէր, քաջ կին մըն եմ, մինակ ա՛ն կը վախց՛ է ինծի, ա՛ն. անկէց հեռու բոլոր ուժերս կը վերստանամ:

— Աղէ՛կ աղջիկս, կրնաս ինքզինքդ ապահով նկատել. շնորհիւ քու ճշգրիտ տեղեկութիւններուդ, Լանկլատ ձերբակալուեցաւ:

— Եւ դ՞ո՞ք ձերբակալեցիք զայն, չե՛մ հաւտար, ըսաւ կինը մտասեւեռ:

— Ե՛ս իսկ...

— Յանկարծ Սօլէյլ-Քուշան խոյացաւ դէպի ոստիկանը և անոր երեսները համբուրեց խանդազին:

— Շատ սիրուն և մանաւանդ սրտազեղ ես սիրելիս, ըսաւ Վիպէն կատարելապէս անզգայ այս անակնկալ գգուանքին. չեմ հասկնար սակայն ուրախութեանդ պատճառը. Լանկլատ ձերբակալուեցաւ, բանտ դրուեցաւ և բերդարգելութեան պիտի դրկուի. չափէ դուրս բան մը չկայ ասոր մէջ. բայց երկու անգամ փախած է, երրորդ անգամ մըն ալ կրնայ փախչիլ և քու մարտիրոսութիւնդ պիտի սկսի աւելի աղէկ տեսակէն...

Սօլէյլ-Քուշան տխրեցաւ:

— Երբէք հանգիստ չպիտի ըլլաս, աւելցուց Վիպէն. երբեք բարձիւ վրայ զլուխդ չպիտի մնայ, որքան ատեն որ զայն թիապարտութեան մէջ թողուս: Իննտէ կը փախչի գիւղական տունէ մը դուրս ելածի պէս: Ատկէց աւելի բանի մը պէտք ունիս:

— Ի՞նչ...

— Օրինագրքին մէջ ուրիշ պատիժներ ալ կան... օրինակի համար մահուան պատիժը...

Կինը տոգունեցաւ և ըսաւ.

— Մահուան դատապարտուելու համար բան մը ըրած չէ որ...

— Վստա՛հ ես հարցուց ոստիկանը մօտենալով և անոր աչքերուն մէջ նայելով պիշ:

Ա՛լ աւելի տոգունեցաւ և Վիպէն լսեց որ սաւ պէս կը մրմնջէր.

— Չպիտի խօսիմ: Ո՛չ, այս անգամ չպիտի խօսիմ: Չեմ ուզեր որ զայն մեռցնեն...

— Չարմառալի բան է այդ, դիտել տուաւ Վիպէն. Լանկլատ և դուն կարծիքի ո՛րչափ տարբերութիւն ունիք. դուն կ'ըսես թէ չեմ ուզեր որ մեռնի ան, այլ բանտարկուի, իսկ ան քեզի համար կ'ըսէ թէ պէտք է մեռնի:

— Ա՛հ, ատիկա ի՞նք ըսաւ, կ'ուզէ որ մեռնի՞մ ուրեմն:

— Ո՛չ միայն կ'ուզէ որ մեռնիս այլ քեզի սպաննել կ'ուզէ ինքն իսկ:

— Ինծի ի՞նչպէս կրնայ սպաննել բանտն է նէ... ինչո՞ւ պիտի սպաննէ ինծի... բայց կորսուած եմ Տէ՛ր Աստուած... կորսուած եմ եթէ փախչի:

— Իր փախչիլը արդիւինք և զայն դատարան շրկենք: Երդուեալները զայն կառափնատին պիտի տան:

— Բայց կրնայ ըլլալ որ ազատ արձակուի:

— Անկարելի է այդ. երբ պզտիկ ոճիւրի մը մեղքը երեւան ելլէ հերիք է. արդարութիւնը կատակ չըներ...

— Իրա՛ւ է, պիտի դատապարտուի:

— Ուրեմն խօսէ՛, եթէ կ'ուզես ապրիլ:

— Հարկա՛ւ կ'ուզեմ ապրիլ բայց ի՞նչպէ՞ս պիտի պահպանէք կեանքս...

— Մտիկ ըրէ. Լանկլատը ձերբակալեցի, խօսք տալով որ ձեզի ցուցնեմ բանտին մէջ...

— Է՛ պիտի բերէ՞ք հոս, գոչեց կինը սարսափած... Բնականաբար...: Խօսքս չեմ կրնար դրժել, բայց քանի որ դուք ալ այդքան կը վախնաք, զայն փոխանակ հոս բերելու, ինչպէս մտածած էի, բանտին խօսանքանը պիտի իջեցնեմ: Դուն ալ հոն կ'երթաս, ուզածը

կ'ըսէ ան քեզի. ուղածին պէս պիտի հայհոյէ, նախ ստէ, քայց մազիդ անգամ չպիտի դպչի: քու և անոր մէջ տեղը երկաթեայ վանդակ մը պիտի ըլլայ: Մնաց որ նայէ մէյ մըն ալ սա հրազէնին:

Մթէֆան ճանչցաւ զայն:

— Այո՛, կը ճանչնամ. ա՛խ, ո՛րչափ վախցուցած է ինձի ատով. միշտ կ'ըսպառնար ինձի և նոյն իսկ վախէս անցած շաբթու վառօդը պարպէր էի մէջէն: Փորձեցէք և պիտի տեսնէք:

Իրաւ ալ Վիպէն երբ ըլթակը քաշեց միայն քաբ սիւլները պայթեցան:

— Եւ ըսել թէ, գոչեց ոտտիկանը ինդալով, Լանկլատ և ես իրարու սպառնացինք այդ պարապ հրազէնով. իրաւ որ աղէկ երեւակայութեան տէր ենք եղեր:

Սոսքը պիտի շարունակէր երբ Սօլէյլ-Քուշան բազուկը անցուց անոր վիզէն անցուց և կեղծանոյշ շեշտով մը մրմնջեց.

— Օ՛հ, սրամիտ ալ էք եղեր:

— Կարծեմ թէ միշտ եմ... ըսաւ Վիպէն, փորձելով քաշուիլ այդ գրկախառնութենէն:

Կինը զայն թող չտուաւ և աւելցուց:

— Լանկլատ մեծղի, խոշոր և կոշտ էր. իսկ դուք հիւրը, նիհար, մտացի էք և ինձի հաճելի կը թուիք...

— Եւ ատիկայ առաջի՞ն տեսնելուդ:

— Պահ, չատոնց է որ քմահաճոյքներս չէի կրնար գոհացնել...

— Կը հասկնամ թէ ըսաւ Վիպէն, սիրահարդ ինչու կը կասկածէր վրայդ բայց, աւելցուց ինքզինքը ազատելով Սօլէյլ-Քուշանի գրկէն. հիմա անուշիու կարգը չէ. տեղն ու ժամանակը գէշ են. աւելի լուրջ բաներ ունինք խօսելու: Նստէ և բան մը մի՛ պահեր ինէ. կամ աւելի ճիշդը, երգում կ'ընեմ որ, հակառակ

քու հրապուրիչ ծ եքծեքումներուպ, կորսուած ես կեանքդ քենէ կառոււմ ունի. կէս ժամէն կամ Լանկլատը խօսարանին մէջ երկաթ վանդակի մը ետին կը տեսնես և կամ սա ծակին մէջ մէկտեղ կը մնաք, գլուխ-գլխի... և կամ սա ծակին մէջ մէկտեղ կը մնաք, գլուխ-գլխի...

Սօլէյլ-Քուշան դողաց և լրջացաւ. նստաւ անկողինին վրայ. մաղերը շտկեց և սպասեց Վիպէնի հարցաքննութեան:

Ոստիկանը սկսաւ.

Երիտասարդ մը սպաննուեցաւ այս ձմեռ, Լա Բէ փողոցին մէջ, այսինքն Լանկլատի հետ բնակած ձեր տան մօտ: Ի՛նչ մանրամասնութիւններ կրնաս տալ այդ ոճրին վրայ: Մի՛ վարանիր... այս առտու Լանկլատ ինք բերնովը խոստովանեցաւ զայն, գինովութեան և յափշտակութեան վայրկեանի մը մէջ: Հիմա մանրամասնութեանց պէտք ունինք և դուք կրնաք տալ զանոնք:

— Լաւ ուրեմն, հարցաքննեցէք զիս, մրմնջեց կի՛ր գլուխը ծռած:

— Որչա՛փ ատեն է կը ճանչնայիք Լանկլատի սպաննած անձը:

— Երկու օր էր:

Ասկէց առաջ բնաւ տեսած չէ՞իք զինքը և ո՛ր հանդիպեցաք:

Չէի տեսած և հանդիպեցայ անոր Վիվիէն փողոցին վերերը, կէս օրէն ետք ժամը 3ին միջոցները:

— Վիվիէն փողոցը ըսի՞ք: Ուրեմն սակարանէն կուգար: Է՛ր ի՛նչ նշան ըրաւ ձեզի:

— Ո՛չ, ես էի որ նշան ըրի իրեն. ազուր գտայ զինքը: Այնքան ընկճուած էի Լանկլատի ձեռքէն և այնքան քիչ անգամ մինակս դուրս կ'ելլէի որ ամէն ժարդ ինձի ազուր կ'երեւար, մանաւանդ մանրակազմ փոքր մարդիկը:

Սիրոյ Զահեր

— Ուրեմն այն մարդը կարճահասակ էր :

— Ոչ , միջահասակ :

— Է՛ , ի՞նչպէս ըրիք :

— Կը ջանայի անոր ուշադրութիւնը գրաւել , գլուխս միշտ իրեն դարձնելով , վաճառատուններու առջեւ քսքուելով , չըջագգետտիս ծայրը քիչ մը վեր վերցնելով . . . վերջապէս գործածելով այն բոլոր վարպետութիւնները որոնք այնքան անծանօթ են պչրոյ կիսնորուն . . . :

է .

— Եւ այդ պչրուններդ յաջողեցան :

— Հարկա՛ւ , վայրկեան մը ետքը անծանօթս ինծի հետեւիլ սկսաւ մինչեւ տունս . հոն մօտեցաւ , բարեւեց և ձեռով մը ըսաւ թէ շատ սիրուն էի , փորձեցի կար մըրնալ , և պատասխանեցի այդ պարագաներուն մէջ գործածական ձեռով . — «Բայց պարոն ինծի որի տեղ կը դնէք» . — «Իքսուհիի մը տեղ տիկին , պատասխանեց ժպտելով , և եթէ թոյլ տայիք ինծի ձեզ ծանօթանալ . . . » Շատ լուրջ երեւիլ չէի ուզեր . տունս յայտնեցի և արտօնութիւն տուի յաջորդ օր ինծի այցելելու . խօսքը բանեց բայց դժբաղդարար , Լանկլատ զոր ես Բարիզէն դուրս գործով մը զբաղած կը կարծէի . յանկարծ վրամ հասաւ . Մնայածը գիտէք , քանի որ խոստովանեցաւ .

— Ժամը քանիին Լանկլատ եկաւ ձեզի :

— Ժամը Զին ատենները ըլլալու էր :

— Կը յիշէ՞ք այդ օրուան որոշ թուականը :

— Հոկտեմբերի վերջերը կամ նոյեմբերի սկիզբները ըլլալու էր . ճիշտ օրը չեմ գիտեր . այնքան անհոգութեամբ կ'ապրէի որ ոչ մէկ , այլ չորս ամիս ալ անցնէր տեղեկութիւն չունէի :

— Սպաննուածին մականունը և անունը գիտե՞ս :

— Ո՛չ , կարելի է ըսած ու մոռցած եմ .

— Է՛ , ի՞նչ տեսակ մարդ էր :

— Միջահասակ , թուխ և նուրբ պեխերով . . . բայց սակեց աւելի բան մը չեմ կ'ըստ յիշել երեք ամիս անցած է :

— Կը կարծե՞ս որ ամուսնացած էր :

— Կարելի է այո . համարձակ էր և տեսնուելէ կը

վախնար :

— Ի՞նչ հագուած էր :

— Սովորական . բայց կարծեմ մուր գոյն բալթօ մը ունէր :

— Այո՛ , ըսաւ վիպէտ և յետոյ շարունակեց . երբէք առիթը չներկայացա՛ւ որ գրպանէն բան մը հանէ տանը մէջ :

— Այո՛ , թղթապանակը հանեց և ինծի իբր յիշատակ բան մը տալ ուզեց բայց ես մերժեցի . շահատէր կիս մը չեմ ես :

— Թղթապանակը ի՞նչպէս էր :

— Կարծեմ թէ . . . ըսաւ Սթէֆանի վայրկեան մը

ետք , թղթապանակ մը չէր , այլ աւելի . . .

— Նօթատետր մը :

— Այո՛ , այո՛ , և կարմիր էր կողքը :

— Ա՛լ տարակոյս չկայ , ըսաւ ոստիկանը ինքնիրեն . իրաւ այդ տեղեկութիւնները անկատար բայց արժէքաւոր են :

— Ըսածներէս գոն մնացի՞ք , հարցուց կիսը դարձեալ փորձելով վիպէտի մօտենալ :

— Գո՞հ, ես, ըսաւ ոստիկանը կոշտ կերպով. ո՛չ ամէնքէն աւելի, հիմակ հասկցայ թէ Լանկլատ այդ ոճրին հեղինակն է... ամէն բանէ առաջ պարտականութի՛ւն: Հիմա հարցաքննելիք բան մը չունիմ, մնաս բարով...

— Ի՞նչ, ալ չպիտի՞ գաք:

— Գուցէ. չեմ գիտեր:

Սթէֆանի իր բազուկներով շրջապատեց զայն, այս գրկախառնութենէն չկրնալ խուսափեցնելու ձեւով մը և աղերսոս ձայնով մը ըսաւ:

— Ախ, եկէ՛ք դարձեալ, կը խնդրեմ:

— Հանած-վարած աղջիկ, մրմուռաց ոստիկանը անոր նայելով: Եթէ ուզեմ, պիտի կրնամ Լանկլատի յաջորդել. ես ալ տարփուհի մը պիտի ունենամ, ես վիպէս...: Ասկա գուցէ աւելի աղէկ պիտի ըլլայ:

Կամաց մը բռնելով Սօլէյլ-Քուշանի բազուկները և ետ հրելով ըսաւ.

— Անուշիկ բարեկամուհիս, պատրաստուէ՛ք սիրական Լանկլատը տեսնելու կէ՛ս ժամէն:

Քաղցրաբարոյ Սթէֆանի սառ կտրեցաւ և գոչեց ազաչելով.

— Երդո՛ւմ տուէք որ վանդակորմ մը պիտի ըլլայ մեր միջեւ:

— Կ'երդնում: Մնաս բարով, ըսաւ և դուրս ելաւ:

Երբ խցիկին մէջ մինակ մնաց Սթէֆանի, սկսաւ դարձեալ տղու մը պէս խաղալ իր մազերուն հետ: Այսպէսով էր որ կը պատրաստուէր իր սիրահարը տեսնելու:

*— Երբեք —*

Ը.

Երկու բանտապահներ խօսարան տարին Լանկլատը, որուն ձեռնակապերը քակուած էին վիպէսի խորհուրդով:

Թիապարտը, որ խելօք մը ներս եկած էր, երբ երկաթեայ վանդակորմը տեսաւ զարմացաւ և յանկարծ հարցուց.

— Ո՞ր դուռնէն պիտի գայ ան:

Վանդակորմէն անդին դուռ մը ցոյց տուին. Լանկլատ դուռը վեր առաւ յանկարծ. ակունքերը սեղմուեցան, ուռնքերը ուռնցան. բանի մը հոտ կ'առնէր, ծուրակի մը մէջ ինկած ըլլալու կասկածը ունեցաւ:

— Եթէ ատ կողմէն մտնէ ան, յարեց քիչ մը վրդով ձայնով, ի՞նչպէս իմ քովս կրնայ գալ հոս...

— Բայց քովդ չպիտի գայ, ըսաւ բանտապահներէն մէկը. ատ վանդակորմին ետին պիտի գայ, և ուզածնուդ պէս պիտի կրնաք տեսնուիլ...

— Ա՛հ, չպիտի՞ գայ քովս, հո՞. ուրեմն խաբեցի՛ն ինձի, խաբեցի՛ն, գոչեց կատաղօրէն. քովս պիտի ըլլար, մէջտեղերնիս արգելք մը չպիտի գտնուէր. անդթուութիւն է այս. իմ բարեմտութիւնս չարաչար գուժածեցին. եթէ գիտնայի, ինքզինքս չէի յանձնէր. պիտի պաշտպանէի ինքզինքս, պիտի սպաննէի այդ թշուառականը, և ամենքնիդ ալ պիտի պատառէի, սի՛նքորներ: Վաղեց բանտապահին քով, որ բանալինիբու տրցակը ձեռքը կ'սպասէր:

— Անոր մօտը ըլլալ կ'ուզեմ. կ'ուզեմ որ զայն



— Ատանկ բանի վրայ չխօսեցանք, բայց...

— Պէտք էր խօսքերդ ճշդէիր, պայմաններ առաջարկէիր... չէի կրնար գուշակել թէ ինչ կը փափաքիս. գալով խօստումներուս, զանոնք բարեպաշտօրէն պահեցի. խնդրեցիր որ ձեռնակապերդ քակեմ. ահա, ես իմ բարիքիս զօնը եղայ. եթէ ձեռքերդ ազատ չըլլային, չպիտի կրնայիր տակնուվրայ ընել սա տեղը և չպիտի կրնայիր վատօրէն ինծի հետ կռուիլ...

— Վատօրէն... կրկնեց Լանկլատ.

— Այո՛, վատօրէն. ես փոքր եմ դուն մեծ, ես տկար, դուն ուժեղ, ես մինակ և անզէն կը մտնեմ հոս և դուն իմ վրաս կը յարձակիս վայրի գազանի մը պէս...

— Հիմա, Սօլէյլ-Քուշանը հոս պիտի բերե՞ն, ան նայինք ըսաւ թիապարտը քիչ մը հանդարտած. իմ քովս պիտի կրնամ տեսնել զայն, ըսէ՛ :

— Ոչ, այս վանդակէն անդին պիտի տեսնես ու խօսիս. ինքը այրպէս ուզեց :

— Ա՛խ, ի՞նքը. և ինչո՞ւ :

— Որովհետեւ անտարակոյս վախցաւ քովդ գալու՛, զարմանալու չես ատոր համար :

— Եթէ կը վախնայ, ուրեմն ինքզինքը յանցաւոր կը գտնայ իմ առջեւ :

— Բնականաբար, բայց ատիկա պատճառ մը չէ՞ որ սպաննուիլ ուզէ՛ :

— Եւ եթէ խօսք տամ չսպաննելու :

— Ատոր չես կրնար ճշգիւ պատասխանել դուն, գրգռուած ես. բառ մը, շարժում մը կրնայ քեզի զայրացնել, այն ատեն նոյն իսկ կը զարնես անոնք, որոնք քեզի բան մը ըսած չեն, բան մը ըրած չեն...

— Ներէ՛ ինծի, ըսաւ թիապարտը խուլ ձայնով մը, ներէ. հիմա բարկութիւնս իջաւ, ա՛լ չպիտի ուզաննեմ զինքը, բայց տեսնել կ'ուզեմ :

— Շատ աղէկ, քիչ ետքը պիտի գայ, բայց խօսքդ բռնէ՛, ըսաւ վիպէտ ու դուրս ելաւ :

\* \*

Քառորդ մը ետք Սօլէյլ-Քուշան բանտապահէ մը առաջնորդուած մտաւ խօսարան : կը ջանար կարելի եղածին չափ հեռու մնալ, զինք իր սիրական Լանկլատէն բաժնող վանդակորմէն :

Գալով թիապարտին ընդհակառակը զայն տեսնելուն պէս մօտեցաւ վանդակորմի դռնակին, իր լայն երեսը փակցուց անոր և սկսաւ դիտել տարփուհին : Վայրկեան մը իր ակնարկը խիստ և ատելախառն եղաւ, յետոյ քաղցրացաւ : Սիրուած կնոջ տեսքը իր արդիւնքը ունեցաւ : Իրա՛ւ էր թէ երդուընցած էր զայն սպաննելու, բայց այդ քաջութիւնը չպիտի ունենար : Իր տարփուհին մէկ ակնարկը պիտի կեցնէր զարնելու համար բարձրացած ձեռքը :

Լանկլատ բան մը չէր ըսեր և վանդակորմին ետեւէն կը շարունակէր դիտել Սօլէյլ-Քուշանը, որ կը զարմանար թէ ինչո՞ւ թիապարտը չէր հայհոյեր, չէր նախատեր. կը վախնար որ ան ուժգին հարուած մը պիտի տար իրեն, և այլայլած, ինքզինքին կը հարցնէր թէ, եթէ վանդակորմը մէկէն ի մէկ իյնար և Լանկլատ ազատ մնար ի՞նչ պիտի ընէր...

— Ինչ այդչափ կը վախնամ, ըսաւ թիապարտը անուշ ձայնով մը :

— Պահ, պատասխանեց Սօլէյլ-Քուշան, ատոր իրաւունք չունիմ. այնքան խիստ վարուած ես որ :

— Ատիկա իմ ձեռքս չէր : այնքան գրգռուած, նախանձոտ և վայրագ էի որ... քանի որ կը սիրէի քեզի :

— Այո, գիտեմ այդ խօսքը. երբ դուք, էրիկ-մարդիկ, կնոջ մը կ'ըսէք «կը սիրեմ քեզի», ալ կը կարծէք որ ամէն բան ըրած, ամէն բան ըսած էք: Ա՛լ զայն կը նախատէք, զայն կը մարտիրոսացնէք, և ասոնք բոլորը սիրոյ ապացոյցներ կը նկատէք: Օ՛հ, Աստուծոյ համար՝ քիչ մը պակաս սիրեցէք: Ի՛նչ ընենք սէր մը որ մեզի չարչարանքներու կը տանի:

— Այսպէս, ուրեմն ինծի հետ թշուա՞ռ եղար:

— Շատ թշուառ, քանի որ կը հարցնես, չեմ վախնար զայն խոստովակելու. իրաւ առաջին անգամն է որ քեզի հետ կրնամ խօսիլ առանց դողալու:

— Խօսէ՛ ուրեմն, բա՛ց սիրտդ մտիկ կ'ընեմ, ըսաւ միշտ քաղցր:

Սօլէյլ-Քուչանի տեղ եթէ ուրիշ կին մը ըլլար, այդչափ քաղցրութենէն պիտի յուզուէր. իրաւ ալ սըրտազբաւ բան մը կար այս կորովի մարդուն ընթացքին մէջ: Բայց Սթէֆանիի զգացումները այնքան նըրացած չէին մանաւանդ որ սոսկալի ատելութիւն մը ունէր այդ մարդուն դէմ, որմէ վրէժ լուծել կ'ուզէր:

Սիրտը բացաւ. ինչպէս ուզած էր Լանկլատ, ցոյց տուաւ վերքերը, տառապանքները զորս կրած էր անոր ձեռքէն. ազատօրէն յայտնեց, թիպարտին դարձուց այն ամեն նախատինքները, որոնց առարկայ եղած էր ի տարիէ ի վեր: Եւ կինը փոխանակ հարուածներու, զայն նախատեց, անարգեց: Կատարեալ և կատաղի ըմբոստացում մըն էր եղածը: Վրէժինդիր կինը իր անողոքութիւնը իր ժահրը կը թափէր:

Լանկլատ զայն մտիկ րբաւ առանց ընդմիջելու և երբ վերջացաւ այդ երկարատեւ բողոքը, միայն հարցուց.

— Եւ հիմա ալ չե՞ս սիրեն ինծի:

— Երբէք չեմ սիրած քեզի, պօռաց կինը, վախցած եմ. նորէն չպիտի առնես ինծի:

— Երբէ՛ք երբէք չեմ յուսար. օ՛ն վերջացած է ալ, ա՛լ չեմ կրնար նախկին կեանքս ապրիլ: Կ'ուզեմ օգտուիլ գեղեցկութեանս և երիտասարդութեանս մնացորդներէն. դեռ գոհացնելիք քմահաճոյքներ ունիմ: ազատ ըլլալ կ'ուզեմ վերջապէ՛ս:

Իւրաքանչիւր բառ Լանկլատի սիրտին կը զարնէր: Միայն պատասխանեց.

— Ըսելիք շատ բաներ ունիմ, բայց խօսիլ չեմ գիտեր:

— Միայն զարնել գիտես դուն:

— Օհ, տառնապի՛լ ալ գիտեմ...

Տփգունած էր. Սթէֆանի անոր նայեցաւ, վախցաւ և ետ քաշուեցաւ:

— Հապա եթէ դարձեալ վերադառնա՞մ, հարցուց Լանկլատ միշտ քաղցր:

— Խօսքէս չպիտի շեղիմ, ինծի վերջին անգամ է որ կը տեսնես...

— Քանի մը օրէն դուն պիտի արձակուիս և ես բանտ պիտի մնամ: Արտօնութիւն չպիտի խնդրես վայրկեան մը ինծի հետ անցընելու համար:

— Երբէ՛ք...

— Բայց քեզի համար է որ գործեցի իմ բոլոր ոճիրներս. եթէ դուն չըլլայիր, քեզի չսիրէի աքսոր չպիտի երթայի ու չպիտի դառնայի:

— Ինծի սիրել պէտք չէ՛. ատանկ բան մը ընաւ չեմ ուզաւ քենէ. ընդհակաակը:

— Եւ եթէ այս անգամ աքսոր ղրկելնուն տեղ մահուան դարապարտեն ինծի ան միւսին համար զոր սպաննեցի և որ քու սիրածդ էք... չպիտի՞ գաս վերջին մնաց բարով մը ըսելու ինծի... չարունակեց թիպարտը միշտ անուշ շեշտով մը:

— Ո՛հ:

— Թշուառակա՛ն, գոչեց յանկարծ Լանկլատ :

Երկու ձեռքերովը բռնեց վանդակորմը, և փորձեց խորտակել: Չյաջողեցաւ: Այն ատեն փորձեց զայն վեր վերցնել ծունկերովը, ոտքերովը և ակռաներովը: Վայրի աղաղակներ կ'արձակէր, աչքերը արիւնով լեցուն էին և բերանը կը փրփրէր:

Սթէֆարի դէմինին յանկարծական կատաղութիւնը տեսնելով մինչեւ անգրի պատը ետ քաշուեցաւ: Բայց տեսնելով որ սն իր բոլոր առասպելական ուժովը մէկ թել անգամ չէր կրցած կտրել, մօտեցաւ և ժպտելով շարունակեց:

— Բխ, որչափ հաճոյքով բղիք բղիք պիտի ընէիք ինձի, ի՛նչ անգթութեամբ պիտի սպաննէիք ինձի... չէ՛: Բայց ես քենէ հեռու եմ. ազատ քու հարուածներէդ՝ Ի՛նձի բան մը չես կրնար ընել. ա՛լ՞ քու գերիդ, քու շունդ չեմ: Օ՛ն ինքզինքդ ատանկ մի՛ յողնեցներ, հո՞ գի՛տ: Կը տեսնաս որ չես յաջողիր, յաղթուա՛ծ ես.

Աօլէյլ-Քուչանի այս անգութ յոխորտանքին և խիստ խօսքերուն առջեւ Լանկլատ փոխանակ ա՛լ աւելի կատօղելու, կակոզցաւ, բանականութիւն եկաւ վրան կարծես. քիչ մը առաջ միայն խեղդուկ ձիչեր կ'ելլէին իր կործքէն, իսկ հիմա կրնար խօսիլ. ձեռքերը ետ քաշեց երկաթ ձողերէն, թեւերը խաչածեւեց և սոսկալի ակնարկ մը ձգելով տարփունիին վրայ.

— Ի՛նչ, գոչեց, դո՛ւն ես որ կը նախատես ինձի. դո՛ւն, որ իմ ոտքերուս տակ պիտի քաշկռտուէիր, և ինէ շնորհ պիտի խնդրէիր, եթէ սա վանդակորմը չըլլար. և դո՛ւն էիր զոր սիրեցի, դո՛ւն որ ինձի այս վիճակին հասցուցիր: Գեղի պէս թշուառական արարածի մը համար էր որ երեք անգամ թիապարտութենէ դարձայ, և գուցէ գլուխս կառափնատին տակ պիտի երթայ. ասոր հետ մէկտեղ այս բռնակալը որմէ այնքան կը գանգա-

տիս, կրնայիր կարողցնել քիչ սիրով և քանի մը անուշ բառերով. դո՛ւն զայն գո՛ղ մը, մարդասպան մը ըրիր՝ մինչ կրնայիր պատուաւոր մէկը ընել. այո՛, պատուաւոր մէկը. երջանիկ ըլլալու համար ի՛նչ կը պակսէր ինձի. բայց դուն զարդ, դրամ և պերճա՛նք կը պահանջէիր... աշխատութիւնս քեզի չէր բաւեր. գողցա՛յ, քեզի գոհացնելու համար, արգելելու համար որ իմ բազուկներէս ուրիշի մը գիրկը չերթաս չնետուիս... Ա՛հ, այդ ուրիշները, տարփաւորները. կ'ըսես թէ պիտի ունենաս տարփաւորներ, բայց թո՛ղ զգուշանան ատոնք, դո՛ւն ալ զգուշացիր, պիտի սպաննեմ, պիտի խողխողեմ ամենքն ալ, ինչպէս ըրի միւսը... Մի՛ խնդար, վա՛տ, դուն ինձի կորսուած կը կարծես և կը յոխորտաս... Բայց ամեն բան կարգ մը ունի. կրնամ մօտդ գալ և քեզի բզքտել, ինչպէս դուն կը բզքտես իմ սիրտս... Այո՛, ինձի կրնան դարձեալ թիապարտութեան դրկել. պիտի խորտակեմ շղթաներս, կրնա՛ն կառափնատ տանիլ, բայց պիտի փոխիմ գալ քեզի միանալու, քեզի՛ սպաննելու համար:

— Խե՛նթ, գոչեց Սթէֆանի ուսերը թոթուելով, շղթաներս պիտի խորտակեմ կ'ըսես և չես կրնար սա վանդակորմին ձողերէն մէկն իսկ տեղէն հանել: Ա՛հ, դուն ինձի խաբեցիր, քեզի ուժով կը կարծէի, բայց չես եղեր:

Այս վերջին լուտանքը, այս վերջին հարուածը անտարակոյս Լանկլատի տուին գերմարդկային ուժ մը. ան երկու ձեռքերովը բռնեց վանդակորմին մէկ ձողը, բոլոր ուժովը կատաղութեամբ ցնցեց և ցողը չդիմանալով այդ բուռն ճիգին, ծռեցաւ և ասդին եկաւ:

Սօլէյլ-Քուչան սոսկալի ձիչ մը արձակեց. ծնցո՛ւմ մըն ալ և Լանկլատ իր մօտը պիտի ըլլար: Բայց մարդկային ուժերը սահման մը ունին: Լանկ-

լատ առտուընէ ի վեր ա՛յնքան փորձարկութեանց, ա՛յնքան տառապանքներու ենթարկուած էր որ, իր արիւնջ յեղակարծօրէն բորբոքեցաւ և ուղեղը խուժեց: Թիապարտը դողաց, ձգեց ձողերը և գետին փռուեցաւ իր մարմինին բոլոր ծանրութիւնովը:

Թ.

Մինչ բանտին սէջ այս տեսարանը կ'անցնէր, Վիպէն դատական պաշտօնարանը կ'երթար հարցաքննիչ դատատաւոր Պ. Կուրպէ տեսնելու:

Պ. Կուրպէ գործ ունէր: Կէս ժամ սպասեց և ետքը մտաւ դատաւորին սենեակը:

Հարցաքննիչին առաջին բառերը ասոնք եղան:

— Է՞ ուրեմն ապացոյցներ կը բերէք. չէ՞ որոչապէս Սավարի՛ն է:

— Ո՛չ, Պ. Դատաւոր, ըսաւ ոստիկանը հառաչելով, ան չէ:

— Ի՞նչպէս. հապտ դուք և Տիկին Վիտալ այնքան վստահ էիք ըրածին վրայ:

— Կը խաբուի՞ք եղեր: Մինչեւ վերջին վայր կեանք համոզումնիս երթալով կը հաստատուէր. նոյն իսկ, չէ՞ք յիշեր եկայ դանակը ուղեցի վճռական փորձ մը ընելու համար.

— Եւ չյաջողեցա՞ւ:

— Յաջողեցաւ, բայց դերի կերպով:

— Բացատրեցէք, խնդրեմ:

— Ըսել կ'ուզեմ թէ այս փորձարկութիւնը վայրկեան մը խախտեց իմ համոզումներս, բայց յետոյ, լուրջ խորհրածութիւններէ ետք ա՛յլ վարանեցայ Սավարի՛ մեղապարտութեան վրայ:

Ոստիկանը պատմեց մանրամասնօրէն ամէն բան. Սավարի շփոթութիւնը, յուզումը և լացը:

— Ասոնք ամէնքը տարտամ բաներ են, և նոր բան մը չեն յայտներ: Այսօր ուրեմն կը գտնուինք հոն՝ ուր էինք երեք ամիս առաջ:

— Ներեցէք, Պ դատաւոր, այսօր ձեզի կը բերեմ Մօրիս Վիտալի սպաննիչին անուէր:

— Ի՞նչ կ'ըսէք.

— Այո՛, հիմա կը ճանչնամ ձեր փնտուած օճրագործը, որ Լանկլատ կը կոչուի:

— Լանկլատ . . . այդ անուէր անծանօթ չէ ինձի: Թիապարտ մը, չէ՞:

— Այո՛:

— Զբաղած եմ իրժով, վերջերս Պրէսթի բանաէն փախաւ. երեք ամիս է Բարիզ կը գտնուի և ոստիկանութիւնը կը փնտռէ զայն. առանց յաջողելու գտնել:

— Երէկ իր բնակավայրը հասկցայ և ես այս առտու ձերբակալեցի զինքը: Հիմա բանտն է:

— Կը չնորհաւորեմ ձեզ այդ ձերբակալութեան համար:

Վիպէն խոնարհութիւն մը ըրաւ:

— Եւ, շարունակեց Պ. Կուրպէ, Լանկլատ է որ սպաննած է Վիտալը: Ի՞նչ բան ձեզի ենթադրել կուտայ:

Վիպէն մանրամասնօրէն պատմեց ձերբակալութեան պատմութիւնը և Սօլէյլ-Բուշանի խոստովանութիւնը:

— Այո ըսաւ դատաւորը, վերջապէս գտնուեցաւ մեղապարտը չնորհիւ ձեր կորովամտութեան:

— Օհ պարոն, իմ կորովամտութեանս վրայ չխօսինք ան վրիպեցաւ ընդհակառակը. դիպուածը նպաստեց ինծի:

— Ինչ որ ալ ըլլաւ, պէտք է հիանանք ձեռք բերւած արդիւնքին վրայ, որովհետեւ Սավարիէն կասկածեցաք և սխալեցաք: Արժանապատուութեան խնդիր կայ մէջը...:

Եւ դառնալով իր քարտուղարին, ըսաւ.

— Պ. Գօրտիէ, խնդրեմ ինծի տայիք Սավարիի հրացաքննութեան տեղեկագրին պատճէնը:

— Շատ լաւ պարոն ըսաւ, չոր մարդը և պարութաներուն մէջէն հանելով պահանջուածը դատաւորին յանձնեց:

Սավարիի հարցաքննութեան տեղեկագիրը կարդալէ ետք, հարցաքննիչ դատաւորը դարձաւ Վիպէտի և ըսաւ.

— Լանկլատ յանցաւոր է: Այդ մասին ամենափոքր կասկած մը չէք կրնար ունենալ: Այսու հանդերձ, կը տեսնաք թէ արդարութիւնը ինչպէս դիւրաւ կը մոլորի: Իմ պաշտօնակիցներէս շատեր, աւելի խոհեմ, աւելի խղճամիտ, սա հարցաքննութեան մէջ տասը պատճառներ կը գտնեն Սավարին եղեռնադատ Ատեանին զրկելու համար: Միայն մէկ հատը յիշեմ: Մօրիս Վիտալի քովի ստորագրուած թուղթերը, որոնք գտնուած են ամբաստանեալին տունէն: Ինչպէս կը բացատրէք այս պարագան:

— Պարզ է, եթէ Սավարի վճարած է զանոնք, ինչպէս կը հաւաստէ ինք:

— Բայց բոլոր այս հարցաքննութեանէն ակնյայտնի կը տեսնուի թէ զայն վճարելու կարող չէր: Կեանքին մէջ 50000 ֆրանք մէկտեղ չէ ունեցած իր ձեռքը:

— Չէր ըսեր թէ Գերմանիոյ մէջ, խաղամոլութեամբ շահած էր:

— Է, դուք ատոր կը հաւտա՞ք,  
— Խաղի գալուն պէս կարգը, ամեն բանի կը հաւտամ:

— Ուրեմն կասկած չի՞ ներշնչեր այս բանը ձեզի:

— Տէ՛ր Աստուած. բայց Պ. դատաւոր, ես միշտ բացայայտին կը դիմեմ. ասկից զատ ի՞նչ շահ կրնայ ունենալ Լանկլատ պատմելով թէ ինք մարդ մը սպաննած է:

— Բայց այդ մարդուն անունը չի տար:

— Իր սիրունին պէտք եղածին չափ կ'որոշէ սակայն:

— Ոչ մէկը կը ճշդէ ոճրին թուականը:

— Երկուքն ալ մօտաւորապէս կը ճշդեն սակայն, բացատրեց Վիպէտ:

Պ. Կուրպէ վայրկեան մը վարանեցաւ, յետոյ յանկարծ յարեց.

— Եւ զոհին ձեռքովը և արիւնովը գրուած սա բառերը, Սպաննիչս կը կոչուի...» Ինչպէս բացատրել այս բանը, երբ ոճիրը գործողը Լանկլատն է. Վիտալ չէր կրնար ճանչնալ թիպապարտը:

— Այդ դիտողութիւնը կը խոստովանիմ թէ ամենէն կարեւորներէն և լուրջներէն է. արդէն ինքնիրենս խորհած եմ և կարծած եմ լուծել. Լանկլատ թիպապարտութեան չի գացած Բարիզ կը բնակէր և ծանօթ էր մասնաւոր շրջանակի մը երիտասարդութեան: Անոր ձեռքը չէին ունենիր. կը քաշուէին զայն բարեւելու, նոյն իսկ չէին ունենիր հետը, որովհետեւ կոշտ և գռեհիկ էր. բայց չէին խօսեր հետը, որովհետեւ կոշտ և անուր կը հարցնէին երբ ուշադիր կ'ըլլային անոր, անունը կը հարցնէին երբ ուշադրութիւն չհրաւիրէր իր վրայ այս գոյգը. մէկ կողմը տեսակ մը հսկայ, միւս կողմը շքեղ աղջիկ մը և կողքի կողմը անարկոյտ և արտասովոր գոյն մը ունեցող մազերով. Լանկլատ այսպէսով պահ մը հոչակ հանեց, և կը

յիշեմ թէ, գիշեր մը Պուլվաններու թափոնին մէջ բան-  
ւոր մը այս ձեւով հարցում մը ուղղեց անոր. — «Օհէ՛,  
Լանկլա՛տ, ո՛ւր է քու չիկահերդ:» Այսպէս, զարմա-  
նալի չէ ուրեմն որ, Մօրիս Վիտալ իր սպաննիչը ճանչ-  
ցած ըլլայ և անոր անունը գրել ուզէ:

— Այո, ձեր բացատրութիւնը բնականին մօտ է:

— Մնաց որ այս գործը երկու բառով կարելի է  
ամփոփել. Լա Բէ փողոցին մէջ նոյեմբեր ամսուն ուրիշ  
մարդ մը զարնուած է. ո՛չ, այնպէս չէ՞. ամեն մարդ  
գիտէ ասիկա. արդ, Լանկլատ յանցաւոր է, և Սաւարի  
անմեղ:

Բնաւ վարանում չպիտի ունենաք երբ հարցա-  
քըննէք Լանկլատը և իր սիրուհին. մանաւանդ այս վեր-  
ջինը, քանի որ թիադարտը գուցէ մերժէ պատասխանել  
ձեր հարցումներուն:

— Ինչո՞ւ.

— Որովհետեւ միշտ յարմարող նկարագիր մը չունի-  
նա՛ն, Սաւարի քիչ նեղութիւն չպատճառեց ձեզի. շատ  
կը փափաքէի որ յանցաւորը ա՛ն ըլլար ձեզի համար Պ,  
հարցաքննիչ դատաւոր, երդուեալներուն և ինծի համար  
ալ, աւելցուց աւելի ցած ձայնով, հառաչ մը արձա-  
կելով:

— Օ՛հ, ըսաւ դատաւորը, որ ոտքի ելաւ հասկցնել  
ուզելու համար թէ պիտի բաժնուի. անշուշտ չես ուզեր  
ինքզինքդ մխիթարել, Սաւարիի մասին խարուած ըլլալ՝  
նուր համար:

— Կը խոստովանիմ պարո՛ն, թէ չպիտի մխիթար-  
ւիմ, անիկա իմ բովանդակ կեանքի՞ դժբաղդութիւնը  
պիտի ըլլայ. բարեւեց և մեկնեցաւ:

Ժ.

Երբ այս դէպքերը կ'անցնէին, ասդին Սաւարի և  
Տիկին Վիտալ ի՛նչ վիճակի մէջ էին:  
Քաֆէ Անկլէի հացկերոյթին հետեւեալ օրը, կէս  
օրէն ետք Սաւարի կրամօն փողոց գացած էր:

— Տիկինը հիւանդ է, չի կրնար ընդունիլ պատաս-  
խանեց Սարիէթթա:

Սաւարի, Տիկին Վիտալի քով երթալու համար  
պարապ տեղը պնդումներ ընելէ ետք, շիտակ Օթէլ տէ  
Բրէնս փութաց: Կ'ուզէր քիչ մը գոնէ խօսիլ ձիւլիայի  
վրայ, քանի որ չէր կրցած զայն տեսնել. բայց Բիւպի-  
նիի կոմսը որ մինչեւ այն ատեն այնքան դիւրահաղորդ,  
չնորհալի ու կենցաղագէտ էր, առջի գիշերուքնէ ի վեր  
եղած էր ձեւապաշտ, պաղ և զգոյշ: Փոխանակ երկար  
բարակ խօսելու, միավանկ բառերով միայն կը պատաս-  
խանէր և լուռ կը մնար երբ մանաւանդ իր ազգակա-  
նուհիին որպիսութիւնը հարցնէր Սաւարի:

Գիտենք արդէն թէ հոգեկան ի՛նչ կացութեան մէջ  
կը գտնուէր ոստիկանը այդ օրը. բայց Սաւարի վերա-  
հասու չըլլալով անոր տառապանքներուն, զարմացաւ և  
վրդովեցաւ. խորհեցաւ թէ ի՛նչ կրնար ըլլալ ատոր  
պատճառը և կարծեց գտնել: « Խաղէն մնացած պարտքս  
վճարելու համար որոշուած 15 օրուան պայմանաժամը  
չատոնց աւարտեցաւ, կ'ըսէր ինքնիրենը, իր պաղ վար-  
մունքը անուղղակի յանդիմանութիւն մըն է ատոր հա-  
մար »: Այս գաղափարը միտքը գալուն պէս՝ Սաւարի  
մէկ մտածում միայն ունեցաւ, այսինքն՝ կարելի եղա-  
ծին չափ շուտ Բուպինիի կոմսին պարտքը տալ, քանի

որ ան կրնար իր ազդեցութեամբ զինքը հեռու պահել Տիկին Վիտալէն:

Սակայն պարտական եղած 14000 ֆռանքը չունէր և իր ծանօթներէն մէկը տրտմադիր չէր երեւար փոխ տալու. երկու ամիս խաղացած էր, քանի որ խաղամոլութիւնը իրեն համար ասպարէզ մըն էր. « 100 ոսկիի պէտք ունիմ, կ'ըսէր, այս գիշեր ո՛ւր կը խաղան» . իսկ այսօր կը վարանէր: Վերջին կորուստը չէր որ կը վախցնէր զինքը, ընդհակառակը, կը հաւտար որ բազմեւ եկած էր իրեն. այն օրէն ի վեր երբ ձիւլիան կը ուրէր, կեանքը նոր երեւոյթ մը առած էր իրեն համար, աւելի լրջացած էր կարծես, աւելի խոհուն դարձած: Հիմա կը սկսէր հասկնալ թէ ինչ էին պատուաւորութիւնն ու փափկանկատութիւնը, որոնց վրայ շատ տարտամ գաղափար մը ունէր ցարդ: Ինքնիրեն կ'ըսէր թէ՛ տխուր բան էր խաղէն սպասել բան մը՝ որ աշխատութեամբ միայն պէտք է տայ:

Անշուշտ որոշ էր թէ Սավարիի մտքի այդ տրամադրութեան մէջ, եթէ գտնէր պատուաւոր և խոստովանելի միջոց մը շահելու համար 14000 ֆռանք, չպիտի վարանէր բնաւ գործի ձեռնարկելու: Դժբաղդաբար այդ միջոցները հազուագիւտ են: Սավարի նոր վարանումներէ ետք և մեծ գարշանքով մը ստիպուեցաւ Տիկին Բէլաթիի տունը երթալ դարձեալ:

« 25 ոսկի ունիմ քովս, կ'ըսէր, երկար ատեն է չեմ խաղացեր, սիրոյ մէջ դժբաղդ եմ. ահա՛ սքանչելի պատճառ մը, ընտիր յաջողութիւն մը ձեռք ձգելու»:

Այսպէս խորհրդածելով Բէլաթիի դուռը դարկաւ: Տիկին տ'երմօն ինքը բացաւ:

— Հէ՛, դո՛ւն ես, ըսաւ անոր երկարելով ձեռքը և սալօն տանելով. որքան աղնիւ ես որ զիս տեսնելու կուգաս: Դուն ուրիշներուն պէս չես, քու բարեկամներըդ չես լքեր երբ անոնք ձախորդութեան մէջ են:

— Ձախորդութեան մէջ ես, աղւորս, և ինչո՛ւ:  
— Ի՛նչ, չե՞ս գիտեր թէ ինչեր եկան գլխուս, հարցուց Բէլաթի եռանդագին:

— Չէ, ի՛նչ մեղքս պարեմ:  
— Է, լրագիր ալ չկարդացիր: Ոստիկանութիւնը անցած չարաթ կոխեց տունս...:

— Ի՛նչ պատճառով, առանց մեզի ըսելու կեղծ դրամ՝ կը շինէիր:

— Ոչ, խաղալու թող կուտայի:

— Չա՛ր սատանայ, և ոստիկանները վրա՛յ հասան:

— Ճիշդ ալ խաղին է՛ն տաք, է՛ն սքանչելի վայրկեանին. սեղանին վրայ 10000 ֆռանքէն աւելի կար...

— Ժամանակը աղէկ էր ուրեմն կրնայիր խեղդել:

— Դժբաղդաբար ոչ. դրամներն ալ գրաւեցին: Եթէ ասով ալ գոհանային, ինչ որ է, Ստիպեցին բոլոր ներսաները իրենց անունը մականունը, վիճակնին յայտնելու:

— Ապահովաբար վիճակներու բացատրութիւնը երկար չտեւեց, դիտել տուաւ Սավարի երգիծօրէն:

— Կատակը մէկդի՛, Սավարի... չե՛ս գէտեր որ կարասիներս ալ առին...

— Բայց ահա՛, բոլորովին նոր կարասիներ...  
— Ասոնք ձեռքէ ինկած կարասիներ են զորս երէ գնեցի, ստիպուած:

— Ի՛նչպէս իրաւունք կ'ունենան սակայն կարասիներդ ալ գրաւելու...  
— Տէ՛ր Աստուած, այո, Օրինագիրքը վճռական է,

ըսաւ Բէլաթի հառաչելով. փաստաբանս կարդաց Պատժական Օրինագրքին 410րդ յօդուածը զոր գոց գիտեմ ժական Օրինագրքին վրայ դառնուած բոլոր դրամները, թէ լրագիր սեղանին վրայ դառնուած բոլոր դրամները, բոլոր առարկաները և շարժուն իրերը պէտք է գրաւուին»:

Բէլաթի դեռ երկար պատմեց դէպքը, ութը որ

բանտարկուած ըլլալը յայտնեց և ցաւով խօսեցաւ թէ անպատճառ մատնութեան մը զոհ գացած էր :

Քանի մը ցաւակցական խօսքերէ ետք, Սաւարի փութաց մեկնիլ, հոն գացած էր խաղալու համար և երբ այդ բանը կարելի չէր անօգուտ էր մնալը :

Սաւարիի 25 ոսկիները մինակ կը մնային, Բէլաժիի տան նման ուրիշ տեղ մը չէր գիտեր :

Գալով Պատ կամ Համպուրկ մեկնելու և իր բաղդը փորձելու, Սաւարի ատանկ բանի վրայ չխորհեցաւ : Քաջութիւնը չունէր այդքան հեռու մնալ ձիւլիայէն : Մնաց որ իր 25 ոսկին միայն ճամբու ծախսի պիտի բաւէր : Կոմսին պարտական մնալու գաղափարէն ընկճուած քանի որ չէր կրնար ուրիշ կերպեր ընել, ինքզինքը պարտաւորուած զգաց երթալ կոմսին առջեւ ինքզինքը արդարացնելու, բացատրութիւններ տալու և նոր պայմանաժամ մը խնդրելու : Սակայն Վիպէն ալ աւելի նեղ սիրտ, մերժեց զայն ընդունիլ :

Սաւարի յուսահատած էր, չէր գիտեր թէ ի՞նչ ընէր. Այն երկու մարդիկը որոնց հետ իր կեանքը կ'անցընէր երկու ամիսէ ի վեր, հիմա չկային այլ եւս, առանց ճշդիւ գիտնալու նոյն իսկ թէ ի՞նչ էր անոնց հեռանալուն պատճառը : Ձիւլիա իր դուռը գոցած էր անոր սիրայայտնութեան յաջորդ օրէն սկսեալ : Այսու հանդերձ ձիւլիա Սաւարին մտիկ ըրած էր լուութեամբ, նոյն իսկ զայն քաջալերած էր խօսելու համար : Վիպէնի յանկարծական յուսաբերութիւնը եթէ չըլլար, գուցէ ինքն ալ պիտի պատասխանէր : Եւ այսպէս ինքը յանկարծօրէն կը բաժնուէր Սաւարիէն, առանց ինքզինքը բազատրած ըլլալու. այն վայրկեանին իսկ, երբ քիչ մը յոյս տածել սկսած էր :

Ինչպէս ամէն վշտակիր հոգի, Սաւարի ալ կը թափառէր Բարիդի մէջ, ամէնէն աւելի նախապատուու-

թիւն տալով Կրամօն փողոցին : Օր մը երբ իր սովորութեան համաձայն, աչքերը տիկին Վիտալի յարկաբաժնին կողմը բարձրացուցած էր, զայն նշմարեց վարագոյրներուն ետեւէն :

Այն ատեն գլուխը դարձաւ, իր նախկին ամբողջ յանդգնութիւնը վերստացաւ, վազելով անցաւ փողոցէն երկու յարկերէն վեր ելաւ, Մարիէթիան որ արգելք ըլլալ կ'ուզէր ետ հրեց, սրահը մատու և գտնուեցաւ ձիւլիայի հետ դէմ դէմի :

Այս դէպքը տեղի կ'ունենար Լանկլատի ձերբակալութեան և Վիպէնի հարցաքննիչ դատաւորին այցելած օրուան յաջորդ օրը :

ԺԱ.

Տիկին Վիտալ երբ Սաւարին նշմարեց արագ առաջ եկաւ, յանդիմանելու համար անշուշտ որ այսպէս, հակառակ հրամաններուն իր դուռը կը բռնադատէր և իր քովը կուգար : Բայց երիտասարդը ժամանակ չի ձգեց անոր խօսելու և ձիւլիայի ձեռքերը բռնելով, անանկ ձեւով մը որ ան չկրնայ ազատիլ այս գրկախառնութեանէն, ստիպեց զայն որ մտիկ ընէ զինքը : Ըսաւ ինչ որ կրնար տուն տալ ամենէն անկարգ և ամենէն եռանդաւորութեամբ կիրքը :

Քեզմով և քեզի՛ համար միայն կ'ապրի՛մ, գոչեց, առանց քեզի ինքզինքս պիտի մեռցնէի : Կեանքս զգուշիկ կ'երեւայ ինձի, հոգի չմնաց վրաս, անօգուտ

էակ մըն եմ մեղապարտ, խօստմնազանց և ինքզինքէ՛ս վախնամ... Գթացէք վրաս, կրնաք նորէն կեանք տալ ինձի, ձեր մէկ ակնարկը պիտի ամօքէ, անուշ բառ մը՝ յայտ մը, քաջալերութիւն մը և ա՛յն ատեն տէր պիտ ըլլամ չունեցած բոլոր առաքինութիւններուս: Առանց ձեզի տեսնելու, անցուցած մէկ շաբաթս դա՛ր մըն է ինձի համար, տիկին դա՛ր մը... Եթէ գիտնայիք թէ ո՛րքան տառապեցայ սա ժամանակամիջոցին մ.ջ... Այն վայրկեանին, երբ ձեզի վարադոյրներուն ետին տեսայ, քաջութիւնս, ուժերս ամէնքն ալ անհեա եղան: Կարծեցի թէ վայրագութիւն մը պիտի գործէի: Ախ, ո՛րքան դժուար է ապրիլը երբ մարդ զժբաղդ է և որքան դիւրին է անձնասպան ըլլալը... Մեռել դարձած էի, չէ՞ պէտք էր որ գութերնիդ շարժէի... Բայց ինձի մտիկ չէք ընեք, անփոյթ կը կենաք, անա երբ իմ ցաւերս կուլամ, երբ սիրտս ամբողջ կը պարզեմ: Մտիկ ըրէք ինձի տիկին, Աստուծո՛յ սիրուն, մտիկ ըրէք: Խնդիրը լուրջ է, կը վստահացնեմ: Ի՛նչ շահ կրնամ ունենայ ձեզ խաբելու մէջ... Կ'երդնում որ լուրջ է խնդիրը, կը տառապիմ, չափազանց կը տառապիմ... Մարդ մը որ տառապի, մարդ մը որ կ'արտասուէ, ինչպէս ես հիմա կ'արտասուեմ, պէտք է որ գութի արժանի ըլլայ...

Սավարի դադրեցաւ խօսելէ, արցունքները խեղդեցին անոր ձայնը:

Ճիւղիա ապշած էր այս լեզուին դիմաց, որ բոլորովին նոր էր իրեն համար: Իր ամուսինը խօսած էր իրեն սիրոյ լեզուն, բայց ասիկա կիրքին ու տարփանքին լեզուն էր, որ նոր կը լսէր:

Սավարի շարունակեց.

— Եթէ մտքերնիդ դրած էիք այդչափ շուտ հեռա՛նալ ինձմէ, ինչո՞ւ ինձի ընդունեցիք, ինչո՞ւ սիրալիր վարմունք մը ցոյց տուիք... Չէի՞ք նշմարեք որ կամաց

կամաց կը բռնուէի ձեռնէ, աչքերուս մէջ չէի՞ք կարդար որ ձեզի կը սիրէի... ա՛խ, կին մը չի խաբուիր այդ բաներուն մէջ, ան իր սիրուած ըլլալը զգալու համար պէտքը չունի որ անպատճառ մէկը ծունկի նետուի իր առջեւ և « կը սիրեմ քեզի » գոչէ. գիտէք թէ սիրտս առջեւ և « կը սիրեմ քեզի » գոչէ. գիտէք թէ սիրտս ալ ինձի շպտականիւր, զայն ձեզի տուի և դուք ընդուրէն իմ սիրտս յօշոտելու: Ի՛նչ ըրի ես ձեզի, ի՛նչ սխալ գործեցի ձեզի նկատմամբ... ոչի՛նչ, Ուրեմն ներելի է ինձի՛ ձեզի ըսել: « Այսօր ինձի նկատմամբ անիրաւ կը դանուիք, ինչպէս եղաք ասկէց առաջ ալ »:

— Անիրա՛ւ եզայ, ըսաւ ձիւլիա քաղցրութեամբ:

Կինը անկեղծ և ճշմարիտ էր այդ վայրկեանին: Համոզուած՝ Սավարի մնղապարտութեան, հաւատալով թէ նուիրական պէ՛ռի ազդեցութիւններուն, հաւատալով թէ նուիրական պարտք մը կը կատարէ, տիկին վիտալ հաւանած էր խաղաղ իրեն անարժան կատակերգութիւն մը, որ հակառակ էր իր ուղղամիտ, պատուաւոր և անկեղծ բնուկեան: Քիչ քիչ ինքզինքը կորսնցուցած էր այս ձեռնարթեան: Քիչ քիչ ինքզինքը կորսնցուցու վրայ, իր ըրած կին զգուելի կողմին և վտանգներուն վրայ, իր ըրած թողածին մէջ կրքոտ, ձիւլիա հասած էր հոն ուր իր դերը իր ճշմարիտ կ'առնէր:

Բայց ժամանակէ մը ի վեր իր համոզումները յեզաշըրջուած էին, սկսած էր տարակուսիլ Սավարի մեղապարտութեան վրայ: Ինքնիրենը կ'ըսէր թէ ան յանցաւոր չէ և թէ իր խաղացած դերը գարշելի բան մըն էր: Սավարի իրաւունք ունէր զինքը դատապարտելու, գանգատելու և տառապանքներուն պատճառ բռնելու: Եւ արդեօք դարմանելիք անիրաւութիւններ չունէ՞ր անոր նկատմամբ:

Երբ այս մտածումները կ'անցնէին ձիւլիայի մտքէն, Սավարի իր կարգին կը վարանէր: Ճշմարտապէս սիրող

էրիկ-մարդուն միտքը կը չփոթի սիրուած կնոջ քով: Իր փափկութիւնները, իր սովորական անառակութիւնները ալ գործի վրայ չեն ըլլար այդ պարագային մէջ, աշխարհիս մեծագոյն ձախաւերութիւնները, աններելի սխալները կը գործէ և չկրնար օգտուիլ հակառակորդին սխալներէն Սովարի որ անուն շինած էր ցարդ կնահածութեան մէջ, ձիւլիայի հետ դէմ դէմի եղած միջոցին կորսնցուցած էր իր նախկին կարողութեան բարձրութիւնը. այսու հանդերձ կիրքի մէջ լուսարձակումներ կան: Յանկարծ այն ամպերը որոնք տեսողութիւնը կը կը ծածկեն, կը ցրուին, պայծառ և որոշ կ'ըլլայ ամեն բան. այն ատեն կ'ըսեն. « հոս պէտք է յարձակիլ », և վայրկեան մը ետք կը վարժուին մինչեւ որ երկինքը դարձեալ մթննայ:

« Անիրաւ եղայ, իրա՛ւ է » ըսած էր ձիւլիա. ուրեմն ձիւլիա կը մեղմանար, կը յուզուէր. Սովարի ճարտարախօսութիւնը ազդած էր իր մտքին, մանաւանդ սրտին. ասիկա քայլ մըն էր, իրա՛ւ փոքր, բայց պէտք էր գոհանալ և կարելի եղածին չափ շուտ օգտուիլ, կարեւոր էր մանաւանդ որ այսքան առաջացումէ ետք ձիւլիա պատճառ չունէր բնկրկելու: Սովարի սակայն աւելի յանդգնութիւնով մը պէտք չէր զայն խտչեցնէր:

Այսպէս ձեռք ձգած առաւելութենէն աւելի հանգարտած, աւելի ինքնագիտակ, ա՛լ չխօսեցաւ կիրքի լեզուն, ձիւլիան ընկրկեցնելու վախէն:

Սովարի նստաւ անոր քով, փորձեց համոզել թէ ինք չէր կրնար զինքը մերժել, թէ պարտական էր ընդունիլ երբեմն և ջանալ դարմանելու այն ցաւը՝ որմէ կը տառապէր:

— Քիչ մը զգուշաւոր եղիր, ըսաւ Սովարի ձիւլիայի, ինձի հիւանդի, նոր ապաքինողի տեղ դրէք և ես առողջութիւնս պիտի վերստանամ:

Ասիկայ միակ լեզուն էր զոր պէտք էր գործածէր ձիւլիայի պէս կնոջ մը համար: Ուրիշ ամեն պարագաներու մէջ կինը պիտի համոզուէր ապահովաբար, բայց ան բացառիկ կացութեան մը մէջ էր: Հիմա կը կասկածէր Սովարի մեղապարտութեան վրայ: որպէս զի իր դերը շարունակէր:

Ա՛լ աւելի առաջ երթալ չէր ուզեր այդ գործին մէջ. կը մերժէր Վիպէռի հետ ամէն համաձայնութիւն: Բայց միեւնոյն ժամանակ վստահ ալ չէր Սովարի անմեղութեան, որպէս զի ընդունէր անոր առաջարկած դաշինքը: Այն վայրկեանին երբ կասկածի նշոյլ մը գար առջեւը, Այն վայրկեանին երբ կասկածի նշոյլ մը գար առջեւը, կինը պէտք պիտի ունենար դադրեցնելու ամեն մտերմութիւն: Սովարի ոչ մէկ աղերսը, ոչ մէկ պատճառաբանութիւնը չէին կրնար զայն յուզել: Իր սիրտը անլուր պիտի մնար անմեղէն անդիմադրելի հրապուրանքին: Երկան և ապաքան իրեն չէին պատկաներ, ցորչափ չի ցրուէր այն խաւարը որ անցեալը կը ծածկէր:

Տիկին վիտալ վերստացաւ քաջութիւնը և դէպի Սովարին երթալով ըսաւ անոր.

— Եթէ զիս կը սիրէք, ինչպէս կ'ապահովցնէք, եթէ կը յարգէք ձեր սէրը, եթէ կը յարգէք նոյն ինքն զիս, ձգեցէք ինձի պարոն, երդում կուտամ ձեզի, և ա՛լ մէյ մըն ա՛յ մի՛ ջանաք զիս տեսնելու:

— Օհ, զոչեց Սովարի յուսահատութեամբ, ա՛յ էր որ պիտի պատասխանէիք ինձի:

— Հաւատացէ՛ք, ուրիշ ձեւով չէի՛ կրնար պատասխանել:

— Բայց սիրտս կը խորտակէք...

— Աւա՛ղ, ըսաւ ձիւլիա տխրութեամբ, այդ պիտի իմս չէ՛:

— Գոնէ՛, յարեց արցունքոտ աչքերով, գոնէ պարզեցէ՛ք ձեր այդչափ խստութեան պատճառը:

— Ո՛չ, ատիկա անկարելի է: Հաւատացե՛ք որ անկարելի է այդ ինծի համար:

— Ա՛հ, ի՛նչ տառապանք Աստուած իմ, գոչեց Սավարի, որ թիկնաթռուի մը մէջ ինկաւ, ձեռքը ճակտին տարաւ, կարծես ամփոփելու համար պայթելու պատրաստ իր ցաւը:

Այս վայրկեանին Մարիէթթա սրահը մտաւ և Տիկին վիտալի մօտենալով ականջն ի վար ըսաւ:

— Քեզի կ'ուզեն:

— Ո՛վ:

— Չճանչցած մէկս: Կարեւոր բան մը կ'երեւայ:

Ճիւղիա ոտքի ելաւ և առանց երիտասարդին նայելու դուրս ելաւ: Դատական նախարարութեան մէկ սպասարկուն կ'սպասէր:

— Տիկին, ըսաւ ան, հարցաքննիչ դատաւոր Պ. Կուռպէ այս նամակը տուաւ:

— Տուէք նայիմ:

Առաւ նամակը և մինչ Մարիէթթա սպասարկուն կը ճամբէր, ինքը սրահը մտաւ, պատուհանի մը մօտեցաւ և սկսաւ կարդալ հետեւեալը.

«Տիկին

«Պարտականութիւնս է ձեզի լուր տալ կարելի եղածին չափ շուտ թէ վերջապէս գտանք ձեր ամուսնին սպաննիչը: Լանկլատ անուն թիապարտ մըն է: Զախջախիչ ապացոյցներ ունինք անոր դէմ, որոնք վայրկեան մը իսկ չեն կասկածեցնէր անոր մեղապարտութեան: Մնաց որ խոստովանութիւններ ալ ըրած է: Այսպէս, Պ. Սավարիի դէմ մեր բոլոր կասկածները կը ցրուին և անոր մասին կատարուած հսկողութիւնը այսօրու ընէ կը դադրի:

«Տիկին, սրտանց կը մասնակցիմ ձեր օրինաւոր վըտին և երջանիկ եմ վերջապէս թէ, ձեր ամուսնին մահուան վրէժը պիտի լուծուի շուտով:

«Ընդունեցէք Տիկին իմ յարգանքներս և համակրանքներս:

ԿՈՒՌՊԷ

Երկու անգամ կարգաց այս նամակը համոզուելու համար թէ չէր խաբուեր: Ետոյ շքմիւնէին մօտ գնաց, նամակը կրակը նետեց և դէպի Սավարին յառաջացաւ:

Սավարի գլուխը վեր վերցուց և առանց հասկնալու թէ ի՛նչ կ'ուզէր ան իրմէ, զայն կը դիտէր:

Ճիւղիա երբ անոր մօտեցաւ, անուշ շեշտով մը ըսաւ.

— Շատ տառապեցուցի ձեզի, ներեցէ՛ք և երբեք պատճառը մի հարցնէք անցեալ վարմունքիս: Անիրաւութիւններ գործեցի ձեզի հանդէպ, բայց զանոնք պիտի դարմանեմ:

Հազիւ այս խօսքերը ըսաւ սկսաւ հեկեկալ արցունքներու մէջ:



ԺԲ.

Մասնաւոր կառք մը՝ որուն նորմանտական երկու  
ուժեղ ձիեր լծուած էին, աւտու մը եկաւ կեցաւ Օթէլ  
աէ Բրէնսի դրան առջեւ :

Յանկարծ, կառուպանին քով նստող սպասեակը  
վար ցատկեց տեղեն և փութաց հրամաններ առնել  
կառքին մէջի անձէն :

— Հասկցէք թէ, ըսաւ այդ անձը, կոմս Բուպինի  
միշտ հոն կը բնակի և թէ հիմա ներսն է :

Սպասեակը փութաց այդ հրամանները կատարել և  
վերադարձաւ յայտնելով թէ կոմսը հոն է և դեռ դուրս  
ելլելը չէն տեսած :

— Ուրեմն, դուռը բաց և օգնէ որ իջնեմ ըսաւ  
կառքին տէրը : Հասկցա՞ք թէ ո՞ր թիւը կը բնակի .  
աւելցուց բակէն անցնելով :

— Այո, 9. Մարքիզ, պատասխանեց սպասեակը,  
երկրորդ յարկ, թիւ 4 :

— Երկրորդ յարկ. չա՛ր սատանայ. ինծի համար  
քիչ մը բարձր է աւտուանցով. կը վախնամ որ սադա-  
յելական յօդացաւս նորէն մէջտեղ ելլայ. . : է՛, նա-  
յինք հասանք վերջապէս :

— 9. Մարքիզ, ահա՛ դուռը :

— Բաց ուրեմն, փոխանակ ինծի օտքի վրայ  
սպասցնելու : Աղէկ. հիմա ա՛լ գնայ դուն. մինակս  
կրնամ վար իջնել :

Վիպէտ շրմինէին առջեւ նստած կրակը կը խառնէր :  
Երբ դուռը բացուեցաւ, գլուխը դարձուց, զարմացման  
ճիչ մը արձակեց, յանկարծ ոտքի խոյացաւ և վազեց  
դէպի այցելուն գոչելով .

— Ի՞նչ, Պարոն Մարքիզ դուք իմ տո՛ւնս . . .

— Այո՛, այո՛, տունդ, զարմանալիք ի՞նչ կայ. չէ՞  
մի որ Բուպինիի կոմս կը կոչուիք . . . Ազնուականութենէ  
չեմ իյնար ուրեմն : Քիչ մը քիչ զարմացիր և թիկնաթոռ  
մը առաջ քշէ նայի՛մ . . .

..

Ք. Մարքիզ, այն որ վիպէտի հետ կը թղթակցէր  
և անոր պաշտպանն էր, 65 տարու կար : Աշխարհիս  
ամենէն մտացի դէմքը ունէր, նուրբ շրթունքներ, և  
Ֆալդուրի մօրուք՝ անգլիական ձեւով կտրուած : Յիշելով  
իր երբեմնի զօրականութիւնը, կը փորձէր շիտակ բռնել  
իր հասակը, որ թեթեւ մը կքած էր : Իրեն հատուկ  
ձեւովը հագուած էր : Բաճկոնակը չափէն աւելի երկայն  
մինչեւ դուշը կը կոճկուէր. չապիկին վիզը շատ բարձր  
էր. իր սեւ վերարկուն մասնաւոր ձեւ մը ունէր և իր  
տաբատը լայն էր հիւսարներու տաբատին պէս :

Ք. Մարքիզ 1835էն 48 ազնուականներու Խորհրդ-  
դարանին շփացած տղան էր : Իր սրամտութիւնները  
սալօններու մէջ կը գտնէին իրենց արձագանքը, և միակ  
ազնուականը եղած էր որ քիչ մը ժողովրդականութիւն  
չհանձ էր. իր ձառերը միշտ մեծ ընդունելութիւն կը  
գտնէին, մարդիկ կային որ գոց կը սովորէին, և ան,  
ուրախութիւն պատճառելու համար ընկերակիցներուն,  
յանպատրաստից կ'ելլէր ոտքի, ձեռքերը վերարկուին  
գրպանը և օրակարգէն կը շեղէր .

— Բայց 9. Ք, ինչո՞ւ խօսքի կը սկսիք երբ խօսք  
առած չէք, դիտել կ'ուտար նախագահը :

— 9. նախագահ, կը պատասխանէր Մարքիզը իր  
կտրուկ ձայնով, ներեցէք յայտնելու թէ, եթէ խօսք  
ունէիք ստիպուած պիտի չըլլայի խօսք ուղելու . . .

— Պ. Բ. Թոյլ տուէք որ ձեզի դիտել տամ թէ խնդիրին մէջը չէք բնաւ. ժամէ մը ի վեր Անգլիոյ վրայ կը խօսիք մեզի, Անգլիոյ խօսքն անգամ չկայ մէջտեղը:

— Պ. նախագահ, կը բացատրէր Մարքիզը միշտ հանդարտ, աղէկ գիտէք որ իմ Անգլիացիներուն հանդէպ տածած սէրս չի խղդեր զիս. եթէ անոնց վրայ կը խօսիմ, անո՛ր համար է որ անոնք փակչած են ամէն խնդիրի:

— Բայց ո՛չ ասոր:

— Ներողութիւն կը խնդրեմ Պ. նախագահ, քանի որ ես միշտը գտայ զանոնք մէջ խառնելու:

Հակառակ ամեն ընդմիջումներու կը շարունակէր ձառել ժամ մը, մի՛շտ շահագրգիռ, քեղեցիկ և հաճելի ոճով մը, ամեն բանի մէջ խառնելով Անգլիան և միշտ իր թէզը զարդարելով նորանոր և հրապուրիչ իրերով:

\*  
\*\*

Երբ Բ. Մարքիզ աղէկ մը հաստատուեցաւ թիկնաթոռին մէջ, Վիպէռի կողմը դարձաւ և ըսաւ.

— Ուրեմն կը կարծէի՞ք թէ երբ իմ օրական թերթօնս դադրեցնէիք չպիտի ըմբոստանայի և շարունակութիւնը գիտնալու համար չպիտի գայի գլուխ ցաւցնելու...: Ամիսէ մը ի վեր, մեր պայմանին համաձայն, ամեն առտու իմ նախաձաշա՝ ութը էջերը կը լրկէիք: Ամենէն փոքր մանրամասնութիւնները կը գրէիք Լա Բէ փողոցին ծանօթ ոճրին: Կը ծանուցանէիք բոլոր շարժիւններն ու դէպքերը գեղանի ձիւլիա Վիտալի, ինչպէս նաեւ սա սիրուն ու շահագրգիռ դէմքին, Սալարիի: Կը տեղեկացնէիք թէ յաջորդ օրը պիտի կատարուէր

դաշոյնի մեծ փորձը Գաֆէ Անկլէի մէջ: Անձկալիր և մեծաշուք էր այդ բանը, թերթօններէ՛, հէքեաթներէ աւելի՛ բան մը: «Շարունակութիւնը վաղուան թուով»ը խայծ մըն էր որով կը ծաղրէին զիս, քու ամենէն հաւատարիմ ընթերցողդ...»

— Ահ, եթէ գիտնայիք Պ. Մարքիզ. . . ըսաւ Վիպէռ տիրօրէն:

— Է՛, խե՛րն անիծածս, եթէ գիտնայի քեզի չպիտի հարցնէի: Ըսէ նայինք ի՞նչ եղան քու բոլոր ներսներդ. ես կը սիրեմ այդ մարդիկը, Բու ձիւլիադ շատ չխօսիր, աստիկա ճշմարտութիւն մըն է զոր պէտք է խոստովանիմ քայց, ջղային է: Սա վարիդ մեզի շրջապատող ապակած ընկերութեան մէկ սիրուն բերքն է. ինձի հաճելի կը թուի այդ տղան, չարաճճին...»

— Ինչ մը չունիմ ըսելիք Պ. Մարքիզ, Շարաթէ մը ի վեր ո՛չ մէկը տեսած եմ ատոնցմէ:

— Աղէ՛կ կը խարստ ինձի. գոչեց Մարքիզը. Է՛, արհե՛տող, գործդ ո՛ւր ձգեցիր:

— Գործս յանցաւոր մը փնտռելուն մէջն էր, փընտըռեցի և գտայ զայն:

— Ա՛հ, քիթը ձեռք տո՛ւաւ վերջապէս այդ սինլ֊քո՛րը:

— Պ. Մարքիզ անտարակոյս կը կարծէք թէ Սալարիին համար կ'ըսե՞մ:

— Բնականաբար...»

— Սխալ է, Սալարին չէ յանցաւորը:

Վիպէռ Բ. Մարքիզին պատմեց Լանկլատի և Սօլէյլ Բուչանի պատմութիւնը, որ փոխանակ շահաքրքուր Պրանտացի աղնուակաւը, զայն շատ դժգոհ կացութեան մը մէջ ձգեց:

— Եւ անա սիրուն ելք մը, ըսաւ Մարքիզը երբ Վիպէռ խօսքը դադրեցուց. մարդասպանը պարզ թիա-

պարտ մըն է... Ահա գործ մը որ քիչ մը տարօրինակը կ'երեւայ. սիրուն կին մը, գեղեցիկ երիտասարդ մը, փողոցի սէր մը, վերջապէս հետաքրքրական բան մը: Եւ այդ սիրուն վէպը կը վերջանայ աշխարհիս ամենէն աւմիկ ձեւովը: Սովարի և Ճիւլիա իրենց մանր մունր գործերուն պիտի վերսկսին և ձախաւէր մը միայն պիտի վերսկսին և ձախաւէր մը միայն պիտի գտնուի բանտին մէջ: Օ՛հ որչափ աղէկ կը ճանչնամ մեր ժամանակներու բարքերը:

Յետոյ ուղղակի Վիպէռի ուղղելով շարունակեց.

— Բայց, երբ ամէն բան վերջացաւ, երբ քու մարդասպանդ գտնուեցաւ և Սովարի ձիւնի պէս ձերմակ դուրս ելաւ, ի՞նչու դեռ կը շարունակէք Ռիւպինի կոմս մնալ, այսքան բարձր պանդոկ մը բնակիլ իմիններէս աւելի չքեղ հագուստներ հագնիլ, ժառանգութիւն մը ինկաւ արդեօք:

— Տէ՛ր Աստուած, Պ. Մարքիզ, ըսաւ Վիպէռ քիչ մը վրդովուած, հազուստներս գործածելու և հոս կենալս 15 օրի ամբողջացնելու համար է որ...

— Իրա՛ւ, է, իրա՛ւ ի՛մ փոքրիկ պաշտպանեալս՝ կը կարծէք թէ կը հաւատամ ատանկ խօսքերու: Առանց օգտակարութեան գործածել ձեր գեղեցիկ հագուստները... Դո՛ւք պիտի ընէք այդ բանը. հազար անգամ կը նախընտրէիք հնավաճառի մը ծախել զայն: 15 օրը ամբողջացնել ասանկ սուղ տեղ մը... Ասկէց զատ հոս օրականո՛վ է վարձքը... Եւ ձեռքերս կը կտրեմ, եթէ ո և է սպասաւոր ուղէր որ հոս մնաս, ա՛յնքան կծծի ես որ... Եթէ քեզի պէս տասը հողի ըլլար այս հաստատութիւնը կը կործանէ՛ր... Սիրելի Վիպէռս, ուրիշ պատճառներ ունիս հոս մնալու, և ես պիտի ըսեմ զանոնք եթէ մտիկ ընես...

— Բայց Պ. Մարքիզ...

— Ականջ չես կախեր, կը զգաս որ հասկցած եմ արդէն, դուն որ այնքան նրբամիտ էիր սակայն:

— Օ՛հ, ձեզի հետ նրբակրկիտ չեմ Պ. Մարքիզ:

— Իրաւո՛ւնք ունիս, խոշոր պէպէք, պատասխանեց Ք. Մարքիզը Վիպէռի մօտենալով. և անոր ականջէն բռնելով, պատմէ նայիմ ցաւերդ որ մխիթարուիս. ինձի չըսես որո՞ւ պիտի ըսես, ոչ ազգական ո՛չ բարեկամ և ոչ ալ կին ունիս. ինքն իս վրադ պիտի ծանրանաս և եթէ վիշտ ունենաս ուրիշներէն աւելի՛ կը տառապիս:

— Օ՛հ, այո, յարեց ոստիկանը հառաջելով:

— Կը տեսնաս որ ձիւղ գուշակած եմ: Օ՛ն, անկեղծութեան օրինակը ես տուի քեզի: Մինակ հետաքրքրութեանս զգացումը չէ որ զիս հոս առաջ մղեց այլ քեզի մխիթարելու փափաքս: Կը կարծես թէ քու նամակներէդ չէի՞ հասկնար մեծնալը այն վշտին որ քեզի կը տառապեցնէ հոս: Չէի՞ հասկնար թէ ինչո՞ւ լուռ կը մնայիր, մինչ այնքան սրտազեղ էիր երբեմն. աղէկ գիտես որ կը սիրեմ քու մտքիդ դարձուածքները, քաջասրտութիւնդ և սուրբ ինքնուրոյնութիւնդ: Դուն ուրիշներուն պէս չես: Գու յատկութիւններովդ դար մը առաջ մեծ դիւանադէտ մը կրնայիր ըլլալ: Օ՛հ խօսէ տեսնենք կարգը քուկը է ա՛լ...

— Ի՞նչ ըսեմ, երբ այնքան խոր կերպով յուզուած եմ...

— Բաւակա՛ն է, երախտագիտութեան գործերը չը խառնենք հոս: Մինակ խոստովանէ թէ ինչո՞ւ այս պանդոկը կը մնաս դեռ. և եթէ կուզես ե՛ս քեզի ըսեմ թէ ինչո՞ւ դեռ պիտի կրես ս Ռիւպինի կոմս անունը, աղնուսականի պէս պիտի հագուիս և այս պանդոկը բնակիս. որովհետեւ քեզի կը թուի որ երբ Արպըր-Սէք փողոցը

դառնաս իբր պարզ Վիպէն, խոշոր վիճ մը պիտի գտնես ջուռ և այդ կնկան միջեւ: Ճիշտ գլխուն զարկի. անանկ չէ՞:

— Այո՛, պատասխանեց Վիպէն պարզապէս:

— Ուրեմն կը սիրե՞ս զայն:

— Ո՛հ, ա՛յնքան կը սիրեմ որ... Կոյսի մը բոլոր խանդո՛վը, որ առուր զարգացող երեւայակայութիւնով մը, անծանօթ դրդուժով մը կը սիրեմ զայն... Յարժ սիրտս չէր խօսած, հանդիպողին սէր չեմ կեղծած, աղտոտութիւններու մէջ շեմ ինկած: Մինչեւ հիմա հանդիպած կիներէս ոչ մէկը սիրտս վրդոված է, անոնք ամէնքը կ'անցնէին քովէս, և ես «գլուխս անգամ չէի դարձներ... Բայց ան, ան տեսած վայրկեանիս իսկ զարթնում մը, յեղակարծ փոփոխութիւն մը զգայի ներսս. արիւնս տաքացաւ, և ջիղերս ուժովցան: Դէմքս կ'այրէր, կուրծքիս տակ սիրտս կ'ուռէր: Ա՛նա՛, ՅՅ տարեկանիս է որ անա կը սիրեմ ապրիլ: Բայց այս կիրքերը... Պէտք է որ խեղդեմ զանոնք: Ան որ պատճառ եղաւ այդ զգացումներուն՝ չհասկնար զանոնք, և չկրնար թափանցել... Ո՛հ, եթէ գիտնայիք թէ ի՞նչ տաժանելի բան է կարենալ ըսել ինքնին:

«Ա՛նա՛ վերջապէս այն կինը՝ որուն կ'սպասէի. հո՛ն, իմ մօտս է ան. կը տեսնեմ զինքը, բայց չեմ կրնար դպչիլ»: Սակայն ասիկա ալ միւսներուն պէս կին մըն է. անոնցմէ շատ աւելի գեղեցիկ և լաւագոն է, և սակայն ճիշդ անոնց դէմքը ունի. կի՛ն մըն է բարին ըովանդակ առումովը. և ընդունակ յուզուելու, բա՛ւ է որ ճարտար խօսիլ գիտնաս:

Արձան մը, մարմարին մը, կուռք մը չէ՛ ան՝ այլ ճշմարիտ կին մը... Բայց ես ուրիշ մարդերու նման մարդ մը չեմ, այնպիսի կողմուռածք մը ունի որ, զիս տեսնողը կը կարծէ թէ արդեօք ծնած ատենս ո՛ղջ էի՛:

կիները բարեփոխուած կապիկի մը տեղը պիտի դնէին զիս:

— Այդչափ գանդատելու իրաւունքը չունի՛ք, ըսաւ Ք. Մարքիզը, որ կ'ուզէր փոխել:

— Այդպէ՛ս կը կարծէք Պ. Մարքիզ, կ'ուզէի որ անանկ ըլլար:

— Ե՛ս ալ:

— Իմ կրած տառապանքներու նմանը չի կայ. շարունակեց Վիպէն: Ես աւելի դժբաղդ եմ այն մարդէն, որ միշտ ծարաւ էր և միշտ անօթի. ան կ'ուզէր իր գլխուն վրայ կախուած պտուղները խածնել և երբ իր գլխուն վրայ կախուած պտուղները խածնել և երբ ձեռքը կ'երկարէր, կը հեռանային անոնք: Ես ալ կ'ուզեմ սէրը ճաշակել, և սէրը կը փախչի ինչ, երբ ես զայն կը կանչեմ, երբ ես անոր երեսն ի վեր կը պօռամ, « Եկու՛ւր, յաղթութեանդ տակ ընկճեցայ »:

Վիպէն տեսակ մը դառն հաճոյք կ'ըզար այսպէս իր բոլոր վերքերը մէջտեղ դնելով, ըսել.

— Ա՛նա՛, ասկից է որ կը տառապիմ, ասկից է որ սիրտս կ'արիւնի. անա՛՛ վիշտը որ զիս կը կրծէ:

Մարքիզը ուշադիր մտիկ կ'ընէր. կ'ըզար որ կ'երկատասրգանար այս աւելի կրակոտ, աւելի կրքոտ մարդուն քով: Ինք որ պաշտօնական մթնոլորտի մէջ կ'ապրէր, ծանրաշուք, եսասէր և պաղարիւն՝ բնութիւնով և հաշիւներով, հաճոյք կ'ըզար իր մօտը տեսնելով ուժեղ և եռանդոտ մէկը: Տարիքին բերմունքով իր սառած անդամները կամաց կամաց կը տաքնային Օթէլ տէ Բրէսօ սի սա յարակաւնին մէջ, Մնաց որ Վիպէն իրեն համար օտար չէր: Հին յիշատակներ, միացման զաղանի կատար չէր, միջոցառումներ, միջոցառումներ, ազնուականը կը կապէր ոտտիկանութեան սա փոքր պաշտօնեային: Մարքիզը կը տառապէր իր պաշտպանեային տառապիլը տեսնելով. կ'ուզէր մխիթարութիւն մը տալ այդ վըշտներուն:

— Խրատ տուող մը չեմ, ըսաւ անոր, ո՛չ գառանցող մը, ո՛չ ալ ցնդած մը, ինչպէս տարիքս կարծել կուտայ: Չպիտի ըսեմ թէ պէտք է յաղթահարես կիրքերուդ և արգիլես սիրտդ բարախելէ. աղէկ գիտեմ որ ասկից աւելին չէք ուզեր արդէն. յոյսեր ալ չպիտի տամ որոնք վտանգաւոր կրնան ըլլալ և որոնց վրա հաւատք չունիմ: Իրաւ է որ դժուար է Տիկին Վիտայի ձեզի կարենալ սիրելը, ո՛չ թէ ձեր անկատարելութիւններուն համար, այլ անոր քով դիրքիդ համար. անիկա վարժուած չէ քու մէջդ էրիկ-մարդ մը տեսնելու, դուք անոր համար միջոց մը, գործակատար մը, ի՛ր մըն էք: Եթէ Ֆիզիքական կազմուածքի թերութիւն մը ինդրոյ տակ չըլլար, կրնայի յուսալ: Կիները մենէ աւելի խստապահանջ են. մինչ մեր բոլոր գրադու մը անոնց գեղեցիկ ըլլալուն մէջ կը կայանայ, անոնք յաճախ կը փնտռեն մեր բարոյական յատկութիւնները և աւելի հիմը կը փնտռեն, անկէ կը գրաւուին քան թէ ձեռէն, մենք, էրիկ-մարդիկս քիչ կամ շատ նիւթապաշտ ենք, իսկ անոնք աւելի հոգեպաշտ. բայց քու սիրած կնոջդ պէս կին մը չհաւատնիր բարոյական թերութիւններու. . . ան կրնայ շարագործի մը սիրահարիլ, եթէ այդ մարդուն երեւա՞ կայութիւնը վառվառն և մեղկատենչ է. բայց չի կրնար սիրել թշուառ մը որ իրմէ աւելի վար դասակարգէ մըն է և որ աւելի կամ նուազ անախորժ գործի մը մէջ:

Մարքիզը վայրկեան մը մոռցաւ իր յողատապը, ոտքի ելաւ. Վիպէնը թեւը անցուց և սաիպելով զայն որ միասին պտտի սրահին մէջ, սապէս շարունակեց.

— Կը տեսնէք որ անկեղծ, նոյն իսկ քիչ մը կոշտ կը խօսիմ, ինչպէս որ պարտքս է, ինչպէս որ իրաւունք ունիմ: Բայց կ'ուզեմ մխիթարել քեզ քիչ մը: Սիրոյ մէջ ինչ բան աւելի մարդս կը տառապեցնէ. սա թէ. « այս կիներ որուն այնքան կը բաղձամ, ուրիշի մը կը

պատկանի. ես չեմ կրնար ինքզինքս սիրցնել անոր, ու ան կը պաշտէ միւսը »: Ասանկ պարագայ գոյութիւն չունի Տիկին Վիտայի համար. ամբողջովին իր ամուսինն նուիրուած իր սիրտը անզոյս է բոլոր հրապոյրներու:

Վիպէն կեցաւ յանկարծ, քակեց իր թեւը, որուն վրթնած էր Մարքիզը, և յանկարծ ըսաւ:

— Ինծի խօսեցնել կ'ուզէ՞ք, հա՞:

— Ե՞ս, յարեց Ք. Մարքիզը զարմացած: Բայց, տղաս, սիրադ ամբողջովին բա՛ց ինծի. խոստովանանքդ կէս ձեզիդ. քու ցաւդ ի՛մ ցաւս ալ է:

— Պ. Մարքիզ, գոչեց այն ատեն Վիպէն, նախանձառ եմ, կատաղի՛ կերպով նախանձառ:

— Եւ որմէ՞ կը նախանձիս:

— Սավարիէ՛ն:

— Սավարիէ՛ն. . . ձիւլիա զա՛յն կը սիրէ:

— Պիտի սիրէ՛. . .

— Անկարելի՛ է. ինչ բան այդպէս կարծել կուտայ քեզի:

— Ամեն բան պարոն, ամեն բան. ան, չէք ճանչնար այդ Սավարին: Մեծ է, ազւոր է, շնորհալի և աչքի զարնող է. իր խօսուածքը քաղցրութիւն մը ունի, ճկուն և ճարտար է, իր բոլոր յատկութիւնները գիտեմ և կ'երդնու՛մ որ այդ ձիրքերով կրնայ ամեն մարդու ալ հաճելի թուիլ:

— Բայց ձիւլիա պէտք է որ ատէ այդ մարդը. միթէ ան իրեն համար ամուսնոյն սպաննիչը չէ՞ր:

— Բայց չէ՛ այլեւս:

— Սակայն այդպէս չանցնուիր ատելութենէն սէրի:

— Ներում կ, ինդրեմ Պ. Մարքիզ. դուք ինէ շատ քան գիտէք. ճիշդ ատելութենէն է որ սիրոյ կ'անցնուի. նոյն իսկ առած մըն ալ կայ այդ մասին: Ո՛հ, եթէ Սավարի անոր նկատմամբ անտարբեր ըլլար, իրաւունք

պիտի ունենայիք: Ես բազդ չունիմ արդէի, ինչպէս կ'ըսէիք. բայց ան ունի՛, ունի՛, Մտածեցէք որ Տիկին Վիտալ անիրաւութիւններ գործած է, անարդարօրէն զայն ամբաստանած է, կասկածած է անկէց. հիմա կ'ուղէ զարմանել այդ ընթացքը. և մարդ չգիտեր թէ մինչև ո՛ւր կը յանգի այն կինը որ միտքը զրած է անիրաւութիւնները դարմանել...

— Թո՛ղ ըլլայ. կը հաւանիմ, բացատրեց Մարքիզը. բայց սիրելիս, կը մոռնաք թէ Տիկին Վիտալ պարկեշտ կին մըն է, որ կը սիրէր իր ամուսինը և երկար ատեն հաւատարիմ պիտի մնայ անոր յիշատակին:

— Ահա՛ սխալը, Պ. Մարքիզ. Տիկին Վիտալ չէ՛ սիրած իր էրիկը:

— Ի՞նչ կ'ըսէք:

— Այո՛, ցարդ առած տեղեկութիւններս ընաւ կասկած չեն ձգեր: Չէ՞ մի որ արհեստով և բնութեամբ դիտող մըն եմ: Կինը ձենովա կը բնակէր իր ընտանիքին մէջ. երբ Մօրիս Վիտալ հոն գնաց, տեսաւ և ամուսնութեան խնդրեց: Ան հաւանեցաւ այս միութեան և որովհետեւ իւղոտ կտոր մըն էր էրիկը. պիտի դար Բարիզ բնակիլ, ինչ որ բոլոր օտարականութեան երազն է, և թէ վերջապէս առաջին այրը որ կը սիրաբանէ ղեռատի ազջկան մը, անոր հաճոյանալու բազդը կ'ունենայ: Այդ կինը սէր նկատած է այն զգացումը որ նախ պարզ հետաքրքրութիւն մըն էր և որ յետոյ պատուաւոր միացումի մը վերածեց: Գալով ճշմարիտ սէրին, իր ամուսինը, ինչպէս ամեն ուրիշ ամուսիններ, չէ աչխատած ներշնչել անոր: Ասկէց զատ Մօրիս Վիտալ, իբր մտացի մարդ, վտանգաւոր նկատեց աւելի եւս գրգռել իր կնոջ արդէն իսկ այնքան վառ երեւոյթները: Գուցէ չխորհեցաւ իսկ սէրը ներշնչելու վրայ: Իր քիչ մը խիստ նկարագրովը, ցուրտ բնութիւնովը իւելացիօրէն և պատ-

ուորապէս սիրել գիտէր. սակայն կ'անգիտանար կիրքի մը սահմանազանցութիւններուն: Ան իր կնոջմէն պահանջեց միայն այն՝ ինչ որ կրնար տալ, այսինքն անձնութիւն ամեն պարագայի մէջ, մեծ յարակցութիւն մը և քաղցր գորով մը:

— Կ'ըսէք որ ձիւլիա իր ամուսինը չէր սիրեր. թէ այնպէս է, ի՞նչ կը բացատրէք ունեմն Տիկին Վիտալի այն վայրագ յուսահատութիւնը և գրգռութիւնը երբ տեղեկացաւ էրկան մահուան:

— Չպնդեցի Պ. Մարքիզ թէ, Տիկին Վիտալ չորրորդեցաւ: Ըսի թէ զայն ստիպեցին զսպել այդ բորբոքումը. այսպէս, Մօրիս Վիտալի մահուան վրէժը լուծելու համար ան իր մէջ դտաւ եռանդոտ զգացումներ, որոնք մինչև այն ատեն խղզուած էին: Բայց հիմա ա՛լ յուսահատ՝ անգտանելի մարդասպան մը փնտռելէ, կը հրաժարի վրէժխնդրութենէ. բայց պէտք է որ իր բորբոքումը, յախտակութիւնը գոհացում մը դտնեն. ատոր համար ալ Սավարին հո՛ն է ահա...

Մարքիզը վայրկեան մը լուռ մնալէ ետք ըսաւ Վիպէտի.

— Է, ի՞նչ ընես պիտի հիմա:

— Չեմ գիտեր. պիտի տառապի՛մ. մեծ զբաղո՛ւմ մըն է այդ, օն.

— Միտք ունի՞ս ղեռ այս պանդուկը բնակելու:

— Այո, ցորչալի արածադրելի դրամ ունենամ:

— Պիտի փորձե՞ս դարձեալ տեսնել Տիկին Վիտալը:

— Չայն դարձեալ տեսնե՞լ... այո՛, խօսի՞լ, ո՛չ.

Ի՞նչ հարկ, երբ ալ իմ ծառայութեանս պէտք չունի.

— Չեմ հասկնար ըսածնիդ. ի՞նչպէս զայն կը տեսնես և չես խօսիր. ճամբան պիտի սպասես, դուն որ...

— Ո՛չ իր տունը պիտի երթամ:

— Այն ատեն.

— Զայն պիտի կրնամ տեսնել և ինք զիս չպիտի նշմարէ, կասկածի թէ ես իր ետեւը կեցած եմ: Երբ անոր բնակարանը կը վարձէի թաքստոց մը ինչի վերապահեցի. այո, կրամօն փողոցի տան մէջ իմ խուցս ունիմ, ինչպէս էզմէրալտայի սիրահարը ունէր Նօթր-Տամի մէջ...

— Ամեն բան խորհեր ես:

— Խորհեր էի նախ յանկարծակի բերել, Սաւարին, սիրային խոստովանութեան մը միջոցին: Հիմա կը խորհիմ...

Կեցաւ:

— Շարունակէ՛, ըսաւ Մարքիզը տիրաբար.

— Կը խորհիմ ուժ տալ իր սիրոյն, աւարտեց վիպէն. ասիկա չէ՞ արդէն իմ ճակատագիրս. կրնամ իմ հաշուոյս ապրիլ. ուրիշներու կեանքով ապրելու պարտական չե՞մ միթէ...

— Ի՛նչպէս. քաջութիւն պիտի ունենամ այդ բանին:

— Այո. մտիկ ըրէք: Տիկին վիտայի յարկարատինը մէկ կողմէն ուղղակի հաղորդակից է ննջասենեակին և դէմի սենեակին հետ: Բայց խորը, դէպի աջը, չըմինէին կողմը և անոր յաճախ նստած քանաբէին դէմ ապակեպատ դուռ մը կայ: Այդ դուռը թէ՛ ներսէն և թէ՛ դուրսէն կղպուած է: Դռնապանին սենեակին առջեւէն կ'անցնիմ. ան կը կարծէ թէ Տիկին վիտայի կ'երթամ և ուշադիր չըլլար. փոխանակ մօժ սանդուխէն վեր ելլելու, փութով կ'անցնիմ միւս փոքր սանդուխէն. դուռ մը կը բանամ, որուն բանալին քովս պահած եմ, նրբանցքը կը մտնեմ և ինքզինքս կը դտնեմ ապակեպատ դրան առջեւ: Այն ատեն անկիւն մը կը քաշուիմ, աչքս կը դնեմ նախապէս բացած մէկ ծակին, և ներսը կը դիտեմ առանց նշմարուելու, կը լսեմ, մինչ անոնք

զիւ չպիտի լսեն, որովհետեւ շունչս կը բռնեմ և երկու ձեռքերովս սիրտս կը ճնշեմ որ չբարախէ:

— Բայց թշուառ տղայ, խենթութի՛ւն է այդ:

— Խելացութի՛ւն է: տառապանքի ուժովը գուցէ վիշտս պիտի հինցնեմ:

— Զգէ՛ այդ անմիտ ծրագիրը, ըսաւ Մարքիզը. քեզի յանձնուած պաշտօնը աւարտեցիր շնորհիւ ճարտարութեանդ: Մօրիս վիտայի սպաննիչը գտնուեցաւ սա դործը ա՛լ քեզի չնայիր. դատաւորները պէտք է շարունակեն. քու հին զբաղումներդ ձեռք առ նորէն, գնա քու Արպր-Սէք փողոցը, և բնաւ մի զատուիր անոնցմէ:

Զեմ կրնար այլեւս զառնալ քրասնեակ և աշխատիլ. միտքս ուրիշ տեղ պիտի ըլլայ:

— Կը նախապատուե՞ս Բարիզը, Դրսնսան թողուլ և ճամբորդել, աշխարհը պտտիլ... իմ հարստութիւնս չեմ գիտեր ինչի՞ դործածեմ, հասոյթներս կը մտահոգեն զիս. բնաւ միտք չունիմ իմ լիրտած եղբօրդ ժառանգութիւնը բարդելու. մէկնէ՛ և ես քեզի աղէկ թուշակ մը պիտի կապեմ:

— Ա՛խ, պարոն ո՛րքան բարի էք:

— Զէ՛, բարի չեմ, քեզի կը սիրեմ միայն անմիտ, տեսնեք կ'ընդունի՞ս:

— Ոչ Պ. Մարքիզ, ուժ պիտի ունենամ տառապելու և քաջութիւնը չի պիտի ունենամ անկից հեռանալու:

— Սատանան տանի՛ քիզի՛ քեզի, ուրեմն, գոչեց Մարքիզը գլխարկը առնելով:

— Ստիկա աղէկ խորհուրդ մըն է, որուն պիտի հետեւիմ, պատասխանեց վիպէն, մինչեւ սանդուխին վարը յարգանօք ընկերանալով իր պաշտպանին:



ԺԳ.

Շատ բնական պիտի ըլլար որ եթէ Վիպէո Օթէլ տէ  
 Բրէնը ձգէր, Տիկին Վիտալ ալ անշուշտ պիտի դառնար  
 Լա Բէ փողոցի իր տունը: Չէ՞ մի որ ինք Սաւարին  
 ընդունելու և իր անցեալը ծածկելու նպատակով փո-  
 խադրուած էր Կրամօն փողոց. ինչո՞ւ հիմա այնչափ  
 գաղտնապահութիւն. ինչո՞ւ դարձեալ չառնէր իր ճշմա-  
 րիտ անունը և չդառնար հոն՝ ուր իր սրտին այնքան  
 մօտ յիշատակներով լեցուն էր:

«Չերբակուեցաք, պիտի ըսէր ձիւլիա Սաւարին,  
 որովհետեւ ոճիրով մը կասկածելի էիք. չէի ճանչնար  
 ձեզի, ե՛ս ալ կասկածեցայ, ծպտեցայ, այլափոխուեցայ  
 որպէս զի մեղապարտութեան ապացոյցներ ձեռք ձգեմ,  
 այսօր ձեր անմեղութիւնը հաստատուած է, ներում կը  
 խնդրեմ ձեռէ իմ վատ կասկածներու համար և դարձ-  
 եալ կ'ըլլամ ձիւլիա Վիտալ»:

Բայց ձիւլիա չհամարձակեցաւ ստանկ լեզու մը  
 գոյ ծածկելու. կը վախնար Սաւարին այդօրինակ նեղ և  
 դժնդակ կացո թեան մը մէջ ձգելու, նոյն իսկ իր դէմը:  
 Կը վախնար գուցէ որ իր անցեալ բոլոր այդ երազներուն  
 համար պիտի կարծէր անոր առջեւ:

Այսուհանդերձ ինքնիրեն կ'ըսէր. «Աս առանկ չկր-  
 նար երթալ, պէտք է որ գիտնաք ո՛վ ըլլալս. չեմ  
 ուզեր շարունակել այս յաւերժական կատակերգութիւնը  
 և ինքզինքս բազդախնդրութեան տալ. Անուն մը ունիմ,  
 պատուաւո՛ր անուն մը, պէտք է զայն վերստաձնեմ.  
 պիտի խօսիմ, պէ՛տք է որ խօսիմ»:

Չէր խօսեր սակայն և կը շարունակէր խաբել,  
 չխօստովանելու համար թէ երբեմն խաբած է զայն:

Իրենց անցեալ կեանքը ձեռք առած էին. միայն  
 թէ Վիպէո չէր գար խանգարել իրենց գլուխ-գլխին:  
 Այս յանկարծական անյայտացումը վայրկեան մը մտա-  
 հոգեց Սաւարին. պատճառը հարցուց ձիւլիային, որ  
 վրդովեցաւ և չկրցաւ պատասխանել: Սաւարի կարծեց  
 թէ պէտք չէր պնդել և խիստ բնականօրէն մտածեց թէ,  
 կոմսը որուն վրայ առաջները տեսակ մը նախանձութիւն  
 նշմարած էր, այլեւս պող կը վարուէր իր ազգականու-  
 հիին հետ, ի՛րեն պատճառով:

Այն օր, կէս օրէն ետք, ժամը Չին ատենները,  
 Սաւարի ձիւլիայի տունը կ'երթար և հացի ատեն միայն  
 կը բաժնուէր: Անոր մօտ քանարէին վրայ նստած, կը  
 խօսէր իր պատանութեան, կեանքի մէջ մտնելուն, իր  
 պայքարներուն և իր պատրանքներուն վրայ: Կր փորձէր  
 որ ան զինքը ճանչնայ իրապէս և ազէկ դատուժ մը ընէ  
 ինչ որ չէին ընէր սովորորաբար իրեն համար:

— Կ'ամօթեն զիս թէ, կ'ըսէր, օրը օրին կ'ապրիմ,  
 փնծի համար ընկերային դիրք մը շինած չեմ մայր-հա-  
 շիւրիս մէջ հասոյթներ չունիմ և թէ անօգուտ եմ. ինչ-  
 պէս ամենուն նոյնպէս ինքզինքիս համար: Իրաւո՞ւնք  
 ունին. եթէ կեանքս վերսկսիլ հարկ ըլլար, ուրիշ ձեռով  
 պիտի ըմբռնէի զայն. բայց պէտք չէ՞ որ նկատի առ-  
 նուին նաեւ այն անհամար խոչնդոտները որոնց հան-  
 դիպած եմ ճախրուս վրայ... Կեանքի մէջ նետուած եմ  
 առանց պաշտպանի, առանց ընտանիքի և բարեկալի. մի  
 միայն քանի մը հազար ֆրանսով: Պէտք է աշխատիլ.  
 Բայց ինձի աշխատութիւն սովորեցած էին. ո՛չ. մայրս  
 հազիւ ինձ իմ կը զբաղէր, մինչև հանդէսները կը մրտա-  
 ծէր, որոնց մէջ անհրաժեշտ էր: Ես զինքը չեմ դատա-  
 պարտեր. ինք զիս սիրած է ուղածին պէս. բայց պա-

բազաններ կան ուր լաւագոյն է զաւակ չծնիրը... Եթէ գիտնայիք թէ ի՞նչ տեսարան ունէի աչքիս առջեւ, ի՞նչ այլանդակ կեանք մը կը վարէի, ի՞նչ անկանոնութիւններ կային մեր կենցաղավարութեան մէջ... Օր մը հարուստ էինք, հետեւեալ օրը աղքատ: Յնորեցուցիչ պարահանդէս մը կուտայինք. բոլոր թերթերը կը նկարագրէին զայն. բոլոր Բարիզ կ'ուզէր որ հրաւիրուէր հոն. կը պարէին, կ'ուտէին կը խմէին մինչեւ առտու. ամեն մարդ կը մեկնէր յափշտակուած, և երբ ա՛ր սրահներուն մէջ մարդ չէր մնար, մայրս կը հաւաքէր իր գոհարեղէնները, չրջազգեստը և կը դրկէր Մօն-տր-Բիէթէ, վճարելու համար պարտքերը հայելավաճառին և կահաւորողին որոնք ապառիկ չէին ձգեր... Քանի՛ քանի՛ անգամներ իշխանի մը պէս ճաշած եմ ցորեկը և իրիկունը ինձորով մը ժամանակ անցուցած եմ: Ի՞նչ զուարթ անհոգութիւն մըն է կեանքը, այդ ամեն անկանոնութեանց մէջ... Ի՞նչպէս բանի մեղ չէր գրուէր հարստութիւնն ալ, թշուառութիւնն ալ... Եւ պարտապահանջները... ա՛հ, անոնք օրը հաղար անգամ կ'երթային, կուգային մերթ ժպտելով, մերթ բարկացած, բայց միշտ իրենց մտադրութեան վրայ հաստատ. մերթ թուղթերու տրցակով մը կուգային, մերթ դատաշանի բարապանով մը: Ահ, եթէ այդ միջոցին մէկը ինձի բռնէր ու ըսէր՝ «Տղա՛ս, զգուշացիր, տրուած այս օրինակին մի՛ հետեւիր կեանքը պէտք չէ որ այդպէս ըմբռնուի. պիտի գայ օր մը ուր գուցէ մօրդ անցեալ մեղքերը, հաշիւները քեզի չպիտի հարցնեն. բայց դուն կրցածիդ չափ անօր զաւակը ըլլալդ ծածկէ և եղիր քու գործերո՛ւդ զաւակը...» Բայց ես, առանց խորհրդատուի ինքզինքիս ձգուած ապրեցայ այնպէս ինչպէս տեսած էի շուրջս և գէ՛շ ապրեցայ մինչեւ այն օրը երբ ձեզի հանդիպեցայ... Այն ատեն՝ միայն հասկցայ թէ ի՞նչ է պարկեշտութիւնը սուլածը, ճշմարիտ սէրը ճանչնալով:

— Հիմա կ'աշխատի՞ք, կը հարցնէր ձիւլիա գորովանքով:

— Դեռ ոչ, բայց գործ կը փնտռեմ:

— Է, ի՞նչպէս կ'ապրիք. իրաւունք ունի՞մ այս բանը ձեզի հարցնելու, քանի որ ձեր մտերիմն եմ:

— Օ՛հ, կը պատասխանէր Սալարի այս վայրկեանին. մեծ բանի մը պէտք չունիմ ապրելու համար. անցեալին պէս զբաւնիս մէջ միշտ լեցուն ոսկիներ պէտք չունիմ հիմա. փափաք չունիմ առտուները անտառերթալ պտտելու. կամ գիշերը Օրերայի ներկայացման զտնուելու. կ'արթննամ և առաջին մտածումս կ'ըլլայ «այսօր ժամը քանի՞ն պիտի տեսնեմ զինքը»: Կը հագուիմ, փութով կը ճաշեմ. քիչ մը կը պտտիմ ձեր փողոցին մօտ, մինչեւ այն ատեն երբ հոս գամ: Կը մնամ հոն մինչեւ որ զիս ճամբէք և ժամանակիս մնացեալ մասը կ'անցնեմ ձեզի խորհելով...

Այն ատեն ձիւլիա կը փորձէր խելացիօրէն խօսիլ անոր հետ, իբր բարեկամ, իբր քոյր: Կ'ըսէր թէ պէտք է ապագան խորհիլ և պէտք է պայքարիլ սիրոյ մը դէմ, որուն ինք՝ ձիւլիա չէր կրնար պատասխանել:

— Համակրած եմ ձեզի, կ'ըսէր Տիկին Վիտալ. ասիկա ձենէ չեմ կրնար ծածկել: Իրաւցնէ կը հաւտամ թէ դուք ամբողջովին պատասխանատուն չէք ձեր մորթի թուփերուն, և թէ խիտ կերպով կը դատեն ձեզ: Ծնորձակալ եմ ձեզի անկեղծ ըլլալնուդ համար ինձի հետ և տեղեկացնելնուդ համար ձեր անցեալը, որ մութ պիտի մնար ինձի, եթէ չըլլային խոստովանութիւններդ. այս բանին համար աւելի կը յարգեմ ձեզի. թիւեներդ. այս բանին համար աւելի կը յարգեմ ձեզի. սէրը պէտք է վտարուի մեր յարաբերութիւններէն: Իրարու հանդէպ բարի և անկեղծ գորով մը ունենանք: Ինչպէս դուք, ես ալ գրեթէ միևնաջ եմ

աշխարհի մէջ . Ինծի ընտանիքի և բարեկամի տեղ դրէ՞ք  
և յարգեցէ՛ք այն արցունքները զոր կը թափեմ տա-  
կաւին :

Կը յայտնէր ինչ որ կ'ուզէր, կամ աւելի ճիշդը  
ինչ որ կը կարծէր ուզել: Երդու՞մ կ'ընէր գոհանալու  
անով՝ ինչ որ իրեն կ'ընծայուէր, ա՛լ մէյ մըն ալ չխօսիլ  
սիրոյ վրայ . և վայրկեան մը ետք երբ ամեն բան կը  
կընէր, երդումը կ'եղծանէր :

Այն օրէն ի վեր երբ Սովորի բռնի ներս մտած էր  
դեռատի այրիին տունէն, օրերը այսպէս կ'անցնէին՝  
միօրինակ, առանց քայլ մը առաջ կամ ետ երթալու :  
Երկուքին ալ սէրերը գաղտնի աճում մը կ'ունենային՝  
բայց տեսակ մը անհամարձակութիւն կը տիրէր անոնց  
վրայ :

Այս միօրինակ կեանքը սակայն, օր մը խանգա-  
րուեցաւ անակնկալ պատահարով մը :

Իր ամուսինին մահուընէն ի վեր Ճիւլիա վիտալ  
սովորութիւն ըրած էր լրագիր կարդալ: Կը շահաքըր-  
քըրուէր և կ'ուզէր որ օրը օրին հետեւի ինչ որ կրնար  
գրուիլ Լա Բէ փողոցի ոճրին վրայ :

Առտու մը կարդացած թերթը յանկարծ ձեռքէն  
ինկաւ, Ճիւլիա գոչեց . «Թշնամա՛նք է այս»,

Յետոյ, Մարիէթի կանչելով ըսաւ .

— Կարգա՛, կարգա՛, ի՛նչ որ Ֆրանսացի լրագրող-  
ները գրեր են ա՛յնքան լրբութեամբ . . .

Այսպէս խօսելով ցոյց առաւ օրուան դէպք մը՝  
ուր Լանկլատի ձերբակալութիւնը և ամիջապէս դատա-  
բանին յանձնուիլը կը պատմէր: Կը նկարագրուէր  
թէ ինչպէս գործուած է ոճիրը: «Լանկլատ, կ'ըսէր  
յօդուածը, երկար տարիներէ ի վեր կ'ապրէր Սօլէիլ-  
Բուչան կոչուող կնոջ մը հետ. զոր խնդրի պէս կը  
սիրէր: Ան իր սիրուիին տունը կը հանդիպի Մօրիս վի-

տալի, կը հետեւի և կը սպաննէ նախանձոտութեան  
տազնապի մը մէջ :

Ճիւլիա բարկութենէն ձեփ ձերմակ, Մարիէթի թայի  
ձեռքէն խլեց լրագիրը և գոչեց .

— Մեր երկրին՝ իտալիայի մէջ անգութօրէն վրէժ  
կը լուծեն այն մարդէն որ այս տեսակ զրպարտութիւն  
մը գրելու կը յանդգնի: Ի՛նչ ըսել է թէ ամուսինս  
անոր պէս աղջկան մը տարփաւորն էր, թէ անոր տունը  
տեսեր են զինքը իմ դալուս նախընթաց իրիկո՛ւնն իսկ:  
Կ'ուզեմ որ շաչուն հերքում մը տամ այդ յօդուածին .  
ան զիս կը վիրաւորէ իմ ամենէն սիրական զգացումիս  
մէջ :

— Դարձաւ Մարիէթի թային և ըսաւ .

— Հաղուեցուր ինծի . խմբագրատուն պիտի եր-  
թամ :

Ժամ մը ետքը խմբագրատունն էր Ճիւլիա: Խմբա-  
գիրներէն մին, որուն հետ տեսնուեցաւ, վստահացուց  
թէ լուրը առնուած էր դատական պաշտօնեայէ մը, որ  
ամեն կերպով ստոյգ և հաւաստի աղբիւր մըն էր :

Իեռատի այրին հոնկէց դնաց շիտակ դատական  
պաշտօնատունը և Պ. Կուռպէին ներկայացաւ :

— Տիկին, պատասխանեց դատաւորը մտիկ լնելով  
Ճիւլիան. այն տեղեկութիւնը որմէ իրաւամբ կը գանգա-  
տէիք, ո՛չ ես տուած եմ և ոչ ալ ընկերներէս մին :  
Մեր քննած գործերուն վրայ թերթերուն մանրամասնու-  
թիւններ տալու սովորութիւն չունինք . ընդհակառակը  
կ'զգուշանանք անգաղտնապահութիւններէ, որոնք ետքը  
վտանգաւոր կ'ըլլան յաճախ: Բայց անգաղտնապահու-  
թիւնը գործուած է և հարուածը տրուած . ինծի կը մնայ  
թիւնը գործուած է և հարուածը տրուած . ինծի կը մնայ  
միայն ձայնակցիլ ձեզի և անկեղծօրէն մեղքնալ :

— Ինչպէ՛ս . . . մեղքնալ ինծի . . . բայց մեղքնալու  
բան մը չունիմ . այդ յօդուածը ինծի ու է վիշտ չի

պատճառներ, քանի որ երազային է. միայն բարկու-  
թիւնս կը գրդուէ:

— Պ. կուռպէ լուռ կը մնար:

— Պատասխանը չէ՞ք տար, շարունակեց այրին.  
արդեօք դո՞ւք ալ կը հաւատաք այս թերթին պատմած  
արտակարգ պատմութեան...

— Տիկին, պատասխանեց հարցաքննիչը վայրկեան  
մը խորհրդածելէ ետք, եթէ ճշմարտութիւնը յաւէտ  
կարելի ըլլար պահել ձեռքէ, հաւատացէ՞ք որ, հակառակ  
պնդումներու չպիտի պատասխանէի ձեր հարցումներուն,  
Բայց դժբաղդաբար Լանկլատի գործը քիչ ատենէն դա-  
տարան պիտի ելնէ. անոր մէջ դուք խառնուած պիտի  
ըլլաք ուղղակի և գործին ամենէն ոչինչ մանրամասնու-  
թիւնը ձեզի պիտի խոռովէ: Ուրեմն լաւագոյն է այժմէն  
յայտնել ամեն բան. օրուան դէպքը որմէն կը գտնուա-  
տիք, ճիշդ է...

— Պարո՞ն, պօռաց ձիւլիա, ինչպէ՞ս ամուսինս  
գացած կրնայ ըլլալ այդ արարածին տունը, երբ ես  
բացակայ էի:

— Անոր տունէն ելլելէն քանի մը վայրկեան ետքն  
էր որ սպաննուեցաւ:

— Կարելի՞ բան չէ ապացոյցներ ունի՞ք:

— Դժբաղդաբար այո՛, Տիկին. գիտէք թէ այս  
գործին հարցաքննութիւնը ինծի յանձնուած է. նոյնինքն  
այդ կնկան սիրահարը խոստովանեցաւ. մարդ ի՞նչ խել-  
քով կրնայ ինքզինքը ամբողջանել ոճրով մը՝ զոր չէ  
գործած. մնաց որ ատիկա արդարացուցիչ բան մը չունի  
իր մէջ և ոչ ալ մեղմացուցիչ պարագայ մը:

— Սխալ է, սուտ է, գոչեց ձիւլիա. յուզումէն  
կուրծքը ուռած, դէմքը մոխրագունած և աչքերը ուռե-  
ցած, անկարելի է այդ, սուտ կը խօսին...

Եւ առանց մտիկ ընելու հարցաքննիչ դատաւորին

միութարական և մեղմացուցիչ խօսքերուն, արագ վար  
իջաւ, կառք մը կեցուց ու հասցէն տալով մէջը նեռ-  
ւեցաւ, բոլորովին ընկճուած:

Ուրեմն, իր ամուսինը, սիրական Մօրիսը կը խաբէր  
զինքը, անոր գգուանքները, գորովները և հոգածու-  
թիւնը սուտ էին, նամակներուն մէջ գրած անձկալիւր  
տողերը կեղծիքի սնգոյրներ էին պարզապէս, և սիրա-  
տիկին խօսքերը դակարդներ, որոնց ետին ան իր գարշելի  
անհաւատարմութիւնը կը վարագուրէր. բայց չէ՛, չէ՛ր  
կրնար ըլլալ այդ բանը. այդ պարագային Մօրիս ի՞նչ  
պարտք ունէր գերազանց կեղծաւորութեան մը դիմելու,  
ամեն ինչ քօղարկելու, ծածկելու շարաւոտ վէրք մը,  
որմէ եթէ գտնած ըլլար կրնար զատուիլ. ան ի՞նչ շահ  
կրնար ունենալ իրմէ. նիւթական ակնկալութիւն չկար  
հաշուին մէջ և ոչ ալ բարոյական ստիպում մը. ան  
հաւնած, ան առած էր զինք կատարեալ հաճութեամբ.  
Նիւա ինչո՞ւ պիտի խաբէր, և ան ալ փողոցի պարզ  
կնկան մը, մեղապարտ վարմունքներու տէր էզի մը  
միջոցով... արդեօք վիտալ միւս ամեն էրիկմարդերու  
պէս ժուժկալութիւնը անտանելի և ձիւլիայի բացակա-  
յութիւնը երկարատեւ գտնելով, տարիանքին գոհացում  
տալ ուզեց... Սակայն այն ատեն, այն ատեն, եթէ  
յարաբերութիւն մը կար, գոնէ վերջին օրը, 10 12  
ժամուան գիշեր մըն ալ համբերել չէր կրնար Մօրիս,  
Վամուան գիշեր մըն ալ փարելու իր կնոջ, որուն կը  
աւելի բուռն սիրով մը փարելու իր կնոջ, որուն կը  
խոստովանէր թէ բուռն կերպով կը տենչար. այն գիշերն  
իսկ երթալ փողոցային ժամադրութեան մը, երբ միւս  
առտուն պիտի հասնէր սիրեցեալ կինը. անա ասո՛ր էր  
որ կարելի չէր հաւտալ...

Ձիւլիա, մեռելի պէս ինկած էր կառքին բարձիկ-  
ներուն մէջ, գլուխը քովի կրթնցուցած, այս մըտա-  
ծումներէն, ներհակ զգացումներէն, կը տանջուէր...

Երազի պէս եկան անցան իր աչքին առջեւէն աղջիկ-  
նութիւնը, Իտալիոյ երազային երկիրնքը, կանանչ դաշ-  
տերը և ծնողական տունը: Հոն երջանիկ էր և աւելի՛  
երջանիկ էր Վիտալի հետ, ճամբան, տունը և Բարիզի՛  
մէջ: Սակա՛յն, սակա՛յն, ահ, ա՛լ ամեն բան վերջացած  
էր. ոսկի վարագոյրը պատուելով, ցեխոտ և մութ  
տեղ մը գտած էր ինքզինքը. չէր հաւտար, սակայն  
ի՛նչպէս չհաւտար, երբ ամեն բան, նոյն իսկ դաշոյնը  
միտողին խոտտովանութիւնը կար մէջտեղը...

Կառքը կեցած էր: Դժբաղդ Իտալուհին հազիւ  
կրցաւ ուժ ունենալ իր յարկաբաժինը ելլելու, ուր ին-  
կաւ քանարէին վրայ, շնչատ, արտասուլաթոր և լքուած:  
Երեք օր ամբողջ ձիւլիա մերժեց ընդունիլ Սաւա-  
րին:

Այսու հանդերձ տունը չփակուեցաւ չմնաց, շատ  
անգամներ դուրս ելաւ. զնաց Սէն-Բօշ եկեղեցին, ուր  
ամուսնոյն մահէն ի վեր սովորութիւն ունէր ամեն  
առտու երթալ մոմ մը վառելու: Միայն թէ, այս ան-  
գամ, մինչեւ մոմին հատնիլը աղօթքի չկեցաւ, այլ,  
ամուսնան մը կանխիկ տուաւ մոմավաճառին, որպէս զի  
ամեն առտու վառէ, և ինք գալու պէտք չունենայ այլ  
եւս:

Յետոյ Մարիէթթայի հետ դնաց Լա Բէ փողոց,  
պայուսակներու մէջ հազարումէկ առարկաներ զետեղել  
տուաւ, որոնք իրեն կը պատկանէին, և ետքը դռնա-  
պանին յանձնարարեց ծախել իր կարասիները և վարձու-  
տալ յարկաբաժինը:

Վերջապէս իր ամենօրեայ և առաւօտեան այցելու-  
թիւնը տուաւ Բէր Լաշէզ գերեզմանատունը: Ընդհան-  
րապէս այս այցելութենէն անաջ կը հանդիպէր Բարիզի՛  
գլխաւոր մէկ ծաղկավաճառին, որմէ կը գնէր մանիշակի  
փունջ մը վարդերու պսակով մը շրջապատուած, Մօրիսի

նախընտրած ծաղիկներն էին ատոնք և ձիւլիա յուզիչ  
մտածումը ունեցեր էր ամեն առտու իր դժբաղդ ամուս-  
նոյն գերեզմանին վրայ դնել փունջ մը, որուն պէսերը  
ժամանակով ան իրեն կուտար. այս անդամ սակայն այ-  
րին բաւականացաւ իր ամուսնոյն գերեզմանին վրայ դնել  
անթառամ ծաղիկներու աւանդական պսակ մը:

Երեք օր ետքը, Սաւարի տժգոյն և անձկադէմ,  
վերջապէս ընդունուեցաւ ձիւլիայէն:

— Ահ, գոչեց երիտասարդը, ինչո՞ւ զիս դեռ կը  
վտարէք ձեր ներկայութենէն, ինչո՞ւ...

Կինը ընդմիջեց զայն ըսելով.

— Մի՛ գանդատիր. անիրաւ բան մը ըրած պիտի  
ըլլաս. ընաւ տեղի չունիս գանդատելու, հաւատա՛,  
կ'երդնո՛ւմ...

Ճ.Վ.

Ոստիկանութեան պաշտօնարանին նրբանցքներէն  
անցնելով Վիպէո օր մը զնաց ապահովութեան պետին  
սենեակը, ուրկէ ուզեր էին: Երբ ներս մտաւ ոստիկա-  
նութեան տետուչը ըսաւ.

— Է՛, իրաւ որ աղէկ, մեզի անանկ տեղ մը դրի՛ք  
որ...

— Ի՛նչ ըսել կ'ուզէք... հարցուց ոստիկանը:  
— Ի՛նչ պիտի ըլլայ, քիչ մնաց կը կորսնցնէինք  
Լանկլատը:

- Ի՞նչ, փախչի՞ր փորձեց :
- Ո՛չ, բայց մեռնելու վրայ էր :
- Ատանկ ընելով աւելի աղէկ կ'ընէ :
- Իրեն համար ատանկ է : բայց մեղի համար...

Անպատճառ պիտի ըսեն թէ զայն սպաննեցինք կամ փախցուցինք: Խնդիրը յուզումնալից դատի մը շուրջն է, և Բարիզցին կատակ չընեք երբ իր հաճոյքներն ու յուզումները զեղչես: Բայց բարեբաղդաբար Լանկլատ հիմա աղէկ է:

- Ի՞նչ ունէր որ :
- Տեսակ մը արեան համախոնում, որ անաջ եկած է այն տեսակցութենէն զոր որոշած էինք կատարել տալ իր սիրուհիին հետ:

— Անո՞ր համար էր որ անոր դատը ուշացաւ :

— Այո, բայց ա՛յ կ'ուզէինք օձիքնիս ազատել կարելի եղածին չափ շուտ: Խելօք բանտարկեալ մը չէ որ՝ միշտ պէտք է հսկել վրան:

- Դեռ վայրագութիւններ կը գործէ՞ :
- Ոչ, հիմա շատ հանդարտ է. շատ ընկճուած՝ Բայց դարձեալ հսկողութիւնը պակաս ընել չենք տար՝
- Ո՞ւր փոխադրուած է հիմա :

— Ոչ մէկ տեղ, դարձեալ հոս է. միշտ ձեռքի տակ ունենայ կուզենք զայն: Հա՛, քանի որ հոս էք, աղէկ է որ երթաք տեսնէք զինքը:

— Ե՞ս և ինչո՞ւ :

— Դուք տեսակ մը ազդեցութիւն ունիք անոր վրայ. ասոր փորձը տուիք արդէն, և գուցէ զայն կարենանք համոզել որ հարցաքննիչ դատաւորին պատասխանէ:

- Ուրեմն չի՞ պատասխանեք. գուշակած էի արդէն :
- Գործին սկիզբէն ի վեր չկրցանք ոչ թէ խոս :

տովանանք մը, այլ բառ մը իսկ կորզել բերնէն :

— Աւելի աղէկ կ'ըլլար որ հիմայ խօսէր. ցաւալի բան է տեսնել որ ան կ'ընդդիմանայ դատաւորին առջեւ իր այս բացարձակ համրութեան մէջ :

— Օհ, ըսաւ վիպէտ, այդ մասին ամենափոքր կասկած մը անգամ մի՛ ունենաք, պիտի ընդդիմանայ եթէ միտքը դրած է: Թէ որ անգամ մը ո և է գաղափար հաստատուի այդ տեսակ հաստ գլուխի մը մէջ, դիւրաւ կարելի չըլլար զայն խլել հանել :

- Կը յուսամ որ դուք պիտի յաջողիք: Կ'ուզէ՞ք փորձել :
- Ոչ մէկ արգելք կը տեսնեմ, բայց անօգուտ կը գտնեմ:

— Հետս եկէք, ձեզի ես տանիմ:

Երբ վիպէտ ներս մտաւ Լանկլատի սենեակէն, ան երեսը պատին դարձուցած պառկած էր անկողնին վրայ: Ոչ մէկը կ'այձեռէր իրեն, այս պատճառով կարծելով որ բանտապահ մըն է, ասդին անգամ չդարձաւ:

Վիպէտ շիտակ անկողնին քով դնաց և թիպարտին ուսին դպչելով.

Լանկլատ կանգնեցաւ, իր տոբոյն դէմքը գունաւորուեցաւ, հիւնդութիւնէն տկարացած աչքերը սկսան փալփիլի և ըսաւ ոտտիկանին:

- Դո՞ւն ես, է՛ աղէկ իրաւցնէ դո՞ն եմ քեզ տեսնելով, ծունկդ ի՞նչպէս է...
- Օհ, այդ դժբաղդութեան վրայ չխօսինք. շատոնց է որ անոր ցաւը անցած է, քու բաղդիդ չարժանացայ ես, համախոնում չունեցայ ուղեղիս մէջ: Մնաց որ հիւանդութեանդ միջոցին կրնայիր մոռնալ...

- Այո, բայց հիմա աղէկ կ'երթամ:
- Դեռ կը խորհի՞ս սա արարածին վրայ որ քեզի այնքան անդթօրէն տառապեցուց :

— Այո՛, մի՛շտ...

— Է, ըսել է դեռ կը սիրես զայն:

— Այո՛ պատասխանեց Լանկլատ առանց վարանելու. ատիկայ կը զարմացնէ՞ քեզի... հարցուց վայրկեան մը ետք:

— Ե՛ս, յարեց Վիպէն, ե՛ս զարմանամ քու տխմարութեանդ վրայ. օ՛ն անդը, զարմանա՛լ քու ընդդիմութեանդ վրայ՝ սիրելու մէկը որ չի սիրեր քեզի... Բայց աս ասանկ է, իմ դիւցազնս: Կը պաշտես Սօլէյլ-Քուչանը, որովհետեւ ան քեզի հետ կը վարուի ամենէն դժպնի եղանակով: Եթէ քաղցրաբոյր ըլլար, եթէ բարի, փաղաքուշ ըլլար, եթէ ամեն առտու քեզի այցելէր և մանիչակի փոքր փունջ մը նուիրէր, պիտի ձանձրանայիր անկէց: Մտածէ մէյ մը: Եթէ մարդ միշտ սիրէր սիրունը, ամենքն ալ երջանիկ պիտի ըլլային և կեանքը պիտի ամփոփուէր մեծ գրկախառնումի մը և յաւերժական համբոյրի մը մէջ:

— Է՛, տեսա՞ր ատիկա, հարցուց Լանկլատ որ անհամբերութեամբ կը սպասէր որ Վիպէն իր ճառը աւարտէ:

— Ոչ, նոյն իսկ չնշմարեցի:

— Հիմա ո՛ւր է:

— Բացարձակապէս բան մը չեմ գիտեր:

— Ուղեցի բանտապահները հարցաքննել, շարունակեց թիապարտը, բայց մերժեցին պատասխանել:

— Ատիկա պէտք չէ որ քեզի զարմացնէ. բանապահները ընդհանրապէս դիւրահաղորդ չեն: Մնաց որ դու ինքդ չե՞ս չափազանցեր զաղտնապահ ըլլալու իրաւունքդ:

— Այո, խօսեցնել կ'ուզեն ինծի, բայց ես չեմ սիրեր այդ բանը. ի՛նչ, արդեօք դուն ալ նոյն մտադրութիւնը ունիս:

— Պիտի աշխատիմ որ պատասխանել տամ քեզ հարցաքննիչ դատաւորիդ հարցումներուն. աղնիւ մարդ մըն է և պէտք չէ անոր ընդդիմանալ:

— Բայց զիս կը ձանձրացնէ ան:

— Իր իրաւունքն է այդ, դուն աւելի զայն կը ձանձրացնես, դուն որ կը մերժես խօսիլ անոր:

— Ի՛նչ կ'ուզես որ ըսեմ անոր, ինծի խել մը բաներ կը հարցնէ որոնցմէ բան մը չեմ հասկնար: Մանրամասնութիւններ կ'ուզէ թէ ի՛նչ ձեւով սպաննեցի Լա Բէ փողոցի մարդը: Ես կը նախընտրեմ ընաւ ատոր վրայ չխօսիլ և որոշեցի համր ըլլալ:

— Գոնէ խորհրդակցեցա՞ր փաստաբանիդ հետ:

— Իմ փաստաբանս. երբ ան եկաւ, մերժեցի խօսարան իջնել:

— Այն ատեն ի՛նչպէս պիտի պաշտպանէ քեզի:

— Ես անանկ բաներ մտիկ չեմ կրնար ընել, գոչեց Լանկլատ. ինծի թո՛ղ հանգիստ, իմ գլխուս ձգեն. ինծի դատապարտելէ ետ չպիտի կենան, ի՛նչ որ ալ ըսեմ. ի՛նչ որ ալ ընեմ:

Այոուհանդերձ յարեց Վիպէն, կրնաս դեռ օձիքդ ազատելու բախդը ունենալ:

— Է՛, է՛, ժամանակին դուն ինքդ ըսիր որ իմ գործս ամենէն որոշ գործերէն մէկն է, թէ ջուր չի վերցնիր:

— Կրնամ սխալիլ, դիտել տուաւ ոստիկանը. անցեալդ նկատի առնելով վիճակդ գէշ է. բացայայտ է սա. բայց ճարտար փաստաբանու՞մ մը կրնայ ապացուցանել թէ կանխամտածու՞մ չունէիր, թէ կատաղութեան և նախանձի զգացումի մը հնազանդեցար որ քու բանակախանութիւնդ կորսնցնել տուաւ: Յետոյ, Յրանսայի մէջ դատաւորներ կան որոնք մահուան պատիժ տալ չուզելով կը համամայնին միշտ, երբ նոյն իսկ մեղմացուցիչ պարագաներ չգտնուին:

— Իրենց մեղմացուցիչ պարագան ալ իրենց ըլլայ՝  
իրենք ալ. ես ատանկ բաներ չեմ ուզեր. երբ ալ չպիտի  
կրնամ ապրիլ Սօլէյլ-Քուշանի հետ, կը նախընտրեմ  
մեռնի՛լ...

— Ուզածդ ըրէ, լա՛ւ, չես պաշտպաներ ինքզինքդ  
չէ՞. ասիկայ անձնասպանութեան մէկ տեսակն է. ուրեմն  
մնաս բարով. բանի մը պէտք ունի՞ս, ծխախոտ կ'ու  
զե՞ս:

— Չէ, չեմ ծխեր:

— Ճիշդ է, թերութիւններ չունիս, այլ մեղքեր:

— Սակայն կրնաս ինծի մեծ ծառայութիւն ընել,  
ըսաւ Լանկլատ, երբ Վիպէն դուռը կը զարնէր պահա  
պանը կանչելու համար:

— Ինչ ուզելդ գիտեմ, պատասխանեց ոստիկանը  
ասդին դառնալով. Սօլէյլ-Քուշանի վրայ տեղեկութիւն  
կ'ուզես, չէ՞ պիտի հարցնեմ:

— Ա՛հ ուրիշներուն ըսածը մի՛ բերէր ինծի. դուն  
գնա տեսիր:

— Շատ աղէ՛կ:

— Իմ վրաս պիտի խօսի՞ս:

— Ամբողջ տեսակցութեանս միջոցին...

— Եւ եթէ քեզի աղէկ բաներ մը ըսէ...

— Պիտի դամ քեզի հաղորդելու. մնաս բարով:

— Կրկին տեսութի՛ւն. ըսաւ Լանկլատ:

Եւ դուռը գոցուեցաւ:

ԺԵ.

— Վիպէն Լանկլատէ բաժնուելէ ետք գնաց հաշիւ  
տալ ոստիկանութեան վերատեսուչին:

— Ինչպէս նախատեսած էի, ըսաւ, չկրցի հաւանե  
ցընել որ պատասխանէ. հաւանական է որ չպիտի պա  
տասխանէ նաև եղեանադատ ատեանի նախագահին:

Վիպէն կրնար աւելցնել.

— Մէկ և անխուսափելի միջոց մը ունիմ զայն  
դուրս հանելու այդ յամառ լուսթենէն. կը բաւէ անոր  
ըսել «տեսայ Սօլէյլ-Քուշանը որ հիմա կը զղջայ բռնած  
ընթացքին համար. սկսած է քեզի վերստին սիրել բա  
ժանուամէն ի վեր. կը խնդրէ քեանէ որ ներսս իրեն և  
ինքզինքդ պաշտպանես, այն յոյսով թէ, դատաւորները  
քեզի աքսոր զրկեն. ուրկից պիտի փախչիս դարձեալ,  
գալ միանալու համար իրեն»:

Լանկլատ պիտի հաւատար այս խօսքերուն, քանի  
որ ա՛յնքան հեշտօրէն կը հաւատանք բանի մը որ մեզ  
երջանկացնելու բնոյթն ունի: Մարդիկ չափէն աւելի  
դիւրահաւան են մանաւանդ սիրոյ մէջ և երբ կը տա  
ռապին, տրամադիր չեն ըլլար այլևս տառապելու:  
Իայց վիպէն ատանկ միջոց մը գործածել չուզեց, կրցած  
էր ձանձնալ Սօլէյլ-Քուշանը և գիտեր թէ ան կարծիք  
փոխող կիներէն չէր: Լանկլատի ազատումը չուզէլէ  
զատ բոլոր հոգիովը կը մաղթէր մահուան աղէ՛կ պատիժ  
մը, որ միանգամ ընդ միշտ պիտի ազատէր զինքը անոր  
ձեռքէն:

« Ինչո՞ւ, կ'ըսէր ոստիկանը ինքնիրեն, այս դժբաղդը կեանքին կ'ապենք դարձեալ: Եթէ գլխատուծեան դատապարտուի, անգութօրէն պիտի տառապիմ իմ յայտարարութիւններու համար. իսկ եթէ աքսոր ղրկուի Սօլէյլ-Քուշան խստութեան ուժով կամաց կամաց պիտի մեռցնէ զայն »:

Վիպէն իր խոստման համաձայն տեղեկութիւն հարցուց Սօլէյլ-Քուշանի վրայ:

— Տասնըհինգ օր է որ ազատ ձգուած է, պատասխանեց ոստիկանութեան վերատեսուչը: Այդ կինը ձերբակալուած էր պարզ յանցանքի մը համար և մենք իր պատիժը ներեցինք, Լանկլատը բերել տալուն ի վարձատրութիւն: Գալով սպաննութեան գործին, յայտնի է թէ մեղսակից չի կրնար ըլլալ. դատարանին առջեւ իբր վկայ միայն պիտի նկատուի. մինչեւ այդ ատեն աւելորդ է զայն պահել և սնուցանել կառավարութեան հաշուոյն. աւելի կարեւոր բանտարկեալներ ունինք:

— Գիտէ՞ք թէ ինչ եղած է ազատ արձակուելէն ի վեր:

— Բնականաբար. ամբողջովին չենք կրնար աչքէ կորնացնել զայն, և եթէ կը փափաքիք ակնարկ մը նետել իր կողմը, հիմա կը բնակի Թրուա-Վրէր փողոց, Սէն Լոգար փողոցին անկիւնը...

— Կահաւորուած պանդոկի մը մէջ անշուշտ, չէ՞, հարցուց Վիպէն:

— Ամենուն պ.ս. անպիտանը հիմա իր տարրին մէջն է...

Իրաւ ալ, ինչպէս վերատեսուչը կ'ըսէր. Սօլէյլ-Քուշան բանտէն ելլելէն ի վեր կը գտնուէր կանխիկ վճարուած կահ կարասիի մը միջեւ, որոնք չէին նմանէր Լանկլատի օր մը կնահաճօրէն իրեն նուիրած կարասիներուն, որոնք հողացուած էին Բարիդցի հասառուէ մը:

Սօլէյլ-Քուշան, իր այս լայն կացութիւնը կը պարտէր երիտասարդ անգլիացիի մը. ահա թէ ի՞նչ էր պատահած: Հազիւ թէ թիապարտին տարփուհին դուրս ելած էր ոստիկանութեան պաշտօնարանէն և իր շուրջը կը նայէր, արձակուած բանտարկեալի մը վարմացած ու շփոթ եղանակովը, յանկարծ քովը եկաւ շիք հագուած երիտասարդ մը: Սրունքներ ունէր որոնք չէին վերջանար կարծես, ա՛յնքան երկայն էին, ակռաներ՝ սրունքներուն չափ երկայն, անհաճոյ խարտեալ մազեր ունէր, վառվռուն փոքր աչքեր և արեւին մէջ պտտող դեռատի աղջկան գոյն մը: Իր երկայն և նինար մարմինը հագուեցուցած էր ամենէն վերջին նորաձեւութեամբ:

— Ա՛խ, օրիորդ, գոչեց անգլիական շեշտով մը. չեմ խաբուած. սքանչելի աղուորութիւն մը ունիք...

Սօլէյլ-Քուշան անոր նայեցաւ և քրքիչ մը արձակեց այս արտաոց ֆրանսերէնին և զայն արտասանող տարօրինակ տղեկին առջեւ, և ըսաւ.

— Աղէ՛կ. եթէ սքանչելի աղուորութիւն մը ունիմ ես, դուք ալ շքեղօրէն ագեղ էք:

— Մ. լաւ, կատարեալ... ըսաւ անգլիացին. բայց ես Լորտ Պ. ի տղան եմ և արդէն 5000 սթէրլինի հասոյթ մը ունիմ:

— Յրանսական գրամով ի՞նչ կ'ընէ ատիկա, հարցուց Սթէֆանի յանկարծ շահագրգռուելով այդ խօսակցութենէն:

— 125000 ֆռանքի մօտ հասոյթ մը:

— Իրա՞ւ... այն ատեն... ի՞նչ կրնամ ընել ձեր մեծապատուութեան համար:

— Իմացայ ձեր վրայ խօսելնին, ձեր արկածներուն, դատին և մազերուն վրայ գրելնին. հիմա Բարիդի մէջ օրուան նորութիւնն էք և կ'առաջարկեմ որ ինծի հետ ապրիք:

Այսպէս յանկարծակա՞ն կերպով, առա՞նց կանխապատրաստելու զիս: Չէի՞ք վախնար որ յանկարծ ընկըրկէի: Չեզի հետ ապրի՛լ, դեռատի պարոնս, բայց սա կեանքիս երազը եղած է. ձեզ ճանչնալէ առաջ կը նախազգայի և կը սիրէի ձեզի դեռ չլսած ձեր հմայիչ ձայնին շեշտերը. . .

— Ուրեմն, եթէ կ'ուզէք միջոցել կառքս եկէք, հսն կրնանք տեսակցիլ:

— Կ'ընդունի՞մ միշտ, ըսաւ Սօլէյլ-Քուչան, բայց պիտի պատմես թէ ի՞նչպէս դիտէիր թէ այսօր բանտէն պիտի ելլայի:

Իրւրիւն է գուշակել այս կերպով սկսած խօսակցութեան մը ելքը: Անդլիացին որքան տգեղ, նոյնքան ալ առատաձեռն էր: Քօրնիւ իրեն համար փոքրիկ սուրբ մըն էր որ բանտէն կ'ելլէր, անպատասպար. ամենքէն մերժուած:

Սօլէյլ-Քուչան ընդունեց իրեն եղած ամեն առաջարկ և ութը օր ետք շքեղ կահաւորուած յարկարաժին մը ունէր և փայլուն արդուզարդ: Բարիզի մէջ այս տեսակ բաղդեր հազուագիււա չեն սիրուն աղջկան մը համար: Հարստութիւնը ժամանակ մը կ'ողողէ այդ տեսակները իր հաճոյքներովը, մինչեւ որ հիւանդանոցը պահանջէ զանոնք: Փառքը անկումին, շատ մօտ է մահաւանդ կիներուն համար:

\* \*

Վիպէս, Լանկլատի տուած խոստումին համաձայն Սօլէյլ-Քուչանի տունը գնաց:

Կինը զայն անմիջապէս ճանչցաւ և տժգունելով գոչեց.

ԺԶ.

Երիտասարդ, շնորհալի, աչքի զարնող զիմազձու-թիւնով ու ձեւերով մարդ մը Պուլվառ տէգ'իթալիէնի վրայ երկար պտոյտէ մը ետք, տասներորդ անգամը ըլլալով, մտաւ Օբէրայի Բասածը: Հոն գնեց վարդ մը և ձերմակ լելակի ճիւղ մը. փողոցներէն անցաւ, կրամօն փողոցը մտաւ, երեք յարկէն փութով վեր ելաւ և մտաւ սրահ մը ուր հրաշագեղ կին մը ժպտելով իր ձեռքը երկնցուց անոր:

Քանի մը վայրկեան ետք ուրիշ մարդ մը, փոքր, նիհար և ազազուն, ախորտէն սահեցաւ նոյն տունէն ներս և սպասաւորներու յատուկ սանդուխէն ելաւ՝ ամեն մէկ աստիճանին վրայ կենալով, տեսնելու համար մէկը վար կ'իջնէ՞ վերէն և կամ մէկը կուգա՞յ ետեւէն:

Երրորդ յարկը ելլելուն, կամաց մը բացաւ դուռ մը զոր յետոյ գարձեալ գոցեց անաղձուկ: Մատին ծայրը կոխելով քայլ քայլ առաջացաւ մութ նրբանցքի մը մէջ և կեցաւ ուրիշ դրան մը առջեւ որուն վրայի մասը ձերմկցած ապակիով պատուած, ազօտ լոյս մը միայն կը թափէր:

Այդ մարդը գետինը ծռնկի եկաւ, ապակիին վրայ ամենէն լուսաւոր կէտր փնտռեց, այն տեղը ուր ապակին իր նախորդ թափանցիկութեան մէջ էր: Գտաւ փընարուած տեղը և ուշադրութեամբ սկսաւ ներս նայիլ սենեակէն:

Շքմիսէին մէջ ճարճատող փայտերուն բոցը և սեղանին վրայ դրուած կանթեղը կը լուսաւորէին սենեակը:

Սավարի նստած էր քանարէի մը վրայ՝ որ ճիշդ  
դէմն էր ապակեպատ դրան: Ծիւրիա անոր քովը նստած  
էր:

Կինը դեռ ամբողջ սուգի մէջ էր, բայց երբ ուշա-  
դիր դիտուէր անոր արդուզարդը, պիտի նշմարուէր որ  
այդ սուգը նուազ խղճամիտ էր, քան երբեմն: Հագուստը  
առաջուան պէս չէր գոցեր վիզը, հիմա թեթեւ մը բաց  
էր: Սեւ ժանեակ մը կը ծածկէր անոր ուսերը, այն  
տեղը ուր սուգի սեւ շղարշը կը կտրուէր: Ծիւրիայի  
սեւ աղուօր մազերը պչրուն երանգով մը յարդարուած  
էին: Լեւակի ճիւղ մը գլխուն ձախ կողմը արուեստա-  
գիտօրէն խառնուած էր այդ յորդ մազերուն, և վարդ  
մը կը մարէր անոր կուրծքին վրայ: Թեթեւ փոփոխու-  
թիւններ ալ կը տեսնուէին Տիկին վիտալի դիմագծու-  
թեան և վարձունքին մէջ: Իր ընթացքին մէջ նախոր-  
դէն աւելի թոյլ բան մը կար, աւելի ներդաշնակ և  
հեշտական: Իր նայուածքը նուազ առոյգ էր, նուազ  
փայլատակող, բայց աւելի գորովալից էր, աւելի թաղ-  
ծոտ: Դէմքին վրայ տեսակ մը կենդանութիւն տարած-  
ւած էր, և այտերը նուազ տփուոյն էին: Մորթին տակէն  
արեան շրջանը կը տեսնուէր:

— Կրնամ կուրօրէն հաւտալ ձեզի, ըսաւ Ծիւրիա  
Սավարիի սկսած մէկ խօսակցութիւնը շարունակելով.  
Կրնամ հաւատք տալ քու բոլոր երդումներուդ: Էրիկ  
մարդոց սկզբունքը չէ՞ նկատի չառնել մեր կողմէն եղած  
սիրային կապ: Չէ՞ մի որ մենք շինուած ենք խաբուելու  
համար միայն... Մի, մի՛ ընդմիջէ՛ք զիս, ըսածս զիտեմ,  
արդէն մատնութեան մը ենթակայ եղած եմ... Մաքուր,  
պարկեշտ և վստահելի ազնկան մը հետ կը կարգուիք.  
ան հաշիւ չուզեր ձեր անցեալ կեանքին համար, բայց  
կ'ուզէ որ ներկան իրեն պատկանի, իրեն միայն: Իրե-  
նին հաւասար հաւատարմութիւն մը կը պահանջէ, գորո-

վալից սէր մը, որ բացարձակ ըլլայ իրենին պէս: Իր  
անդիտութեան, իր միամիտ հաւատքին և պարկեշտու-  
թեանը մէջ չկրնար խորհիլ թէ էրիկը ուրիշ կերպով  
կրնայ ըլլալ: Ոչ մէկ կասկած, ո՛չ տարակոյս կուգայ  
միտքը: Կրնա՞յ միտքը բերել որ իր սիրած անձը պիտի  
խաբէ. երբէ՛ք: Օտար մարդու մը հետ վայրկեան մը  
խօսէ. երբէ՛ք: Օտար մարդու մը հետ վայրկեան մը  
խօսի պչրելու գաղափարը կուգայ կ'անցնի ներսիդիէն.  
ո՛չ, կարելի՛ չէ: Եւ մինչդեռ ինք այսպէս ինքզինքը կը  
պահէ մաքուր և հաւատարիմ, անդին այն մարդը որուն  
վրայ դրած է իր ամբողջ հաւատքը, որուն յանձնած է  
իր բովանդակ էութիւնը առանց ու է պայմանի, դիպ-  
ւածով կը հանդիպի աւելի կամ նուազ հրօսալուրիչ արա-  
բածի մը, կը նայի անոր, կը հետապնդէ և չվախնար  
անոր բազուկներուն մէջ մատնել այն հաւատարմու-  
թիւնը զոր երդուրնցած էր միւսին...  
— Միւսին՝ զոր չի՛ սիրեր, ըսաւ Սավարի:  
— Ուրիմն ինչո՞ւ սուտ կը խօսին, ինչո՞ւ սէր կը  
կեղծեն...  
— Կր կարծէր գուցէ սիրել: Շատ մը մարդիկ  
կ'ապրին այնքան խաղաղ և հանդարտ, այնքան քաղցր  
հանդիստի մը մէջ հաճոյք կ'ըզգան և բնութեամբ ու  
խառնուածքով ա՛յնքան գեղծ են կիրքերէ, որ, երբեմն  
պատրանքը կ'ունենան զգացումներու մասին: Եւ որով-  
հետեւ իրենց սիրտը քիչ մը աւելի կը բարբախէ և իրենց  
միտքը հաճոյք կ'ըզգայ յաճախ զբաղիլ անձով մը,  
կ'երեւակային որ սիրահարած են և տանիքներուն վրա-  
յէն կր պօռան այս բանը: Անմիտներ, շարունակեց  
Սավարի եռանդազին, իրաւունք ունի՛ք այսպէս խօսե-  
լու և պղծելու զգացում մը, զոր չէ՛ք ճանչցած բնաւ:  
Բայց վարդաջուրի այդ սէրերը զոր կ'ըզգաք՝ սա կրակին  
կը նմանի, որ կը լուսաւորէ մեզ, իսկ ճշմարիտ սէրը  
արեւին կը նմանի: Ինք ստեղծուած էք վայելելու հա-

մար սէրին մեղմեղանքները, տղայութիւնները և թեթեւութիւնները. Դուք չպիտի ճանչնաք երբէք անսահման երջանկութիւնները, անթիւ վիշտները, գերմարդկային վայելքները. անհանդուրժելի տառապանքներ՝ որոնք աշխարհիս վրայ մարդս թէ՛ դժոխք և թէ՛ երկինք կը փոխադրեն.

Սավարիի դէմքին վրայ արտակարգ ոգեւորութիւն մը տարածուած էր: Ճակատը կը փայլէր, աչքերը կը փայլատակէին: Իր ձայնին մէջ անդիմադրելի հրապոյր մը ունէր:

Ճիւղիա չէր կրնար ինքզինքը զսպել հիանալու հա մար այս արու գեղեցկութեան վրայ, որուն աւելի եւս հրապոյր մը կ'աւելցնէր բոլորովին կնոջական շնորհ մը: Ճիւղիա չէր նշմարած որ Սավարի խօսելով մէկտեղ մօտեցած էր իրեն, անոր ծուկները իր շրջազգեստին կը քսուէին, ձեռքերէն մին իր ձեռքին կը կրթնէր, կրրակարանին բոցերը իրենց ճարձատիւն ցոլքերով կ'աւելցնէին այս տեսարանին կենդանութիւնը:

Քանաբէին դէմի կողմը, ապակեպատ դրան ետեւը, վիպէտ, միշտ լուռ, միշտ ծնրադիր, մտիկ կ'ըլէր, կը դիտէր և կը տառապէր: Ինքն ալ կը հիանար Սավարիին, կ'ուզէր սպաննել զայն, բայց ստիպուեցաւ ընդունիլ թէ ան ճշմարտապէս գեղեցիկ էր, և աղուո՛ր կը խօսէր:

 Սավարի շարունակեց.

— Այո՛, այն էրիկ մարդը որ կը խարէ կիներ՝ ըսելով թէ կը սիրէ զայն, չը սիրեր բնաւ: Եթէ ս'րէր, միայն անո՛ր վրայ պիտի մտածէր: Աստուծոյ ստեղծած ամենէն հրաշալի արարածները կրնան անոր շուրջը թափառիլ, իրենց բազուկներուն մէջ առնել, իրենց շունչովը օծել զայն, բայց չպիտի յաջողին: Անոր համար աշխարհքը կ'սկսի և կը վերջանայ այդ կնոջ հետ. երբ անոր քով գտնուի կը մոռնայ անցեալը, ապագան և օրուան խայ-

թերը, կեանքի դժուարութիւնները, անճասիրութեան տառապանքները և առօրեայ տաղտուկները: Ահ, մի՛ զարմանաք այսպէս խօսելու: Ես ալ չէի կարծեր որ այդչափի կարողութիւն ունէի: Բայց ձեզի տեսնելէս ի վեր շնորհ եկաւ վրաս: Հիմա կ'զգամ կիրքը իր ծայր աստիճանին, ամենէն միամիտ, ամենէն վայրագ վիճակին մէջ... Ձեզի կը սիրեմ իմ էութեանս բոլոր ուժովը և կը սիրեմ խելքս կորսնցնելու աստիճան. գթացէք վրաս: Ինձի համար մեռնի՛լ ըսել է, երբ ձեզի տեսնեմ և չի համարձակիմ սրտիս վրայ սեղմել... Ձեր քովը տղու երկջտութիւններ ունիմ և սակայն արիւնս կ'եռայ, գլուխս կը հրդեհուի, հազար մոլեգնութիւն կը վըրդովեն զիս... Աստուծո՛յ սիրուն, ամօքուեցէք խօսքերէս: Ճակատադիրս քու ձեռքդ է... Պէ՛տք է մեռնիլ, պէ՛տք է յուսալ...

— Յուսա՛, գոչեց յանկարծ Ճիւղիա:

Եւ իր իտալական մոլեգնութիւնով որ ծանօթ է այն մոլեգնութիւնով որ երկար առնէ ի վեր զսպուած էր, Ճիւղիա խոյացաւ Սավարիի բազուկներուն մէջ... Իրենց շրթունքները իրարու կցուեցան. այս վայրօ կեանքին, ապակեպատ դրան անդիի կողմէն ձիւ մը բարձրացաւ...

Ճիւղիա և Սավարի չլսեցին իսկ դրան ետեւէն բարձրացող ձիւը:

Այս աղմուկին յաջորդեց դրան մը դոցուելուն աղմուկը:

Վիպէտ կը փախչէր:

Փողոց հասաւ, բայց հոն վարանեցաւ իր ինչ ընելիքին վրայ:

Յանկարծ, շնչասպառ, խելալորոյս, իր արշաւը շարունակեց: Պուլվառներ անցաւ, Թէպու և Հուսէյ փողոցները դարձաւ և հասաւ Թրուա-Սիէր փողոց:

Տան մը առջեւ կեցաւ, դողդոջուն ձեռքով մը քաշեց զանգակը, անցաւ դռնապանին առջեւէն անուն մը մտաւորով, և երկու յարկ վեր ելաւ:

Ժամը 11ն էր. Սօլէյլ-Քուշան նոր ճամբած էր իր անգլիացին.

— Ի՛նչ. գոչեց աղջիկը նշմարելով Վիպէսը, դճուք այս ժամուն հո՛ս...

— Քու սէրդ ինձի նուիրեցիր և ես կ'ընդունիմ զայն, պատասխանեց ոստիկանը հաճելի կերպով:

— Բարի՛ եկար, հազար բարով...

Այն ատեն, Վիպէս, ծայրայեղ յանդգնութեամբ իրեն քաշեց Սթէֆանին, գլուխը բռնեց և աչքերուն մէջ նայեցաւ. բայց յանկարծ զայն ետ մղելով գոչեց.

— Ո՛չ, ո՛չ. անոր նայուածքը չէ՛ աս, անիկա չէ՛ աս... Չե՛մ ուզեր... Մնաք բարով...

— Դալդ չէր արժեր, պատասխանեց Սօլէյլ-Քուշան անոր հեռանալը տեսնելով: Պէտք է աւելցնել թէ յարեց յետոյ հառաչելով, ինքնուրոյն հպարտութիւն մը ունի...

ԺԷ.

Դատական պաշտօնարանին մէջ, երկար ատենէ ի վեր Լա Բէ փողոցին տուամբ անունով ծանօթ ծանր գործին դատավարութիւնը վերջապէս սկսաւ Սէնթ Էղիսնադատ ատենանին առջեւ 1848 Փետրուարի երկրորդ կիսուն:

Սուռն բազմութիւն մը առաւուրնէ ի վեր կը փութար դատարան:

Ժամը 9ին, արտօնութիւն ստացողները, որոնց մէջ շատ մը աշխարհիկ կիներ խառնուած էին, ընդունուեցան սրահ և զացին նստան վկաներուն յատկացուած նստարաններուն ետին: Քիչ ետք ամբոխն ալ ներս խուժեց և ոտքի վրայ կեցաւ իրեն յատկացուած տեղը:

Ոճրին ապացոյցներուն յատկացուած սեղանին վրայ երկայն դանակ մը միայն կար և կարմիր յուշատետր մը. բացուած այն էջին վրայ, ուր սպանեալը, Մորիս Վիտալ, քանի մը բռուեր նշանակած էր արիւնով:

Ընդհ. դատախազին կողմէ տասնեակ մը վկաներ կային. իսկ հակառակ կողմէն ո՛չ մէկ վկայ, քանի որ Լանկլատ մերժած էր իր պաշտպանեալին համար վկաներ նշանակել:

Դատալանին նիստը սկսաւ ժամը 10ին քառորդ մնացած:

Հակառակ ժողովուրդին մէջ տարածուած զրոյցներու, Լանկլատ ո՛չ ձեռնակապ ունէր և ոչ ալ բռնաչապիկ: Նախագահը անօգուտ նկատած էր այդ զգուշական միջոցը, քանի որ ծայրայեղ պարագաներու մէջ միայն կը գործածէին զայն և քանի որ, ամբաստանեալը, պէտք էր իր շարժումներուն ազատութիւնը պահէր դատաւորներուն առջեւ:

Լանկլատի հետ երկու ոստիկան գինուորներ ներս մտան և անոր քով նստան:

Թիապարտը կարծես դիտակցութիւնը չունէր իր շուրջը անցած դարձածին. շատ ընկճած էր և կը զգուշանար սրահին շուրջը նայելու:

Հանրութեան մէջ տեսակ մը յուսախաբութիւն նշմարուեցաւ: Կոպասէին որ բոլորովին ուրիշ տեսակ մարդ մը տեսնեն: Դատին սկիզբէն կը յուսային վայրագ տեսարաններ: Զրոյց կը տարածէին դուրս թէ ամբաստ-

տանեալը իր համբաւին բարձրութեան չէր հասներ և թէ անմիջապէս վախցած էր արդարութեան շուքէն իսկ :

Ոստիկան զօրքերը, որոնք հրաման ստացած էին վայրկեան մը իսկ աչքէ չվրիպեցնել իրենց բանտակեալը, ինքզինքնուն կ'ըսէին թէ պարապ հրահանգներ միայն ընդունած էին :

— Ոտքի ելիր, ամբաստանեալ. ըսաւ նախագահը :

Լանկլատ տեղէն չչարժեցաւ :

— Զինուորներ, յարեց նախագահը. օգնեցէ՛ք ամբաստանեալին որ ոտքի ելլէ :

Ոստիկան-զօրքերը բռնեցին Լանկլատի թեւերէն և ոտքի հանեցին :

Ամբաստանեալը զարմացած բայց հանդարտ երեւոյթով մը անոնց նայեցաւ. անտարակոյս հասկցաւ թէ իրմէ բան մը կ'ուզէին և դարձաւ դէպի առեանը :

Նախագահ . — Ի՞նչ է ահունդ ու մականունդ :

Ամբաստանեալ . — Հէքթօր Լանկլատ :

Ն . — Տարիքնի՞դ :

Ա . — 36 տարու :

Ն . — Վօքլուզի՞ նահանգին մէջ ծնած է՞ք :

Ա . — Այո, Ավինիօնի մօտ :

Ն . — Երկու անգամ դատապարտութիւն կրած է՞ք :

առաջինը 5 տարուան և երկրորդը 20 տարուան թիապարտութիւն :

Ա . — Կարելի է :

Ն . — Երկու անգամուն ալ յաջողած է՞ք ինքզինք-նիդ ազատել բանտէն :

Ա . — Այո :

Ն . — Հիմա պիտի կարդացուի ձեր ամբաստանա-գիրը. մտիկ ըրէ՞ք :

Ամբաստանեալը ինկաւ իր նստարանին վրայ, գլուխը ետի ձգեց և աչքերը կէս մը դօցեց :

Քարտուղարը կարդաց ամբաստանագիրը :

Երբ ընդերցումը աւարտեցաւ վկաները սկսան կան-

չուիլ :

Սօլէյլ-Քուշանի անունը լսելուն Լանկլատ բացաւ աչքերը, տփռունեցաւ բայց գլուխը անշարժ մնաց :

Վկաները քաջութեան իրենց յատկացուած սրահը :

Նախագահը ձեռք առնելու համար հարցաքննութիւնը հրաւիրեց ամբաստանեալը ոտքի ելլել դարձեալ :

— Ի՞նչ ընելու համար հարցուց Լանկլատ :

— Պատասխանելու համար ձեզի ուղղած հարցում-

ներուս :

— Բայց անօգուտ բան է այդ, յարեց Լանկլատ, քանի որ պատասխանել չե՛մ ուզեր :

Ն . — Առանց վկաները նկատի առնելու, կ'ուզենք որ նոյն իսկ ձեռք տեղեկանանք թէ ի՞նչ ձեռով գործուած է ոճիրը, կը կրկնեմ, երդուեալներուն և դատարանին ներողամտութիւնը չնուիրուի ձեզի, եթէ մնաք այդ յա-մառութեան մէջ :

— Ո՛չ մէկուն ներողամտութեան կարօտ եմ ես, յարեց Լանկլատ, առանց ձայնը բարձրացնելու. կարելի եղածին չափ շուտ լրկեցէ՛ք զիս կառափնատ. ահա՛ ինչ որ կը փափաքիմ :

Կառավարութեան կողմէ ամբաստանեալը պաշտպա-նելու կոչուած փաստաբանը դէպի անոր ձեռքու և փոր-

ձեց խելքի բերել, բայց չյաջողեցաւ :

Նախագահը համբերութեամբ սպասելով այս խորհրդակցութեան, որոշեց վկաները կանչել, քանի որ ամ-բաստանեալը չէր խօսէր, և դատարանը միջոց չունէր զայն խօսեցնելու :

Առաջին վկան այրի Տիկին Վիտալին էր :

Բազմութեան մէջ հետաքրքրութեան վառ դրացում մը արտայայտուեցաւ :

Նախագահը խնդրեց վկայէն յաղթանարել իր յուզման և պատասխանել այն հարցումներուն, որ դժբաղդաբար ստիպուած է ուղղել իրեն:

Ճիւղիա Վիտալ մանրամասնօրէն տեղեկացուց իր Բարիզ հասնելուն և կրած տառապանքները: Միւս ամեն հարցումներուն պատասխանեց անյուսալի հանդարտութիւնով մը:

Հարցաքննութիւնը աւարտելուն, Տիկին Վիտալ հարցուց թէ ստիպուած է դատաւարութեան մինչեւ վերջը մնալու: Նախագահը դատաւորներուն և ամբաստանեալի փաստաբանին խորհուրդ հարցնելէ ետք արտօնեց ձիւղիան մեկնել: Կինը ողջունեց յարգանքով և դուրս ելաւ:

Երկրորդ վկան Լա Բէ փողոցի տան դռնապանն էր, որ պատասխանեց, ինչպէս որ ըսած էր հարցաքննիչ դատաւորին:

Պաշտպան փաստաբանը « խնդրեց երդուեալներէն ուշադիր ըլլալ վկային սա յայտարարութեան թէ, Հոկտ. 19ի առտուն մէկը չէ գացած Վիտալի սենեակը:

— Եթէ Լանկլատ տուն մտած ըլլար, աննշմարչպիտի անցնէր, իր մեղի կազմութիւնը պիտի մատնէր զայն:

Այս խնդրին վրայ պայքար մը սկսաւ պաշտպան փաստաբանին և ընդհ. դատախազին միջեւ:

Լանկլատ որ մինչեւ այն ատեն լուռ կը մնար, յանկարծ անհամբերութեան շարժում մը ըրաւ և պօռաց:

— Ի՞նչ տեղը կայ ատոնց. ե՛ս էի որ հարուածը տուի. ա՛յլ վերջացուցէ՛ք:

Նախագահը մեղմ ձայնով մը ըսաւ ամբաստանեալին.

— Սմբաստանեա՛լ, քանի որ կը մերժէք մեղի պատասխանել, կ'արգիլենք ձեզի ընդմիջել մեր դործը, ձեր փաստաբանը ուզած կերպով պիտի պաշտպանէ ձեզի:

արդէն իր դործը դժուար է, դուք ալ անկարելի մի՛ գարձնէք զայն:

Ընդհ. դատախազը իր կարգին բացատրեց Լանկլատի թէ իր խոստովանութիւնները արաւակաւ են արդարութեան համար, որուն լուսաւոր ապացայցներ պէտք են: Վերջացուց ըսելով.

— Երբ ոճրագործը իր եղեռնին անելիութենէն ինքզինքը լքէ, օրէնքը մի՛շտ պաշտպան, իր պաշտպանութիւնը ձեռք կ'առնէ:

Պերճախօսութեան այս շարժումը ազդեցութիւն չըրաւ Լանկլատի վրայ որ ուսերը միայն բարձրացուց այս անգամ:

Վկայութեան կանչուեցան նաեւ Վիտալի բնակարանին շատ մը վարձակալները. ամենքն ալ յայտարարեցին թէ Հոկտ. 19ի գիշերը արտակարգ բան մը լսած չէին տան մէջ:

Աթէֆանի-Քօրնիւի բնակած տան դռնապանը ժաքէ՛ յայտարարեց թէ Հոկտեմբերի վերջերը իրիկուն մը երիտասարդ մը ելաւ անոր սենեակը: Թուականը չկրցաւ ճշդել: Իր տուած նկարագրութիւնները քիչ կամ շատ կը պատշաճէին Մօրիս Վիտալի:

Պաշտպան փաստաբանը սակայն դիտել տուաւ թէ, վկային խօսքին նայելով այդ անձը միջակէն վար հասակ մը ունէր: Մինչ Վիտալը ճանչցողները ընդհակառակը կը հաստատէին թէ, եթէ երկայն հասակ չսեպուէր իսկ, փոքրահասակ ալ չէր նկատուէր բնաւ:

Նախագահը հարցուց վկային.

— Ի՞նչ բան ենթադրել կուտայ ձեզի թէ այդ անձը

Աթէֆանիի սենեակը կ'երթար:

Անոր հետ խօսիլը տեսայ իրիկունը, կառքի գրանտակ:

— Ե՛, այդ մարդը քեզի չհարցուց թէ ո՛ր յարկը կը բնակեր այդ կինը:

— Ոչ, պարոն. կ'երեւի թէ նախապէս նշանակուած էր տեղը:

Այդ աղջիկը սովորութիւն ունէ՞ր դուրսէն մարդիկ ընդունելու:

— Ոչ, մինչեւ. այն ատեն իր տունը միայն սա պարոնը տեսած էի, ըսաւ վկան Լանկլատի կողմը դառնալով:

— Եւ երբ ամբաստանեալը քիչ յետոյ դարձաւ, խօսեցա՞ւ հետերնիդ:

— Այո՛, Պ. Նախագահ, հարցուց թէ օրիորդը տո՞ւնն էր: Վախցայ որ վերը կ'ըլլա մը պիտի ըլլայ, ուստի ըսի թէ դուրս ելաւ:

— Ատով հանդերձ վեր ելա՞ւ:

— Այո, Պ. Նախագահ, ինծի ականջ չկախեց:

— Եւ դուրս ելլելը տեսա՞ր:

— Շուրջ կէս ժամ վերջը, միւս մարդէն քանի մը քայլ հեռու կը գտնուէր. կարծեցի թէ իրար կը ճանչնային:

— Երբ ամբաստանեալը ձեր առջեւէն կ'անցնէր յուզուած կ'երեւէ՞ր:

— Այո պարոն, բայց ատիկա ինծի անհանդատութիւն չպատճառեց, որովհետեւ շատ անգամ կը վիճէր վարձակալուհիին հետ: Ընդհանրապէս երբ անոր տունէն դուրս կ'ելէր, իր պարզ տրամադրութեան ասկ չէր ըլլար:

— Դուք անձնապէս դիտողութիւն ըրա՞՞ծ էիք այդ խստութեան համար:

— Մ'ի, շատ անդամներ պարոն. օր մը նոյն իսկ ինծի քիչ մնաց պատուհանէն վար պիտի նետէր:

Ինչպէս թեպէնք բարձրացան այս խոստովանութեան վրայ:

Ն. — Վերջին անգամ ըլլալով կը յայտարարեմ

թէ, պատրաստ եմ ամեն խիտ միջոց ձեռք առնել ատանկ ցոյցերու դէմ, ինչ որ ալ ըլլան իրենց բնութիւնը:

Այս վճռական խօսքին վրայ անդորրութիւնը վերահաստատուեցաւ սրահին մէջ:

Նախագահը յետոյ հարցուց վկային.

— Ուրեմն ըստ ձեզ, ամբաստանեալը շատ բարկացոտ և խիտ էր:

— Այո Պ. Նախագահ, բայց ասոր հետ մէկտեղ գէշ մարդ մը չէր: Երբ բարկացած չըլլար կուգար ինէ ներսը: Դուրսէն կը խնդրէր և անպատճառ 40 սու կը դնէր ափս:

Հոս հարկ չենք տեսներ մանրամասնօրէն արձանագրել ամեն դէպքերը: Ատոնք արդէն մեծ մասով գիտեն ընթերցողները, ուստի կ'անցնինք Սօլէյլ-Բուշանի հարցաքննութեան: Այս աղջկան յայտնութիւնները ծանօթ են արդէն ամբողջովին. միայն իր մուտքը զգալի կերպով փոխեց ամբաստանեալին կացութիւնը և ծնունդ տուաւ եղական միջադէպի մը որ այսօր դատավարութիւնը վերջացուց բոլորովին անակնկալ կերպով մը:

Ինչպէս յուսալի էր այդ տեսակ արարածէ մը, Սօլէյլ-Բուշան հազուած էր իր ամենէն պերճ և ծանրագին եղանակովը: Երբ իր անունը կանչուեցաւ, ան առաջացաւ անվարան, ժպտելով ամեն անոնց որոնք կը ծռէին գինքը դիտելու համար:

Ամբաստանեալը միշտ նոյն դիրքին մէջ, գլուխը չզարձուց ասդին. իր կիսաբաց աչքերը ա'լ աւելի չբացուեցան: Պիտի կարծուէր թէ այս նոր վկան ալ միւսներուն պէս արժէք չունէր իրեն համար:

Այսուհանդերձ ուշադիր դիտող մը պիտի յուզուէր անոր վրայ տեսնուած քանի մը նշանակելի նշաններով. Լանկլատի ըրեբը կը ճմուռէին, չրթները տեղուծած էին և իր դողդոջուն մասները ջղայնօրէն կը դարնուէին առջեւի սեղանին վրայ:

— Կը ճանչնա՞ք ամբաստանեալը, ըսաւ նախագահը Սօլէյլ-Քուշանի, սովորական հարցումներէ ետք:

— Ա՛հ, այո պարոն, աղէ՛կ և չափազանց իսկ, աւելցուց ժպտելով:

— Ամեն տեսակ աւելորդ խօսքերէ զգուշանալու շնորհը պիտի ընէք մեզի յարեց նախագահը լուրջ ձայնով մը, ձեր չափազանց իսնը աւելի է, աղբիւր կը բաւէր: Մանաւանդ ջանացէ՛ք աւելի լուրջ ըլլալ և մի՛ մոռնաք թէ արդարութեան առջեւ կը դռնուիք: Հիմա ըսէ ինչ որ գիտես այն դժբաղդին վրայ որ հրապօյրներուդ չղիմանալով տունդ եկաւ իրիկուն մը: Երբ խօսքերնիդ աւարտէ՛ք կարգ մը ուրիշ հարցո մներ պիտի ուղղեմ ձեզի: Կրնաք սկսիլ:

Սօլէյլ-Քուշան մերթ ատեանին, մերթ երդուեալներուն և մերթ Լանկլատի դառնալով զանազան արտայայտութիւններով կրկնեց ինչ որ արդէն յայտնած էր Վիպէռի: Իր պատկերալից լեզուն, կարգ մը արտայայտութեանց լրբութիւնը և այն ձեւը որով ծանրացաւ իր նախկին սիրահարին վրայ, մրմունջներ յարուցին ժողովուրդին մէջ, զոր նախահազը հակառակ իր ալ մասնակցութեան, ատիպուեցաւ դադրեցնել:

Միայն Լանկլատ, անտարակոյս վարժուած Սօլէյլ Քուշանի յանդիմանութիւններուն և քաղցրութիւններուն, ոչ մէկ շարժում ըրաւ. Լնդհակառակը կարծես հաճոյքով մտիկ կ'ընէր անոր խօսիլը. Հակառակ իրեն, կամաց կամաց անոր կողմը դարձած էր և անոր կը նայէր: Իր նայուածքը ո՛չ ատելութիւն ունէր, ո՛չ արհամարանք ո՛չ բարկութիւն, ընդհակառակը աւելի տրխրութիւն. վիշտ և հիացում կը կարգացուէր հոն:

Նախագահին շամեն հարցումներուն պատասխանելէ և լուրջ ու արդար յանդիմանութիւն մը ստանալէ ետք Սթէֆանի Քօրնիւ իր տեղը դարձաւ: Միշտ շնորհալիօ-

րէն կը ժպտէր ատեանին, երդուեալներուն, փաստաբաններուն և հանրութեան, աչքովը մէկը փնտուելու պէս և կարծես ճանաչումը չունենալով իր այդ ընթացքին առաջ բերած դէշ աղբեցութեան:

Նախագահը հարցաքննեց նաեւ երկու վկաներ և յայտարարեց թէ քառորդ մը դադրած է նիստը:

Ոստիկան-գինուորները քաջուեցան ամբաստանեալին հետ, մինչ ամեն կողմէ կարծիքի փոփանակութիւններ կը բարձրանային:

Սօլէյլ-Քուշան փորձեց իր քովիներուն հետ խօսքի քունուիլ. բայց ամօթի զգացումով մը էրիկ-մարդիկը պատրուակներ կ'ստեղծէին հեռանալու: Ի դուր իր սիրատարին նայուածքները կը պտտցնէր երիտասարդ փաստաբաններուն շուրջը. այդ փաստաբանները ծածկուած իրենց զգեստներուն մէջ՝ անտարբեր կը կենային: Այս մինակութիւնը սկսած էր ծանրանալ իր վրայ երբ յանկարծ նշմարեց իր երիտասարդ Անգլիացին, որ նիստին զադրելէն օգտուելով և դրամական վարձատրութիւնով յաջողած էր ներս սահիլ:

Աղջիկը անոր մօտեցաւ յանկարծ, իր քովը նստեցուց և անոր հետ սկսաւ կենդանի և վառ մնջկատակ մը: Անգլիացին յափշտակուած էր. խնդաց, խոշոր ախռաները քայքայ ձգելով և մատները բաձկոնակին անութիւն անցընելով:

Չանդակի ձայն մը լսուեցաւ և բարապան մը ծանոյց թէ նիստը պիտի սկսէր:

Այս անգամ երբ ամբաստանեալը սրահ մտաւ՝ առաջին ակնարկը Սօլէյլ Քուշանի ուղղեց: Միեւնոյն ատեն նշմարեց երիտասարդը որուն հետ կը տեսնուէր տակաւ ընտանի եղանակով մը:

Նախագահը իր թիկնաթոռին մէջ տեղաւորուելով յարեց.

Ընդհանուր դատախազը կրնայ խօսիլ:

Ասոր վրայ ոտքի ելաւ ընդհ. դատախազը և սապէս  
սկսաւ իր ամբաստանագիրը:

« Պարոն դատաւորնե՛ր,

« Այս ծանր ամբաստանութիւնը հաստատելով ձեր  
առջեւ, մեծ տխրութեան մը չեմ կրնար ինքզինքս հեռու  
պահել, որովհետեւ ստիպուած եմ ձեռնէ ինչորեւ խիստ  
և ծանրակշիռ վճիռ մը: Բայց պարտաւոր եմ դադրեցնել  
վիշտերս և ինքզինքիս կոչում ընել թէ, ես հոս ո՛չ միայն  
ահռելի ոճիրով մը անիրաւուածըն կերութեան ներկայա-  
ցուցիչն եմ, այլ մարդկային կեանքին փաստաբանը:  
Պաշտօնս դժուար է, գիտե՛մ, բայց պիտի փորձեմ պաշտօ-  
նիս բարձրութեան հասնիլ: Ամեն ընտէ առաջ պարոն-  
նե՛ր, պէտք է ճանչնայիք այս մարդը որ ձեր առջեւ է,  
ամբաստանեալներու նստարանին առջեւ և զոր դատելու  
կոչուած էք»:

Այս յառաջաբանէն ետք ընդհ. դատախազը կ'սկսի  
պատմել Լանկլատի կեանքը իր ծնունդէն մինչեւ այժ  
օրը, իր բոլոր դրուագներուն մէջ: Կը ծանրանայ այն  
կապերուն վրայ, որոնք ամբաստանեալը կապած են  
Սօլէյլ-Բուշան ըսուած աղջկան, որ զլիսաւոր պատճառը  
եղած է իր մոլութիւններուն, իր ոճիրներուն: Վերջա-  
պէս բուն իսկ ինչիրին մէջ մտնելով հաւաքեց այն ամեն  
իրողութիւնները որոնք Լանկլատի դատապարտութիւնը  
անխուսափելի կ'ընէին: Վերջացուց պնդելով թէ ամբաս-  
տանեալը ոչ մէկ գթութեան արժանի է և կը յուսայ թէ  
երդուեալները, հաւատարիմ իրենց խիղճին, պիտի հար-  
ւածեն մարդասպանը՝ յիշելով դժբաղդ գո՛ր:

Ընդհ. դատախազին ամբաստանագրին միջոցին,  
Լանկլատ անհամբերութեան և բարկութեան շարժումներ  
կ'ընէր: Շատեր այս յուզումը կը վերագրէին ընդհ. դա-  
տախազին խիստ պահանջումներուն, բայց աւելի ուշա-

զիր դիտող մը՝ ամբաստանեալին աչքերուն մէջ պիտի  
գտնէր յուսահատութեան ուրիշ պատճառներ:

Պաշտպան փաստաբանինն էր կարգը: Աս ալ ընդհ.  
դատախազին պէս սկսաւ Լանկլատի երիտասարդութենէն  
բայց ինամք տարաւ ցոյց տալու թէ այդ երիտասար-  
դութիւնը խորհրդատուէ զուրկ, ինքզինքին ձգուած,  
տխուր և անկարգ էր, ինչ որ նպաստաւոր էր յաճա-  
խորդին:

— Ընդհ. դատախազը, գոչեց պաշտպան փաստա-  
բանը, հաճեցաւ նկարագրել այս մարդը իբր ամենէն  
գարշելի կիրքերու մէկ որսը, ամեն մեղքերու մէջ  
թաղուած մէկը: Այդ մեղքերը ես կը փնտռեմ ու չեմ  
գտներ. պաշտպանեալս ո՛չ գինով է, ո՛չ խաղամու և  
ոչ ալ անառակ, որովհետեւ մէկ կիրք միայն տիրած է  
անոր կեանքին, այն որ զգացած է կնոջ մը համար  
որուն խոր ապականութիւնը, ճակատագրային գեղեցկու-  
թիւնը տեսաք: Եթէ հանդիպած չըլլար այդ կնոջ, գուցէ  
աշխատաւոր մը, գործաւոր մը պիտի ըլլար. և եթէ այդ  
կինը թշուառական մը ըլլալուն տեղ քիչ մը բարի զգա-  
ցում ունենար զինքը սիրող մարդուն հանդէպ, Լանկլատ  
հոս չպիտի ըլլար հիմա: Բայց Պ. Երդուեալներ, չէ՞ք  
տեսներ պաշտպանեալիս ընդդիմութիւնը ինքզինքը  
չպաշտպանելու համար, սոսկալի տառապանքները, այն  
խոր դարչանքը զոր կեանքը կը ներշնչէ իրեն, և այն  
յուսահատութիւնը որ գրաւած է զայն: Ընդհ. դատա-  
խազը այս բանը խղճի խայթ կը կոչէ. ես կը կարծեմ  
թէ ատիկա սէրն է, վշտահար սէրը, յուսահատ սէ՛րը:  
Եւ իմ խիղճս, պարոննե՛ր, կը հրամայէ ինծի պաշտպա-  
նել այս թշուառը, որ զիս կը մերժէ և որ չուզեր  
պաշտպանուիլ: Ինքզինքը յանցաւոր կը յայտարարէ.  
է՛լաւ, ես կը հաւատամ թէ պարզապէս մեռնիլ կ'ուզէ  
ան և կը յայտնեմ թէ զայն դատապարտելը անձնաս-

պանութեան մը ձեռնտու ըլլալ ըսել է, Այս բանը չպիտի՛ ուզէք դուք, այդ բանին իրաւունք չպիտի ունենա՛ք...

Այս յուզուած խօսքերը ներկաներուն մէջ մսծ ազգեցութիւն մը առաջ բերաւ:

Գալով Լանկլատի, վայրկեան մը մտիկ ընելէ ետք իր պաշտպանեալը, շարժում մը ըրաւ կարծես ըսել ուզելով.

— Որչափ բարի տղայ է:

Յետոյ դարձաւ Սօլէյլ-Քուշանի կողմը որ հեազհետէ աւելի ևս պջրտա, գրգռիչ ակնարկներ կը նետէր իր Անգլիացիին:

Փաստաբանը հիմա մտաւ բուն գործին մէջ. պարզութեամբ և անընկճելի տաղանդով մը մէկիկ մէկիկ ի յայտ բերաւ մանրամասնութիւնները, որոնք, ըստ իրեն չէին լուսաբանուած: Զանազ ապացուցանել թէ, ինչ որ ալ ըսէ Լինքհ, դատախազը, Վիտալ ճանչցած չէր կրնար ըլլալ Լանկլատը և հետեւաբար անոր անունը գրելու մտածումը ունեցած: Յիշատակեց թէ Սօլէյլ-Քուշանի և դռնապանին յայտնածին համեմատ Լանկլատի գոհը վառ և կարմիր գոյն մը ունէր, մինչ ամեն մարդ կը վկայէր թէ Վիտալ նշանակելի տոգունութիւն մը ունէր:

Բանախօսը սապէս շարունակեց.

— Պարոն երգուեալներ, այս գործին մէջ արտակարգ և խորհրդաւոր բան մը կայ, որ պարտի ձեր խիղճը վարանեցնել: Ոճիր մը գործուած է, մարդ մը մեղապարտ ճանչցուած է, և կարգ մը ապացոյցներ կը միանան անոր դէմ. կը խոստովանիմ ատիկայ: Բայց հակառակ այս խոստովանութեան, հակառակ այս ապացոյցներուն, պարոններ կ'երգնում որ կը վարանիմ իր մեղապարտութեան վրայ և ես ազատ պիտի արձակէի այս մարդը. պիտի հաւանէի չպատժել ոճրագործ մը, յետոյ բոլոր կեանքիս մէջ շարտասուելու համար անմեղի մը

մահուան պատճառը ըլլալուս համար: Երբէք չպիտի մոռնամ մեծ հոգեորի մը սա խօսքերը. — «Երբ Աստուած մարդուն չէ տուած ոճիրի մը կատարեալ լուսաբանութիւնը, նշան մըն է թէ Ան չուզեր դատել զայն և որոշումը վերապահած է իր երկնային դատաստանին:

Այն վայրկեանին երբ կը կարծուէր թէ վերջացած էր այս պերճախօս պաշտպանողականը և հանրութեան մէջ հաւանութեան շարժումներ կը շրջէին, պաշտպանը հոգեորական գեղեցիկ շարժում մը ըրաւ որ բնաւ չէր երեւակայուէր:

Յանկարծ դարձաւ ամբաստանեալին կողմը բռնեց անոր ձեռքերը և սեղմելով զանոնք, երգուընցուց զայն ըսելու թէ յանցաւոր չէ՛ ինք:

Ներկաներու մէջ սարսուռ մը պտտեցաւ. ամեն սիրտ կը բարախէր: Լանկլատ միայն անտարբեր կ'երեւար իր պաշտպանին զինքը ազատելու այս փորձին: Իր աչքերը յառած էին Սօլէյլ-Քուշանի վրայ: Յանկարծ սրահը ողողող կէս մութին մէջ կարծեց նշմարել Անգլիացիին, որ իր սիրուհիին քովը նստած, բազուկները կ'անցնէր անոր մէջքին, և կինը ինքն ալ դլուխը կը կրթնցունէր իր նոր տարիաւորին ուսին:

Լանկլատ չէր կրնար տոկալ ատանկ տեսարանի մը վրէժխնդրութեան ահռելի գաղափարներ անցան ուղեղէն և ուժգունօրէն թոթուելով փաստաբանին իրեն երկարած ձեռքը, պօռաց.

— Ո՛չ, ո՛չ, յանցաւորը ես չե՛մ...

Յուզումը պատեց ամբողջ ներկաները:

Երկու երեք հոգի ոտքի ելան:

Բայց նախագահին առաջին խօսքերը վայրկեանի մը վրդովանքէ ետք վերահաստատեց անդորրութիւնը:

— Շատ ուշ մնացիք, ըսաւ. ամբաստանեալին, ան-

մեղու թեանդ վրայ ճառելու : Մինչեւ հիմա պատասխանել մերթելէ ետք ձեր այդ քամքը պիտի ըսել տայ թէ ալիքեցութիւն մը յուզում մը յառաջ բերել կ'ուզէք : Ուստի կը խնդրենք Պ. երդուեալներէն իրենց համոզման վրայ մնալ : Լաւ, եթէ անմեղ էիր, ի՞նչու առաջուց չըսիր :

— Է՛, որովհետեւ, գոչեց Լանկլատ, որովհետեւ յանցաւոր կը կարծէի ինքզինքս :

Նախագահը ամբաստանեալին այդ յայտարարութենէն զարմացած, գոչեց .

— Ինքզինքնիդ յանցաւոր կը կարծէի՞ք... Կարծել թէ մարդ մը սպաննած էք : մինչ չէք սպաննած դայն :

— Այո՛, մարդ մը սպաննեցի, բայց ես չուզաննեցի Մօրիս Վիտալը .

— Է՛, ձեր սպաննած մարդուն անունը ի՞նչ է :

— Չեմ գիտեր, բայց ուրիշ անուն մը ունէր :

— Ի՞նչ բան այդպէս կարծել կուտայ ձեզի :

— Ամբաստանեալը ընդհ. գատասխազը ցոյց տալով ըսաւ .

— Սա պարոնին ըսածներէն կը հետեւցնեմ : Ժամ մըն է կը խօսի զո՛րին վէրքէն վազող արիւնին, դանակի մը, աշխատութեան սենեակի մը. ննջասենեակի մը և վերջապէս խել մը բաներու վրայ որոնք ճիշդ չեն կրնար ըլլալ, քանի որ իմ գաշոյնովս, այո՛, սա դաշոյնով էր որ զարկի այդ անձը, և զայն զարկի կառքի դրան մը տակ և ո՛չ թէ աշխատութեան սենեակի մը մէջ :

Նախագահ . — Կը խնդրէինք Պ. Երդուեալներէն ուշադիր ըլլալ այդ պատմութեան անձմարտանմանութեան :

Ամբաստանեալ . — Անձմարտանմանութիւն . - Ի՞նչ շահ ունիմ ուրեմն ըսելու թէ աս մարդը սպաննեցի և սա ո՛չ, չէ՞ մի որ միշտ պիտի դատապարտուիմ :

— Այո՛, բայց ատանկով կրնաք յետաձգել ձեր գատապարտութիւնը :

— Եթէ ուզէի վճիռը յետաձգել տալ, սկիզբէն կը խօսէի . կը տեսնեմ որ կը շփոթիք... .

— Արդարութեան հանդէպ Լանկլատի յարգանքէ զուրկ այս խօսքերուն առանց ուշ դարձնելու, նախագահը հարցուց թէ ինչո՞ւ այդքան ուշ կը պաշտպանէր ինքզինքը :

— Ատիկա իմ գաղտնիքս է, ըսաւ թիապարտը ատելաՎառ նայուածք մը նետելով Սօլէյլ-Քուշանի կողմը :

— Լա Բէ փողոցին մէջ սպաննեցիք ձեր ըսած անձը :

— Այո, Լա Բէ փողոցին մէջ էր, բայց թիւը չեմ գիտեր :

— Ժամը քանի՞ն էր :

— Իրիկուան ժամը 10ին ատենները :

— Հոկտեմբեր ամսո՞ւն մէջ էր :

— Այո, Հոկտեմբերի վերջերը :

— Լա՛ւ, դուք ձեր դատապարտութիւնը ձեր բերնովը կուտաք : Բացի Մօրիս Վիտալէ ուրիշ ոչ մէկ մարդ սպաննուած է Լա Բէ փողոցին մէջ վերջին Հոկտեմբերին, նոյնիսկ Սեպտեմբերին և Նոյեմբերին :

Այս վայրկեանին երդուեալներուն մէջէն մէկը ոտքի ելաւ և նախագահէն արտօնութիւն խնդրեց ղիտողութիւն մը պարզելու :

Նախագահ . — Խօսեցէ՛ք պարոն, մտիկ կ'ընենք :

Երդուեալ . — Պարտականութիւնս է դատարանին ուշադրութիւնը հրաւիրել դէպքի մը վրայ որ հիմա միտքս ինկաւ և որ գուցէ չգիտեր դատարանը : Վերջին Հոկտեմբերին, Լա Բէ փողոցին ոճիրէն քանի մը օր առաջ, իմ բարեկամներէս մէկը մնած գտնուեցաւ նոյն փողոցը, կառքի դրան մը տակ. Իր վրայ ո և է նշան չկար որ ոճիրէ մը կասկածուէր . ենթադրուեցաւ թէ իր շափազանց արիւնային խառնուածքին պատճառաւ ար-

եան համախոնում մը ունենալով կաթուածահար եղած է. Պէտք է աւելցնեմ թէ իր ձախ քուփին վրայ սեւ ու լայն նշան մը կար: Բայց առաջին անգամ ես մտածումը ունենալով ըսի թէ բարեկամս ինկած ատեն գլուխը զարկած է քարի մը: Հիմա կը հասկնամ թէ ամբաստանեալին դաշոյն քուփէն զարնելով այս խրամը բացեր և մահ պատճառեր է:

Այս խօսքերը որոնք արտասանուեցան յարգուած անձի մը կողմէ, երգուեալներու մէջ իր ունեցած դիրքովք աւելի հեղինակաւոր կը դառնար, մեծ յուզում և փոփոխութիւն յառաջ բերու ամբողջ սրահին մէջ:

Ամեն մարդ իր քովինին հետ կը խօսէր, կարծիք կը փոխանակէր:

Լնդհ. դատախազը ծանուցագիր մը յանձնեց նախադահին:

Միւս բոլոր երգուեալները նոր բացատրութիւններ պահանջեցին իրենց ընկերակիցէն, որ այս անակնկալը պարզեր էր:

Լանկլատ առանց աչքէ հեռացնելու Սօլէյլ Բուշանը, կը խօսէր իր փաստաբանին հետ:

Նիստը առանց օրինաւորապէս դադարած ըլլալով ընդմիջուած էր:

Կամաց կամաց անդորրութիւնը վերահաստատուեցաւ և ընդ. դատախազը սա ձեւով խօսեցաւ.

«Պարոն դատաւորներ.

«Ներկայ միջադէպին և երգուեալի մը մեր քննած գործին բո՛ւն իսկ հիմին վրայ արտայայտած կարծիքին առջեւ, կարծեմ անհրաժեշտ է որ դատավարութիւնը ուրիշ օրուան մը յետձգուի»:

Դատական մարմինը քաշուեցաւ խորհրդակցելու համար:

Վայրկեան մը ետք, դատաւորները ներս եկան և նախադատը հետեւեալը յայտարարեց. —

«Դատարանը, խորհրդակցութենէ մը վերջ Պ. Ընդհ. դատախազին պահանջումներուն իրաւունք տալով ինդերին քննութիւնը ուրիշ նիստի մը կը թողու:

«Ոստիկաննե՛ր տարէ՛ք ամբաստանեալը»:

Դատավարութիւնը վերջացած էր:

Ամեն մարդ հեռացաւ բուռն յուզումի մը տակ:



ԺԸ.

Այս դատավարութեան յաջորդ օրը առտուան ժամը 10ին մօտ, Վիպէն կրածօն փողոց գնաց. այս անգամ սակայն իր գաղտնի ճամբուն չհետեւեցաւ, այլ վերելաւ մեծ սանդուխէն, կամաց կամաց:

Ճակատը մթին էր, տժգունութիւնը ծայր աստիճան, իր բոլոր անձին վրայ խոր վիշտի մը գոյութիւնը կը կարդացուէր: Երեք ամսուան մէջ քանի մը տարեկան ծերացած էր: Բայց նոր զգացում մը կարծես այդ վայրկեանին նկարուած էր դէմքին վրայ: Բերանը որ սովորաբար լուրջ էր, ժպիտով մը կը ծալուէր. նայւածքը սովորականէն աւելի ոգեւորուած էր. վրան տեսակ մը բան կար տխուր, ատելավառ և գոհ: Միշտ տառապողի դիրքը ունէր, տառապող մը սակայն՝ որ իր վիշտերուն վերջին մօտեցած է. իր գործելու ասպարէզը ամպամած՝ բայց նուազ անորոշ է: Գուցէ կը քալէր դէպի անդունդ մը, բայց այդ անդունդը կը տեսնէր և հոն կը դիմէր հարթ ու ծանօթ ճամբէ մը: Կը նմանէր այն գինուորին որ երկար ատեն դարանակալ պատե-

բազմէ մը ետք, վերջապէս կրնայ ճակատիլ բաց դաշտի վրայ, լայն երկնքի մը տակ. իր առջեւ թշնամիներու երկար շարք մը կը նշմարէ. գիտէ թէ պիտի ոչնչանայ թնդանօթի հարուածին տակ, բայց դառն հաճոյքը պիտի վայելէ վայրկեան մը իր թշնամին տեսնելու, անոր վրայ վազելու և գուցէ մահացու կերպով գարնելու, անոր հարուածներուն տակ իյնալէն առաջ:

Ճիւղիայի յարկաբաժինը հասնելուն Վիպէո անվարան գանգակը քաշեց:

Մարիէթթա դուռը բացած անոր կը նայէր զարմահար.

— Կ'ուզեմ որ տիկինիդ ներկայութեան ընդունուիմ:

— Պարոնը թող սրահ մտնէ և ետ տիկինին լուր կուտամ. հագուելու վրայ է:

Մինակ մնացած այս սենեակին մէջ ուր երկարատեանէ ոտք կոխած չէր, և որ ապակեպատ դրան ծակէն միայն դիտած էր, տեսակ մը խանդաղատանք պատեց զայն. ամեն տեղ, ամեն իր յիշատակ մը կ'արթնցընէր իր մէջ: Օր մը, սա պատուհանին առջեւ անյանկարծ իր ձեռքերը բռնելով գոչած էր. — « Ինքզինքնիդ ինծի պիտի նուիրէք, այնպէս չէ. պիտի օգնէ՞ք ինծի ամուսնոյս վրէժը լուծելու... » Ուրիշ անգամ մը սա դրան մօտ, մտնալով թէ ոստիկանի երեւոյթին տակ էրիկ-մարդ մը կար և թէ այդօրինակ ընտանութիւններ կրնային վտանգաւոր ըլլալ, Ճիւղիա յուսահատութեան վայրկեանի մը մէջ իր գլուխը Վիպէոի ուսին կրթնցուցած և լացած էր անոր սրտին վրայ: Հոս, ան ժպտած էր, հոն՝ շնորհակալ եղած էր լաւ խորհրդի մը համար. սա շրմինէին առջեւ էր որ իրիկուն մը, գեղանի այրին իր մտածումներուն մէջ ինկած՝ չէր լսած իր մուտքը և տեսած էր կրակին դէմ բռնած անոր ոտքը և զմայլելի սրունքի մը շրջագիծը:

Այո, այս սրահին մէջ էր որ կահաց կամաց մեծցած էր իր սէրը և եղած էր անպարտելի և զօրեղ կիրք մը: Եթէ այդ վայրկեանին ներս մտնէր Ճիւղիա, ոստիկանը, դեռ իր յիշատակներուն տպաւորութեան տակ, գիշերւընէ իր միտքը ողողող պատկերները վանէր գուցէ, որոնք դառնօրէն կը ժպտեցնէին զինքը: Պիտի ներէր գուցէ անոր, իրեն կարճ հաճոյքներ պատճառած ըլլալուն համար, հոգ չէ թէ տառապեցուցած էր այնքան երկարատեան: Բայց յանկարծ ոստիկանին ակնարկը ինկաւ այն քանաբէին վրայ, ուր Տիկին Վիտալ սովորաբար կը նստէր, Սավարիին քովիկը: Յիշեց յանկարծ վերջին տեսարանը, որուն առջեւ ինքզինքը կորսնցուցած էր վայրկեան մը: Մոռցաւ բարին, մրայն չարը յիշելու համար և երդում ըրաւ անողոք ըլլալ ուրիշներուն համար, ինչպէս ուրիշները անողոք եղած էին իրեն հանդէպ:

Տիկին Վիտալ սրահ մտաւ և առանց Վիպէոը հրաւիրելու որ նստի, ըսաւ.

Չէի կարծեր որ ձեզի անգամ մըն ալ տեսնէի:

Այս պարզ ունդունելութիւնը զարմանք չպատճառեց ոստիկանին. այդ բանը գուշակելու չափ մտացի էր: Դիտէր թէ Ճիւղիա զինքը պիտի ատէր, որովհետեւ ոճրի մը հեղինակ կասկածած էր այնպիսի մէկը զոր հիմա կը սիրէր: Այս կասկածները Վիպէոի հետ ի'նք ալ ունեցած էր, բայց ասիկա աւելի կենդանի պատճառ մըն որ ուրանար իր մեղսակիցը:

— Տիկին, պատասխանեց Վիպէո. մէկէն ի մէկ ձեզի հետ տեսնուելէ դադարեցայ, որովհետեւ պաշտօնս աւարտած էր ալ: Դիպուածը ձեռքս ձգեց ձեր ամուսինին սպաննիչը. կրցի զայն մինակս ձերբակալել և դատարանին յանձնել. և ձեր օժանդակութիւնը, որ այնքան թանկագին և անհրաժեշտ էր երբ խնդիրը Պ. Սավարիի շուրջը կը դառնար, բոլորովին անօգուտ էր ինծի այս պարագային.

Այս բոլոր բառերը, զոր Վիպէն դիտմամբ կը շեշտէր, խորապէս վիրաւորեց ձիւլիան, որ կսկծագին կերպով պատասխանեց.

— Լա՛ւ, երբ իմ օժանդակութիւնս ձեզի անօգուտ էր, ինչո՞ւ...

Վիպէն անոր խօսքը շարունակելով յարեց.

— Ինչո՞ւ յանդգնութիւնը ունեցայ այսօր ձեզի ներկայանալու, այնպէս չէ՞: Խնդիրը պարզ է և հիմա կը հասկնաք, եթէ երբէք, տիկին, թոյլ տաք որ վայրկեան մը նստիմ:

Դեռատի այրին չպատասխանեց, բայց հասկնալով Վիպէնի տուած դասը, նստաւ, որպէս զի դէմինն ալ իր օրինակին հետեւի:

— Երէկուան դատավարութեան ներկայ էիք, հարցուց յանկարծ Վիպէն որ միտքը դրած էր պայքարը սկսիլ:

— Մէ՛կ մասին միայն, պատասխանեց ձիւլիա, հարցաքննութենէս ետք նախագահին արօժնութեամբ տուն վերադարձայ:

— Ուրեմն գործին վերջաւորութիւնը չէ՛ք գիտեր:

— Չե՛մ գիտեր, և եթէ այդ բանը ինծի տեղեկացընելու համար եկած էք, անօգուտ է: Ատիկա առաջուց յայտնի էր արդէն: Յորչափ ինդիրը ամուսինիս սպաննիչը գտնելուն մէջ էր, զիս քաջ և կորովի կը գտնէիք. այսօր այդ մարդասպանը գտնուած է, իր մեղքին պատիժը պիտի կրէ, ալ արդարութեան կը պատկանի, այլ եւս անոր դէմ սրտիս մէջ ատելութիւն կրելու տեղը չի կայ:

— Շա՛տ լաւ տիկին, դատավարութեան ելքը չպիտի յայտնեմ ձեզի, քանի որ գիտնալ կը կարծէք զայն: Միայն արտօնութիւն կը խնդրեմ պատմելու կարգ մը միջադէպներ, որոնք ձեր մեկնելէն ետք տեղի ունեցան:

Այսպէ՛ս, շարունակեց Վիպէն ծանր ծանր խօսելով, դատարանին մէջ բացարձակապէս հաստատուեցաւ թէ ձեր ամուսինը երբէք ոտք չէր դրած սա Սօլէյլ-Քուշան կոչուած արարածին տունը...

— Ա՛հ, գոչեց ձիւլիա դեղնելով:

Ոստիկանին տուած այս առաջին հարուածը անուշիկ էր ձիւլիայի համար: Եթէ քանի մը շարաթ առաջ զայն իրեն ըսէին, «Ձեր ամուսինը գձուձ կերպով զրգարուած է. ան միշտ հաւատարիմ էր ձեզի և չէր ճանչնար նոյն իսկ իր տարփուհիս կարծորած կինը» ամենախօսք և կատարեալ ուրախութիւն մը պիտի զգար:

Բայց իր ամուսինին անհաւատարմութիւնը որ միակ չքմեղանքն էր իր նոր սէրի մը մէջ նետուելուն. հիմա քոլորովին կը դարձէր գոյութիւն ունենալէ: Վայրկեանի մը մէջ հազարումէկ մտածումներ անցան իր մտքէն: Խղճի խայթը մուտ գտաւ իր հոգեկէն ներս. յետոյ քիչ մը հանդարտեցաւ և Վիպէնի դառնալով հարցուց.

— Ինչպէս արդարութիւնը կրցաւ տեղեկանալ այդ ամենքին: Նախանձէ ուրիշ ի՞նչ զգացում կրնայ մղած ըլլալ այդ Լանկլատը ամուսինս սպաննելու:

— Ան չէ որ սպաննած զայն, պատասխանեց Վիպէն:

— Ան չէ՞... ի՞նչ կըսէք... իր ոճիրը չէ՞ր խոտտովաներ միթէ...

— Այո՛ւ. բայց անձի չիղթութիւն մը կայ. Լանկլատ մարդ մը սպաննած է. անունը չէր գիտեր սպանեալին և կը կարծէր որ ձեր ամուսինն էր: Հաճեցէք տիկին կարդալ դատական պաշտօնաթերթը. հոն պիտի գտնէք այս շահեկան դատավարութեան ելքը, որուն ներկայ գտնուի յարմար չէիք դատած:

ձիւլիա դողբոջուն՝ ձեռք առաւ ոստիկանին երկարած թերթը, չէր կրնար գուշակել թէ Վիպէն ուր կ'ուզէր հասնիլ. բայց որոշապէս կը հասկնար թէ ծանր բան

մը կը դառնար շուրջը: Կարդալէ ետք վարանք մը եկաւ վրան, և թերթը ձեռքէն վար ինկաւ: Վիպէն գետնէն վերցուց, խնամքով ծալլեց գրպանը դրաւ և ըսաւ.

— Այսպէս, դարձեալ պիտի սկսուի:

Ճիւղիա յանկարծ գլուխը վեր առաւ.

— Ի՞նչ բան պիտի վերսկսի, հարցուց:

— Բայց, մարդասպանը չէ գտնուած և սակայն սպանեալ մը կայ: Ուրեմն պէտք է որ սկսինք մեր խուզարկութեան:

— Ատիկա արդարութեան գործն է, յարեց այրին զուսպ ձայնով մը, խառնուելու բան մը չունիմ:

— Ի՞նչ շուտ կ'ընկրկիք, տիկին:

Ճիւղիա վեհ կերպով մը նայեցաւ անոր և զսպելով ջիղերը պատասխանեց:

— Կ'աղաչեմ պարոն որ ձեր դիտողութիւններէն խնայէք ինձի:

— Տէ՛ր Աստուած, տիկին, եթէ դիտողութիւն կ'ընեմ ձեր ընկրկելուն վրայ, անո՛ր համար է որ մեր շահերուն հակառակ է այդ:

— Ի՞նչ կը հասկնաք ատով:

— Անտարակոյս կը յուսայի որ պիտի հաւանէիք ինձի օգնելու, ինչպէս ժամանակին, մեր խուզարկութեանց միջոցին: Չախաւերի մը պէս մոլորեցայ, գիտե՛մ կեղծ հետքի մը վրայ, բայց առաջինին կուզամ դարձեալ ինչ որ ապահովապէս լաւն է:

— Առաջինին, յարեց Ճիւղիա տոգունելով, որովհետեւ հասկցած էր Վիպէի ակնարկութիւնը:

— Այո տիկին, առաջինին: Ի՜նչ որ Լանկլատ չէ յանցաւորը, ա՛յ պատճառ չունիմ չկասկածելու դարձեալ Սավարիի մեղապարտութեան վրայ:

— Պարո՛ն...

— Տիկին...

— Ձեր կասկածները չեն կրնար հասնիլ անոր՝ որուն վրայ դոր կը խօսի՞:

— Ժամանակաւ կը հասնէին չէ՞... յարեց Վիպէն անգութ կերպով. ինչո՞ւ, խնդրեմ ըսէ՛ք կացութիւնը այսպէս փոխուած է:

— Այնպէ՛ս է, գոչեց կինը զայրարած. պարկեշտ մարդ մըն է ան, աղէկ մը ճանչցայ և կը յարգե՛մ: Ձեր կասկածներով դեռ երկար ատեն մի աղտոտէք զայն.

— Տիկին, աւելցուց Վիպէն իր կարգին աւելի բարկացած: Սավարիի համար անոր այնքան ջերմ պաշտպաշտպանութենէն. տիկին, սա սրահը մուտ գտնելէս ի վեր հաճոյք կը զգաք ինձի յիշեցնելու թէ ես մարդ մը չեմ այլ պարզ ոստիկան մը: Է՛, լաւ. ոստիկանը միայն իր պարտականութիւնը կը ճանչնայ. անոր պաշտօն կը տրուի ոճրագործ մը փնտռելու, ան կը փնտռէ առանց կարեւորութիւն տալու թէ կին մը կրնայ շահ ունենալ այդ մեղապարտէն, և զայն կը սիրէ...

Ճիւղիա անդէն խոյացաւ, թեւերը երկարեց և միայն սա բառը գոչեց.

— Դո՛ւրս ելէք.

Վիպէն տոգոյն՝ նոյն կնոջ չափ, ցաւազինօրէն ընկճուած աչքերը խոնարհեցուց և հնազանդեցաւ:

— Ո՛ւր բերեք են ինձի. Ի՞նչ տեսակ երկիր է հոս, սենեակդ կուզան սպաննելու համար մարդ մը կամ նախատելու համար կին մը:

Իր ցատուժին մէջ գերազանց էր: Սեւ շքեղ մազեր զորս հազիւ կրցած էր ամփոփել ոստիկանը ընդունելու համար, քակուած ինկան անոր դողդոջուն ուսերուն վրայ: Կուրծքը կ'ելեւեջէր զայն հազիւ ծածկող ժանեակին տակէն. բարկութիւնը ոգեւորած՝ էր այտերը և կարմրեցած՝ իր շրթունքը: Բայց բերանը ուրկէ հառաչ մղդուրս կը պոսթկար, ցոյց կուտար ակոսանքուն զմայլելի շարքը:

Վիպէն որ կեցած էր դիտելու համար, երբէք այս-  
քան զգլխիչ չէր տեսած զայն, չկրցաւ իր միշտ գերա-  
գերագրգիռ և չգոհացած երեւակայութիւնը զսպել-  
յանկարծ ինքզինքը կորսնցուց, խոյացաւ դէպի  
ձիւլիայի, անոր գլուխը առաւ իր ձեռքերուն մէջ ինք-  
նապաշտպանութեան տեղի չձգելու համար և իր շրթ-  
ները փակցուց գեղանի իտալուհիին հրապոյչոր շրթնե-  
րուն:

Ասիկայ առաջին համբոյրն էր որ գուցէ կնոջ մը  
կուտար:

Ձիւլիա դողդղաց այս զգուելի հպումէն. յետոյ  
խիզախ շարժումով մը ինքզինքը ազատելով այդ գրկա-  
խանութենէն, հարուած մը տուաւ Վիպէնի դէմքին և  
խելակորոյս փախաւ:



ԺԹ.

Մեր ձեռքը ունեցած բազմաթիւ վաւերաթուղթե-  
րէն, որոնց համեմատ պատմեցինք այս պատմութիւնը,  
փոքր մաս մը միայն կը մնայ, քիչ մը մանրամասնու-  
թիւններով: Մեր տուածին վերջին արարուածին հասած  
ենք ալ: Դանդաղ վայրկեաններ անցած են, գործողու-  
թիւնը մեզ առաջ կը մղէ և դէպքերը մեզ կը տանին  
դէպի գործին ելքը:

Վիպէնի մեկնելէն ետք ձիւլիա ինքզինքին եկաւ,  
վայրկեան մը վարանեցաւ, կորովի որոշում մը տուաւ  
և գրասեղանին առջեւ անցաւ:

Սապա գրեց Սավարիի.

«Յորեկը ինձի տեսնելու մի՛ գաք: Բայց այս իրիկուն  
ժամը Ղին փութա՛: Կարեւոր բաներ ունիմ ըսելիք»:

Պահարանի մը մէջ դբաւ և Մարիէթթան կանչեց ու  
ըսաւ:

— Նամակը իր հասցէին ղրկել տուր և եկուր ինձի  
տեսնելու:

Երբ Մարիէթթա գործը աւարտեց Տիկին Վիտալ  
ըսաւ անոր.

Վաղը Իտալիա պիտի մեկնինք. պայուսակներնիս  
պատրաստէ և հագուեցուր ինձի, դուրս պիտի ելլեմ:

Վայրկեան մը ետք կառք մը նստաւ, իր նօտարին  
գնաց, որուն հետ զանազան գործերու մասին խօսեցաւ.  
Սէն Ռօշ եկեղեցին մտաւ ուր երկար ատեն աղօթեց և  
յետոյ ուղղուեցաւ Բէն-Լաչէզ գերեզմանատունը. հոն  
ձիւլիա ծունկի եկաւ էրկանը գերեզմանին վրայ, ար-  
տասուեց հեկեկալով, կարծես ներողութիւն կը խնդրէր:

Մեծ վիշտով կրցաւ աւարտել այս ամեն ուխտա-  
գընացութիւնը: Փետրուար 29ի չորեքշաբթի օրն էր և  
Բարիզ ոգեւորութեան մէջ, ազգային տօնի մը պէս  
ամեն մարդ փողոց էր ինկէր. զինուորները կը հսկէին  
բարեկարգութեան և «կեցցէ»ներու կոչերը ու Մարսիլէզի  
եղանակները կը թնդացնէին օդը:

Ոչ մէկ միջադէպ պատահեցաւ ձիւլիա որ հանգիստ  
մը անցաւ շատ մը փողոցներէ: Սակայն մարդ մը, առանց  
ինքզինքը անոր ցոյց տալու կը հետեւէր և կը հսկէր  
ուշադիր: Այդ անձանօթը նոյն իսկ տունէն ալ ներս  
մտաւ և վեր ելաւ սպասաւորներուն սանդուխէն. մինչ  
ձիւլիա մեծ սանդուխէն կ'ելլէր:

Ժամը Ղին մօտ էր երբ Տիկին Վիտալ դուռը զար-  
կաւ: Մարիէթթա անհանգիստ՝ դիմաւորեց զայն. Սա-  
վարի ալ չուշացաւ գալու:

— Ի՞նչ ունիք. կարեւոր ի՞նչ ըսելիքներ, ի՞նչ ծրա-  
դիրներ են: Արդեօք չէ՞ք ուզեր հօս կենալ ու փախչի՛ր  
կ'ուզէք Բարիզէն:

— Ճի'շդ. ալ չեմ կրնար կենալ հոս. վաղն իսկ կը մեկնիմ:

— Մեկնի'նք, ըսաւ Սավարի:

— Պիտի հետեւի՞ք ինծի:

— Ի՞նչպէս կը հարցնես ատիկա ինծի, գոչեց Սավարի ձեռքերը համբուրելով այրիին:

Ճիւղիա անոր նայեցաւ ուշադիր և աչքերուն մէջ կարդաց անոր բովանդակ սէրը և ըսաւ.

— Սանկ նստէ', լուրջ խօսքեր ունիմ:

— Մտիկ կ'ընեմ բարեկամուհի'ս, ըսաւ Սավարի որ նստաւ անոր քով, քանարէին վրայ:

Տիկին վիտալ սապէս սկսաւ.

— Մեծ սխալ մը գործեցի, եխալ մը այնքան մեծ գոր չէի կրնար երեւակայել: Դառնապէս լացի այդ բանին համար. բայց չեմ ուզեր ձեզի պատասխանատուն կատել, ինչ որ խնդիր չպիտի ըլլայ նաև մեր միջեւ: Հպարտ եմ քու սիրոյդ համար. որ, վստահ եմ, անցեալը մոռցնել պիտի տայ ինծի:

Ա՛հ, այո', գոչեց Սավարի, բոլոր էութիւնովս քուկդ եմ:

— Կատկած չունիմ ատոր: Ի՞նչ պիտի ըլլամ ես առանց քեզի: Ե՛ս ալ կորսնցուցի ինքզինքս, յիշելու իրաւունքս, աւելցուց կինը տխրագին:

— Մի՛ յիշեր անցեալը. հաւատա՛ և յուսա՛: Կ'ըսես թէ Իտալիա պիտի մեկնիս. լաւ աւելի աղէկ. կը փափաքիմ որ այդպէս ըլլայ: Հոն, այդ գեղեցիկ երկրին մէջ, այդ ճաճանչաւէտ արեւին տակ, քու մօտդ կուրծքիդ կրթնած, ինքզինքս պիտի ամբողջացնեմ, պիտի ջանամ թերի յատկութիւններս լրացնել և կեանքս պիտի մաքրեմ իմ սխալներէս, իմ մոլորանքներէս...

— Եւ ես պիտի պարծիմ քեզմով, յարեց թուրքէն, որովհետեւ Սավարի կամաց կամաց անոր կը փոխանցէ՛ր

իր եռանդը և մոռցնելու տար ցորեկուան տառապանքները:

— Ո՛ւր պիտի երթանք, յարեց երիտասարդը, ձեռնովա ընտանիքի՞դ մօտ:

— Այո՛. երջանիկ պիտի ըլլամ եթէ ինքզինքդ մօրս օրրցնես:

— Իբր ի՞նչ պիտի ներկայացնես ինծի: Իբր բարեկամ...

— Ո՛չ, իմիններուս համար դուն պիտի ըլլաս այն մարդը որուն անունը պիտի կրեմ երբ սուգէս ելլեմ:

— Կը հաւանի՞ս, գոչեց Սավարի:

— Բնականաբա՛ր. յարեց կինը պարզ կերպով. ամենայն ապահովութեամբ կրնաս հետս ամուսնանալ, աւելցուց կինը շնորհալի ժպիտով մը. ընտանիքս պատուաւոր է, անցեալիս մէջ բան մը չկայ որ երեսօս տան:

— Ա՛հ, գոչեց Սավարի, ո՛րչափ կ'ուզէի որ ես ալ ա՛յպէս ըսէի...

Սավառի չափազանց յուզուած այս խօսակցութեանէն, խորապէս զգածուած էր. կը գտնուէր այն տեսակ վայրկեանի մը մէջ, ուր ամենէն խելացին անգամ կը մոռնայ ամեն խոհեմութիւն, կը հնազանդի իր ներշնչման, և կեանքը կը տեսնէ նոր երեւոյթի մը տակ: Ինչ որ վայրկեան մը առաջ անկարելի, հրէշային կ'երեւէր, հիմա բնական և պարզ կը նկատուի. արտակարգ քմահաճոյքներ, տարօրինակ խիզախութիւն մը կ'ունենանաւ. կը կարծես թէ ամեն բան ներելի է քեզի:

Արդէն երկար ատեն է որ կը մտածէր կարեւոր խոստովանանք մը բնել ճիւղիայի: Մանր բեռ մը կը խղզէր զայն. մտածում մը կը չարչրկէր, սուր ցաւ մը կը թունաւորէր իր ամենէն մեծ ուրախութիւնը: Իրեն այնպէս կուգար որ եթէ կարենար իր գաղտնիքը վճարահիւ մէկու մը, բարեկամի մը սիրտը ունենալ, խոս-

տովանիլ և արտասուել, նուազ պիտի տառապէր: Եթէ, մանաւանդ ձիւլիա, որուն վրայ բացարձակ վստահութիւն մը ունէր, ուզէր ունկնդրել իրեն, յետոյ վստահ էր թէ պիտի կրնար թողութիւն առնել անկից և այսպէսով ազատած պիտի ըլլար: Բայց, խօսելու պատրաստ միշտ լուռ կեցած էր. այս անգամ սակայն կարգը եկած էր: Ձիւլիա իր կեանքին, իր անցեալին մաքրութեան վրայ կը խօսէր. պէտք էր որ ինք ալ իրենը յայտնէր. երկուքին միջեւ գաղտնիք պէտք չէր մնար ալ. ա՛յնքան կը սիրէին իրար: Իրենց կեանքը դեռ չը միացած, իր անունը դեռ անոր չտուած, պատիւը այնպէս կը պահանջէր որ ըսէր դէմինին ինչ որ կրնար արատաւորել այդ անունը: Ձիւլիայէն աւելի ո՞վ կրնար ներողամիտ ըլլալ. ո՞վ անկից աւելի աղէկ պիտի կրնար սրբել իր արցունքները, զինք մեխթարել, և քաղցր բառերով քաջալերել:

Ձիւլիա, երգեր և աղմուկներ կը բարձրանային միշտ փողոցէն:

Սովարի մօտեցաւ Ձիւլիայի և ըսաւ.

— Գաղտնիք մը կը ճնշէ, կը խեղդէ զիս. կ'ուզե՞ս որ զայն քեզ վստահիմ:

— Անտարակոյս, պատասխանեց կիներ պարզ կերպով:

— Ա՛հ, սոսկալի խղճի խայթ մըն է. խղճի խայթ մը որ սիրաս կը յօշոտէ:

— Խղճի խայթ մը, կրկնեց Ձիւլիա գլուխը վերցնելով:

— Մտիկ ըրէ, աւելցուց ան տարօրինակ կերպով զգլխած. եթէ յանկարծ քեզի ըսէին թէ այն մարդը զոր կը սիրես, այն՝ որուն տուած ես կեանքդ և մտադիր ես անունդ ալ տալ, այդ մարդը գէշ գործով մը յանցապարտ է, կամ օրինակի համար ոճիր մը գործած է...

— Ա՛հ, չպիտի հաւատայի...

— Եւ եթէ ատկա ճիշդ ըլլար. եթէ բարկութան և յիմարութեան վայրկեանի մը մէջ համարձակած ըլլար մարդ մը զարնելու...

Ձիւլիա տփուրեցաւ և ընկրկեցաւ:

— Եւ եթէ, աւելցուց Սովարի, ճակատագրային դժբաղդութեամբ մը այդ մարդը մեռած ըլլար տրուած հարուածէն...

— Լռէ՛, լռէ՛... գուցեղ դեռատի այրին բնազդմամբ:

— Ո՛չ, ո՛չ. սկսայ՝ պէտք է որ աւարտեմ: Այդ գաղտնիքը կը խեղդէ ինձի. պէտք է որ կա՛մ դատապարտես ինձի կա՛մ ներես:

Ձիւլիա ուզեց դարձեալ լռեցնել, բայց ան իր գերազանց ինքնամոռացութեան մէջ չէր լսեր, ոտքի ելած էր և բարկացած, ջղաբարդիւ. մեծաքայլ կը քալէր սրահին մէջ:

— Մտիկ ըրէ, հասկցիր ըսածներս... Ըստ սովորութեան անվրդով և հանդարտ եմ, բայց վայրկեաններ ունիմ ուր կը յուզուիմ, կը կատրիմ, և ինքզինքս կը կորսնցնեմ. ասիկա բնութիւնս է: Այդ ատե՛նները գինիներ կային որ կը գինովցնէին ինձի... Պուլվարին վրայ ճաշեցի, կը չարչարուէի, դժբաղդ էի և ինքզինքս կորսնցնելու համար, սովորականէս աւելի խմեցի: Ծաշէն ետք գացի երիտասարդի մը տունը, որուն հետ շահուկարեւոր գործ մը ունէի: Մեծ գումար մը պարտական էի անոր. վճարելու կարող չէի և գացի տեղեկացնելու... Մինակն էր իր տան մէջ. նոր եկած էր և պիտի պառկէր: Գէշ կերպով ընդունեց ինձի, բացատրեցի իմ դժուարին կացութիւնս, խանգարած վիճակս. խնդրեցի որ գործս չհետապնդէ... ըսի իրեն, «Վերջը պիտի կործանէք զիս, Սակարանին մէջ ունեցած քիչ մը վարկս պիտի ջնջէք, որ ապրուստիս միակ միջոցն է...» Պա-

տասխանեց թէ ատոնք կարեւորութիւն չունէին իրեն համար... Աղաչեցի, պաղատեցայ, բայց ան անզգայ մնաց աղերսներուս... Այն ատեն յուսահատութեան նոպայի մը մէջ գոչեցի. « Պիտի տեսնէք որ գէշ հարուածի մը պատճառ պիտի ըլլաք. եթէ հետապնդուիմ, ամօթով մնալէ, նախատուելէ աւելի նախապատիւ պիտի համարեմ ինքզինքս զարնելը: — Դ՞ուք, պատասխանեց ան ծաղրական շեշտով մը, դո՛ւք պիտի անձնասպան ըլլաք: Օ՛ն ուրեմն, ահա ձեզի սիրուն դանակ մը, զայն ձեզի կը նուիրեմ, բացարձակապէս համոզուած որ զայն գէշ բանի չպիտի գործածէք... » Մեքենաբար առի դանակը. բայց արեւնս գլուխս կը խուժէր, խմած գինիներս բանականութիւնս կորսնցուցին. ա՛լ չաղաչեցի պարտաւէրիս գանգատեցայ իր դժնդակութենէն և երեսին տուի խրատութիւնը... « Իմ խտուածի՛ւնս. գոչեց ան, նա՛, ահաւասիկ տոմսերդ, զանոնք ձեզի կը յանձնեմ, առ զանոնք, ա՛լ ասկից ետք ձեզի՞ հետ գործ ունենալ չեմ ուզեմ... Իայց իբրուունք պիտի ունենամ ամեն տեղ ըսելու թէ գող էք դուք... » Գո՞ղ մը, ե՞ս. խոյացայ իր վրայ. դէ՛ժքիս ապտակ մը զարկաւ. այն ատեն, բարկութենէս կատղած, իմ կարգիս ես ալ անոր զարկի՛ ձեռքս տուած իր դանակովը... Ծիչ մը արձակեց և ինկաւ... Դանակը յնէ հեռու նետեցի և խելակորոյս փախայ... Ա՛հ, ա՛յսպէս ահա տեղի ունեցաւ ամեն բան, կ'երդնո՛ւմ... »

Սավարի կեցաւ. շունչ առաւ և պտտելով շարունակեց, առանց ձիւլիայի նայելու:

— Կը կարծէի թէ թեթեւ կերպով միայն վիրաւորած եմ, բայց սպաննե՛ր եմ... Քանի մը որ ետքը ձերբակալուեցայ. — նախ ուզեցի խոստովանիլ. ոչ մէկը պիտի կրնար դատապարտել ինձի. դժբաղդ մըն էի և ո՛չ թէ չարագործ մը... Մեռցուցած էի առաջը ատանկ

բանի մը մտադրութիւն ունենալու... Յանկարծ յիշեցի այն տոմսերը զոր ան վերադարձուցած էր և մերժելուս հակառակ, բռնի գրպանս խոթած էր: Ատոնք հո՛ն էին գրպանիս մէջ. դանուած էին և եթէ խոստովանէի՝ կորսուա՛ծ էի... փողոցային մարդասպան մըն էի ա՛լ և սպաննած էի՝ պարտքս չհատուցանելու համար... »

Այն ատեն որոշեցի պաշտպանել ինքզինքս, գործեցի բոլոր մտացիութիւնս խարելու համար արդարութիւնը և փրկելու համար գլուխս... Ա՛հ, կ'ըսէի ինքնիրենս, եթէ կեանքը բեռ մը դառնայ ինձի, եթէ ոճիրիս յիշատակը ահուելի թուի ինձի և կացութիւնս անտանելի դարցնէ, լաւագոյն պիտի սեպեմ ինքզինքս մեռցնել. իմ մահուան կերպս ես պիտի ընտրեմ, և առանց պէտք ունենալու որ կառափնատ ելլեմ, ինձի համար արդարութիւնը ե՛ս ինքս պիտի գործածեմ... Անմեղութեանս հաւատացին, ազատ ձգեցին. և այն վայրկեանին ուր, յուսահատած կ'երթայի գուցէ վերջ տալ կեանքիս, յանկարծ, բոլոր ուժերս վերստացայ, որովհետեւ... ձեզի՛ հանդիպած, ձեզ տեսած և ձեզի՛ սիրահարած էի. խօսէ՛ հիմա, աւելցուց Սավարի դէպի ձիւլիա յառաջանալով, բայց առանց անոր նայելու համարձակելով. խօսէ՛ հիմա կը ճանչնաս ոճիրս, կ'ուզե՞ս թողութիւն տալ ինձի... »

Գլուխը ձեռքերուն մէի՝ ձիւլիա չպատասխանեց:

Այս լուութիւնը սարսափեցուց երիտասարդը որ ձեռքը ձիւլիայի ճակտին դնելով փորձեց վեր բարձրացնել:

Սակայն յանկարծական ահուգոյով մը ընկրկեցաւ. այդ մաքուր ճակատը կասկապուտ կտրած էր, և երկու խոշոր արցունքներ կը սահէին այտերէն:

— Օ՛հ, գոչեց Սավարի, ուրեմն կարծածէ՛ս աւելի մեղապարտ եմ եղեր... Կը մերժե՞ս ներել ինձի... »

Ի .

Կինը ոտքի ելաւ դանդաղօրէն և խեղճուկ ձայնով մը հծծեց .

— Ես , Մօրիս Վիտալի այրի՛ն եմ . . .

Սաւարի տժգոյն , շանթահար , մտամուր , քանի մը վայրկեան ետք մեքենաբար դուրս ելաւ այն սրահէն , ուր մինակ թողած էր զինքը ձիւլիւս :

Բացաւ դուռը և բազրիքներուն կրթնած վար իջաւ սանդուխներէն , որովհետեւ ծունկերը կը դողդղային . կը ջլատուէին :

Փողոց հասնելուն պուկվարներուն ճամբան բռնեց . պատերուն կը կրթնէր գինով մարդու մը պէս և ամեն մէկ քայլի կը տատանէր :

Սա ահռելի բառերը , «Ես Մօրիս Վիտալի այրի՛ն եմ» կը բզզային միշտ իր ականջներուն մէջ : Այդ բառերը գրուած կը տեսներ իր առջեւ արիւնի պէս կարմիր գիրերով :

Այդ խօսքին ամեն մէկ գիրը ահռելի համեմատութիւններ կ'առնէին և իր անցքը կը խաբանէին : Կարծեց թէ անոնցմէ մէկը յանկարծ մարդկային երևուոյթ մը առնելով իր դէմը ցցուած էր . որոշապէս տեսաւ Մօրիս Վիտալը որ բազուկները երկարելով կը հրամայէր որ հեռանայ :

Պուլվառին և Կրամօն փողոցին անկիւնը՝ շլացաւ : Լոյսի յորդ ցօլք մը կը պտտէր տունէ տուն , խուռն բազմութիւն մը կը շրջէր ամեն կողմ : Դրոշներ կը պըտըտեցնէին , կը խնդային , կ'երգէին . ուրախութիւն կը կը ցօլար ամեն դէմքի վրայ :

Սաւարի չէր հասկնար թէ ի՞նչ կ'անցնի կը դառնայ :

Գոց խանութի մը փեղկերուն կրթնած , ապուշ կերպով կը նայէր ամբոխին որ կը շարժէր անդադար :

Ձայն կը հրէին , կը հրմշտկէին և ուշադիր անգամ չէին ըլլար անոր կացութեան :

Յանկարծ փոքր , նիհար և տժգոյն մարդ մը թեւէն բռնեց անոր գոչելով .

— Ալպէ՛ն Սաւարի , յանուն օրինաց կը ձերբակալե՛մ քեզի . . .

Սաւարի առանց շարժում մը ընելու , առանց թեւը ազատելու փորձ մը ընելու , աչքերը դարձուց խօսակիցին , ճանչցաւ զայն և տխուր կերպով մը պատասխանեց :

— Այս վայրկեանիս տրամադիր չեմ կատակելու :

— Բայց չեմ կատակեր ես , պատասխանեց տժգոյն , փոքրիկ մարդը . ձեզ կը ձերբակալեմ իբր Մօրիս Վիտալի սպաննիչը :

Ոչ մէկ բան կրնար զարմացնել Սաւարին . չդողաց իսկ և բաւականացաւ ըսելով .

— Ո՛վ էք ուրեմն դուք պարո՛ն :

Ես ոստիկան եմ և Վիպէն կը կոչուիմ :

— Ա՛հ . կը հասկնամ . յարեց Սաւարի որ տակաւ կը վերստանար իր մտացիութիւնը . այլ ևս Ռիւպինիի կոմսը չէք և ան ձեր ազգականուհին չէ . . .

— Այո , այդպէս է : Պիտի հետեւի՞ք ինձի , բռնութիւն ի գործ չդնելու համար . . .

— Վայրկեան մը , ըսաւ Սաւարի միշտ անզգած . ինչո՛ւ ըսիք թէ Մօրիս Վիտալի սպաննիչն եմ . . .

— Քանի որ հիմա խոստովանեցաք .

— Որո՞ւ . . .

— Իր այրիի՛ն . . .

— Ա՛հ, արդէ՛ն իսկ տեղեկացուցեր է ան ոստիկանութեան...

Այս բառերը անանկ շեշտով մը արտասանեց, զոր կարելի չէ բացատրել: բողոք մը չէր և ոչ ալ յանդիմանութիւն մը. խորտակուած սրտի մը ճիչն էր ան: Սովորական ոստիկան մը պիտի գթար անոր վրայ. բայց դժբաղդաբար ախոյեան մը չէր կրնար այդ զգացումը ունենալ և Վիպէն չփորձեց Սավարիին պատրանքը փառատել:

— Մեկնի՛նք, ըսաւ ոստիկանը:

— Մեկնի՛նք. պատասխանեց Սավարի:

Ալ ի՛նչ կ'արժէր իրեն համար բանտն ու կառափնատը:

Այս վայրկեանին, փողոցին վերի ծայրէն ամբոխի երկար շարք մը փրթաւ: Կ'երգէին, կը գոչրին և դրօշներնին պանծացնելով օրուան տօնը կը փառաբանէին:

Ամեն կողմ լոյս և հրախաղութիւն և ամեն կողմ զինարձակումներ:

Ջրվէժի մը պէս կը հոսէր այդ ժողովուրդը որ ինքզինքէն դուրս ելած էր կարծես և ըրածը չէր գիտեր:

Վիպէն և Սավարի սակայն, իրենց գերազանց յուզման և գրգռութեան մէջ, ուշադիր չէին եղած ինչ որ իրենց շուրջը կ'անցնէր և չէին տեսած այն խումբը որ դէպի իրենց կուգար: Յանկարծ ինքզինքնին ընդհարուած, իրարմէ անջատուած և հոսանքէն մղուած գտան:

Վիպէն, որ ուզած էր ընդդիմանալ և կռուիլ հոսանքին դէմ, անմիջապէս ամբոխին միւս ծայրը, մէկ կողմ նետուեցաւ: Իսկ Սավարի ընդհակառակը ոչ մէկ դիմադրութիւն ըրաւ. ինքզինքը ձգեց և թողուց որ ո՛ւր կ'ուզեն հոն քշեն:

Այս միջոցին ամբոխէն օրուան տօնին առթիւ իբր

ուրախութեան նշան արձակուած հրազէնի մը Սավարի վերաւորուեցաւ ծանր կերպով:

Կարգ մը մարդիկ անմիջապէս փութացին օգնել վերաւորին: Սավարի ամիջապէս տարուեցաւ պուլվարին վրայ, կառքի դրան մը տակ: Հոն իր արիւնլուա դիրքին մէջ, աչքերը մարմունն, նշան ըրաւ զինքը շրջապատող մարդոց թէ լսօսիլ կ'ուզէ:

Դէդի անոր ծռեցան: Վերաւորը աղերսարկու շեշտով մը մրմնջեց.

— Ինձի Կրամօն փողոցը տարէք... մեռնելէ առաջ մէկը տեսնել կ'ուզեմ...

Ժողովուրդէն երկու հոգի, այն տեսակ մարդոցմէ որոնք միշտ կը կարեկցին բոլոր դժբաղդներու և ամեն աղերսներէ կը յուզուին, անմիջապէս բերել առւին պատգարակ մը, վերաւորը վրան դրին և ճամբայ հանեցին: Տղայ մը կը հետեւէր, որուն ձեռքի ջահը կը լուսաւորէր Սավարիի արիւնոտ կուրծքը և անոր գեղանի դէմքը, ուր արդէն տարածուած էր մահուան դալուկը: Ամեն մարդ ճամբայ կը բանար. էրիկ մարդիկ կը գոչէին և կիները կուլային: Կէս գիշեր էր, եկեղեցիի զանգակը հեռուանց կը լսուէր ամբոխին աղմուկներուն մէջէն:

Սավարին տանող մարդիկը և ջահը բռնող տղան, կ'առաջանային այս ամեն իրարանցումներուն մէջէն:

Կրամօն փողոցը տան մը առջեւ երբ հասան, վերաւորը ոգեւորուեցաւ և նշան ըրաւ որ կենան:

Կառքի դրան մը կը զարնեն երկրորդ յարկը կ'ելլեն և ուժգին կը քաշեն զանգակը:

Բայց պատասխան չկար, ձայն չկար: Յարկաբաժինը պարապ էր հիմա:

Ճիւլիա այս յեղակարծ յայտնութիւններէն ինքզինքը կորսնցուցած, Մարիէթթայի հետ փախած էր կէս ժամէ քի վեր:

Սաւլարի, հոգեկան այս ցնցումին առջեւ բոլորովին ընկճուած, յուսահատած և կորսուած, չուզեր որ զինք տանին իր տունը և կարճ հոգեվարքէ մը ետք վերջին շունչը փչեց իր սիրուհիին դրան առջեւ, խուլ հեծեծանքի մը մէջ մրմնջելով անոր անունը:



Ի՛նչ .

Այս հանդիսական օրերուն էր որ Լանկլատ առիթ մը գտնելով, աներեւակայելի ճարպիկութեամբ մը կըրօցած էր օձիքը ազատել արգելարանէն և փողոց էր ինկած:

Լանկլատ խառնուեցաւ հոսանքին, քշուեցաւ, ընդդէմացաւ, կերաւ, խմեց, և հրազէն մը ձեռքը, գնաց Սօլէյլ-Քուշանի տունը գիշերուան մնացած մասը հոն անցնելու համար:

Առանց զանգակը քաշելու ժամանակ տալու, կիցի հարուածով մը բացաւ իր նախկին տարփուհիին դուռը, սրահ մտաւ, մօտակայ սենեակի մը մէջ ձայնի աղմուկ մը լսեց և հրեց ուրիշ դուռ մըն ալ: Սօլէյլ-Քուշանի ննջասենեակին մէջ կը գտնուէր:

Սթէֆանի անկողինին վրայ փռուած էր հեշտագին, իսկ իր երիտասարդ Անգլիացին, քանարէի մը վրայ երկնցած, սրկառ կը ծխէր:

Կինը Լանկլատը նշմարածին պէս ձիչ մը արձակեց: Մնաց որ զարհուրելու ի՛նչ կար...

Անգլիացին ըսաւ .

— Հէ՛, ո՛վ էք դուք...

Լանկլատ, իբր միակ պատասխան բազուկներուն մէջ առաւ Անգլիացին, սալօնէն անցուց, սանդուխին վրայ նետեց և յարկարածինին դուռին կղպանքը դնելով ննջասենեակ դարձաւ:

— Ի՛նչ կ'ուզես ինչ... ըսաւ Սօլէյլ-Քուշան, որ իր սարսափին ազդեցութեան տակ փախչել իսկ մտքէն չէր անցուցած:

— Պիտի տեսնա՛ս հիմա... պատասխանեց Լանկլատ:

— Ինծի սպաննե՞լ կ'ուզես...

— Ո՛չ տակաւին: Պառկած տեղդ պառկէ, ինծի համար անհանգիստ մի՛ ըլլար:

Հետեւեալ առտու ժամը Դին ատենները, Լանկլատ, որ չէր քնացած գիշերը, վարագոյրները բացաւ:

Աղօտ լոյս մը ողողեց սենեակը:

Սօլէյլ-Քուշան այդ մրրկալից գիշերուան յուզումներէն ընկճուած՝ վայրկեանէ մը ի վեր կը քնանար: Լանկլատ ծռեցաւ և երկար ատեն հիացած մնաց անոր յորդ մազերուն, մերկ բազուկներուն և ողորկ կուրծքին վրայ:

Յետոյ զայն արթնցուց:

— Օ՛հ, ձգէ որ քնանամ, ըսաւ աղջիկը աչքերը շփելով:

— Ո՛չ, պատասխանեց թիապարտը, ո՛չ, հիմա աւելի՛ խոր քունով մը պիտի քնանաս...

Այս խօսքերը արթնցուցին Սօլէյլ-Քուշանը որ անկողինին վրայ ցցուելով յարեց:

— Ի՛նչ ընելու միտք ունիս ինծի...

— Երդու՞մս պահելու, աւա՛ղ... քեզ սպաննելու:

— Ա՛խ, շնո՛րհ շնո՛րհ, գոչեց կինը փորձելով բազուկներովը շրջապատել զայն:

Լանկլատ ետ մղեց ըսելով:

— Շնորհ չկայ :  
— Բայց դուն ազատ ես հիմա... Կրնանք փախչիլ  
և ապրի՛ր միասին...

— Չէ՛ , ալ չեմ ուզեր . զիս չես սիրեր ալ ..

— Մհ , կը սիրեմ .

— Լուէ՛ , կը ստես :

— Կը սիրեմ՝ ըսի , և կ'երդնում :

— Մարդ իր սիրած մէկը բերան չի տար , դատա-  
րանին առջեւ վկայութիւն չընէր , անոր անհաւատարիմ  
չգտնուիր... Օ՛ն պատրաստուէ՛ մեռնելու...

— Չէ՛ , չէ՛ ... չնորհ...

— Եթէ Աստուծոյ կը հաւատաս աղօթքդ ըրէ : Երբ  
սա ժամացոյցը որ Անգլիացիդ նուիրեց քեզի ժամը 7  
դարնէ ապրելէ դադրած պիտի ըլլաս ալ...

Սթէֆանի ցատքեց անկողինէն , Լանկլատի ոտքերուն  
գոցուեցաւ , ծնրադիր , լացաւ , հեծեծեց...

Մարդը անողոք մնաց և գոհացաւ պատասխանելով :

— Յիշէ՛ բանտին տեսարանը :

Ժամը 7 հնչեց : Լանկլատ պատուհանին երկու բեղ-  
կերն ալ բացաւ և Սօլէյլ-Քուչանի վրայ խոյացաւ :

Մէկ ձեռքով բռնեց անոր երկու բաղուկները ,  
որպէս զի զինքը չի շրջապատէ . միւս բաղուկովը զայն  
վերցուց , տարաւ դէպի պատուհանը և վար , պարապու-  
թեան մէջ նետեց...

Յետոյ ծոցեցաւ , նայեցաւ այն տեղը ուր ինկած էր  
ան մայթին վրայ , ելաւ պատուհանին առջեւ և իր  
կարգին ինքզինքն ալ վար նետեց...

Երբ գետին տապալեցաւ դեռ հողին վրան էր :

Այս առեւթի տեսարանին ականատեսները տեսան որ  
ան իր ծունկերուն և արիւնոտ ձեռքերուն վրայ քաշ-  
քըռտուելով մօտեցած էր իր տարփուհիին հաշմուած  
գիակին :

Երբ վերջին շունչը կը փչէր հսկան , իր խորտակ-  
ւած բաղուկներուն մէջ կը սեղմեր դեռ Սօլէյլ-Քու-  
չանը...

\*  
\*  
\*

Ճենովայի մէջ բարեսիրական հաստատութիւն մը  
կայ աղբասներու պատսպարան սիրուն անունով : Պա-  
տըսպարան՝ ո՛չ թէ հիւանդանոց , Այսինքն հոն մտնելու  
համար անպատճառ հիւանդ կամ վիրաւոր ըլլալու  
հարկ չկայ :

Այդ պատսպարանին մէջ տեղ ունենալու համար կը  
բաւէ շատ ծեր ըլլալ , շատ պզտիկ կամ շատ տկար՝  
աշխատելու համար : Ծերունիները մինչեւ մահ , տղեկ-  
ները մինչեւ չափահասութիւն , տկարները մինչեւ իրենց  
ուժերուն վերստանալը կը մնաւ հոն : Աղքատներու  
որոքն պատսպարանը ունի 2000է աւելի պատսպարեալ-  
ներ , մեծ մասով կը խնամուին կիներէ և մարապետ-  
ներէ : Ամեն թշուառութեան քով միշտ կին մը կայ :

Ճիւղիա Վիտալ ալ կը գտնուէր մեր խօսած Պատս-  
պարանին մէջ և հոն կը բնակէր , ի յայտ բերելով եռանդ  
մը գորով մը , քաղցրութիւն մը , որ ակնայայտնի էր :  
Խնամատար կին մը եղած էր :

Մարիէթթա չէր բաժնուած անկէց և կ'օգնէր անոր՝  
իր այս ազնիւ գործիր մէջ :

\*  
\*\*


Տօքթօր Պլանչի հաստատութեան մէջ 5 տարի առաջ  
ջլախաւոր մը մեռաւ : Ամենէն հարուստ պատուարեալն  
էր այդ հիւանդանոցին և Յրանսայի ազնուական Ք...  
Մարքիզէն ժառանգած էր 100000 Ֆրանքի եկամուտ  
մը :

Ընդհանրապէս հանդարտ և քաղց էր և մէկ մենա  
մոլութիւն ունէր . միշտ և անդադար դուռներուն ետեւէն  
մտիկ ընել կ'ուզէր : Կը տեսնէին զայն որ կը սահէր  
նրբանցքներէն , անկիւն մը կը ծնրադրէր դրան մը մօտ ,  
ուր կը փակցնէր ականջը , բան մը լսելու ձեւով : Օրե  
րով կը մնար այդ դիրքին մէջ և իրեն բան մը չէին ըոեր :

Այսուհանդերձ վայրկեաններ կային երբ իր մտազա-  
րութիւնը աւելի վտանգաւոր հանգամանք մը կ'առնէր ,  
այն ատեն բռնաշապիկ կը հագցնէին : Բայց այս տագ-  
նապը միշտ կը կանխատեսուէր այլանդակ վիճակով մը .  
հիւանդը կը գանգատէր թէ շրթները զինքը կ'այրէին .  
պօռալով պոռչակալով ջուր կ'ուզէր՝ մարելու համար  
այդ այրուցքը և ամեն վայրկեան մատները շրթունքին  
վրայէն կ'անցունէր , մէկու մը պէս՝ որ կ'ուզէր համբոյրի  
մը հետքերը սրբել :

Վիպէոն էր ասիկայ :

-4480-



ՀՀ Ազգային գրադարան



NL0792312

7826

II